

প্রকাশক—
শ্রীগোবিন্দবিহাৰী দত্ত,
শ্রীশরৎচন্দ্র পাল ।

কমলিনী-সাহিত্য-মন্দির,
১১৪ নং আচিবাটোলা ষ্ট্রাট,
কলিকাতা ।


All right reserved & registered by



Gosto Behari Dutt & Sarat Chandra Paul,

Title Printer--GOSTO BEHARI DEY,
The Oriental Printing Works,
18, Brindaban Bysack Street, Calcutta.

প্রেষসী



তৃতীয় সংস্করণ

শ্রীসৌরীন্দ্রমোহন মুখোপাধ্যায়

প্রকাশক—
শ্রীগোষ্ঠবিহারী দত্ত,
শ্রীশরৎচন্দ্র পাল।

কমলিনী-সাহিত্য-মন্দির
১১৪নং আহিরীটোলা ষ্ট্রীট,
কলিকাতা।

৮-৩-৪
সৌধীন্দ্র

প্রকাশক দ্বারা কর্তৃক গ্রন্থস্বত্ব সর্বতোভাবে সংরক্ষিত।

B17708



কমলিনী-সাহিত্য-মন্দির

শাখা—৯নং কর্ণওয়ালিস্ ষ্ট্রীট, কলিকাতা।

সাহিত্যিক-সঙ্ঘ

সমগ্র ভারতবর্ষ মধ্যে একমাত্র কমলিনী-সাহিত্য মন্দিরের লেখক তারিকাই সর্বাধিক পুঁট ও উৎকৃষ্ট। সারা বাংলার মধ্যে বাংলার একডাকে-চেনা স্নেহক ও লেখিকাবৃন্দের এমন একত্র সমাবেশ আর কোথাও নাই।

শ্রীযুক্ত স্বর্ণকুমারী দেবী

অক্ষুক্ষুপা দেবী

নিরুক্ষুপা দেবী

স্বর্গীয়া ইন্দিকা দেবী

শ্রীযুক্ত শৈলনামা ঘোষজাম্বা

শ্রীযুক্ত শরৎচন্দ্র চট্টোপাধ্যায়। (উপন্যাস-সম্রাট)

„ প্রভাতকুমার মুখোপাধ্যায়। (মানসী-সম্পাদক)

„ দুর্গাদাস লাহিড়ী। (বর্তমান যুগের বেদব্যাস)

„ চাক্রচন্দ্র বন্দ্যোপাধ্যায়। (প্রবাসী-সহ-সম্পাদক)

পণ্ডিত ক্ষীরোদপ্রসাদ বিদ্যাবিনোদ এম-এ (নাট্যাচার্য)

„ নারায়ণচন্দ্র ভট্টাচার্য বিদ্যাভূষণ। (উপন্যাসাচার্য)

„ সুরেন্দ্রমোহন ভট্টাচার্য। (বেদান্তশাস্ত্রী)

শ্রীযুক্ত হরিশাধন মুখোপাধ্যায়। (ইতিহাসিক উপন্যাস-ছত্রপতি)

„ হেমেন্দ্রপ্রসাদ ঘোষ, বি-এ। (বসুমতী-সম্পাদক)

„ দীনেন্দ্রকুমার রায়। (রহস্য-লহরী সম্পাদক)

„ কালীপ্রসন্ন দাশ গুপ্ত, এম-এ। (মালক-সম্পাদক)

„ সৌরীন্দ্রমোহন মুখোপাধ্যায়, বি-এল। (ভারতী-সম্পাদক)

„ ফণীন্দ্রনাথ পাল, বি-এ। (যমুণা-সম্পাদক)

„ পাঁচকড়ি দে। (ডিক্টেটিভ-সাহিত্য-রথী)

„ মনোমোহন রায় বি-এল। (রিজিয়া প্রণেতা)

„ প্রমথনাথ চট্টোপাধ্যায় (বঙ্কিম-ভ্রাতৃস্পৌত্র)

„ রাসবিহারী মুখোপাধ্যায়। (বঙ্গীয়-নাট্য-পরিষৎ সম্পাদক)

„ শরৎচন্দ্র পাল (পরিচালক)

চিত্র-সম্পাদক—শ্রীযুক্ত ভবানীচরণ লাহা, শ্রীযুক্ত হেমেন্দ্রনাথ মজুমদার।

„ নলিনকুমার দাস ও নরেন্দ্রনাথ সরকার ইত্যাদি।

প্রতি মাসেই সাহিত্য-সংগ্ৰহণে উল্লিখিত স্নেহক-লেখিকাবৃন্দের একখানি করিয়া উপন্যাস—পূর্বেই আপনাদের হাতে দিতে পারিব

শ্রীগোষ্ঠবিহারী দত্ত, শ্রীশরৎচন্দ্র পাল বহাধিকারী—কমলিনী-সাহিত্য-মন্দির।

বিগত পূজায়

কামিনী-সাহিত্য-মন্দিরে

সংসাহিত্য-মন্ত্রপূরোহিত-সাহিত্যিক-ভীম

শ্রীপ্রভাতকুমার মুখোপাধ্যায়ের

আরতি

শারদীয় পূণ্য-প্রভাতে—মহাপূজার শুভ-সন্ধিক্ষণে

শতাব্দটারোলে দিক্দিগন্ত ঝঙ্কত করিয়াছে।

‘আরতি’ উপন্যাস, (৩য় সং) বুল্য ১২

ডাকে ১।০।

কামিনী-সাহিত্য-মন্দির

১১৪নং আহিরীটোলা ষ্ট্রিট, কলিকাতা।

শাখা—৯নং কর্ণওয়ালিস ষ্ট্রিট, কলিকাতা।

শ্রীতি-উপহার

শ্রী-বন্দন মুখোপাধ্যায়

.....

.....

.....

.....

.....

রেল-পথ-যাত্রী

একটা সুখবর শুনিয়া রাখুন।

সমগ্র ভারতের রেল-স্টেশনে

হইলারের বুকস্টলে

‘কমলিনী’র বাংলা উপন্যাস

সমৃদ্ধ সজ্জায় শোভিত হইয়া অপূর্ব শ্রী ধারণ করিয়াছে।

কলিকাতা হাওড়া স্টেশনে—মধ্যমশ্রেণীর বিখ্যামাগারের পার্শ্বে

হইলারের বাংলা পুস্তকের স্টলে :—

শিয়ালদহ স্টেশনে—৫ নং প্লাটফর্মে

হইলারের বাংলা পুস্তকের স্টলে :—

তন্তির প্রধান প্রধান স্টেশনে গাড়ী থামিলেই

হইলারের বুকস্টলে যাইয়া ১ সংস্করণ

‘কমলিনী-সিন্ধু’ পছন্দ করিবেন।

স্বাগত !

সু-স্বাগত !

আজ শুভদিন

সাহিত্য-ভক্তদের শুভাগমনে নিত্য পবিত্র হইবার জন্য সহরের কেন্দ্রস্থল

৯নং কর্ণওয়ালিস স্ট্রীট, ঠনঠনে কালীতলায়

নব-নির্মিত ত্রিভুজ আট্টালিকায়

কমলিনী-সাহিত্য-মন্দিরের শাখা-মন্দির

প্রতিষ্ঠিত হইয়াছে।

বিবাহের উপহারে

‘কমলিনী’ উপন্যাস, ভারতে একচেটিয়া কেন ;—

শাখা-মন্দিরে আসিয়া প্রত্যক্ষ করুন !

প্রিয়-বন্ধু
শ্রীহরিদাস গঙ্গোপাধ্যায়ের
কর-কমলে
এ বইখানি
উপহার দিলাম

৮২।৪ কর্ণওয়ালিস ষ্ট্রিট,
কলিকাতা, ১০ই অগ্রহায়ণ ১৩৩০

সৌন্দর্য

“Margrete.....my beloved husband
have I a place in your heart...?”

Haakon. You have indeed ;...to bring
light and brightness into my life.”

“Have you forgotten that it was through
you that the best years of a young girl were
embittered ?”

Ibsen.

“There's nothing in the world like the devotion
of a married woman.”

Oscar Wilde.

শ্রেয়সী

— ১ —

বৈশাখের প্রভাতে যুঁহু রৌদ্র-হিন্নোগে কঙ্কণা নদীর স্বচ্ছ শান্ত বারিরাশি রূপালি পাতের মত ঝক্-ঝক্ করিতেছিল। নদীটি খুব বড় নয়, তবে তাকে ছোটও বলা যায় না। নদীর দুই তীরে যত দূর দেখা যায়, কোথাও গাছপালার ঘন ঝোপ, কোথাও বা খোলা জমি। খোলা জমির উপর খুঁটীর মাচা, সেই মাচার জেলেরা জাল মেলিয়া রাখিয়াছে। কয়েকখানা নৌকা উপুড় হইয়া ডাকার উপর প্রুড়িয়া আছে, তলার রঙ হইতেছে, আঠা মাখানো হইতেছে। এই সকালেই পার-ঘাটার যুঁহু কোলাহল শুরু হইয়াছে—লোক-জন পারে যাইবে। কেহ-বা নৌকা ছাড়িবার উদ্যোগ করিতেছে, নদীতে মাছ ধরিতে যাইবে।

ইহারই একধারে ঘাটের কোলের কাছে প্রকাণ্ড একটা বাবলা ঝোপ। তাহারি নীচে একখানি পান্সী, সচু রঙ করা,—রাজহংসের মত বলে ভাসিতেছে। পান্সীতে লাল নিশান উড়িতেছে। পান্সীর উপর দুই-চারিজন লোক বসিয়া কাহার অপেক্ষা করিতেছে। আটখানা

দাঁড়ে পান্সী স্তম্ভিত। দাঁড়ি-মাঝির গায়ে রঙ-করা জামা—দূর হইতে দেখিলে ভুল হয়, বুঝি-বা কলিকাতা হইতে কোনো ফুটবল-টীম ওপারে খেলিতে যাইবে বলিয়া পান্সীতে আসিয়া বসিয়াছে!

পান্সীখানি গ্রামের তরুণ জমিদার রজনীনাথ দত্তর। পান্সীর লাল নিশানে ইংরাজী হরফে নাম লেখা—R. Datta.

রজনীনাথ দত্ত জমিদারের ছেলে। কলেজে পড়িবার অছিলায় সেই যে সে কলিকাতায় গিয়াছিল, তারপর পাঁচ বৎসর আর দেশে ফেরে নাই! বুড়া বাপের বহু মিনতি তার কলিকাতার বাড়ীর দ্বারে আছড়াইয়া গিয়া পড়িয়াছে, তবু তার টনক নড়ে নাই! ইয়ার-দলের রঙীন পরামর্শে সমস্ত পৃথিবীটাকে সে এই প্রথম যৌবনে এমন সোনার বর্ণে রঞ্জিত করিয়া তুলিয়াছিল যে বাকী জগৎটায় কালো কালি পড়িয়া সেটা একেবারে তার চোখের সামনে হইতে কোথায় বিলুপ্ত হইয়া গিয়াছিল!

কলিকাতায় আসিবার পূর্বে তার বিবাহ হইয়া গিয়াছিল, কাছাকাছি আর-এক গ্রামের জমিদারের মেয়ের সহিত। পাড়ারগায়ের জমিদার, তার না আছে মোটর, না জানে সে ভালো করিয়া দুইটা ইংরাজী কথা একত্র করিয়া কহিতে, মেয়েও তার তেমনি তৈরী হইয়াছিল।

বিবাহের পর রজনী যে-কয়দিন বাড়ী ছিল এবং বধূর সঙ্গে মেলা-মেশা করিয়াছিল, সে কয়দিনে তার সঙ্গে ভাব যে একটুও হয় নাই, এমন নয়; তবে সে ভাবটা স্থায়ী প্রণয়ে পরিণত হইবার পূর্বেই দুই-জনে ছাড়াছাড়ি হইয়া গেল। বধু যে ইহাতে প্রাণে তেমন বেদনা পাইল, তাহা তার ভাব-ভঙ্গীতে প্রকাশ পাইল না। বরং বন্দি

ঘুটিলে বাপের বাড়ী গিয়া সে মার কোল পাইয়া নিশ্বাস ফেলিয়া
বাঁচিল; বিশিয়ার কাছে রূপকথা শুনিয়া মাথার ঘোমটা খুলিয়া
ছটোপাটি করিয়া আরামে বসিয়া গেল। যেদিন কোন উৎসবের
আহ্বানে প্রায় দু'শ ভয়ির সোনার গহনার সে গা ঢাকিত, সেদিন
বুঝিত, বিবাহ একটা লাভের বস্তু, তার উপর সে গহনাগুলো যখন
এমন আয়ত্তের মধ্যে! স্বামীর বিরহে জীর দুঃখ করিবার কোথাও
যে কিছু আছে, এ চিন্তাও তার মনে উদয় হইত না।

রজনী কলিকাতায় আসিয়া প্রথমটা ভাবাচাকা খাইয়া গিয়াছিল।
এই বিপুল জন-তরঙ্গ, এই যে কেহ কাহারো তোয়াক্কা রাখে না, কেহ
কাহারো খাতির করে না, মেশের পাচক-ভৃত্য হইতে পথের কুলি অবধি
ধমক খাইলে চক্ষু রক্তবর্ণ করিয়া ওঠে—এ ব্যাপার তার কাছে এমনি
বিসদৃশ ঠেকিল যে দোদীপ্ত-প্রতাপশালী ক্ষুদ্র অমিদারের ইহাতে থ
হইয়া যাইবার কথাই বটে!

তারপর ধীরে ধীরে একটি-একটি করিয়া বন্ধু আসিয়া আসরে যখন
দেখা দিতে শুরু করিল, তখন মন এই গল্প-কৌতুককে অবলম্বন করিয়া
আবার আপনাকে প্রসারিত করিয়া মেলিবার প্রয়াস পাইল। ইয়ারেরা
এই পল্লীর জীবটিকে পাইয়া বসিয়া গিয়াছিল। রজনীর ধরচে তাহাদের
নিত্যকার চা ও জল-খাবার চলিত; তার উপর খিয়েটারে, বাগোঝোপে
রজনীর টাকায় আয়োদ-উপভোগ প্রভৃতি সবগুলোই যদি নির্বিবাদে
চলিতে থাকে, তবে দুইদণ্ড ফুরসৎ পাইলে সখ দিয়া খোস-গল্পে তাহাদের
চমৎকৃত করিয়া তুলিতে আর কি এমন অসুবিধা! এই ইয়ার-দলে
রজনীমাথ শীঘ্রই রাজ-সিংহাসন অধিকার করিয়া বসিল, আর ইয়ারেরাও
পাজমিত্র সাজিয়া আসর জমকাইতে কিছুমাত্র বিধা বোধ করিল না।

এমনি খোলগল্প আর আমোদ-বিলাসের ঘূর্ণাবর্তে পড়িলে যেমন হয়, রজনীরও তাই ঘটিল। কলেজে যে ঠাইটুকুতে সে আত্মনা গাড়িয়া বসিয়াছিল, সেইখানেই সে আত্মনা মৌকসি-রকম রহিয়া গেল। বিশ্ববিদ্যালয়ের সরস্বতীর মন্দির-পথে গতি মম্বর হইল। সঙ্গীর দল টপাটপ ওদিকে টপ্কাইয়া গেলেও সন্ধ্যায় ও প্রভাতে মিলন-সভা তেমনি জম্জমাট থাকিত। সেখানে উচু-নীচুর মর্যাদা-বোধ আসিয়া সরল সজ-সাহচর্য্যে এতটুকু ঘা দেয় নাই, এতটুকু অস্পৃশ্যতার ব্যবধান টানিতে পারে নাই।

এমনি করিয়া সহরের চালচলন ও আদব-কায়দায় রজনী নিজেকে ক্ষত অগ্রসর করিয়া দিতেছিল। থিয়েটারের ষ্টল হইতে বস্ক এবং বস্ক হইতে ক্রমে গ্রীণরুমে সে প্রোমোশন পাইয়াছিল; এবং সেই গ্রীণরুমে পদার্পণ হইবামাত্র দুই-একজন করিয়া অভিনেত্রীর রূপাদৃষ্টি-লাভেও সে বঞ্চিত রহিল না। টাকা তো চিঠি লিখিবামাত্র আসিয়া পড়ে। স্তত্রাং ওদিক্কার সুখস্বর্গে প্রবেশের টিকিট কিনিতে যেটা প্রধান অবলম্বন, সে পয়সার অভাব কোনদিনই ঘটে নাই। প্রবাসে ছেলের পাছে কোন কষ্ট কি অস্বাচ্ছন্দ্য হয়, বৃদ্ধ পিতা সেদিকে যেমন প্রথর দৃষ্টি রাখিয়া ছিলেন, তার কল্যাণের দিকে তেমনি তিনি অন্ধ ছিলেন। তাই কল্যাণের পথ ছাড়িয়া ভিন্ন পথে রজনীনাথ এমন সবেগে গড়াইয়া চলিল যে তাহাকে আটকায় এমন সাধ্য কোন মহাবীরের পক্ষেও সম্ভব ছিল না। সহরের সৌখীন সম্প্রদায় অত্যন্ত মুগ্ধ নেত্রে ঘোড়-দৌড়ের হুটু হুটু ঘোড়ার স্রায় রজনীর গতির বেগ নিরীক্ষণ করিত।

বিলাসে আমোদে যখন সে খুব পোক হইয়া কলিকাতায় দুই-চারিটা বিশিষ্ট সমাজে দস্তুরমত নাম কিনিয়া ফেলিয়াছে, কীর্তি অর্জন

করিয়াছে, তখন বুড়া বাপ তার হৃৎকেন্দ্র পথে কাঁটা দিয়া একদিন ইহলোক ত্যাগ করিয়া গেলেন। রজনী একটু কাঁপরে পড়িল; কিন্তু সবকুর পরামর্শের অভাব ঘটিল না। তাহারা বুকাইল, এই টাকাকড়ি ও জমিদারী প্রভৃতির বন্দোবস্ত যোগ্য লোকের হাতে অর্পণ করিয়া কলিকাতায় কায়েমী ভাবে বাড়ী কিনিয়া বসবাস আরম্ভ করিয়া দাও। মিউনিসিপালিটির কমিশনারী হইতে স্ক্রু করিয়া কোমিলে মাতনের অধিকার পর্যন্ত টাকার জোরে তার হাতে চাঁদের মত পাড়িয়া আনিয়া দিবে, এ আশ্বাসও বকুরা দিতে ছাড়িল না। রজনী এ প্রস্তাবে সন্তুষ্ট হইল এবং টাকাকড়ির ব্যবস্থা পাকা করিয়া কলিকাতায় বাস করিবার বন্দোবস্ত কায়েমী করিবার উদ্দেশ্যে অচিরে গৃহযাত্রা করিল। দুই চারিজন অন্তরঙ্গ বন্ধু তাহাকে সঙ্গ দিয়া কৃতার্থ করিতে ছাড়িল না।

দেখিতে দেখিতে জমিদার-বাড়ী তাস-পাশা খেলার ধূমে আচ্ছন্ন হইয়া পড়িল। গান-বাজনার বিচিত্র বন্ধারে বাড়ীর ভিত্তি পর্যন্ত কাঁপিয়া উঠিল। কর্তার মৃত্যুর পর হইতে যে বাড়ীখানা শোকের আঁধার বৃকে পুরিয়া অহর্নিশি গুমরিয়া আচ্ছন্ন হইয়া ছিল, আজ সে বাড়ী গীতে বাজে প্রমোদ-হাস্তে বহুত হইয়া রজনীর মত মাতিয়া উঠিল। শান্ত মিত্র গৃহকোণে হঠাৎ এক নিমেষে যেন একটা উচ্চ্ৰমলতার বাণ ডাকিয়া গেল। একান্ত কুণ্ঠিত পত্নী-গৃহ সহসা এই বিলাসিনীর মূর্তি ধরিয়া গ্রামের লোকের বিশ্বয় যে-পরিমাণে আকর্ষণ করিল, তেমনি ভবিষ্যতে এক মহা-কুর্দিনের আশঙ্কায় গ্রামের লোক শিহরিয়া স্তম্ভিত হইয়া গেল।

কলিকাতা হইতে মোটর আসিল। বাগান-বাড়ীর সংস্কার হইয়া সে

এক সম্পূর্ণ নূতন শ্রী ধারণ করিল। গ্রামের অদূরে নদী ছিল, পিয়ারী নদী। সেট নদীর জলে জমিদার বাবুদের মায়ুলি একখানা বজরা বাধা থাকিত,—জমিদারী-পরিদর্শনে কেহ কখনও বাহির হইলে এই বজরায় করিয়াই বাহির হইতেন। রজনীনাথ বজরার উপর একখানা পাল্লী যোগ করিয়া দিল; তাহাতে আপাততঃ প্রত্যহ বেড়াইবার ধূমে নদী-বন্ধও চঞ্চল হইয়া উঠিল। অর্থাৎ নূতন কর্তা জলে-স্থলে চারিদিকে আপনার অমোঘ আধিপত্যের বিজয়-নিশান এমন সমারোহে উড়াইয়া দিল যে গ্রামের নিরীহ লোকগুলা তদ্রূপে জলে স্থলে চারিদিকে প্রাণোন্মাদনার এক জীবন্ত উচ্ছ্বাস লক্ষ্য করিল।

কয়েকদিন পরে বাবুদের মাছ ধরার বাতিক চাগিল। চার ছিপ সূতা বঁড়শী লইয়া বাবুরা একটা পুকুরকেও ছাড়িয়া দিল না। শেষে সখ মিটিলে বাতিক চাগিল, শীকারে যাইব। কোট ও থাকি-সট পরিয়া রজনীনাথ বন্ধুক লইয়া এ বন ও বন চষিয়া ফেলিল; সঙ্গে থাকিত কলিকাতার পারিষদবর্গ। প্রত্যেক ব্যাপারে পল্লী হইতেও সঙ্গী-সহচর মিলিয়াছিল বিস্তর।

গ্রামের কিছু দূরে একটা বিল ছিল। সঙ্গীরা পরামর্শ দিল, সেখানে পাখী মিলিবে। দেশের সঙ্গীর দল আগের রাত্রি হইতে সেখানে গিয়া আস্তানা পাতিল। বাবুরা মোটর হাঁকাইয়া সকালেই রওনা হইবেন কথা রহিল।

ভোর বেলায় পারিষদবর্গ-সমেত বাবু মোটর হাঁকাইয়া বহুদূর পথ অতিক্রম করিল। অতঃপর গ্রামের শেষে মোটরের পথ নাই,—পায়ে হাঁটিয়া পাড়ি অমাইতে হইবে। কুছ পরোয়া নাই—বাবুরা তখন পাড়ী ছাড়িয়া হাঁটিয়া চলিল।

তুইধারে আম-কাঠালের বাগান । ছায়া-করা পথ । মাঝে মাঝে
কুঁড়ে-ঘর, পুকুর, ভাঙ্গা কোঠা । দেখিতে নিপুণ পটুয়ার হাতে অঁকা
ছবির মতই ! সবুজ, হরিৎ, ধূসর রঙের পোচ্-লাগানো ! প্রায় সের্ব কোশ
ইটিয়া তাহারা একটা বাগানের পথ ধরিয়া যাত্রা সংক্ষেপ করিয়া লইল ।

বাগানের এক কোণে ছোট একটি পুকুর ; পুকুরের পাড়ে একটা
পুরানো জীর্ণ কোঠা-বাড়ী । অগ্রবর্তী একজন পারিষদ হঠাৎ একটা
জামকল গাছের পিছনে থমকিয়া দাঁড়াইয়া পড়িল । পিছন হইতে
রজনীনাথ কহিল,—কি হে, থেমে গেলে যে !

অঙ্গুলি উঠাইয়া সঙ্গী সঙ্কেত করিল, চুপ ।

সকলে অবাক হইল । আরো কাছে আসিলে সে অঙ্গুলি-সঙ্কেতে
ঘাটের দিকে দেখাইল । ঘাটে এক অপূর্ব সুন্দরী তরুণী স্থান
করিতেছিল । কতকগুলি তালগাছের গুঁড়ি ফেলিয়া ঘাটের ধাপ
তৈয়ার হইয়াছে । শেষ গুঁড়িটার ধারে কতকগুলি মাসা বাসন ।
ঘাটের উপর একধারে রানীকৃত পাশ গাদা হইয়া রহিয়াছে, অন্য ধারে
কচুর জঙ্গল ও ঝোপ-ঝাপের মধ্য দিয়া পায়ে-চলা সফ পথ । পাড়ে সেই
জীর্ণ বাড়ী, কতকালের প্রাচীন যথের মত দাঁড়াইয়া । বাড়ীর দেওয়াল
বহিয়া নানা লতাপাতা উঠিয়াছে । বাড়ীর মধ্য হইতে কুণ্ডলীকৃত ধূম
উঠিতেছে ।

রজনীনাথ তরুণীকে দেখিয়া বলিয়া উঠিল,—এ দেব-কন্যা, না, অপসরা ?

একজন সঙ্গী বলিল,—জঙ্গলের মধ্যে বনদেবী !

আর-একজন বলিল,—এ ফুল রাজ্যোচ্চানেই শোভা পাওয়া উচিত ।

রজনীনাথ একটা নিশ্বাস ত্যাগ করিল । সঙ্গী বলিল,—হায়রে,
হতভাগ্য রাজ্যোচ্চান !

বলিয়া সে রজনীনাথের পানে চাহিল। রজনী নির্ণয়েষ নেত্রে তরুণীকে দেখিতেছিল। তরুণী কিছুই জানিল না। কালো জলে সোনার অঙ্গ মেলিয়া নির্জনে জলের কোলে সে যেন রূপের কোয়ারা খুলিয়া দিয়াছিল। কালো জল তার রূপের প্রতিবিম্ব বুকে ধরিয়া উল্লাসে রাস্তা হইয়া উঠিয়াছিল।

তরুণী স্নান সারিয়া ঘাটে উঠিল, তীরে দাঁড়াইয়া ঘনকৃষ্ণ কেশের রাশি খুলিয়া দিয়া আর্দ্র কেশ মুছিল, তারপর কাপড়ের জল নিঙ্ড়াইয়া বাসনের গোছা তুলিয়া বাড়ী চলিয়া গেল।

রজনীনাথ তখন বাড়ীটার পানে সূত্বক্ষ নিরাশ দৃষ্টিতে চাহিতে চাহিতে বাগানের পথ ধরিয়া নদীর অভিমুখে যাএা করিল।

বাগানের পর বাগান,—রাশি রাশি আগাছার জঙ্গলের মধ্যে একটা-একটা ফলের গাছ—আম, জাম, কাঁঠাল, গাব, জামরুল। বাগান পার হইয়া সরু পথ; খানা ডোবা ঘোপের ধার দিয়া সেই পথ ধরিয়া নদীর কিনারায় আসিয়া সকলে পৌঁছিল। স্থির নদীবক্ষে যে-পান্সী ভাসিতেছিল, সকলে সেই পান্সীতে উঠিল। আট দাঁড়ে পান্সী ছাড়িল।

— ২ —

তরুণীর নাম লক্ষ্মী। ৬পারে পলাশডাঙ্গা গ্রাম; সেখানে একটা মাইনর স্কুল আছে। লক্ষ্মীর খানী রঘুনাথ সেই স্কুলে মাষ্টারী করে। এককালে তার অবস্থা মন্দ ছিল না। বাড়ী ছিল বর্ধমানের অন্তর্ভুক্ত। দামোদর সেবারে কুলিয়া কাপিয়া তার বাড়ী ও ক্ষেত-খামার

সব গ্রাস করিয়াছে। রঘুনাথ কোনমতে প্রাণে বাঁচিয়া যার। তারপর
 হুঃখে-কষ্টে কয়মাস এখানে-ওখানে ঘুরিয়া ঝপর পাইয়া এই
 চাকরির পিছনে সে ছুটিয়া আসে। অজ-পাড়াগাঁয়ের ছুল,—মাষ্টারী
 করিতে লোক ছোটে না। কাজেই রঘুনাথকে এখানে চাকরি জুটাইতে
 বিশেষ বেগ পাইতে হয় নাই। পলাশজাদার বাসের বোধ্য ভেমন
 ঘর নাই। যা আছে, সেখানে ছোটলোকের ভিড়। এখানে নির্জন
 প্রান্তরে এই ভগ্ন কুটারখানি তাই সে সংগ্রহ করিয়াছিল। তাড়া
 দিতে হইত না। বাড়ীর মালিক এক বৃদ্ধা, দূর সম্পর্কে তার
 পিশি। তাহাকে দেখিবার গুনিবার কেহ ছিল না। রঘুনাথ তাহাকে
 খাইতে দেয় এবং এই পরিচর্য্যার পরিবর্তে সে এখানে পরম
 সুখেই বাস করিতে ছিল। রঘুনাথ ও লক্ষ্মীর পরিচর্য্যার বৃদ্ধা
 পরম শ্রীতি লাভ করিয়াছিল,—এবং সে এমনও আশা দিত যে তাহার
 ধূলা-গুড়া যা আছে, সব সে রঘুনাথের স্ত্রী লক্ষ্মীকেই দিয়া যাইবে।
 তার আর এ ত্রিভুবনে কে বা আছে।

ছেলেপিলের মধ্যে রঘুনাথের একটি বন্ধা—যষ্টি। যষ্টির বয়স
 পাঁচ বৎসর। দেখিতে ঠিক ফুলের কুঁড়ির মত। এই দারিদ্র্য আর
 অবহেলার মধ্যে থাকিলেও মেয়েটি এমন যে তার পানে একবার
 চোখ পড়িলে সে চোখ আর সহজে কিরিতে চাহিত না।

তার মা লক্ষ্মী রূপে যেমন লক্ষ্মী, গুণেও তেমনি। রঘুনাথ প্রায়ই
 বলিত,—এ রূপ রাজার ঘরেই মানার, লক্ষ্মী। আমার মত লক্ষ্মীছাড়ার
 জালা কুঁড়ের জীবন কাটালে তুমি, এই কি ভগবানের বিচার।

লক্ষ্মী তার মুখে হাত চাপা দিয়া বলিত,—থাক, থাক, এই কুঁড়েই
 আমার রাজার আসাদ গো।

নিখাস ফেলিয়া রঘুনাথ বলিত,—একগাছ। কাঁচের চুড়িও তোমায় দিতে পারি না, লক্ষ্মী...

স্বামীর পায়ে হাত রাখিয়া লক্ষ্মী বলিত,—যাও, কি যে বল! এই নোয়া আমার হীরে-মাণিকের চেয়েও ঢের বেশী দামী। এর দাম তুমি পুরুষ মানুষ, তুমি কি বুঝবে!

এই বৈচিত্র্যহীন একঘেয়ে জীবন লইয়া লক্ষ্মী খুবই সন্তুষ্ট ছিল। একটি দিনের অল্পও তার মনে এতটুকু অতৃপ্তি উকি দেয় নাই! তার কারণ, যে সম্পদ সে লাভ করিয়াছিল, তার কাছে রাজার ঐর্ষ্যও সে অতি তুচ্ছ মনে করিত। সে সম্পদ, স্বামীর প্রাণ-ঢালা ভালবাসা।

রঘুনাথ আপনাকে অকপটে লক্ষ্মীর কাছে ধরিয়া দিয়াছিল। জীবনের প্রত্যেক খুঁটিনাটি কাজে সে লক্ষ্মীর পরামর্শ চাহিত। স্কুলে কোন্ ছেলে কবে কি ছুটামি করিল, কোন্ ছেলেটি বেশ ভালো। পড়াশুনা করিতেছে, সে খপর পর্যন্ত লক্ষ্মীর অজানা থাকিত না। এই নির্জন অরণ্য-প্রদেশের একটি কোণে বসিয়া আশ-পাশের প্রত্যেক লোকটির কথা সে ভালোই জানিত। স্কুলের অনেক ছেলেই যেন তার কাছে বহুকালের চেনা। ক্যাবলা—সে ঐ নারাণ চক্রবর্তীর ছেলে। ছেলেটি তোৎলা বলিয়া ক্লাশের ছেলেরা তাহাকে খাপায়। গণেশ ছেলেটি ভারী ভালো; পড়াশুনায়ে সে সকলের উপরে। এমনি করিয়া প্রত্যেক ছেলেটি তাহার কত চেনা, যেন কত কালের জানা! অথচ সে কোনদিন তাহাদের চক্ষেও দেখে নাই।

একদিন রঘুনাথ বলিল,—ছেলেদের নিয়ে একটা দল খুলেছি। তারা এমনি তোয়ের হচ্ছে যে কারো ঘরে আগুন লেগেছে তনলে তখনি প্রাণের মারা ছেড়ে আগুন নিবুতে ছুটবে,—তা সে রাত

বারোটাই হোক, আর বেলা পাঁচটাই হোক ! তারা সাতারে এমন দড় যে কেউ জলে ডুবেছে দেখলে তখনই জলে ঝাঁপিয়ে পড়ে তাকে উদ্ধার করতে ছুটবে। দলের নাম রেখেছি, ভকৎ-সঙ্ঘ ।

লক্ষ্মী বলিল,—বাঃ, বেশ তো ! আর কি করবে তারা ? জলে ডোবা আর আগুন লাগার বিপত্তি, এ তো নিত্য ঘটচে না... নিত্যকার জন্তে কি কাজ পেখাচ্ছ ?

রঘুনাথ বলিল,—তারা প্রতি-রবিবার গায়ের সবার দোরে দোরে গিয়ে ভিক্ষে করে চাল-ডাল-পয়সা নিয়ে আসে। যারা অনাথ আতুর খেতে পায় না, তাদের সেই চাল-ডাল হস্তায় হস্তায় ভাগ করে দেওয়া হয়।

লক্ষ্মী বলিল,—আর যাদের অসুখ-বিসুখ হয়, তাদের দেখাশোনার, কি, তার নেবার...?

রঘুনাথ একটু চিন্তিতভাবে কহিল,—সেইটেই ভাবনার কথা। সে তো পয়সা না হলে হয় না। ওষুধ-পথ্য জোগাড় করা, সে তো খালি গত্তর দিয়ে হয় না লক্ষ্মী...

লক্ষ্মী বলিল,—সত্যি, তাদের কষ্ট আগে দূর করা উচিত। আগে ভুগে বিনা-চিকিৎসায় কত লোক যে মারা যাচ্ছে, আহা !

রঘুনাথ বলিল,—ভগবান বুঝি মুখ তুলে চেয়ে সে অসুখ ঘোচাবেন ! একটু আশা দেখা যাচ্ছে লক্ষ্মী।

লক্ষ্মী সাগ্রহে প্রশ্ন করিল,—কেনন করে ?

রঘুনাথ বলিল,—কলকাতায় থাকে একটি ছেলে, তার নাম যতীশ। সে ম্যাট্রিক পরীক্ষা দিয়েছে এবার। তার মামার বাড়ী পলাশ-জায়গায়। তাদের অবস্থা খুব ভালো। এক বিধবা মা আছেন,—তা ছেলেটি

কখনো পাড়ার্না দেখেনি...সে এসেছে মার সঙ্গে এবার এই ছুটিতে
পাড়ার্না দেখতে। মাতামহর বেশ পরসা-কড়ি আছে, অথচ ঐ ছেলেরই
সব; মাতামহী ছাড়া তার এখানে কেউ নেইও। সেই ছেলেটি
আমাদের তরণ-সজ্জ দেখে তাতে যোগ দিয়েছে। ক'দিনে সে চমৎকার
সাঁতার শিখেছে। সে বলেছে, তার মাকে বলে একটা হোমিওপ্যাথির
বাগ্ন আর কতকগুলো ঔষুধের বই কিনে দেবে। হোমিওপ্যাথির বই-
গুলো পড়ে আমিই একটু-আধটু শিখব। তারপর ছেলেদের কিছু
কিছু শিখিয়ে দেব। তাতে ছোট-খাটো ব্যারামের চিকিৎসা এক
রকম চলে যাবে'খন।

লক্ষ্মী বলিল,—দেখ, তোমার সজ্জর ছেলেদের একদিন নেমস্তয়
করে খাওয়ালে হয় না ?

রঘুনাথ সাগ্রহে বলিল,—খাওয়াবে লক্ষ্মী ?

লক্ষ্মী বলিল,—তুমি যদি বল—

—বেশ তো...একটা সুবিধেও হয়েছে। তারা একদিন কোথাও
বন-ভোজন করবে বলছিল। তাদের বরং বলি, এই বাগানে এসে
চড়িভাতি কর। জন পনেরো ছেলে,—যারা বড়, তাদের নিয়েই
চড়িভাতি হবে। তুমি গোছগাছ করে তাদের সব বন্দোবস্ত করে
দিয়ে।

লক্ষ্মী সহর্ষে সম্মতি জ্ঞাপন করিল।

রঘুনাথ বলিল,—তুমি আমার লক্ষ্মী !

হাসিয়া লক্ষ্মী বলিল,—আমি তো লক্ষ্মীই—আর তোমারই লক্ষ্মী,
এ আর নতুন কথা কি গো !

— ৩ —

শীকারে গিয়া রজনীনাথের মন শীকারে ঠিক বসিতেছিল না। সেই যে পুকুরের কালো জলে রক্ত-কমলটি ফুটিতে দেখিয়া আসিয়াছে, তাহারি বর্ণে-গন্ধে মন তার একেবারে দিশাহারা হইয়া উঠিল। ওপারে পান্সী রাখিয়া রজনী সন্মুখে একটা মাঠে গিয়া উঠিল—মাঠ ডাকিয়া ঠাধ পার হইয়া জলা। জলার ধারে ধারে চকাচকি, ছোট-ছোট আইপ গাংচিল—এমনি কয়েকটা পাখী মিলিল। তারপর সূর্য্য যখন আকাশের মাঝামাঝি দীপ্ত ভেজে তার সাত ঘোড়ার রথ চালাইয়া আসিয়া দাঁড়াইল, তখন রথের চাকাগুলো দিয়া যেন আগুন বারিতে লাগিল! সান্-ছাট ফুঁড়িয়া তার তীব্র হালকা মাথা জালাইয়া দিতেছিল; তখন রোদ্দে তাতিয়া ঘামিয়া শীকারীর মন আসিয়া পান্সীতে উঠিল। সব কষ্ট ধীরে ধীরে কোথায় যেন মিলাইয়া যাইতেছিল! সেই বিহ্ব চায়া-করা বাগানের বৃকে সেই পুকুর পড়িবে, তখন তার কোলে সেই কমলের দেখা কি আর একবার মেলে না?

পার হইয়া এপারে আসিলে একজন সঙ্গী বলিল,—এইবার সেই পরীস্থানে একবার উকি দিয়ে যেতে হবে!

কথাটা রজনীর-ভালো লাগিল না। সে চায় সে রূপ একা দেখিতে—তাহাতে ভাগিন্দার জুটিবে, এ চিন্তা কাঁটার মত তার বৃকে বিধিল।

এইবার সেই বাগান। ঐ সেই গাছগুলো—ঐ সেই পুকুর! আশার উল্লাসে মন মাতিয়া উঠিল। গাছের ডালে কোথায় একটা খুসু ডাকিতেছিল। তার সে করুণ ছুর চারিধারে কেমন তন্দ্রামস ভাব

আগাইয়া তুলিয়াছিল ! নিরুৎসাহ পুরে চারিধার শুক । সেই পরীর বাসভূমি ঐ সেই ভাঙা ঘরখানি—দারুণ শুকতার মধ্যে যৌন মুক দাঁড়াইয়া আছে ! জলে এতটুকু উচ্ছ্বাস নাই ! শান্ত হির জল—শ্রাওলায় ভরা—ঠিক যেন কে একখানি সবুজ মখমল বিছাইয়া রাখিয়াছে ! ঘাটের কাছে খানিকটা জায়গায় শুধু শ্রাওলা ছিল না, জলটুকু দেখাইতেছিল ভাঙা আরসীর বুকে মলিন কাচখণ্ডটুকুর মত ।

একজন সঙ্গী মৃদু স্বরে গান ধরিল,

ঐ দেখা যায় ঘরখানি !

আর একজন কহিল,—চুপ কর ইষ্টুপিড্ ।

এক জায়গায় আসিয়া সকলের গতি মন্থর হইয়া গেল । পা আর কাহারো চলিতে চায় না ! অথচ পুকুরে কেহ নাই ! বাড়ীটার মধ্যে সকলে অধীর দৃষ্টি প্রেরণ করিয়া দিল—কেহ নাই ! কোন বাতায়নে কাহারো টানমুখ, ...কৈ, চিরুও নাই তার ! বাড়ীটা এমন শুক যে ভিতরে কেহ আছে বলিয়া মনে হয় না । পুকুরের এধারে পাশ-গাদায় একটা কুকুর শুইয়া ঘুমাইতেছে ! খোলা দ্বার-পথে ঐ যে একটুখানি উঠান দেখা যাইতেছে, একটা তুলসীগাছ, মাথায় জলের ঝারি । তা ছাড়া, লোকের বাসের এতটুকু সাদা নাই, কোনো লক্ষণও নাই তার !

সঙ্গীরা বলিল,—এসো, অতিথ হওয়া যাক ।

রজনী একটা নিশ্বাস ফেলিয়া বলিল,—বাড়ী চলো হে !

একজন সঙ্গী বলিল,—নিহেন এক গ্রাস জল চেয়ে খেয়ে যাই—ভারী ভেটোও পেয়েছে ।

সকলে অগ্রসর হইল । সঙ্গীরা ব্যাপারটাকে ঘটখানি ভরল করিয়া

দেখিতেছিল, রজনী ঠিক তেমন ভাবে দেখে নাই। তার মনে তরুণীর রূপ গভীর রেখা পাত করিয়াছিল। সে গৃহে চলিল, অত্যন্ত ভারী মন লইয়া, নৈরাশ্রের একটা ভীত আলায় প্রাণটাকে পোড়াইতে পোড়াইতে !

কিন্তু কেন এ দাহ! যাহাকে পাইবার নয়, আয়ত্ত করিবার নয়, যে ছলভ, তার পানে চিত্ত এমন উধাও ছুটিতে কি বলিয়া!... শুধু যাতনা পাওয়া সার বৈ ত না! আহা, তার চেয়ে স্বখে থাক, স্বখী থাক ইহারা! সে হতভাগ্য, তার সব-থাকিয়াও কিছু নাই। তরুণ মন খিতাইতে পায়, এমন একটু রূপের অবলম্বনও তার গৃহে নাই,—কোথাও আছে কি!

গৃহে ফিরিয়া স্নানাহার সারিয়া সন্ধ্যা বাহিরের ঘরে শয্যায় আড় হইয়া পড়িল। রজনীও ক্লান্ত হইয়াছিল—ছই চোখ গাঢ় ঘুমে ঢুলিয়া আসিতেছিল। সে গিয়া নিজের ঘরে ঢুকিল। আজ মনে হইতেছিল, ঐ যে রূপসী তরুণীকে সেই পুকুর-ঘাটে দেখিয়া আসিয়াছে, তার রূপ, তার অবয়ব, তার মাধুরীর সহিত তুলনা করিয়া দেখিবে, স্ত্রী জয়ন্তীর মধ্যে তার কিছু সে পায় কি না! এই জয়ন্তীকে দিয়া তার পরশ একটুও যদি অনুভব করা যায়! সেও তরুণী নারী, জয়ন্তীও তো তাই।

স্ত্রী-জয়ন্তী আসিয়া কাছে বসিল। রজনী তাহার মধ্যে যদি এই অতৃপ্তি-পুরণের কিছু পায়, আজ তাই নূতন চোখ লইয়া প্রাণের দরদ লইয়া গভীর অভিনিবেশ-সহকারে জয়ন্তীকে পর্যবেক্ষণ করিতে লাগিল।...না, না, কিছু না। এ একটা মাটির স্তূপ, মাংসর টিপি! এর না আছে সৌন্দর্য, না আছে মাধুর্য!...তার পাশে?... জয়ন্তী একটা কাঠের পুতুল, কাঠের পুতুল! না আছে তার অঙ্গ-সৌষ্ঠব,

না আছে কোন পারিপাট্য ! একটা গভীর নিখাস ফেলিয়া পাশ ফিরিয়া শুইয়া রজনী ভারিল, ক্যাডাভারাস্ !

যে পথে সে ছুটিয়াছিল, সে পথটার উপরই যুগা ধরিয়া গেল। কি নিরোধ সে ! রূপের বাসনা তখন আরো তীব্র হইয়া বৃকে ফুটিল। নাচ, গান, হাসি ভাষা, সমস্তই একান্ত নিরর্থক, পাগলামি বলিয়া মনে হইল। রূপ ! রূপ ! রূপ ! সারা ত্রিত্ববন জুড়িয়া রূপের আশুন জলিয়া উঠিয়াছে ! সেই তরুণীকে কেন্দ্র করিয়া রূপের তরঙ্গ, তরঙ্গের পর কেবলি তরঙ্গ ছুটিতেছে ! পুকুরের তীরে বসিয়া সে ঐ তরঙ্গ দেখিয়াই দিন কাটাইবে ! সে কিছু চায় না ! সব ফেলিয়া, সব ছাড়িয়া ঐ রূপের তরঙ্গে ঝাঁপ দিতে চায় শুধু ! রূপের কাঙাল মন বুঝিয়াছে, কি ধনেই সে বঞ্চিত !

জয়ন্তী বলিল—পাখীগুলো রান্না হবে তো ?

রূপের হাওয়ায় রজনী ভাসিয়া চলিয়াছিল ; জয়ন্তীর কথা সে হাওয়ায় যেন ধূলি ছিটাইয়া দিল। বিরক্ত হইয়া সে বলিল,—হ্যাঁ।

জয়ন্তী বলিল,—তোমরাই রাঁধবে ত ! বামুন-দিদি কি পাখী রাঁধতে রাজী হবে ?

আবার ! ঝাঁজ-মিশানো বিরক্তির সুরে রজনী বলিল,—যা হয় করগে। আমরা বিরক্ত করো না।

জয়ন্তী বলিল,—ঘুমোবে ? তা ঘুমোও, আমি বাতাস করি।

জয়ন্তী পাখার বাতাস করিতে লাগিল, রজনী রূপের ধ্যানে তন্ময় থাকিয়া কখন একসময় ঘুমাইয়া পড়িল। ঘুমাইয়া সে স্বপ্ন দেখিল,...

যদি ছাড়িয়া সব ছাড়িয়া সে কোথায় কোন্ নির্জন বনে দারুণ শ্রান্ত হইয়া শুইয়া পড়িয়াছে। তৃষ্ণার ছাতি কাটিয়া বাইতেছে, উঠিয়া

অলের সন্ধান করিবে, সে শক্তিও নাই!—ঠাৎ...ও কি! আকাশ ফাটিয়া আলোর বর্ণা বরিয়া পড়িল!...চারিধার আলোর আলো হইয়া গেল। বিস্মিত দুই চোখ তুলিয়া রজনী দেখে, তার সামনে আসিয়া দাঁড়াইয়াছে, সেই তরুণী! এ যে পরীর বেশ—প্রজাপতির বিচিত্র পাখার মত ছ'খানি পাতলা হালকা পাখা বাতাসের ভয়ে বৃহৎ কাঁপিতেছে! কেশের রাশি শ্রাবণের মেঘের মত পিঠ বহিয়া বরিয়া পড়িয়াছে! পরীর হাতে কুলের ছড়ি, কপালে তারা জলিতেছে—দিনের এ প্রথম আলো, সে তারার দীপ্তির পাশে একেবারে মান হইয়া গেল! সে রূপের হিলোল চোখে দেখিয়া তার সব পিপাসা মিটিয়া গেল, সব ক্লান্তি ঘুচিয়া গেল। পরীর অধরে বৃহৎ হাসি—বিব-ভুবন-ভুলানো, সব-দুঃখ-জুড়ানো বৃহৎ মধুর হাসি! রজনী সব তুলিয়া দুই হাত তুলিল, পরীর ঐ যে আঁচলখানি তুষে লুটাইয়া পড়িয়াছে, ঐ আঁচলের একটু পরশ যদি পাই...! হাত তুলিতেই সব কিস্ত কোথায় মিলাইয়া গেল!...ছায়া, ছায়া—কিছু নাই!

রজনীর ঘুম ভাঙিয়া গেল।—চোখ মেলিয়া সে ধড়মড় করিয়া উঠিয়া বসিল। কোথায় বন, কোথাই বা পরী!...এ তার ঘর, সে বিছানার শুইয়া, আর তার পাশে বসিয়া—অমলী!...কি কুৎসিত!

বিরক্ত চিত্তে সে শুইয়া আবার চক্ষু মুদিল।

অসহ! অসহ এ-পিপাসা! এ কি মরীচিকার পিছনে অধীর মন চঞ্চল হইয়া ক্যাগার মত ঘুরিয়া বরিতেছে! ওগো, দুর্লভ, এ কি ঘরার পাশে আঁটে-পৃষ্ঠে তাহাকে কবিয়া বাধিতেছ! এ বাধন যে গারের মাংস কাটিয়া হাড়গুলোকে অবধি চূর্ণ করিয়া দিতেছে!

ঘুম আসে না, চিন্তাও ছাড়ে না! এমন ত আর কখনো হয় নাই!

শাখা—২য় অঙ্ক কলিকাতা

কলিকাতায় এমন কত রূপসীর মেলায় সে ঘুরিয়াছে—কত বেগে
কত ভঙ্গীতে তারা কত তৃপ্তির পেয়ালা ভরিয়া আনিয়াছে—কিন্তু আজ
এ অতৃপ্তির মাঝে যে নেশা প্রাণটাকে ভরপুর করিয়া দিয়াছে, সে নেশা,
এ বিহ্বলতা তার যে একেবারেই আত্মনা ছিল !

সে পরের—পরের ঘরে ফুটিয়াছে, পরের তৃপ্তির কামনার ধন সে—
তবু...তার চিন্তাতেও এ কি সূখ ! তাহাকে পাইবার নয়, তবু
খেলাফলে মনের মধ্যে তাহাকে আপনার করিয়া পাইয়া, তাহারি চিন্তায়
তাহারই ধ্যানে পড়িয়া থাকা—ইহাতেও কি সূখ, কি পরিতৃপ্তি !
চোখ বুজিয়া রজনী ভাবিতে লাগিল,...সে আমার—সে আমার—সে
আমার গো ! আলোয় তার কথা ভরা রহিয়াছে, বাতাসে তার কথা
মিশিয়া আছে ! এ আলো, এ বাতাস আমাকেও ঘিরিয়া আছে,
আমাকেও ছড়াইয়া রহিয়াছে ! নিত্যকার এই আলো-বাতাস বিচিত্র
মোহে তাহাকে আবিষ্ট করিয়া তুলিল ! মাঝে মাঝে মোহের ঘোরে
চোখের পাতা বেই খুলিয়া পড়ে, স্বপ্ন অমনি টুটিয়া যায়—কঠোর
বাস্তবের ঘা খাইয়া চোখের সামনে জাগিয়া ওঠে, জয়ন্তী ! নাঃ !
রমণীকে এমন কুৎসিত করিয়াও সৃষ্টি করিতে পারো, ভগবান !

জয়ন্তীকে তার যে একেবারে ভালো লাগিত না, এমন নয় । তবে
তার মধ্যে মাদকতার অভাব, বাঁজের অভাব । এইটুকুই চোখে ঠেকিত ।
কলিকাতার বিচিত্র সংসর্গে প্রাণের সে অবাধ লিপ্সার যে স্বাদ পাইয়া
আসিয়াছে, তার তুলনায়, এ নির্দীব, প্রাণ-হীন, তবু ইহার মধ্যেও
কি যেন একটা সুর ছিল । আজ সে সুরও কাটিয়া গিয়াছে । একটীবারের
অল্প দেখা দিয়া সে তরুণী প্রাণটাকে কি রঙেই রাঙাইয়া দিয়াছে !
তার ফলে এখন সমস্তই আগাগোড়া রান বন্দিয়া যবে হইতেছে ।

মন ঠাই পাইতেছে না কিছুতেই—ঠিকরাইয়া সরিয়া-সরিয়া যাইতেছে।

রজনী উঠিয়া পড়িল, উঠিয়া বাহিরের ঘরে গেল! সঙ্গীরা নিদ্রা যাইতেছে। সে আসিয়া তাহাদের তুলিয়া বলিল,—পাখীগুলোর একটা গতি কর।

সঙ্গীরা নিদ্রা-জড়িত কণ্ঠে বলিল,—হবে'খন। তাড়া কেন?

রজনী বলিল,—কাল আরো ভোরে বেরুব, শীকারে। ঐ জায়গাতেই...কেমন?

ঘুমের ঘোরেই সঙ্গীরা বলিল,—আচ্ছা।

— ৪ —

পরের দিন ভোরে আবার সেই শীকার-যাত্রা। সেই মোটর, সেই পথ, সেই বাগান, সেই পুকুর। পুকুরে তরুণী এখনো দেখা দেয় নাই। শীকারীদের দলে একটা চাঞ্চল্য দেখা দিল। রজনী আর অগ্রসর হইতে চায় না—নৈরাশ্রের ঘা খাইয়া পা ছুইটা চকিতে অত্যন্ত ভারী ঠেকিল। চলার সব উৎসাহ নিমেষে যেন উবিয়া গেল। অথচ বাগানের মধ্যে জড়-ভরতের মত দাঁড়াইয়া থাকিও চলে না। লোক চলাকেরা করিতেছে—এই সকালবেলায়! একটা চকু-লজ্জাও স্ত আছে!

উপায়? একজন সঙ্গী বলিল,—বাড়ীতে চল,—আলাপ করা যাক।

আর একজন বলিল,—পাগল!

রজনী বলিল,—সে হয় না !

প্রথম সঙ্গী বলিল,—তা বলে তো চূপ করে এখানে ঝড়িয়ে থাকার যার না !

রজনী বলিল,—মোটর-গাড়ীতে গিয়ে বসা যাক, আবার ফিরে আসব ।

দ্বিতীয় সঙ্গী বলিল,—না, আমি অমন বাজে ঘোরার মধ্যে নেই । এতটা পথ—কি যে বল !

প্রথম সঙ্গী বলিল,—তবে চল, সটান্ ঘাটে যাই । আজ না হয় সকাল-সকাল ফিরবো'ধন । আজ শীকার মিলবে ভালো । কাল একটু বেলা হয়ে গেছিল । একে গ্রীষ্মকাল, তার চড়চড়ে রোদ—পাখী মিলবে কেন বেলা হলে ?

রজনী বলিল,—মিছে যাওয়া । কাল বন্দুকের আওয়াজে চারিধার ঝালাপালা হয়েছে । আজ আর পাখী ওখানে আসবে কি !

দ্বিতীয় সঙ্গী বলিল,—তবে শীকারে এলে কেন ?

রজনী মুচু হাসিল । প্রথম সঙ্গী বলিল,—রমণীর মন-শীকারে বেরিয়েছ বুঝি আজ তবে ?

রজনীর মুখ লাল হইয়া উঠিল । দ্বিতীয় সঙ্গী বলিল,—না ভাই, ও পথে আমি নেই । উদ্ধর লোক,—একজনের স্ত্রী—সজ্জা ত্যাগ করা গেলেও তার,....সেটাকে ত্যাগ করতে পারচি না ।

রজনী করুণভাবে তার পানে চাহিল । সে বলিল,—অভিপ্রায়টা খুলেই বল দিকি !

রজনী কহিল,—তুমু একটু চোখের দেখা দেখবো, এই আর কি !

দ্বিতীয় সঙ্গী বলিল,—না ভাই, ও দেখাতেও আশঙ্কা বিলক্ষণ !

প্রথম সঙ্গী বলিল,—None but the brave...জানো তো ?

দ্বিতীয় সঙ্গী বলিল,—একে bravery বল ! Coward !

রজনী বলিল,—আমরা ত কারো অধিকারে হস্তক্ষেপ করতে যাচ্ছি না। ভগবান একজোড়া চক্ৰ দিয়াছেন, তারি সঙ্গ্যবহার করছি।

দ্বিতীয় সঙ্গী বলিল,—দৈবাৎ চোখে কিছু পড়ে, দৃষ্টি চালাও। তা বলে এমন খুঁজে পেতে এসে চোখ দেওয়া ! এ মতি ছাড়া।

প্রথম সঙ্গী বলিল,—কিন্তু এ তো দুর্ঘটি নয়। লোভও করছি না। শুধু নিষ্কাম দর্শন-সুখ !

দ্বিতীয় সঙ্গী বলিল,—ও সব তর্ক করতেও চাই না। চল,—এখন হয়, এগোও, নয়, পেছোও। এভাবে তাঁর প্রতীকায় থাকা ঠিক হচ্ছে না—সেটা ভালো দেখাচ্ছে না।

রজনী বলিল,—কেন, এ বাগানে আমরা পাখী খুঁজছি।

দ্বিতীয় সঙ্গী বলিল,—এ বাগানে পাখী !

রজনী বলিল,—কেন, ঘুঘু তো মারতে পারি।

দ্বিতীয় সঙ্গী বলিল,—মারো ভাই, ঘুঘুই মারো। কিন্তু কথায় আছে, ঘুঘু দেখেচো, ফাঁদ দেখোনি !

রজনী বলিল,—ফাঁদও নয় দেখলুম ! দেখলুম কি, দেখেচি—

প্রথম সঙ্গী বলিল,—শুধু দেখেচ কি, ফাঁদে পড়েছ ! বলিয়া যন্ত রসিকতা করিয়াছে ভাবিয়া হো-হো করিয়া হাসিয়া উঠিল। তার সে হাসি একটা বিপুল প্রতিধ্বনি তুলিয়া দিকে দিকে ছড়াইয়া পড়িয়া নির্জন বনভূমি কম্পিত করিয়া তুলিল।

ঠিক সেই সময় সেই স্বার-পথে তরুণীর ছায়া দেখা গেল। তরুণী

ঘাটে আসিতেছিল,—তাহাদের হাশ্ব-রবে অপরের সান্নিধ্য বুঝিয়া সরিয়া গেল।

রজনী বলিল,—ঐ হে...

দ্বিতীয় সঙ্গী বলিল,—চলে চল, চলে চল। এখানে দাঁড়িয়ে থাকে না। বেচারী আসতে পারছে না।

এই কথা বলিয়া দ্বিতীয় সঙ্গী অগ্রসর হইল—রজনী ও প্রথম সঙ্গী তখন তার অনুসরণ করিল।

ঘাটে সেই পান্সী—তেমনি সাজানো। সকলে পান্সীতে উঠিলে মাঝি পান্সী ছাড়িবার উদ্যোগ করিল। হঠাৎ রজনী বলিল,—যাঃ, কার্টরিজগুলো মোটরে ফেলে এসেছি। তারপর প্রথম সঙ্গীকে লক্ষ্য করিয়া বলিল,—মন্থ, এসো না ভাই, নিয়ে আসি। নাহলে যাওয়াই মিছে! দ্বিতীয় সঙ্গীর পানে চাহিয়া বলিল,—তুমি আসবে, না, নৌকোতেই অপেক্ষা করবে?

রজনীর চোখের দৃষ্টিতে একটা অভিসন্ধি মাখানো ছিল,—দ্বিতীয় সঙ্গী হরেন তাহা লক্ষ্য করিয়া বলিল,—তোমরা যাবেই তো, তা যাও। মোক্ষা শীগ্গির ফিরো। আমি নৌকোতেই থাকি। আবার এতটা পথ,...না ভাই, আমার অত সখ নেই, শক্তিও নেই।

মন্থের মুখে একটা বিষাক্ত হাসির ঢেউ ছুটিয়া গেল। সে বলিল,—এসো রজনী, আমি বন্ধুত্ব করি তোমার সঙ্গ দিয়ে। বেচারী একলাটি যাবে...

রজনী মন্থকে লইয়া তীরে নামিল; ও নিমেষে দুইজনে বাবলা ঘোপের অন্তরালে অদৃশ্য হইয়া গেল।

হরেন তখন জলে পা ডুবাইয়া গান ধরিল—

খুলে দে করণী, খুলে দে তোরা স্রোত বহে ধার বে ।

মন্দ মন্দ মন্দভঙ্গে নাচিছে করণ রঙ্গে

এই বেলা খুলে দে—

খুলে দে করণী, খুলে দে তোরা স্রোত বহে ধার রে ।

প্রায় ঘণ্টাখানেক পর দুইজনে ফিরিয়া আসিল, দুইজনেরই মুখে হাসি। তাহারা নৌকায় ফিরিলে রজনী বলিল,—মন্মথটা গাড়োম! কার্টরিজ ঐ ব্যাগে আছে—তা বলেনি! মোটরে খুঁজে পাই না, শেষে বললে, ব্যাগে করে নিয়েছি।...এতটা সময় নষ্ট হলো, তাছাড়া এই পরিশ্রম!

হরেন ক্রুর দৃষ্টিতে রজনীর পানে চাহিল, মৃদুস্বরে কহিল,—এত কৈফিয়ৎ কেন?

মন্মথ মৃদু স্বরে বলিল,—মাঝিদের কাছে ইচ্ছা রাখতে হবে তো! খালি হাতে ফিরলুম...তারা বেকুব ভাববে যে।

হরেন বলিল,—মনে পাপ ঢুকেছে—নিষ্কামি দর্শনাকাজী আর নও তবে? আগে থাকতে দোর সামলাচ্ছ তাই!

আট দাঁড়ে পাল্লী চলিয়াছে তরতর করিয়া। রজনী বলিল,—তুমি গেলেনা,—মোদা ভারী miss করেছ! আহা, আজ যেন রূপের জ্যোৎস্না আরো খুলেছিল!

হরেন বলিল,—আমি ওতে নেই। বাইরে আমার রক্ত চলে ভালো, ভদ্র লোকের মেয়ে যেখানে, সেখানে আমি জড়ো-সড়ো হই।

মন্মথ বলিল,—কাল ত চোখ বোঝো নি!

হরেন বলিল,—দৈবাৎ চোখে ভালো জিনিষ পড়ল, চোখ ফিরল না! তা বলে সঙ্কর এঁটে কোমর বেঁধে আবার তার পাছু নেওড়া!

আজো যদি তখন দেখতে পেতুম, দেখতুম ! ভালো বলেই দেখতুম,—
অমন ছেড়ে দিয়ে তেড়ে ধরতে যেতুম না !

মন্ত্রণ বলিল,—Scoundrel !

রজনী তন্ময় চিত্তে তখনো তরুণীর কথা ভাবিতেছিল। এমন রূপ
সে কখনো চোখেও দেখে নাই ! গরীবের ঘরে, ঐ ভাঙ্গা কুঁড়ের, এ যে
রাজার ঐশ্বর্য—তার চেয়েও বেশী, বিশ্ব-ভুবনের মণি-মঞ্জুষা কে যেন
উজাড় করিয়া দিয়াছে !

তারপর আবার সেই কালিকার মতই সব। সেই বিল, তবে
পাখী বড় কম। দুই-চারিটা পাখীও মরিল, তারপরই রজনীর
শীকারের সাধ মিটিয়া গেল। আর না—আজ একটু আগে ফেরা
যাক ! সে পুকুরে যদি আর-একবার সে ভুবন-মোহিনীর দেখা
যেলে !

হায় রে নিরাশা ! পুকুরের কালো জল,—সবুজ মখমল-বিছানো
সেই অপক্লপ শয্যা !...কিন্তু, সে নাই ! একটা নিশ্বাস ফেলিয়া
রজনী থমকিয়া দাঁড়াইল।

হরেন বলিল,—এ-রকম শীকার যদি আবার চলে, তাহলে আমাকে
ছুটি দিয়ো ভাই।

মন্ত্রণ তামাসা করিয়া বলিল,—An angel ! An angel !
...জানো না ত ভাই, ...কোথায় সে মধু আছে বিনা পল্লী-কুসুম !
এ কথা কবি বলে গেছেন।

হরেন একটু ঝাঁজালো স্বরে বলিল,—মধুচক্রে মৌমাছিও আছে,
আর জ্বর হলও আছে, সে কথা কবি তুলে যেতে পারেন, তোমরা
কুসুম না মোড়া ! এখন এসো। বলিয়া সে অগ্রসর হইল।

—নেহাৎ বেরসিক! বলিয়া মন্থথ রজনীর পানে চাহিল, এবং তাহারাও সঙ্গে সঙ্গে চলিল।

হরেনের অসহ্য ঠেকিল। সমস্ত কণ রজনীর আর মন্থথর কিসের এত ফিসির-ফিসির? সে বলিল,—আমি ভাই কাল কলকাতা যাব।

রজনী বলিল,—হঠাৎ?

মন্থথ বলিল,—এক সঙ্গে গেলে হতো না?

হরেন বলিল,—না, যখন এক রমণী এসে মাঝে দাঁড়িয়েছেন, তখন এ কথা ঠিক যে বেশীদিন বন্ধুত্ব থাকবে না! এরই মধ্যে তো আমরা একঘরে করে তোমাদের নানা পরামর্শ চলেছে।

আমৃত্যু আমৃত্যু করিয়া রজনী বলিল,—না, না, কাল শীকারে বেরুব কি না, সেই কথাই হচ্ছিল আমাদের।

হরেন বলিল,—আবার শীকার! ঐ পথেই? ঐ জায়গাতেই?

হাসিয়া মন্থথ বলিল,—তাই যদি হয়, দোষ কি!

হরেন বলিল,—আমি তাহলে সরে পড়লুম!...তাছাড়া মন্থথ, তুমি ভালো করছ না। যাক, তুমি চাকরির চেষ্টায় আছ, তুমি থাকো! আমার তার ব্যবস্থা যে মোটে নেই, তা তো নয়। অন্তএব...

মন্থথ রাগিয়া বলিল,—আমায় তুমি মোসাহেব বলতে চাও! বন্ধুর সঙ্গে এক-মত হই যদি তো সেটা মোসাহেবি!

হাসিয়া হরেন বলিল,—চেপে যাও না!...মোদা রজনী, ভগবান তোমায় পরসাদা দিয়েছেন, শরীর দিয়েছেন, বয়সও দিয়েছেন,...অন্য নানা স্থানে তার জোরে নানা সুখ আয়ত্ত করতে পারো মনে করলেই—আলোয়ার পিছনে কেন ছুটচো? পরের ঘরের রূপসীকে বেধে তাকে দোষার লোভ ছাড়তে পার না—এর মানে কি! তাকে পাষে না।

আর পেতেই যদি চাও, তাহলে শঙ্কতান হয়ে পেতে হবে।
অতএব—

রজনী একটু কুণ্ঠিত হইয়া পড়িল। কি আশ্চর্য্য! ঠিক ঐ কথাটাই সারাক্ষণ ধরিয়া তাহাকে বিষম পাগল করিয়া তুলিয়াছে...! সে কি সম্ভব! ভাবিতেই বুক ছুড়ছুড় করিয়া উঠিয়াছে!—আবার জোর করিয়া মনকে সে সাহস দিয়াছে! পয়সায় কি না হয়! তাছাড়া সে যদি তাহাকে সুখী করিতে পারে, ঐ সোনার অঙ্গ হীরা-অহরতে মুড়িয়া দেয়, রত্ন-পালকে তাহাকে রাজ্যেশ্বরী করিয়া রাখে...কিন্তু মনের অতি-গোপন এ কথাটার প্রতি হরেন ইঙ্গিত করিল কি করিয়া! তবে কি তার মুখে-চোখে সে গূঢ় অভিসন্ধি, সে সকল এতখানি ছাপ মেলিয়া দিয়াছে যে...না, না—

রজনী বলিল,—কি বক্চো, তার ঠিক নেই! না, না, কাল আর শীকারে যাব না। তাহলে হলো ত!

হরেন বলিল,—না ভাই, আমার ও-সব ভালো লাগে না। কি জানো, গান-বাজনা, হাসি-খুসী, গল্প-গুজব কর, কলকাতা থেকে রূপসী আনিয়া বাগান সাজাও—সে সবে আমার তোমার পাশটিতে পাবে চিরদিন! তবে সে গণ্ডী এড়িয়ে যদি যেতে চাও, তাহলে আমি তাতে নেই! আমি ভীতু মানুষ, আমার ভয় হয়। তাছাড়া আমার প্রবৃত্তির একটা সীমা আছে। তোমরা গাছের আড়ালে লুকিয়ে কথা কইছিলে, আমার বুক টিপ-টিপ করছিল।

ময়ূধ বলিল,—ওধু দেখছিলুম। আমরা তার সঙ্গে হাসি-তামাসা করিনি, ইসারাও করিনি, তবে কিসের ভয়!

হরেন বলিল,—তবু সে ডঙ্ক ঘরের মেয়ে। আমি মহিলাদের এ সম্মানটুকু দিয়ে থাকি।

মন্নথ বলিল,—সতী সাবিত্রী!

হরেনের ছই চোখ জলিয়া উঠিল। সে বলিল,—আমি ঘোর পাপিষ্ঠ, স্বীকার করচি, তাবলে একেবারে শয়তান নই!

মন্নথ বলিল,—আমরা শয়তান...এই কথা বলতে চাও? কে না চেয়ে দেখে?

—যে দেখে, সে দেখুক। আমি দেখবো না, দেখতে চাই না। পৃথিবী প্রকাণ্ড ক্ষেত্র, দেখার বস্তুরও অভাব নেই!

রজনী বলিল,—তর্ক রাখো। চলো, একটু বেড়িয়ে আসি গে। ও পথে যাবো না,—ভয় নেই হরেন।

পরের দিন হরেনকে কিছু ধরিয়া রাখা গেল না। সে কলিকাতায় চলিয়া গেল।

মন্নথ বলিল,—যাক্গে, coward!

রজনী বলিল—কিন্তু—

উৎসাহের ভঙ্গীতে মন্থথ বলিল,—এর আবার 'কিন্তু কি! বন্ধুর সঙ্গে বন্ধু কি না করতে পারে? হ্যাঁ, যদি প্রকৃত বন্ধু হয় অবশ্য!

রজনী বলিল,—ঘরে তার স্বামী আছে কিন্তু...

মন্থথ অত্যন্ত গর্ব-ক্ষীত কণ্ঠে বলিল,—কুছ্ পরোয়া নেই। একটা গরিবের ঘরের মেয়ে—তাকে পাওয়ার সঙ্গে আবার ভাবনা! রূপেয়া—রূপেয়া কি কম চাঁদ, ডাই!

রজনী বলিল,—ভয় করে, ডাই। এক গাঁ লোক। নিজের গাঁয়ে...

মন্মথ বলিল,—তোমার উপর কারো সন্দেহ হবে না,—তুমি নিশ্চিত থাকো।

রজনী বলিল,—যাক, সে যা হবার পরে হবে। এখন চল না একবার ওদিকে। একটু ঘুরে আসি।

মন্মথ বলিল,—চল।

দুইজনে তখনি আবার যাত্রা করিল। অদৃষ্ট ভালো—লক্ষ্মী তখন পুকুরে আসিয়াছিল, কলসীতে জল ভরিতে। সে কলসী ভরিয়া পুকুর-পাড়ে দাঁড়াইয়াছিল—মন্মথ ও রজনী আসিয়া একটা গাছের আড়ালে দাঁড়াইল। হঠাৎ বরা পাতায় কার পদস্পর্শে খড় খড় শব্দ হইল। লক্ষ্মীর সের্দিকে দৃষ্টি পড়িল,—চোরের মত কারা ও ? দুইজনের দৃষ্টির ভঙ্গী দেখিয়া লক্ষ্মীর আপাদ-মস্তক জলিয়া উঠিল। তীব্র ভৎসনার দৃষ্টিতে তাহাদের পানে নিমেষ মাত্র চাহিয়া সে ঘাটে কলসী রাখিয়াই দ্রুত গৃহ-মধ্যে পলায়ন করিল।

মন্মথর গা টিপিয়া রজনী কহিল,—ফেরো হে।

মন্মথ বলিল,—কেন, ভয় হচ্ছে না কি ?

রজনী বলিল,—ছি, ছি. ভারী বেগাদবি হলো। কি রকম কড়া চোখে চেয়ে গেল,—দেখলে না ?

মন্মথ বলিল,—আরে, আজ প্রথম, তাই ! ও চোখের চাউনি দুদিনে বিহি করে তুলবো, তবে আমার নাম মন্মথ !

রজনী বলিল,—না হে, চলে এস।

মন্মথ কহিল,—ভয়...?

রজনী বলিল,—ভয় ঠিক নয় ! তবে হাজার হোক, আমার সকলে চেনে—শেষে একটা কেলেঙ্কারী হবে !

মন্মথরও যে ভয় না হইতেছিল, এমন নয়! বাড়ী গিয়া যদি কাহাকেও বলিয়া দেয়? পাড়ার লোক যদি আসিয়া পড়ে?...সে বলিল,—চল তবে।

হুইজনে চোরের মত তখন সেখান হুইতে নিঃশব্দে সরিয়া পড়িল।

— ৩ —

সেদিন রবিবার। তরুণ-সজ্জর চড়ি-ভাতির আয়োজন ছিল। বেলা ন'টার সময় পলাশভাঙ্গা হুইতে দশ-বারোটি ছেলে আসিয়া নৌকা হুইতে নামিয়া অধিনায় পৌছিল। দলের সঙ্গে যতীশও আসিয়াছিল। এখানে জীবনের এই মুক্ত হিল্লোল, এই সরল প্রাণের অকপট সম—এ-সব দেখিয়া সে একেবারে মুগ্ধ হইয়া গিয়াছিল। তার ধারণা ছিল, যা কিছু বুদ্ধি, তা কলিকাতার ছেলেদের মাথাতেই খেলে,—নূতন কাজ, নূতন আইত্তিয়া—সে-সব এ পাড়াগাঁয়ের ছেলেদের মাথায় আসিবে কোথা হুইতে! জীবনের তারা কি জানে! কিন্তু এই তরুণ-সজ্জটিকে পাইয়া তার মত বদলাইয়া গেল। এমন আপশোষও জাগিল যে অন্ততঃ দুই-তিন বৎসরও যদি সে ইহাদের সঙ্গে কাটাইতে পারিত! শুধু কুটবল খেলিয়া আর ডম কষিয়াই মাছুষ হওয়া যায় না! গোয়াদের মাচে হারামোতেই আনন্দের চরম নয়! এখানে এই যে পরের অন্ত পরের ভাবিতে শেখা, কাজ করিতে শেখা, নিজের স্বার্থ বলি দিয়া নিজের পানে একটুও না চাহিয়া এই যে জীবন-তরঙ্গে ভাসিয়া চলা, ইহারই নাম জীবন। নহিলে বাবুয়ানায় পালা বা সাহেবকে গালি দিতে পারাটাই জীবনের চরম উদ্দেশ্য নয়।

শাখা—* কলিকাতা

সে সব যেন কৃত্রিম অভিনয়, প্রাণের সহিত প্রাণের আন্তরিক যোগ সেখানে কোথায় ! তবে এখানে যে তার থাকিবারও উপায় নাই ! পাশ করিয়া তাহাকে কলেজে ঢুকিতে হইবে, এখানে তো আর কলেজ নাই !

তার পর এই দলটি ! চমৎকার দল ! আশ্চর্য্য সকলের মনের মিল ! আর ঐ মাষ্টার মশায়টি,—রঘুনাথ বাবু । কি অনাড়ম্বর তাঁর জীবন-যাত্রার প্রণালী ! ছেলেদের সঙ্গে তাঁর মেশার ভঙ্গীটিও কি সুন্দর ! সকলকে সমান চক্ষে দেখা, সকলের উপর সমান দরদ,—কলিকাতার স্কুলে এ তো দেখাই যায় না । সেখানে একটা ভুল-চুক হইলে শুধুই তীব্র ভৎসনা আর শাস্তির ঘট । আর ইনি ? সে তো স্কুলে গিয়াও দেখিয়াছে, যার ভুল হইল, তাকে বুকের কাছে টানিয়া কি-ভাবেই না তাকে সব বুঝাইয়া দেন ! এতটুকু বিরক্তি নাই, এতটুকু অধৈর্য্য নাই !

রঘুনাথের উপর তার মনে অত্যন্ত শ্রদ্ধা জাগিয়াছিল । আজ এ চড়িভাতির প্রস্তাবে তার আমোদ হইয়াছিল সব-চেয়ে বেশী । এ যে তার কল্পনার অতীত !

ছেলেরা আসিয়া নদীতে ঝাঁপাই ছুড়িয়া নদীর জল একেবারে জোলপাড় করিয়া তুলিল । জলের চেউয়ে জলের গায়ে তরুণ প্রাণের চপল হিলোল লাগায় জলও সঙ্গে সঙ্গে উল্লাসে যেন নাচিয়া উঠিল । সঙ্গীত-কলরবে জল তটের কাণে সে আনন্দ জানাইতে লাগিল ।

মান সারিয়া ঘণ্টাখানেক পরে ছেলের দল বাগানে আসিল । চড়ি-ভাতির জন্ত হাঁড়ি-কুড়ি চাল-ডাল সব সাঝানো । একজন গিয়া শুকনো পাঁতা কুড়াইয়া আনিল । দুই-তিন জন গাছে চড়িয়া শুক শাখা সংগ্রহ

মন দিল,—টুকরা কাঠের স্তূপে তারা এমন ছোট-খাট একটা পাহাড়ের সৃষ্টি করিয়া তুলিল। তার পর মাটি খুঁড়িয়া ইট সাজাইয়া উনান তৈরী হইল। লক্ষী আসিয়া হাঁড়ি চড়াইয়া তাহাতে চাল ডাল ফেলিয়া দিল—খিচুড়ী হইবে।

যতীশ একধারে ঘুরিয়া পল্লীর এই বিজন কানন-ভূমিকে তন্ন তন্ন করিয়া দেখিয়া লইল। সহরের শুষ্ক কঠোর পথ আর ইট-কাঠের চা প্রাচীরের শ্রেণী দেখিয়া দেখিয়া চক্ষু কেমন আশ্চর্য হইয়া পড়িয়াছিল—এখানে এই বৃক্ষলতায় অপরূপ বর্ণ-বৈচিত্র্য, পুকুর ও খড়ে-ছাওয়া বাঁশে-ঘেরা মাটির কুটীরগুলির মধ্যে এমন শান্ত শ্রী বিরাজ করিতেছে যে তা দেখিয়া ক্লান্ত দৃষ্টি স্বাস্থ্য ভর-পুর স্নিগ্ধ হইয়া উঠিল। এই খোলা জায়গা—গাছের ডালে ডালে পাখীর গান, পাতায় পাতায় বাতাসের কাণাকাণি...তার প্রাণে এমন এক কল্পলোকের সৃষ্টি করিয়া তুলিল যে সে এক সময়ে একটা পড়া গাছের গুঁড়িতে হেলান দিয়া বসিয়া পড়িল, আর তার চোখের সামনে হইতে সমস্ত বহির্জগতের লোকজন, তাদের কল-কোলাহল সব কোথায় অদৃশ্য হইয়া গেল।

হঠাৎ তার নজর পড়িল, অদূরে একটা জাম গাছের পানে। পুকুরের ধারে জাম গাছ—তার একটা মস্ত ডাল পুকুরের উপর হেলিয়া পড়িয়াছে। ডালে খোলো খোলো কালো জাম—আর ছোট একটা মেয়ে একটা আঁকশী লইয়া জাম গাছের ডালে লাগাইতেছিল, সেই জাম পাড়িবার জন্য। ছোট মেয়ে, আঁকশীটিও ছোট, জামের পোছায় নাগাল পাওয়া যায় না! কৌতূহলের ভাবে যতীশ তাহাই লক্ষ্য করিতে লাগিল। অস্ত্র ছেলের দল তখন চড়ি-ডাতির দিকেই বুকিয়া পড়িয়াছে। তাদের কলরব আশ্চর্য মৌমাছির অলস

শুভ্রনের মত কাণে আসিয়া ব্যাগিতেছিল। লক্ষ্মী ও রঘুনাথ তাদের কাছে দাঁড়াইয়া সব তথ্যের করিতেছিল।

হঠাৎ যতীশের চোখের সামনে সমস্তটা যেন উল্টাইয়া গেল! মেয়েটি ডালে অঁকশী লাগাইয়া এক পা এক পা আগাইয়া চলিয়াছিল, তবুও জামের নাগাল পাইতেছিল না। তাহার সে মুহূ চঞ্চল গতি-ভঙ্গী যতীশের বুকের মাঝখানটায় যেন এক অজানা ভয়ের শিহরণ জাগাইয়া তুলিতেছিল। যতীশ তার দিক হইতে চোখ ফিরাইতে পারিল না! তার বুক কেমন ছুরছুর করিতেছিল। তাই তো, মেয়েটি অমন আনমনা-ভাবে কোথায় আগাইয়া চলে!

হঠাৎ রূপ করিয়া একটা আওয়াজ আর সঙ্গে সঙ্গে বালিকার ক্রন্দনে চারিদিক ভরিয়া উঠিল। যতীশ ছুটিয়া পুকুর-পাড়ে গেল— মেয়েটি গড়াইয়া জলে পড়িয়া গিয়াছে।...ঐ যে, ঐ সে! যতীশ অমনি টক করিয়া কাঁপাইয়া পুকুরের জলে নামিয়া পড়িল। মেয়েটি জল খাইতেছে, চুলগুলো ছড়াইয়া মুখে পড়িয়াছে, এক একবার ভাসিয়া উঠিতেছে, আবার ডুবিতেছে। মুখ তার মৃত্যুর উচ্চত কর-স্পর্শে কেমন এক বিতীষিকার ভরিয়া গিয়াছে।

যতীশ জলে সাঁৎরাইয়া গিয়া বালিকার চুলের মুঠি ধরিয়া টান দিল; এবং টানিতে টানিতে তাহাকে তীরে লইয়া আসিল।

বালিকা জল খাইয়া অত্যন্ত ক্লান্ত হইয়া পড়িয়াছিল। যতীশ তাহাকে কোলে করিয়া বহিয়া বাগানে উঠিল এবং সকলে যেখানে থিচুড়ী রাখিতে ব্যস্ত, সেখানে লইয়া আসিল। লক্ষ্মী চীৎকার করিয়া উঠিল—এ কি...!

‘মেয়েটি মকী। কি করিয়া এমন হইল? যতীশ সব কথা খুলিয়া



‘ଲକ୍ଷ୍ମୀକେ ଲଢ଼ିଆ ମୋଟର ଡିନେନ ମତ ଛୁଟିଲ’

କର୍ମଲିନା ଚିତ୍ରାଗାର ।

‘କବିତା ପିଣ୍ଡିଂ କହାକଥା’

(୬୧ ପୃଷ୍ଠା)

বলিল। তখন ছেলের দল তার গায়ের মাথার জল মুছাইয়া দিতে লাগিল—রঘুনাথ তার হাত ধরিয়া ঘুরাইয়া আরো নানা প্রক্রিয়ার পর পেটের জল বাহির করিয়া দিল। ঘণ্টা-খানেক পরে মেয়ে সুস্থ হইলে লক্ষ্মী তাহাকে কোলে করিয়া লইয়া ঘরে গেল; এবং হেফাজতে কিছুক্ষণ রাখিবার পর মেয়ে ধীরে ধীরে উঠিয়া বসিল, ডাকিল,—মা—

লক্ষ্মী মুহূর্ত্তে স্নান করিয়া বলিল;—পাজী মেয়ে! আর কখনো পুকুরের ধারে যাবে?

মন্টা বলিল,—না।

রঘুনাথ আসিয়া লক্ষ্মীকে ডাকিল, বলিল,—এই যে মন্টা বেশ কথা কইছে।...তুমি তাহলে এদিকে এসো গো, খিচুড়ী তোয়ের; ভাতাও হয়ে গেছে।

এখন কতকগুলো পাতা কাটিয়া ছেলেদের খাওয়াইতে বসিলেই হয়। ঘরে দুই পাতা ছিল; আচার, সড়া তেঁতুলও ঘরে ছিল। লক্ষ্মী সে সব লইয়া বাগানে আসিল। একটি ছেলে এক রাশ কলাপাতা কাটিয়া আনিল।

প্রকাণ্ড একটা আমগাছ ডাল-পালা মেলিয়া এক জায়গায় যেন চন্দ্রাতপ খাটাইয়া রাখিয়াছিল। সেই ছায়ায় গাছতলায় ছেলেরা সার-সার বসিয়া গেল। লক্ষ্মী পরিবেষণ করিতে লাগিল। মন্টাকে যতীশ তার পাশে বসাইয়াছিল। যতীশ বলিল,—ভাগ্যে আমি চড়ি-ভাতির দলে না থেকে ঐ গাছতলায় বসেছিলুম।

কথাটা শুনিয়া লক্ষ্মীর সর্বশরীর শিহরিয়া উঠিল। সে বলিল,—তোমার জন্তেই ওকে ফিরে পেয়েছি। নৈলে কি ওর আজ বাঁচবার কথা!—বেঁচে থাকো বাবা, ভগবান তোমার বাঁচিয়ে রাখুন, বড় করুন!

শ্রী—১ নর কর্ণওয়ালিস স্ট্রিট, কলিকাতা

যতীশ বলিল,—তা কেন ! আমাদের তরুণ-সম্মত জন্মেই ও বেচেছে । আমি কি আগে সঁতার জানতুম ? মোটেই না ! এখানে এসেই না মাষ্টার মশায়ের কাছে সঁতার শিখেচি ।

রঘুনাথ বলিল,—তার জন্মে তোমার গুরু-দক্ষিণাও আজ যা দেওয়া হলো, এর আর তুলনা নেই !

গল্পে-গুজবে ছেলেদের কল-গুঞ্জে এই নির্জন স্তব্ধ বনভূমিতে যেন আজ নন্দনের সুরভি ছিটাইয়া পড়িয়াছিল ! লক্ষ্মী ভাবিতেছিল, এত সুখ,...তার ভাগ্যে এত সুখও ছিল !

ছেলেদের খাওয়া প্রায় শেষ হইয়া আসিয়াছে, এমন সময় কোথা হইতে কয় টুকরা মেঘ আসিয়া রৌদ্রের উপর একটা কালো পর্দা বিছাইয়া দিল ; দেখিতে দেখিতে সে-মেঘ চারিদিকে এমন দ্রুত ছড়াইয়া পড়িল যে চরাচর আঁধারে আচ্ছন্ন হইয়া গেল । মাথার উপর পাখীর দল ঝাঁক ঝাঁধিয়া অত্যন্ত দ্রুত গতিতে আকাশের কোল ঘেঁষিয়া কোন্ অনির্দিষ্ট গৃহ-কোণ লক্ষ্য করিয়া উড়িয়া চলিয়াছিল । বাগান হইতে গাছপালার ফাঁক দিয়া নদীর একটু অংশ দেখা যাইতেছিল—ঘোলাটে জল স্থির স্তম্ভিত,—যেন কি এক ভয়ে স্তব্ধ হইয়া গেছে, ভয়ের বস্তুটাকে দেখিতে পাইলেই এখনি চঞ্চল হইয়া উঠিবে ! তার কোলে ওপারে একটা ইটের পাঁজা হইতে বাষ্প-ধূম উঠিতেছিল—যেন দৈত্যদের প্রকাণ্ড উৎসব-ভোজ উপলক্ষে মস্ত উনানে তারা আগুন দিয়াছে !

দেখিতে দেখিতে ঠাণ্ডা বাতাস বহিতে শুরু করিল । রঘুনাথ বলিল,—ভয়ানক জল ঝড় আসচে । তোমরা হাত চালিয়ে নাও ।

কিন্তু ছেলেরা হাত চালাইবার পূর্বেই হ-হ শব্দে ঝড় আসিয়া পড়িল । রাজ্যের ধূলা-বালি উড়াইয়া, গাছের ডালে-পাতায় প্রচণ্ড

আর্ন্তনাদ জাগাইয়া, শীর্ণ ডালের টুকরা ছিটাইয়া ওলি ছুড়িতে ছুড়িতে
ঝড় আসিয়া তাণ্ডব নৃত্য শুরু করিয়া দিল। তার হকারের বেগে অলও
নামিল তেমনি মুষলধারে, চকিতে !

ছেলেরা পাতা ফেলিয়া উর্দ্ধ্বাসে ছুটিয়া রঘুনাথের বাড়ীর দাওয়ার
আসিয়া আশ্রয় লইল। রঘুনাথ ও লক্ষ্মী যতখানি সম্ভব জিনিষপত্র
বাঁচাইয়া ঘরে ছুটিল—ভিজিয়া একশা হইয়া।

যতীশ সিন্ধুকেশা সিন্ধুবেশা লক্ষ্মীর পানে চাহিয়া মুগ্ধ দৃষ্টি আর
ফিরাইতে পারিল না। লালপাড় শাড়ীখানি তার গোর-অঙ্ক বেড়িয়া
আছে ! শাড়ী ভিজিয়া তার গায়ের সঙ্গে ন্যাপটাইয়া গিয়াছে—
আর কাপড়ের সাদা রঙ ফুঁড়িয়া তার গায়ে সোনার বর্ণ শাড়ীর লাল
পাড়ের ধার দিয়া যেন সোনালি ঢেউ ছুটাইয়া দিয়াছে। তার মনে
পড়িয়া গেল, বহুদিনকার একটা হারানো দিনের কথা।

তখন তার বাবা বাঁচিয়া। কলিকাতায় বাপের সঙ্গে ফুটবল ম্যাচ
দেখিয়া সে বাড়ী ফিরিতেছিল এমনি বৃষ্টিতে। কলিকাতা মহর সেদিন
ভাসিয়া গিয়াছিল, একখানাও গাড়ী মেলে নাই। ভিজিয়া বাড়ী চুকিতেই
মা সেই বৃষ্টিতে তাহাকে সদরের দ্বার হইতে উঠান পার করিয়া টানিয়া
ঘরে লইয়া যাইতে ভিজিয়া সারা হইয়া গিয়াছিলেন... সে দিন যারও
পরশে ছিল এমনি একখানি লাল-পাড় শাড়ী, আর সে শাড়ী তাঁর
গোর-অঙ্কে ভিজিয়া ন্যাপটাইয়া গিয়াছিল ! আজ লক্ষ্মীর পানে চাহিতেই
যার সেই অঙ্ক-সৌঠব, যার সে লাবণ্য যেন বিছাতের মত তার
চোখের সামনে ফুটিয়া উঠিল। লক্ষ্মীর মুখে যার সেই তখনকার সুন্দর
মুখেরই ছবি যেন কে তুলিয়া লইয়াছে ! মনের মধ্যে তার একটা
ডাক উধালিয়া উঠিল—মা, মা...!

সন্ধ্যার প্রায় কাছাকাছি বড়-বৃষ্টি খামিল। ছেলেরা কলরব তুলিয়া বাহিরে আসিল। জলে ভিজিয়া চারিধার কেমন স্নিগ্ধ-শ্রামল রূপে ভরিয়া উঠিয়াছে, মেঘ-জলের অস্তুরালে গোধূলির স্বর্ণরাগ সারা বিশ্বে এক অপরূপ লাবণ্য ছড়াইয়া দিয়াছিল! এতখানি মুক্ত প্রাস্তরে এমন বিচিত্র বর্ণরাগের লীলা যতীশের চোখে একেবারে নূতন! সে এ দৃশ্য প্রাণ ভরিয়া উপভোগ করিয়া লইল। তারপর রঘুনাথ সকলকে লইয়া নৌকায় গিয়া উঠিল। তীরের কাছে-কাছে কাদা-ধোয়া ঘোলা জলে সাদা ফেনার রাশ, নদীর স্নান হাসির মতই ফুটিয়া উবিয়া যাইতেছিল। বড়ের সঙ্গে লড়িয়া নদী যেন একান্ত ক্লান্ত হইয়া পড়িয়াছে! তার তরঙ্গ-কল্লোল ভারী শাস্ত, ভারী করুণ!

— ৩ —

দুই-চারিদিন ধরিয়া অলস জল্পনা করিবার পর লক্ষ্মীর সে রূপ রজনীর মন হইতে উবিয়া যাওয়া দূরের কথা, সমস্ত মন জুড়িয়া বসিল। সেদিনকার সেই দুই চোখের কঠিন উৎসনার দৃষ্টি বুকের মধ্যে এমন তীক্ষ্ণ শব্দের মত বিধিয়াছিল যে সেদিক-পানে চাহিতে সাহসে কুলায় না! অথচ কয়দিনের অদর্শন তার পিপাসাকে এমন তীব্র করিয়া তুলিয়াছিল যে রজনীর থাকিয়া থাকিয়া মনে হয়, বুঝি সে পাগল হইয়া যাইবে! কোন কাজে মন নাই, কিছুই ভালো লাগে না। শীকার, গান-বাজনা, এ-সবে কোন সুখ নাই! ঘরের মধ্যে বসিয়া থাকা হুঃসাধ্য ঠেকে, স্নান বাহিরটাও নেহাৎ ঝাঁকা, নেহাৎ নিরবলম্ব মনে হয়! চুপ করিয়া বসিয়া থাকিলে প্রাণ হাঁপাইয়া ওঠে, অথচ বাড়ীর বাহির হইতে গেলে পা দুইটা ভারী বোধ হয়! মনে হয়, বাই কোথায়—কোথায় গেলে

একটু জুড়াইতে পাই ! এমনি বিধার মধ্যে যন যখন একটা জায়গার দিকে সঙ্কেত করে, চলো সেইখানে—পা তখন কুণ্ঠিত অন্ত হইয়া পড়ে, বুকের মধ্যটা কি এক ভয়ে ছুলিয়া ওঠে ! রজনী সত্যই ভাবে, এবার সে পাগল হইবে !

সেদিন সন্ধ্যাবেলা রজনী বাহিরের ঘরে পড়িয়া অস্থির মন লইয়া ছটফট করিতেছিল,—মন্থ কোথায় গিয়াছে, কে জানে ! ঘর অন্ধকার । ভূত্য আলো জালিয়া দিতে আসিলে রজনী মানা করিল ।

হঠাৎ একটু পরে চোরের মত মন্থ আসিয়া হাজির । সে ডাকিল,—
রজনী—

রজনী বলিল,—কি ?

মন্থ বলিল,—সব ঠিক হে । এই জ্বাখো, কে এসেছে ।

অঁধার ভেদ করিয়া রজনী লক্ষ্য করিল, দ্বারের কাছে মন্থের পিছনে এক রমণী-মূর্তি । সে একটু কৌতূহলের ভাবে বলিল,—কে ?

মন্থ রজনীর কানের কাছে মুখ লইয়া গিয়া বলিল,—শীন্ ! এ ঠিক এনে দিতে পারবে—বহুৎ সন্ধ্যানে একে পেয়েছি ।

রজনী উঠিয়া বলিল, রমণীকে কাছে ডাকিল । রমণী নিকটে আসিলে সে বলিল,—সব শুনেচ ?

রমণী একগাল হাসিয়া বলিল,—শুনেচি বৈ কি । কাকে চাই বল তো দাদাবাবু...কার ওপর সদয় হলে ?

রজনী চারিদিকে চাহিয়া খুব চাপা গলায় খুলিয়া বলিল, কাহাকে পাইবার অন্ত সে এমন অধীর, আকুল ! বারবার কে যেন কণ্ঠ চাপিয়া ধরিতেছিল । চোখের সামনে জল-জল করিয়া কুটিয়া উঠিল একটি পরিচ্ছন্ন ঘরের কোণ—সেই কোণে বসিয়া তরুণী রূপসী স্বামীর

চিন্তায় মশগুল ! স্বামীর মুখে তৃপ্তির কি হাসি !...সুখের ঘর !...এ ঘর তার একটি ইচ্ছিতে চূর্ণ হইয়া যাইবে ! আর সে ? আহা, না, না !

রমণী বলিল,—কাকে গা দাদাবাবু ?

রজনীর বুকটা ধড়াস্ করিয়া উঠিল। কে যেন বুক মুগুরের ঘা মারিল ! রজনী ভাবিল, থাক, কাজ নাই !...এ চিন্তা মনে হইতেও সে শিহরিয়া উঠিল ! অসম্ভব ! তাকে না পাইলে দিনগুলো যে অসহ্য ঠেকিতেছে ! জীবন ভারী কর্কশ বোধ হইতেছে ! কি লইয়া সে থাকিবে ? সে ভাবিল. দোষ কি ! বেচারী অত রূপ লইয়া অবহেলায় জঞ্জালের মাঝে পড়িয়া আছে—আর সে ও-রূপ মাথার মণি করিয়া রাখিবে যে !

ধীরে ধীরে সে বলিল,—অর্থাৎ বুঝেচ, রঘু-মাষ্টারের বৌ...ঐ ককণার কাছে বাড়ী—

রমণী ক্ষণেক স্তব্ধ হইয়া রহিল ; পরে অক্ষমতার স্বরে নিরাশ কণ্ঠে বলিল,—ও হবে না বাবু—আর কাকেও ফরমাশ কর ।

রজনী অধীরভাবে বলিল,—কেন হবে না ?

রমণী কহিল,—বড় ভাল লোক দাদাবাবু, রঘু মাষ্টার । বৌটিও বড় লক্ষ্মী । নামে যা, কাজেও তাই । আর গরিব হলেও সোয়ামী-অস্ত্র প্রাণ । সতী-লক্ষ্মী...ও বড় শক্ত কাজ...তা ছাড়া তার পানে চাইলে মন ভরে ওঠে—ওকে হবে না !

রজনী রাগ করিল ; এবং কষ্ট স্বরেই বলিল,—তবে কি করতে এসেছ এখানে ?

রমণী বলিল,—এ কথা জানলে আসতুম না । ইনি তো বলতে পারলেন না, কাকে চাই ।

রজনী ভৎসনার দৃষ্টিতে মন্থথর পানে চাহিল। অঙ্ককারের মধ্যে সে দৃষ্টি মন্থথ দেখিতে পাইল না।

রজনী বলিল,—কেন একে নিয়ে এলে তবে ?

মন্থথ সে কথার কোন জবাব দিল না, চুপ করিয়া রহিল।

রজনী বলিল,—তুমি ফ্যাসাদ বাধালে ! মিছিমিছি একে জানান দিলে ! তার পর...? ছি ছি, কাঁচা কাজ, ছাখো দিকি তোমার !

মন্থথ নিরুপায়ভাবে দাঁড়াইয়া রহিল। রজনী রমণীকে বলিল,— এই নাও দশ টাকা। কিন্তু সাবধান, যদি এ কথা যুগাকরে প্রকাশ পায়, তাহলে তোমার হাড় এক জায়গায় যাব আর এক জায়গায় হবে। মনে থাকে যেন। বলিয়া রজনী তার হাতে একটা দশ টাকার নোট গুঁজিয়া দিল।

রমণী নোটখানা আঁচলের প্রান্তে বাঁধিতে বাঁধিতে বলিল,—সে বিষয়ে নিশ্চিত থেকে দাদাবাবু—আমায় মেরে ফেললেও এ কথা প্রকাশ হবে না। বিশেষ তোমার গায়ে থাকি ! চাচা আপন বাঁচা ! কথাটা বলিয়া সে সেইখানে দাঁড়াইয়া রহিল।

রজনী বলিল,—দাঁড়িয়ে রইলে যে ! যাও।

রমণী বলিল,—শুধু শুধু পরসা খাব, দাদাবাবু ! আর-কাকেও এনে দি...ঐ আমাদের পাঁচুগোপালের বৌ—চমৎকার সুন্দর, সোনারীটে কলকাতায় থাকে—বৌটাকে নেয়ও না—যেন পরীটি ! আর বেশ হাসি-হাসি মুখ—চট করেই পোষ মানবে'খন।

রজনী বিরক্ত হয়ে বলিল,—না, না, কাকেও চাই না। আমার কি ঐ পেশা ! ছুঁমি যাও।

রজনী অগত্যা চলিয়া গেল। সে চলিয়া গেলে রজনী ডাকিল,—
মহু, বসো দিকি—কথা আছে।

মহুথ বসিল। রজনী কহিল,—অনেক ভেবেছি। এক ব্যাটা
আছে বিন্দে, সে চাঁড়াল। ষণ্ডা, গুণ্ডা। তার দলে ছ'চারজন
লোক আরো আছে। তাকে ডাকিয়েছিলুম—তাদের ক' বোতল মদ
আর কিছু টাকা দিলে তারা যা হুকুম করবো, তাই করবে। আমি
বলি কি, তাদের বলি, তারা ঠিক এনে দেবে।...ভাবছি, একটা রাত্রে
তারাই এ কাজ করবে। আমার মোটরখানা আজই সরিয়ে দি,
কলকাতায় ফিরবে মেরামতির জন্তে, এই কথা বলে! তার পর তিন
ক্রোশ দূরে ঐ যে পোড়া-কালীর মন্দির আছে, তার ওধারে বড়
রাস্তায় মোটর থাকবে, সন্ধ্যার পর। ওধারে লোকের ভিড় নেই।
এ দিকে মাঝরাত্রে ওরা কাজ ফতে করে তাকে এনে মোটরে চড়িয়ে
দেবে। মোটর একেবারে ছ'খানা গাঁয়ের পর একটা ভাঙ্গা বাড়ী
আছে, জঙ্গলের মধ্যে, সেইখানে নিয়ে গিয়ে ওকে রাখবে। আমরাও
পরের দিন ছুপুর বেলায় কলকাতায় যাচ্ছি বলে বেরুব। বেরিয়ে
সেইখানে যাব। এতে লোকেরও কোন সন্দেহ হবে না আমাদের
উপর...তার পর যেমন অবস্থা দেখব, ব্যবস্থাও তেমনি করা যাবে।

মহুথ বলিল,—বাঃ, এ যে চমৎকার প্ল্যান! তুমি একখানা উপস্থাস
বানিয়ে ফেললে একেবারে। খাসা!

রজনী বলিল,—একটা চাকরকে ডেকে এবার আলো জালতে
যল। না, না, থাক। চল, একবার বিন্দের ওখানে ঘুরে আসি। সে
বেটার আর এখানে এসে কাজ নেই—যদি কেউ দেখে ফেলে! তার
চেয়ে ওর ওখান থেকেই বন্দোবস্ত পাকা করে আসা যাক!

বন্দোবস্ত পাকা করিয়া ফিরিতে রাজি দশটা বাজিয়া গেল। বাড়ী ফিরিয়া আহার সারিয়া রজনী বাহিরের বারান্দায় একটা ইঞ্জি-চেয়ারে বসিয়াছিল। সামনের গাছে লাল টকটকে একটা বড় গোলাপ ফুটিয়া বর্ণে-গন্ধে দিক যাতাইয়া তুলিয়াছিল। মাথার উপর ছাদশীর চাঁদ। জ্যোৎস্নায় চারিধার ঝলমল করিতেছে! রজনী ফুলটার পানে চাহিয়া ভবিষ্যতের ছবি আঁকিতেছিল। জলের কোলে সেই যে পদ্মটী দেখিয়াছে, তার কাছে এ গোলাপ কত তুচ্ছ! ভাবিতে ভাবিতে জ্যোৎস্না কখন যে গোলাপের রঙে রাঙিয়া উঠিয়াছে, তাহা সে বুঝিতেও পারে নাই। ফুলটাও সেই সঙ্গে তার পাপড়িগুলোকে বিস্তার করিয়া ধরিয়াছে—আর তার মধ্য হইতে ফুটিয়া উঠিতেছে সেই সুন্দরীর সুন্দর মুখ! কি হাসি তার ঐ রক্তিম অধরে! ঐ কুঞ্চিত কৃষ্ণ ঘন কেশরাশির মধ্যে চাঁপার-বরণ মুখখানি... যেন পাতার কোলে ফুলের মত ফুটিয়া উঠিয়াছে! রজনী তার অধীর ছুই বাহু বাড়াইল—ও ফুলটি বুকে চাই! অঁমনি চকিতে তার স্বপ্ন টুটিয়া গেল—কোথায় তার মুখখানি! এ যে একটা গোলাপ ফুল—নেহাৎ তুচ্ছ! রজনী একদৃষ্টে ফুলটার পানে চাহিল—মনে হইল, ফুলটা যেন তার পানে চাহিয়া বিক্রপের হাসি হাসিতেছে!”

ওদিকে ঠিক সেই সময় রঘুনাথের জীর্ণ গৃহের মাটির দাওয়ায় লক্ষ্মী একখানি মাদুর পাতিয়া শুইয়াছিল, মন্টা গল্প শুনিতে শুনিতে ঘুমাইয়া পড়িয়াছে,—রঘুনাথ এখনো বাড়ী ফেরে নাই! চাঁদের আলোয় আলো-করা আকাশের পানে চাহিয়া সে ভাবিতেছিল, তার জীবনের কত কথা। বিবাহের রাতে তার কি ভয় হইয়াছিল—বর, স্বামী। সে তো দেখিয়াছে, ঐ পাশের বাড়ীর মামী স্বামীর কাছে কি

মারই না যায় ! পান হইতে চূর্ণ খসিলেই নিস্তার নাই ! ভীম গর্জনে
 আমার তিরস্কার আর লাথি, চড়—কি সে প্রচণ্ড প্রহার ! তাহা দেখিয়া
 বিবাহের নামে তার হৃৎকম্প হইত ! কিন্তু শুভদৃষ্টির সময় ভয়-ভরা
 কোতূহলের মাঝে রঘুনাথের নিক্ত চোখের সরস দৃষ্টি কি পরশ যে
 বুলাইয়া দিল ! কোথায় গেল তার যত দুর্ভাবনা, যত শঙ্কা ! রঘুনাথ কি
 আদরেই তাহাকে রাখিয়াছে !...শুধু হাসি, শুধু আনন্দ ! দারিদ্র্য সেখানে
 হানা দিতে পারে না ! এমনি কত কথা ভাবিতে ভাবিতে কখন এক
 সময় সে ঘুমাইয়া পড়িয়াছে ! চাঁদের আলো তার মুখে জ্যোৎস্নার
 বর্ণা বরাইয়া দিয়াছে ! ঠোঁটের কোণে হাসির লহর ! বুঝি, কি সুখের
 স্বপ্ন দেখিতেছে !

হঠাৎ রঘুনাথ ধীরে ধীরে আসিয়া সেইখানে দাঁড়াইল ; মুক্ত বিশ্বয়ে
 নিক্ত দৃষ্টিতে লক্ষ্মীর ঘুমন্ত মুখের পানে চাহিল । জ্যোৎস্নার ধারায়
 ধোওয়া মুখখানি—অপূর্ব সুসমায় ভরা ! রঘুনাথ দেখিয়া দেখিয়া একটা
 নিশ্বাস ফেলিল—ভাবিল, হায়, এ রত্ন, এ যে রাজার ঘরের যোগ্য ! এ
 রত্ন তার হাতে পড়িয়া কি অবহেলাই না ভোগ করিতেছে ! বেচারী
 ...বেচারী লক্ষ্মী...! কেন সে হতভাগা লক্ষ্মীর জীবন-পথে আসিয়া
 উদয় হইল ! এই জীর্ণ ঘর, এই দারিদ্র্য...এ কি লক্ষ্মীকে মানায় !...
 কিন্তু উপায় কি ? উপায়...?

রঘুনাথ লক্ষ্মীর পাশে বসিল—তার মুখের পানে চাহিয়া চাহিয়া
 অধীর আবেগে লক্ষ্মীর মুখে চুম্বন করিল । লক্ষ্মী খড়মড়িয়া উঠিয়া
 বসিল, মুখে উদ্ভ্রান্ত ভাব ! উঠিয়া চোখ মুছিয়া লক্ষ্মী বলিল,—
 যাও, ভূমি ভারী হুটু...৩

হাসিয়া রঘুনাথ বলিল,—বড্ড লোভ হলো, লক্ষ্মী !

হাসিয়া লক্ষ্মী বলিল,—যাও, ...বলিয়া স্বামীর গায়ের জামা খুলিয়া লইয়া সে তাড়াতাড়ি পা ধুইবার জল আনিতে ছুটিল। তার পানে চাহিয়া রঘুনাথ বলিল,—এত ব্যস্ত কেন, লক্ষ্মী? একটু বসো না...

লক্ষ্মী হাসিয়া বলিল,—এতখানি পথ হেঁটে এলে! মুখ-হাত ধোও, কিছু খাও আগে, তার পর সারা রাত তোমার কাছে বসে থাকবো'খন।

লক্ষ্মী চলিয়া গেল। রঘুনাথ একটা নিশ্বাস ফেলিল, হায়রে, এ লইয়াই লক্ষ্মী পরিতৃপ্ত! এ লইয়াই সে ভাবে, সে পরম স্বখে আছে!

— ৭ —

পরদিন সন্ধ্যার পরক্ষণে ঝড় উঠিল। পলাশভাঙ্গায় যতীশের গৃহে সেদিন কি একটা কাজে ভোজের আয়োজন হইয়াছিল। স্কুলের সব ছেলেগুলি সেখানে সন্ধ্যার পূর্ব হইতেই জড়ো হইয়াছে—রঘুনাথেরও ডাক পড়িয়াছিল। মন্টার নিমন্ত্রণও বাদ যার নাই।

যতীশের মা মন্টাকে নূতন কাপড়-চোপড় পরাইয়া সাজাইয়া কোলে লইয়া আদর করিয়া এমনি মুগ্ধ করিয়া ফেলিলেন যে সে নিজের মার অদর্শন বুঝিতে পারিল না।

রাত্রি তখন প্রায় দশটা বাজিয়াছে। যতীশ আসিয়া বলিল,—মন্টা ঘুমিয়ে পড়েছে। মা বললেন, এই রাত্রে তাকে নাই নিয়ে গেলেন। কাল সকালে আমি তাকে পৌছে দিয়ে আসব।

রঘুনাথ বলিল,—যাও রাত্রে ঘুম ভেঙ্গে যদি কঁাদে? বিরক্ত করে?

যতীশ বলিল,—মা বললেন, তাকে ভুলিয়ে রাখতে পারবেন তিনি।

রঘুনাথ বলিল,—বেশ, থাক তবে।

তারপর বিদায় লইয়া রঘুনাথ পার-ঘাটার পানে চলিল। জ্যোৎস্না রাত্রি! পল্লীর শ্রাম প্রান্তর আলোয় আলো হইয়া আছে! ছাত্তের দল রঘুনাথকে আগাইয়া দিতে সঙ্গে আসিল। যতীশও আসিতে ছাড়িল না। পার-ঘাটার দিকে যে পথটা গিয়াছে, সেই পথে পা দিবা মাত্র সকলের চোখ পড়িল, ও-পারের বাঁকের মুখে আকাশের পানে! ও কি, ক্রমের রক্ত অঁাখি যে দৃষ্টিতে অনল বর্ষণ করিতেছে! তাঁদের শুভ্র আলোয় কে যেন আবীর মাখাইয়া দিয়াছে! আকাশ একেবারে লালে লাল!

যতীশ চীৎকার করিয়া উঠিল,—ও যে আগুন লেগেছে, মাষ্টার মশায়।

তাই তো, আগুনই তো! ও যে, ও যে...রঘুনাথের ঘরের কাছে... রঘুনাথের বুকটা ছুড়ুড়ু করিয়া উঠিল! ও ঘরে তার লক্ষ্মী, তার সব...। কালিকার মতই লক্ষ্মী যদি ঘুমাইয়া পড়িয়া থাকে! যদি বাহির হইতে না পারে...!

রঘুনাথ উন্মাদের মত ছুটিল। ছাত্তের দলও ছুটিয়া তার অহুসরণ করিল। ঘাটে দুই-তিনখানা নৌকা ছিল; মাঝি নাই! সকলে মিলিয়া উদ্ভ্রান্তের মত নৌকার উঠিয়া নৌকা ছাড়িয়া দিল। গাছ-পালায় আগুন, ঘরে আগুন—চারিদিকে আগুনের কি ও লেলিহান্ শিখা! সমস্ত গ্রামটাকে গিলিয়া তবে বুঝি আগুনের এ বিশ্বগ্রাসী ক্ষুধা মিটিবে!

ভীরে আসিয়া সকলে দেখিল, তাই তো, এ যে রঘুনাথের ঘরই জ্বলিতেছে!...লক্ষ্মী...!

রঘুনাথ ছুটিল। হায়রে, ও আগুন নিবাইবার সাধ্য কি! কি

দিয়া নিবানো যায়। দুই-চারিজন প্রতিবেশী কলসী লইয়া জল চালিতেছে—কিন্তু এ দাক্ষণ অগ্নি-ক্রীড়ায় সে কতটুকু বাধা! আগুন দাউ-দাউ করিয়া জলিতেছে, ফট্ ফট্ করিয়া বাশ ফাটিতেছে, চালার পর চালা জলিয়া ছাই হইয়া বাতাসের মুখে উড়িয়া চলিয়াছে!

সেই অগ্নিকুণ্ডের মধ্যে রঘুনাথ পাগলের মত গিয়া ঝাঁপ দিল। লক্ষ্মী, লক্ষ্মী...কোথায় লক্ষ্মী? আগুনে চারিদিক উজ্জ্বল,—কোথায় লক্ষ্মী? লক্ষ্মী নাই! সে তবে পুড়িয়া ছাই হইয়া গিয়াছে...?

রঘুনাথ পাগলের মত বাহিরে আসিল। ছেলের দল আরো কয়টা কলসী হাঁতিমধ্যে জোগাড় করিয়া জল তুলিয়া ঘরের আগুন নিবাইবার চেষ্টা করিতেছিল। রঘুনাথের হাত-পা অবশ হইয়া পড়িয়াছিল, মাথা ঝিম্-ঝিম্ করিতেছিল। সে একদিকে মূর্চ্ছিতের মত বসিয়া পড়িল।

হঠাৎ কখন আপনা হইতেই খোরাক না পাইয়া আগুন নিবিয়া আসিল। যতীশ আসিয়া রঘুনাথের গায়ে ঠেলা দিয়া ডাকিল,—মা...?

রঘুনাথ পাগলের মত তার পানে চাহিল; তারপর আকাশের দিকে দেখাইল। গাঢ় স্বরে বলিল,—নেই।

যতীশ অধীর কণ্ঠে বলিল,—নেই কি! উঠুন, আসুন, দেখি।

ছেলেরা বাড়ী-বাড়ী ঘুরিল, বনে জঙ্গলে পাতি-পাতি খুঁজিল—লক্ষ্মীর কোন চিহ্ন কোথাও নাই!

গ্রামের একজন বলিল, বনের পথে সে একটা পাকী চলিতে দেখিয়াছে, ঠিক ঐ আগুন লাগার পূর্বক্ষণে! শুনিয়া রঘুনাথ বসিয়া পড়িল। ছেলেরা তাকে ঘিরিয়া বলিল, অত্যন্ত নিরুপায়ের ভাবে।

এমনি ভাবেই বনের মধ্যে রাত্রি কাটিয়া গেল। ভোর হইতেই

যতীশ আবার লক্ষীর সন্ধানে বাহির হইল। চারিধারে ঘুরিয়া ক্রান্ত হইয়া যখন সে ফিরিল, রঘুনাথ তার পানে চাহিয়া প্রশ্ন করিল,—
পেলে ?

যতীশ গাঢ় স্বরে বলিল,—না—তার পর চোখে তার বাণ ডাকিল।

রঘুনাথ তখন উঠিল,—দক্ষ গৃহের ভস্মস্তূপ ঘাঁটিল...যদি তার দক্ষ কঙ্কালখানার চিহ্নও পাওয়া যায়!...সন্ধান করিয়া কিছু পাইল না—
সে তখন সেই ভস্মস্তূপের উপর মাথা গুঁজিয়া মূচ্ছিত হইয়া পড়িল।

কিছুক্ষণ পরে মূচ্ছা ভাঙিতে রঘুনাথ দেখিল, যতীশ ও অপর ছাত্রেরা তার মুখের পানে কি ভয়াকুল অধীর নেত্রে চাহিয়া আছে।
প্রথমটা তার মুখে কোন কথা সরিল না। যতীশ কিছুক্ষণ চাহিয়া থাকিয়া স্নান দৃষ্টিতে ডাকিল,—মাষ্টার মশায়—

রঘুনাথ তার পানে চাহিয়া দুই হাত বাড়াইয়া যতীশকে বুকের মধ্যে টানিয়া লইল। পরে বুকের মধ্যেই তার মাথা চাপিয়া ধীরে ধীরে চাপড়াইতে লাগিল। মুখ তুলিয়া যতীশ বলিল,—মন্টা একলাটি আছে,
মাষ্টার মশায়...

মন্টা! ঐ এক মস্ত শিকল! রঘুনাথ একটু আগে ভাবিতেছিল,
তার মাথার উপর হইতে সব দায়িত্বের বোঝা সরিয়াছে, তার সব
কাজ শেষ হইয়াছে—এখন সে মুক্ত, স্বাধীন! উদ্যম গতিতে বেদিকে
খুঁসী ছুটিয়া যাইতে তার আর কোন বাধা নাই! এমনি ছুটিয়া
জীবনের একেবারে প্রান্তে,—সে প্রান্ত ছাড়াইয়াও দূরে, আরো দূরে...
অবলীলায় নিশ্চিন্ত মনে সে ছুটিয়া যাইতে পারে! পিছনে চাহিবার
কিছু নাই, তার আরোজনও নাই! এই সব-হীন স্তব্ধ জীবন-প্রান্তরে

প্রাণ ভরিয়া ছুটিয়া সে এই প্রাস্তরটা পার হইয়া এখন দেখিতে চায়, সেখানে কি আছে ! কিন্তু মন্দি...তাই তো, এ যে মস্ত গোল বাধিল !

পায়ে অমনি শিকল বাজিয়া উঠিল, কাম্বাম্ ! হায়রে, এমন দুর্দিনেও তাকে মাথা বাড়িয়া উঠিতে হইবে—আবার কোন্ দুদিনের আশায় বুক রাঙাইয়া আকুল নেত্রে ভবিষ্যতের পানে চাহিতে হইবে ! এ দুর্ভাগ্যের যে আর সীমা নাই ।

রঘুনাথ বলিল,—চল, তোমাদের ওখানে যাই ।

যতীশ বলিল,—আপনি চলুন । আমি মাকে গাঁ-ময় খুঁজে দেখি । হয়তো আগুন দেখে খুব দূরে কোথাও সরে গেছেন...কিন্তু যদি নদী পেরিয়ে আমাদের ওখানেই গিয়ে থাকেন ?

খুব অন্ধকার পথ হাতড়াইয়া পথিক যখন পথ চলিয়াছে, অন্ধের মত, উন্মাদের মত, আশাহীন, উৎসুক দৃষ্টিতে, লক্ষ্যহীন—সে সময় সহসা বিদ্যুৎ চমকাইয়া উঠিলে সে যেমন পথটা দেখিয়া তার সন্ধান পায়—তেমনি এই নিবিড় নৈরাশ্রে-ভরা আঁধার পথে এ কথা যেন বিদ্যুৎ ফুটিল ! সঙ্গে সঙ্গে আশার আলোর ভরা পথের প্রাস্তর দেখা গেল—তাহারি একধারে দাঁড়াইয়া ঐ না লক্ষী...!

সকলেই আশার আনন্দে উচ্ছ্বসিত হইয়া উঠিল । তাও তো সম্ভব ! সকলে রঘুনাথের পানে চাহিল । রঘুনাথ বলিল,—চল তবে, দেখি ।

ছেলের দল রঘুনাথকে লইয়া পার-ঘাটার চলিল ! নদীর জলে ছুট-চারিজন লোক স্নান করিতেছিল । কেহ বা স্নান সারিয়া গৃহে ফিরিতেছে । রঘুনাথের পানে সকলেই মুখ তুলিয়া চাহিল । তাদের সে দৃষ্টি বেদনায় মাথা থাকিলেও রঘুনাথের বুক তীক্ষ্ণ তীরের মতই

বিধিল । বেদনা সহ্য হয় ; কিন্তু সে বেদনার অপরের কৃপা-ভরা দৃষ্টি—সে একেবারেই অসহ্য ।

নৌকায় নদী পার হইয়া তীরে নামিতে রঘুনাথের মনেও একবার চকিতে একটু আশার ঝলক বহিয়া গেল । উদ্দেশে ভগবানকে প্রণাম করিয়া মনে মনে সে বলিল, তাই যেন হয় ঠাকুর, লক্ষ্মীকে যেন এখানে দেখতে পাই !

বাড়ীর মধ্যে সকলের আগে গিয়া ঢুকিল, যতীশ । রঘুনাথ স্তব্ব দাঁড়াইয়া রহিল সমস্ত ইন্দ্রিয় স্তব্ব করিয়া—তুই কাণে সে প্রাণের শক্তি উজাড় করিয়া শুনিবার চেষ্টা করিল—ঘরের কোণে লক্ষ্মীর একটু স্বরও যদি জাগিয়া ওঠে ! কিন্তু একটু পরেই যতীশকে নিরাশ-মলিন মুখে ফিরিতে দেখিয়া রঘুনাথের বুকটা ধব্বক করিয়া উঠিল । এত-বড় মূর্খ সে যে এমন আশাও মনে জাগাইতে প্রয়াস পায় ।

সমস্ত বাড়ীটা মুহূর্ত্তে তার নিরানন্দ কঠিন জমাট স্তব্বতা ফুটাইয়া তুলিল । বাপকে দেখিয়া যতীশের মার কোল হইতে মন্টা নামিয়া বাপের কাছে ছুটিয়া আসিল এবং বাপের এমন অস্বাভাবিক মলিন গম্ভীর মুখ আর ভাবভঙ্গী দেখিয়া সে একেবারে থমকিয়া দাঁড়াইয়া পড়িল । বাপের মুখ এমন তো সে কখনো দেখে নাই ! রঘুনাথও মন্টাকে সামনে দেখিয়া এতটুকু হইয়া গেল । কি বলিয়া মন্টাকে সে কি প্রবোধ দিবে ! মন্টা যখন বলিবে, বাবা, মার কাছে যাব—তখন সে তাকে কি বলিয়া কোথায় কাহার কাছে লইয়া যাইবে ।

বিপদ ঘটিল ! মন্টা কথা কহিল, বলিল,—বাবা, মার কাছে যাব ।

রঘুনাথের সর ধৈর্যের বাধ ভাঙিয়া কোন্ সাগরের অতল জল ঝরঝর করিয়া তার ছুই গাল বহিয়া ঝরিয়া পড়িল । মন্টাও কাঁদিয়া কেঁদিল ।

যতীশের মা তখন আগাইয়া আসিয়া মন্টিকে কোলে লইলেন ও
 মাগাইয়া রঘুনাথের পানে চাহিয়া বলিলেন,—ছি বাবা, কেঁদো না।
 এ কাঁদবার সময় নয়। ধৈর্য্য ধর, এটার পানে চেয়ে বুক ধাঁধো।
 তারপর পুলিশে খপর দাও, খোঁজ কর। মন্টি আমার কাছেই থাকুক।
 তারপর কশেক স্তব্ধ থাকিয়া তিনি আবার বলিলেন,—ঘরের মধ্যে
 বেশ দেখেচো তো? সর্বনাশ হয়ে যাবনি তো? তোমার পিশি?

রঘুনাথ একটা প্রকাণ্ড নিশ্বাস ফেলিয়া বলিল—না, ঘরে তার কোন
 চিহ্ন নেই! পিশি ক'দিন এখানে নেই।

—তবে...? যতীশের মা প্রশ্নটা করিয়াই থামিয়া গেলেন। এই
 ‘তবে’ কথাটির আর জবাব নাই! তবে...। তবে...কি?

সমস্ত বিশ্বব্রহ্মাণ্ড ওলট-পালট করিয়া ঐ ‘তবে’ কথাটি ইহার
 মধ্যে এমন ঘূর্ণীর সৃষ্টি করিয়া তুলিল যে সে ঘূর্ণী বন্ধ করার কোন
 উপায় নাই, পথ নাই!

তবু চূপ করিয়া শোক বা দুঃখ করিলেও তেঁা চলিবে না! যদি
 ভেমন বিপদেই পড়িয়া থাকে, তবে সেই বিপদেই তাকে ফেলিয়া
 রাখিয়া এখানে নিশ্চল বসিয়া হা-হতাশ করিলে কি ফল হইবে? সে
 বিপদ হইতে তাকে উদ্ধার করা চাই তো! তার উপায়? রঘুনাথ
 ভাবিল, কি বিপদ? কোথায় গেলেই বা সে বিপদ হইতে উদ্ধারের
 সন্ধান মেলে!

তবু যাইতেই হইবে! তৃষ্ণার রঘুনাথের কণ্ঠ শুকাইয়া উঠিয়াছিল!
 একমাস জল খাইয়া সে পথে বাহির হইল; মন্টিকে যতীশের মার
 কাছে রাখিয়া গেল। যতীশের মা বহু কষ্টে বলিলেন,—একটু
 কিছু মুখে দিয়ে যাও—কিন্তু তার উত্তরে রঘুনাথ এমন মর্মভেদী

শাখা—১ নং কর্ণওয়ালিস স্ট্রিট, কলিকাতা

কাতর দৃষ্টিতে তাঁর পানে চাহিয়া দেখিল যে ও কথার পরে আর দ্বিতীয় কথা তাঁর মুখ দিয়া বাহির হইল না।

রঘুনাথ চলিয়া যাইতেছিল ; তিনি তার কাছে গিয়া বলিলেন,—
মন্টীকে ভুলে থেকো না বাবা। খপর দিয়ো—একেবারে নিরুদ্দেশ হয়ো
না। তোমার মন্টীকে মনে করে ফিরে এসো।

রঘুনাথ বলিতে যাইতেছিল, মন্টীকে তো বেশ নিরাপদ রাখিয়া
চলিলাম, তার অল্প ভাবনা কি ! কিন্তু মুখ ফুটিয়া সে কথা বলিতে
পারিল না ! যতীশের মার এই আকুল প্রাণের এমন খাটা দরদ, এই
সহানুভূতি,—সে কথায় প্রচণ্ড ঘা খাইবে ! সে ধীরে ধীরে ঘর হইতে
বাহির হইল।

— ৮ —

বাড়ীর বাহির হইয়া বহুক্ষণ সে নিরুদ্দেশের মত ঘুরিয়া বেড়াইল।
হঠাৎ মনে হইল, থানা ! থানায় যাইতে হইবে ! কিন্তু তা হইলে ঐ
লোক-জন-ভরা গ্রামের পথ মাড়াইয়া সেই তার চিরস্বপ্নের স্মৃতি-ঘেরা
জীর্ণ গৃহের সামনে দিয়াই যাইতে হয়। কত লোকের প্রাণভরা
রূপাদৃষ্টির ভিড় ঠেলিয়া পথ করিয়া যাইতে হইবে ! অমনি সে
শিহরিয়া উঠিল ! পরক্ষণেই মনে হইল, যদি লক্ষ্মী ইহার মধ্যে
ঐ কুটীরেই ফিরিয়া আসিয়া থাকে !...ভগবান কি সত্যই এমন
করিবেন ! তার প্রাণের এ করুণ আবেদন কি তাঁর প্রাণে পৌঁছায় নাই ?
তা ছাড়া মন্টী...! ভগবান কি এমন নিষ্ঠুর হইতে পারেন ?

রঘুনাথ আবার আশা করিয়া নৌকায় উঠিল। পার হইয়া অতি
সম্পর্পণে নিজের কুটীরের পানে চাহিল—শুষ্ক ঘর, শত স্মৃতির জীর্ণ

ককাল বুকে লইয়া পড়িয়া আছে! শোকের জমাট শুষ্কতা দহ গৃহখানার উপর কি করণ নেত্র মেলিয়া চাহিয়া আছে! তবু রঘুনাথ একবার কম্পিত চরণে ঘরের ভিতর ঢুকিল। উঠানে পোড়া বাশ আর খড়ের ছাইয়ে পাহাড়ু জমিয়া রহিয়াছে! সে একবার চারিদিকে চাহিয়া দেখিল; পরে চীৎকার করিয়া ডাকিল,—লক্ষী...

নিজের স্বরে নিজেই সে চমকিয়া উঠিল। সে স্বরে একটা শৃগাল ভয় পাইয়া ছুটিয়া পলাইল। রঘুনাথ কিছুক্ষণ স্থির হইয়া দাঁড়াইয়া রহিল। তারপর চারিদিকে দৃষ্টি বলাইয়া ধীরে ধীরে গৃহ ত্যাগ করিল। এই গৃহ! যেখানে তার জীবনের যা-কিছু সুখ, যত আনন্দ একেবারে ভরপুর রহিয়াছে, যার স্বভি একেবারে হিমালয়ের মত সম্মুখে প্রকাণ্ড পাহাড়ের সৃষ্টি করিয়া দুই চোখের সম্মুখে আড়াল তুলিয়া ধরিয়াছে!

রঘুনাথ পাগলের মত টলিতে টলিতে আসিয়া গ্রামের ফাঁড়ির সম্মুখে দাঁড়াইল। একবার ভাবিল, কি হইবে এখানে খপর দিয়া! যদি পাইবার হইত, লক্ষীকে এমনিই পাওয়া যাইত! তাছাড়া সুখ তো সে এতদিন অবাধে ভোগ করিয়াছে—অজস্র সুখ! এমন কি ভাগ্য সে করিয়াছে যে এ সুখ আরো বহু বহু কাল ধরিয়া ভোগ করিতে পাইবে! তবু মতীশের মা বলিয়াছে, তাই তাঁর কথা রক্ষা করিবার জন্য সে ফাঁড়ির মধ্যে গিয়া ঢুকিল।

একটি বাবু বসিয়া খাতায় কি-সব লিখিতেছিল—পাশে দুইজন জমাদার দাঁড়াইয়া; এমন সময়ে রঘুনাথ তাদের সম্মুখে গিয়া দাঁড়াইল। বাবু মুখ তুলিয়া প্রশ্ন করিল,—কি চাই!

রঘুনাথ বলিল,—আমার ঘরে কাল রাতে আগুন লাগে, আর আমার স্ত্রীকেও পাওয়া যাচ্ছে না!

বাবুটি বলিল,—পুড়ে যায়নি তো ?

রঘুনাথ বলিল—না।

বাবুটি রঘুনাথের পানে কোঁতুহল-ভরা দৃষ্টি তুলিয়া চাহিল। চাহিয়া জিজ্ঞাসা করিল,—কোথায় গেল তবে ? কার সঙ্গে গেল ?

রঘুনাথ বলিল,—জানি না।

বাবুটি বলিল,—বয়স কত ? নাবালক ?

রঘুনাথ বলিল,—না। একটি মেয়ে আছে—

বাবু হাসিয়া বলিল,—কেমন আগুন হে ? কারো সঙ্গে চলে যায় নি তো ? স্ত্রীটি দেখতে কেমন ?

এই অপমান-সূচক কথার ভঙ্গীতে রঘুনাথের প্রাণটা ফাটিয়া তীব্র ভৎসনা জাগিল। সে কঠোর কক্ষ দৃষ্টিতে বাবুর পানে চাহিল।

বাবু বলিল,—কাউকে সন্দেহ হয় ? বাবু হাসিল। জমাদার ছইজন পরস্পরে মুখ চাওয়া-চাওয়ি করিল।

রঘুনাথ তীব্র দৃষ্টিতে চাহিয়া বলিল,—কাকেও নয় !

বাবুটি রঘুনাথের পানে চাহিল ; পরে বলিল,—বেশ, নালিশ লিখিয়ে যান, তারপর আদালতে গিয়ে দরখাস্ত দিন ! হাকিম হুকুম দেয় যদি তো তদারক করব। বলিয়া সে বহিতে রঘুনাথের নাম-ধাম ও লক্ষীর নাম লিখিয়া লইয়া রঘুনাথকে বলিল,—নাম সহি করুন।

রঘুনাথ যন্ত্র-চালিতের মত বাবুটির লেখার পাশে সহি করিল ; এবং তার অমূল্য উপদেশ লাভ করিয়া ফাঁড়ি হইতে বাহির হইল। যোঁদিকে ছই চোখ যায়—সেইদিকে সে চলিবে।

অনেকটা পথ উদ্ভ্রান্তের মত সে বেড়াইল ! বেড়াইতে বেড়াইতে পথ ঘুরিয়া যেখানে আবার নদীর ধারে মিশিয়াছে, সেইখানে

আসিয়া বরাবর সেই ধারে গেল। জন-হীন দুই তীর—এপারে বাবলা গাছের সার—মাকে মাকে ঘোড়া-নিম আর খেজুর গাছ; ওপারে গাছপালার পর খানিকটা খোলা আয়গা—তারপরই দুইটা তালগাছ। তালগাছের নীচে দু'খানি গোলপাতার ঘর—মাটির দেওয়ালে ঘেরা। ঘরের মধ্য হইতে সাধের মত কুণ্ডলী পাকাইয়া ধোঁয়া উঠিতেছে। গৃহস্থেরা রান্নাবান্না করিতেছে। সেইদিকে চাহিয়া থাকিলে থাকিতে রঘুনাথের দুই চোখ জলে ভরিয়া আসিল। হঠাৎ মনে হইল, আজ যদি এমন অসম্ভাবিতভাবে তার সব ওলট-পালট না হইত তো তাহারো ঘরে লক্ষ্মী এখন রান্নাঘরে বসিয়া তাহারি তৃপ্তির জন্য প্রাণের সমস্ত আবেগ লইয়া রন্ধনের কাজে নিজের কমল হাত দুটি ব্যাপৃত রাখিত! কিন্তু হায়রে, তার সে সব আজ অতীতের স্মৃতির বস্তু!

অতৃপ্ত নেত্রে রঘুনাথ ঐ ঘরের পানে চাহিয়া রহিল—হয়তো ও ঘরে তাহারি লক্ষ্মীর মত ঘরের ঘরণী স্বামীর জন্য, সন্তানের জন্য অন্নপূর্ণার বেশে অন্ন তৈয়ার করিতেছে! আঁহা, ওদের সুখ অটুট থাকুক, ওদের হাসি অফুরান হোক...

এমনি স্থখের কথা ভাবিতে ভাবিতে মন কখন নিজের এই নিরুপায়তা ও অক্ষমতার চিন্তার উপর দিয়া ভাসিয়া দেশের নারীর অবস্থার মধ্যে চলিয়া গেল। সে ভাবিল, এই বাঙলা দেশের নারী কতখানি অসহায়, কি নিরুপায় বেচারীর মতই জীবনের পথে চলিয়াছে! স্বামীর জন্য :রান্নাবান্না করিয়া, তার পদ-সেবায় সমস্ত মন নিঃশেষে ঢালিয়া এক কোণে পড়িয়া আছে! এত বড় অগতির কোথায় কি আছে, কি বিপদ, কি দুর্ঘটনা ঘটতে পারে, সে চিন্তা তার মনের কোণেও ঠাই পায় না। তা যদি পাইত, তাহা হইলে এমন

করিয়া প্রাণহীন তৈজস পত্রের মতই তার লক্ষ্মীকে কখনো কেহ চুরি করিয়া লইয়া যাইতে পারে! লক্ষ্মী সে বিপদের মুখে এমন ভেঙ্গে দাঁড়াইয়া উঠিত যে প্রবলেরও সাহস হইত না তার কাছে ঘেঁষিতে! দুর্বল হইলেও ভিতরকার সে শক্তি দেখিয়া প্রবল দম্বা-তঙ্করও কতক কুণ্ঠিত হইয়া পড়িত! অস্তুতঃ বুদ্ধিটাও তার বাহিরের আব-হাওয়ায় এমন পাকিতে পারিত যে দুইটা কৌশলে বা তর্জনে হুকারে সে দম্বাকে হঠাইতে পারে। এই যে তঙ্করের দল ঘটি-বাটীর মত একজন নারীকে চুরি করিয়া লইয়া যাইতে পারে, এ বুঝি এই বাঙলা দেশেই শুধু সম্ভব! কেন এমন হয়? এ সাহস, এ মন দুর্বল কেমন করিয়া পায়? সে জানে, পাঁচিলে ঘেরা নারী, ঘোমটার ঢাকা নারী—স্বামীর পানে মুখ তুলিয়া কথা কহিতেও যে সরমে নত হইয়া পড়ে—বাহিরের লোকের একটা তীব্র দৃষ্টির সামনে দাঁড়ানো দূরের কথা—সে দৃষ্টির পরশকে সে তীক্ষ্ণ তীরের ফলার মতই ভয় করে,—দুর্বলও তাই সাহস পাইয়া ভাবে যে এই নারী তার সবল হাতের গ্রাস ছিনাইবার কথা মনেও করিবে না—লজ্জাবতী লতার মত নির্জীব কুণ্ঠিত মূচ্ছিত হইয়া ধরা দিবে! একটা জীবন্ত জীব—তাও অবোলা পশু নয়—তাকে কি মাটির ঢেলার মতই বাঙালী তার সংসারে পাঁচিলের গণ্ডীর মধ্যে কেলিয়া রাখিয়াছে! অবোলা পশুও শত্রুর আক্রমণের বিরুদ্ধে হাত-পা ছুড়িয়া, সে আক্রমণ প্রতিরোধের চেষ্টা করে! আর বাঙালীর মেয়ে—কি অসহায়, কি নিরুপায় বেচারী সে!

ভাবিতে ভাবিতে রঘুনাথ উত্তেজিত হইয়া উঠিল। এই যে পত্রের কাগজে নারী-নিগ্রহের এত সংবাদ দিকে দিকে ঘোষিত

হইতেছে, এর অল্প বাঙালীর চরিত্র-হীনতা, বাঙালীর অপদার্থতার চেয়ে নারীকে অবহেলা, অবজ্ঞা, মাহুষ বলিয়া মনে না করা আর তাকে খেলার পুতুল করিয়া রাখাই তো বেশী দারী। ট্রেনে চড়িয়া ইংরাজ-নারী এই যে একা কোথা হইতে কত দূরে চলিয়াছে—দেশ-দেশান্তরে ঘুরিতেছে ফিরিতেছে, পথে ঘাটে স্বচ্ছন্দে বিচরণ করিতেছে—তাকে ধরিতে কোনো পরাক্রান্ত দস্যুর হাতও ভয়ে কুণ্ঠিত হইয়া পড়ে। আর বাঙালীর মেয়ের উপর এ আক্রমণ, এ যে নিত্যকার ব্যাপার হইতে চলিয়াছে!...

রঘুনাথ তপ্ত চিত্তে জলের পানে চাহিল। তার সমস্ত বুক জুড়িয়া কে যেন আগুন জালিয়া দিয়াছে, বুক এমনি তাতিয়াছিল। সে ধীরে ধীরে জলে নামিল; প্রায় বুক-ভোর জলে গিয়া কতকগুলো ডুব দিল। তারপর ক্ষণেক শুষ্ক দাঁড়াইয়া থাকিয়া ভাবিল। এই জীবনটাকে জগতের পথে টানিয়া চলিয়া আর কি হইবে! এই শাস্ত শীতল জলের কোলে সব জ্বালা জুড়াইতে দিলে • মন্দ হয় না তো! এক-পা এক-পা করিয়া সে জলের কোলে আরো অগ্রসর হইল—চোখের সামনে এক অজানা লোকের ছবি জাগিয়া উঠিল—এখানে ঐ-লোকে হয়তো লক্ষ্মী ইহার মধ্যে আসিয়া তাহারি অল্প প্রতীক্ষা করিতেছে! সে আর-একবার স্থির হইয়া দাঁড়াইল! মনে হইল, একটু চাহিয়া থাকিলেই লক্ষ্মীকে বুঝি দেখিতে পাইবে! এমন সময় হঠাৎ একটা স্বর তার কাণে আসিয়া বাজিল,—মা...

রঘুনাথ চমকিয়া উঠিল—এ তার মন্দির স্বর, না? তবে কি লক্ষ্মী আসিয়াছে? আসিয়া রঘুনাথকে ঘরে না দেখিয়া মন্দিরকে সঙ্গে লইয়া তাহারি সন্ধান পথে বাহির হইয়াছে! দুই চোখের

উদাস দৃষ্টি মেলিয়া সে তীরের পানে চাহিল। ওপারে ঘোমটার মুখ ঢাকা এক নারী কলসী কক্ষে নদীর জলে নামিয়াছে, আর তীরে দাঁড়াইয়া তার ছোট মেয়েটি তাকে ডাকিতেছে! মেয়েটি...এ যেন তার মন্টার ছায়া! রঘুনাথ অপলক নেত্রে তাহাদের পানে চাহিয়া রহিল। কি শাস্ত মধুর ছবি ঐ জলের কোলে ফুটিয়াছে, মরি!

রমণী জল লইয়া চলিয়া গেল; বালিকা তার অনুসরণ করিল। তাহারা দৃষ্টির অন্তরালে গেলে রঘুনাথ সহসা শিহরিয়া উঠিল। তাই তো, মন্টা—তাকে ফেলিয়া সে মরিয়া নিশ্চিন্ত হইতে চলিয়াছে! তার মন্টা মা-হারা বাপ-হারা কোথায় দাঁড়াইবে! কার মুখ চাহিয়া দাঁড়াইবে সে! না, মরা তো হয় না! রঘুনাথ জল হইতে উঠিয়া পাগলের মত পাষচারি করিয়া বেড়াইতে লাগিল, তারপর যে পথে আসিয়াছিল, আবার সেই পথে চলিল।

বহুকণ চলিয়া হঠাৎ সে দেখিল, এ যে তার সেই গৃহের দ্বার, সেই পথ, সেই বাগান, সেই সব! দাঁড়াইয়া চোখ মেলিয়া সে ঘরের পানে চাহিয়া রহিল। ঘরের সম্মুখে ভস্মস্তূপ বিশৃঙ্খল ছড়ানো, পোড়া বাঁশ, কাঠ, ইট। বহুকণ দাঁড়াইয়া সে ঘরের মধ্যে প্রবেশ করিল, ডাকিল,—লক্ষ্মী...

কোন উত্তর নাই। তার ছুই চোখ জলে ভরিয়া উঠিল। রঘুনাথ বাড়ী হইতে বাহিরে আসিল। তারপর মাতালের মত পা ছুইটাকে টানিয়া পারঘাটার আসিয়া একটা নৌকায় উঠিয়া বসিল, বসিয়া ওপারের দিকে ইঙ্গিত করিল। মাঝি নৌকা খুলিয়া তাহাকে লইয়া ওপারে পৌছাইয়া দিতে রঘুনাথ নামিয়া যতীশদের বাড়ীর অভিমুখে যাত্রা করিল।

যতীশের মা তখন সন্ধ্যা-দীপ জালিতেছেন, যতীশ মন্টীকে লইয়া গল্প বলিতেছিল। এই শান্তির মধ্যে রঘুনাথ একটা অভিশাপের মত আসিয়া উপস্থিত হইল। তাহাকে দেখিয়া গল্প থামাইয়া যতীশ তার কাছে আসিয়া দাঁড়াইল, মন্টী ঝাঁপ দিয়া কোলে পড়িল। রঘুনাথ পাগলের মত দৃষ্টি মেলিয়া মন্টীর পানে চাহিয়া দেখিল।

যতীশের মা আসিয়া বলিলেন,—পেলে বাবা ?

উদাসভাবে ঘাড় নাড়িয়া রঘুনাথ জানাইল, না।

— ৯ —

লক্ষ্মীকে লইয়া মোটর তীরের মত ছুটিল বড় রাস্তা ধরিয়া, সোজা —রাত্রির স্তব্ধতা ভেদ করিয়া, ঘুমন্ত প্রকৃতির বুক চিরিয়া! এই আকস্মিক বিপদে দুর্ভাবনায় দুশ্চিন্তায় উত্তেজনায় সংগ্রাম করিয়া লক্ষ্মী কেমন আচ্ছন্ন মূচ্ছিতের মত হইয়া পড়িয়াছিল। দীর্ঘ পথ অতিক্রম করিয়া আসিয়া ভোরের পূর্বকণে গাড়ী একটা গলির মধ্যে ঢুকিল। সেই গলিতে খানিকটা পথ চলিয়া এক জীর্ণ বাগান— আলকাৎরা-মাথা কালো কাঠের ভাঙ্গা কঠক। গাড়ী সেই বাগানের সম্মুখে আসিয়া দাঁড়াইল। ড্রাইভার ফটক খুলিয়া ভিতরে গাড়ী লইয়া গেল। ভিতরে দোতলা বাড়ী; জীর্ণ। তার সামনে গাড়ী থামাইয়া ড্রাইভার লক্ষ্মীর পানে চাহিয়া দেখে, লক্ষ্মীর তখনো মূচ্ছা ভাঙে নাই।

ড্রাইভার মূচ্ছিতা লক্ষ্মীর পানে চাহিয়া ভাবিল, রূপের জ্যোৎস্নাই বটে! কিন্তু কি মেঘ এ জ্যোৎস্নায় কালির রেখা টানিয়া তাহাকে ঢাকিয়া দিয়াছে! একটা নিশ্বাস ফেলিয়া ড্রাইভার লক্ষ্মীকে কোলে করিয়া লইয়া দোতলায় উঠিল। দোতলায় চারধারে বারান্দা—

বারান্দার কোলে ঘর—সেই ঘরের মধ্যে লক্ষ্মীকে একটা জীর্ণ কোচের উপর শোয়াইয়া ঘরের সম্মুখে মুহূর্ত অপেক্ষা করিয়া ধীরে ধীরে সে নীচে নামিয়া আসিল ; তারপর গাড়ীতে গিয়া পা ছড়াইয়া শুইয়া পড়িল । সে আর কি করিবে ? হুকুমের চাকর বৈ তো নয় ।

লক্ষ্মীর যখন মুছাঁ ভাঙিল, তখন একটা জানলার ফাঁক দিয়া এক-ঝলক রোদ্দ আসিয়া ঘরের মেঝের উপর লুটাইয়া পড়িয়াছে ! লক্ষ্মী প্রথমটা কেমন আচ্ছন্নের মত ছিল । হঠাৎ সে ভাব কাটিলে উঠিয়া জানলার ধারে গেল । নীচে জঙ্গল, এককালে বাগান ছিল ; এখন অযত্নে আগাছায় ভরিয়া জঙ্গলের সৃষ্টি হইয়াছে ! সে কিছুক্ষণ জানলার সামনে দাঁড়াইয়া রহিল, তারপর আসিয়া ঘারে ধাক্কা দিল—বাহির হইতে দ্বার তালা বন্ধ । তার গা ছম্ছম্ করিয়া উঠিল, মাথা কিম্বিম করিতে লাগিল । ক্রমে আগাগোড়া ব্যাপারটা আশ্বনের হৃৎকার মত সমস্ত মনের মধ্যে ফুটিবামাত্র সে আতঙ্কে শিহরিয়া মেঝের উপর মূর্ছিত হইয়া পড়িয়া গেল ।

মেঝেয় কোন্ পুরাকালে একটা মোটা কার্পেট বিছানো হইয়াছিল ; অযত্নে আজ সেটা ধূলায় ঢাকা, মাঝে মাঝে ছেঁড়া ।

মুছাঁর ঘোরে সে স্বপ্ন দেখিল, ঘরে স্বামীর পাশে শুইয়া আছে, বকের কাছে আছে মন্টা ! স্বামী ঘুমাইতেছেন, মন্টাও ঘুমে অচেতন । আগিয়া মাথার মধ্যে কত কি যে কুণ্ডলী পাকাইতে ছিল, কত সুখ, কত বেদনা, কত আশা, কত ভয়, সে যেন হরেক বড়ের ফুলঝুরি ফুটিতেছিল ! হঠাৎ কি একটা শব্দ হইল,—তার মাথার মধ্যকার বত বড়ের ফুল বড়ের মুখে পাপড়ির মত আঘনি ঝরিয়া পড়িল । সে দেখে, সম্মুখে এক একাঙ দৈত্য

দুই চোখে আগুন জলিয়া তার পানেই ছুটিয়া আসিতেছে! ভয়ে সে স্বামীকে আঁকড়াইয়া ধরিল, মণীকে বুকের মধ্যে চাপিয়া লুকাইল। তবু দৈত্য ছাড়িল না; স্বামীর বুক হইতে হিচড়াইয়া টানিয়া তাহাকে বাতাসের মুখে উড়াইয়া লইয়া চলিল! হাত-পা ছুড়িয়া ভীষণ সংগ্রাম বাধাইয়া সে এমন বিপর্যয় কাণ্ড ঘটাইল যে হঠাৎ দৈত্যের হাত ছাড়াইয়া আসিয়া পড়িল নীচে এক পাহাড়ের গায়ে! অমনি পাথরে মাথা ঠুকিয়া গেল। একটা চীৎকার করিয়া সে চোখ মেলিল—আঃ...! স্বপ্ন! কিন্তু এ কি, অজানা ঘর, অজানা ঠাই! কোথায় ঘর—কোথায় স্বামী? এ যে সে স্বপ্নের চেয়েও ভয়ঙ্কর কঠোর নিশ্চয় সত্য! অমনি সব কথা মনে পড়িয়া গেল। সেই গাছের ছায়ায় ছায়া-করা গ্রামের পথ—দস্যুর কোলে বন্দী সে, নিষ্কৃতি-লাভের জন্ত প্রাণপণে যুঝিয়াও হার মানিয়াছে—তারপর সব ঝাপসা—অঁধারে ভরিয়া গেল! মাঝে মাঝে চমক কুটিতেছিল। মোটর গাড়ী, তাহাতে শুইয়া সে—মুখে কাপড় বাধা, মাথার উপর টাদের আলোয়-ভরা আকাশ সরিয়া সরিয়া পিছনে চলিয়াছে! আকাশের এমন ছুটাছুটি সে আর কখনো দেখে নাই। তার পর মনে পড়িল, সে ঘরের মধ্যে বসিয়াছিল, হঠাৎ আগুন লাগিল! তারপর...? ভয়ে তার সমস্ত শরীর চমকিয়া উঠিল। এ আর স্বপ্ন নয়, ভয় নয়—বিপদ যা ঘটবার, তা ঘটয়া গিয়াছে! হায়রে, কোথায় তারা—এখন কি করিতেছে! তাকে না দেখিয়া কি ভাবিতেছে! কি করিয়া সন্ধান লইয়া এখানে আসিবে? প্রাণে বাঁচিয়া আছে কি না, তাই বা কে বলিয়া দিবে!...

তার চোখের সামনে দিনের আলো, সূর্যের ঐ রশ্মিছটা চকিতে ঘোলাটে হইয়া নিবিয়া আসিল। হাতের মধ্যে মুখ শুঁকিয়া সে

তাইয়া পড়িল। ছুই চোখে অমনি রাজ্যের ঘুম আসিয়া বাসা বাধিল।

তারপর বহুকণ এমনি পড়িয়া থাকার পর যখন ঘুম ভাঙিল, তখন চোখ মেলিয়া চাহিয়া সে দেখে, সামনে কাঁচের বাসনে রাশীকৃত ফল, আর লুচি তরকারী সাজানো রহিয়াছে। দেখিয়া ঘুণায় তার মন ভরিয়া উঠিল। অনেককণ সেগুলার পানে তাকাইয়া থাকিয়া সে উঠিয়া দাঁড়াইল, পরে জানলায় আসিয়া বসিল। জানালার নীচেই আগাছার ঘন ঝোপ, মানুষের চিহ্ন দেখা যায় না। চারিদিক শুষ্ক। বহদুর হইতে একটা কুকুরের চীৎকার সে শুদ্ধতার গায়ে আঘাত করিয়া শুদ্ধতাকে ভাঙিবার চেষ্টা করিতেছে। সে ছুই চোখ মেলিয়া উদাস মনে নীচের দিকে দৃষ্টি বদ্ধ করিয়া চাহিয়া রহিল। ঐ যে বহদুরে ঝোপের ফাঁক দিয়া একটু জল দেখা যাইতেছে—বুঝি, একটা পুকুর ওখানে আছে। তারপর খুব দূর একটা স্বরও ঐ ভাসিয়া উঠিল—কে নাম ধরিয়া কাহাকে ডাকিতেছে না? স্বরটা শুধুই প্রতিধ্বনির তরঙ্গ তুলিল, তারপর আবার সব শুষ্ক! লক্ষী ভাবিল, জায়গাটা তবে একেবারেই জন-মানবশূন্য নয়!...

সঙ্গে সঙ্গে চিন্তার তরঙ্গ ছুটিল, চারিদিককার বিরাট শূন্যতার উপর ভর করিয়া, তাহারি বুকের উপর দিয়া ভাসিয়া...কোথায় কোন্ অজানা কুল লক্ষ্য করিয়া! কিন্তু ঘুরিয়া কোথাও কুল না পাইয়া শ্রান্ত হইয়া আবার বুকের মাঝে নিরাপদ নিশ্চিন্ত বাসা বাধিবার জন্ত ফিরিল। একটা নিখাস ফেলিয়া লক্ষী ভাবিল, হায়রে, কোথায় কে মানুষ আছে—যে তাহাকে এ কারাগার হইতে মুক্ত করিবে! বেচারী স্বামীর করুণ কাতর মুখও মনের কোণে ফুটিয়া উঠিল,—পাশে মন্দি, কাঁদিয়া শ্রান্ত আকুল নেত্রে শুষ্ক দাঁড়াইয়া আছে!

আকাশের গায়ে বহু উর্কে করটা পাখী উড়িতে ছিল—লক্ষী ভাবিল, মানুষ না হইয়া যদি সে পাখী হইত ! কি সুখী ঐ আকাশের পাখী ! মুক্ত আকাশে কত উপরে খুসী হইলেই উঠিতে পারে—ওখান হইতে नीচে পৃথিবীর বুকে যেখানে বা আছে, সব চোখে পড়িতেছে ! এমন করিয়া শূন্যতা ভেদ করিয়া চিন্তার তরঙ্গে মন ভাসাইয়া উহাদের দুঃখের স্বপ্ন বুনিতে হয় না ! সে যদি মানুষ না হইয়া অমনি পাখী হইত ।

কিন্তু না, পাখী হইলে স্বামীর প্রেম, মেয়ের ভালবাসা—এ সব কি অমনি করিয়াই তার অদৃষ্টে ঘটত ! তার চেয়ে এখন সে পাখী হইতে পারিত যদি ! পাখী হইলে এই জানলার ফাঁক দিয়া অনায়াসে এক নিমেষে ছুটিয়া বাহির হইয়া ঐ আকাশে ডানা মেলিয়া উড়িয়া যাইত—কত বন, কত পথ, কত মাঠ পার হইয়া সেই ঘরখানিতে গিয়া একেবারে রঘুনাথের বৃকের পাশে ধরা দিয়া বলিত, আমি এসেছি ! হাম্বরে, এই পাখী হওয়ার বিজ্ঞাটা যদি তার জানা থাকিত ! ঠাকুর, একবার আসিয়া তাকে মানুষ হইতে পাখী করিয়া দাও ! না হয় আর মানুষ করিয়ে না—স্বামীর প্রেম না পায়, তাও সে সহিতে রাজী আছে,—তবু তাঁর কাছে কাছে সে থাকিতে পারিবে তো !

এমনি বা-তা ভাবিয়া ভাবনার পুঁজি ফুরাইয়া আসিলে সে একেবারে কাতব অবসন্ন হইয়া পড়িল । বৃকের মধ্যে অমনি কি একটা বেদনা এমন ঠেলিয়া আসিল যে তার চাপে নিশ্বাস বৃষ্টি বন্ধ হইয়া যায় ! সে ভাবিল, মরণ, সে তো হাতেই আছে ! ভাবিয়া কুল যখন* পাওয়াই গেল না, তখন মিছা আর কেন ভাবা ! তার চেয়ে...

সে আঁচলটা টানিয়া বিছাইয়া ধরিল। এই তো মরণের ইঙ্গিত !
 আর কেন ? আঁচলটা সে গলায় জড়াইল—তারপর একটা ফাঁস টানিল।
 ফাঁসটা গলায় আঁটিতেই চোখের সামনে আগিয়া উঠিল, রঘুনাথের
 কাতর দুই চোখ, মন্দির অশ্রু-ভরা ছোট্ট মুখ ! লক্ষীর হাত কাপিল—
 না, মরা হইবে না—তা হইলে তাদের সব আশা একেবারে যে
 নির্মূল করিয়া দিবে ! তারা হয়তো এখনো আশা করিতেছে, লক্ষী
 ফিরিবে ! তার খোঁজ করিতেছে চারিধারে, কি ব্যাকুল আবেগে !
 আর সে...?

ফাঁস খুলিয়া অবসরের মত সে বসিয়া পড়িল, মাথা বিম্ব্ বিম্ব্
 করিতেছিল। আঁচল বিছাইয়া ধীরে ধীরে সে শুইয়া পড়িল—চোখ
 বুজে ভরিয়া আসিল।

— ১০ —

এই ঘুম আর জাগা, তার ফাঁকে ফাঁকে চিত্তার জাল বোনা—লক্ষী
 ভাবিল, সে কি পাগল হইবে !

তখন বাহিরে দিনের আলোর উপর লক্ষীর আঁচল লুটাইয়া
 পড়িয়াছে—চারিধার আঁধারে ভরিয়া আসিতেছে। সে খড়মড়িয়া
 উঠিয়া জানালার ধারে আসিয়া দাঁড়াইল। ঐ ঝোপ-ঝাপ, ঐ গাছ-
 পাতা—উহার মধ্য হইতে আলোটুকুকে হঠাইয়া আঁধার আসিয়া
 তার জায়গা জুড়িয়া বসিতেছে। বনের বুক চিরিয়া কিল্লীর রাগিনী
 উঠিতেছে—ওরা কি বলে, ও কি গান গায় ! বিম্ব্ বিম্ব্ বিম্ব্...ও
 গানে মন ভরে ভরিয়া ওঠে যে ! এতক্ষণ আলোর মাঝে লক্ষী যে তাকে
 নির্ভর করিয়াই অজানা পথে-ঘাটে ঘুরিতে ফিরিতে পারিয়াছিল—এ

অঁধারে পা তো চলে না! লক্ষ্মী শিহরিয়া উঠিল। সে চূপ করিয়া জানলায় বসিয়া রহিল।

বাহিরে ঘারে শব্দ হইল—কে তামা খুলিতেছে! তার ছই চোখ জলিয়া উঠিল—অধীরতার যন যেন ফুঁসিতেছিল! কে জানে, এ দৈত্যপুত্রীর মাঝে হয়তো কে মানুষ আছে, যে আসিয়া বলিবে, লক্ষ্মী, তুমি মুক্ত। না। এ হয়তো দৈত্যের প্রহরী মমতায় গলিয়া তাকে আসিয়া বলিবে, যাও লক্ষ্মী, ঘর খোলা—পলাও তুমি!...না, এ দৈত্য নিজে, কোনো উপদ্রবের সৃষ্টি করিয়া তুলিতে আসিতেছে! উঠিয়া নিজেকে সম্বৃত করিয়া সে একেবারে তৈয়ার হইয়া বসিল। যদি উপদ্রব আসে তবে যে-শক্তিটুকু তার এখনো বাকী আছে, সেটুকু লইয়াই একবার প্রাণপণে লড়িবে! প্রাণটাকে ছেঁ চিয়া হত্যা করিয়াও সে একবার জীবন-পণ লড়িয়া দেখিবে। তার ছই চোখ হইতে যেন আগুনের শিখা ছুটিয়া বাহির হইতেছিল। সে ফুঁসিতেছিল।

ঘর খুলিয়া গেল। ভিতরে আসিল একটা মালী, হাতে তার আলো। সেই আলোর মালীর মুখখানা এমন ভীষণ দেখাইল যে ভয়ে লক্ষ্মী চোখ বুজিল। তার পর চোখ খুলিয়া সে দেখে, মালী আলো রাখিয়া চলিয়া যাইতেছে। লক্ষ্মী ছুটিয়া গিয়া তার পা জড়াইয়া ধরিল—ওগো, আমার ছেড়ে দাও গো, বাঁচাও তুমি!

মালী তার পানে কিরিয়া চাহিল। লক্ষ্মীও ঘাড় তুলিয়া তার পানে চাহিল—কি করণ কাতর সে দৃষ্টি। মালী তার পানে নীরবে চাহিয়া রহিল—তার চোখে নিরুপায়তার মান দৃষ্টি!

লক্ষ্মী বলিল,—আমার ছেড়ে দাও—ঘরে আমার মেয়ে, আমার স্বামী ভেবে মরে যাবে!

যালী কথা না কহিয়া পা ছাড়াইয়া লইল, তারপর লক্ষীর পানে চাহিয়া ধীরে ধীরে কক্ষ ত্যাগ করিয়া দ্বার বন্ধ করিল।

দ্বারে তালা লাগানোর শব্দে লক্ষীর হাঁস হইল। সে উঠিয়া দ্বার নাড়িল। দ্বার তখন বাহির হইতে বন্ধ হইয়া গিয়াছে। লক্ষী ভাবিল, হয়রে, কেন সে ঐ খোলা দ্বার-পথে পলাইবার চেষ্টাও একবার করিল না! দ্বার ধরিয়া সে দাঁড়াইয়া রহিল—তার পর ভারী পা দুইটাকে টানিয়া আবার মেঝের আসিয়া বসিল! উপায় নাই, আর উপায় নাই! শেষ যে স্বেযোগটুকু মিলিয়াছিল, তাও সে এক দুর্বল অক্ষ মুহূর্তে হেলায় বিসর্জন দিয়াছে!

অনেক রাতে আবার দ্বার-খোলার শব্দ হইল। লক্ষী ভাবিল, এবার সে চেষ্টা করিবেই...দ্বারের পাশে সে কুণ্ঠিয়া দাঁড়াইল। বুকের মধ্যটা এখন সজোরে ফুলিতেছিল যে তার ধক্-ধক্ শব্দ তার কাণে বাজের মত বাজিতেছিল।

দ্বার খুলিতেই যে-মূর্তি সে চোখে দেখিল, তাহাতে তার হাত-পা অবশ হইয়া গেল, সমস্ত শক্তি চকিতে উবিয়া গেল। সে কেমন বিহ্বলের মত হঠিয়া সরিয়া আসিল। এ সে! মোটরে তাকে যে তুলিয়া দিয়াছিল—মুখে বিস্মী হাসি! ঐ সে, যাকে পুকুর-ধারে গাছের আড়ালে দেখিয়া সে চমকিয়া উঠিয়াছিল। কি ভয়ঙ্কর মূর্তি!

যে আসিয়াছিল, সে রজনী! রজনী আসিয়া হাসিয়া বলিল,—
আমায় মাগ করো।...কেমন আছ?

লক্ষী ভয়ানক চোখে রজনীর পানে চাহিল—চাহিতেই তার সর্বদ্ব শিহরিয়া উঠিল। সে চোখ বুজিল।

রজনী কোঁচে বসিয়া ডাকিল—শ্রেয়সী...

কি বিক্রী সে আহ্বান—কুৎসিত, বিকট!...লক্ষ্মী চোখ মেলিয়া আবার চাহিল। রজনী পকেট হইতে একটা কালো রঙের ছোট বাস বাহির করিয়া খুলিল; খুলিয়া বলিল,—এই ছাখো.....

লক্ষ্মী কোন কথা বলিল না, চাহিয়া দেখিল, কালো বাসের মধ্য হইতে আগুনের মত কি একটা দপ্ দপ্ করিয়া জলিতেছে।

চুনি-হীরা-পায়া জড়ানো একছড়া হার বাস হইতে বাহির করিয়া রজনী হাসিয়া বলিল,—তোমার রূপের পূজায় আমার এই পাশ-অর্ঘ্য নাও তুমি।

বলিয়া সে উঠিয়া হার ছড়া লক্ষ্মীর গলায় পরাইয়া দিতে গেল। লক্ষ্মী জড়-সড় হইয়া নিতেকে আঁটিয়া এমনভাবে বসিল, যেন সে পাথরের মূর্তি! চেতনা কিছু মাত্র নাই।

তার সে আড়ষ্ট মূর্তি দেখিয়া রজনী বলিল,—তোমায় রাণী করে রাখবো। এত রূপ নিয়ে তুমি পুকুর-ঘাটে এক ভিথিরীর এঁটো কামন মেজে দিন কাটাবে,—তাও কি হয়? আমার বেঁ তাতে বুক বাজে! আমার এই বুকের মাঝে সিংহাসন পেতে তোমায় তাতে বসিয়ে রাখবো—দিন-রাত!...মুখ তোলো, চেয়ে ছাখো, শ্রেয়সী!...তোমায় শ্রেয়সী বলেই ডাকবো আমি,—ঐ একটি নামই তোমায় সাথে, শুধু!

লক্ষ্মী সন্দেহের দৃষ্টিতে চাহিল—এ কি, এ যে সত্যই একটা লোক আসিয়া এমনি সব অঘস্ত কথা তাহাকে ডাকিয়া অনায়াসে শুনাইতেছে। এও কি সম্ভব!—না, সে এ একটা দারুণ দুঃস্বপ্ন দেখিতেছে। লক্ষ্মী কিছুই বুঝিতে পারিল না। তার দেহ, তার মন যেন একটা হালকা সূতার ভরে হাওয়ায় ছলিতেছিল—পায়ের নীচে কোন অবলম্বন নাই, ভুঁই নাই, কিছুই নাই।

হঠাৎ একটা অসম্ভব স্পর্শে তার মন নাড়া পাইয়া জাগিয়া উঠিল। ভালো করিয়া চাহিয়া সে দেখে, এ কি, এ কার ছুই হাতের বাধন তার অঙ্গে এমন আঁটিয়া বসিয়াছে!...অত্যন্ত নোংরা জিনিষের মতই সে হাত ছুইটাকে সে ঠেলিয়া ছাড়াইতে গেল। মোহার শিকলের মত শক্ত বাধন—তাও খুলিল। রজনী তখনি ছুই হাত বাড়াইয়া দিয়া বলিল,—আমার হাতের বাধন কেটে কোথায় যাবে শ্রেয়সী?

লক্ষী ধড়মড়িয়া উঠিয়া পড়িল; উঠিয়া এক কোণে সরিয়া গেল। সঙ্গে সঙ্গে রজনীও বিহ্বলভাবে তার পিছনে চলিল। লক্ষী আর-এক কোণে সরিয়া গেল, তারপর আর-এক কোণ—যেখানে যায়, সেখানেই ঐ হাত ছুইটা তার পিছনে! উপায় নাই! মাগো—বলিয়া লক্ষী মাটির উপর লুটাইয়া পড়িল।

যুঁজি ভাবিতে লক্ষী দেখে, সে রজনীর কোলে মাথা দিয়া শুইয়া আছে। একবার মনে হইল, এ তার সেই ঘর—আর সেই ঘরে রঘুনাথের কোলেই মাথা রাখিয়া ঘুমাইতেছে! রঘুনাথ কখন আসিল? তার যে এখনো কাপড়-চোপড় ছাড়া হয় নাই! পা ধুইবার জল? ধড়মড়িয়া লক্ষী উঠিয়া পড়িল। উঠিতেই চোখ পড়িল এই কারাগারের বন্ধ প্রাচীরে। না, এ সেই অজানা ঘর—অমনি দৃষ্টি পড়িল রজনীর দিকে—এ তো স্বপ্ন নয়, ঐ যে সে হুবৃ্ত...উঃ!

লক্ষী অসহায়, একান্ত মিরুপায়! কি করিবে, সে কি করিবে?

হঠাৎ বিছান্তের মত একটা চিন্তা তার মনের আঁধার চিরিয়া ফুটিয়া উঠিল। সে একেবারে রজনীর পায়ের উপর আছাড় খাইয়া পড়িল, পড়িয়া কাতর কণ্ঠে বলিল,—আমার ছেড়ে দিন, দয়া করে ছেড়ে দিন!

রজনী ছুই হাতে পারের উপর হইতে লক্ষীকে সরাইয়া দিল, দিয়া বলিল,—তোমার ছাড়ার কথাই কি এত আকোজম করেছি, শ্রেয়সী ! তোমার ছাড়তে গেলে প্রাণটাকেও ছাড়তে হয় যে ! তোমার ছাড়বো না তো ! তুমি যে আমার মাথার মণি—

বলিয়া রজনী আবার লক্ষীকে বুকের মধ্যে টানিয়া লইবার অন্তঃ ছুই হাত বাড়াইল । লক্ষী তার হাত ছুইটাকে ঠেলিয়া সরিয়া গেল, অঙ্গ-বদ্ধিত কণ্ঠে বলিল,—আপনি আমার বাপ...আমি মেয়ে...

এ কথার উত্তরে রজনী এমন একটা তাজিলস্যের হাসি হাসিল যে তার শব্দে চারিধার কাপিয়া উঠিল । লক্ষীর মনে হইল, এই ঘরটাও বুঝি ও-শব্দে এখনি ফাটিয়া চৌচির হইয়া যাইবে !

লক্ষীর আর কিছু বলিবার নাই । নারীর এ কাতরতার বে-পুরুষ এমন পরিহাসের হাসি হাসিতে পারে, তার কাছেও সে মুক্তির আশা রাখে ? নিজের উপর রাগ ধরিল । কিছুক্ষণ পূর্বে এই যে তার মরিবার সাধ হইয়াছিল, কেন সে তখন মরিল না ? এই ছুই হাতের হাতে পড়িয়া এমন লাঞ্ছনা তো তাহা হইলে সহিতে হইত না ।

রজনী বলিল,—শোনো শ্রেয়সী, তোমার সোনার অঙ্গে কঠিন হাত দেব,এত বড় বর্কর আমি নই । আমি রূপের পূজারী । এ রূপ আমি বুকে ধরে পূজা করবো, তাই তোমার এনেচি । আজ না হয়, কাল ; কাল না হয়, পরশু—তোমার একদিন আমি পাবোই । তবে জোর করে পাওয়া নয়...তাতে সুখ নেই ।

লক্ষী ছুই চোখ বিক্ষারিত করিয়া রজনীর পানে চাহিয়া রহিল ।

রজনী আবার বলিল,—এই যে হার দেখচো,এ কিছুই নয়—তোমার ঐ সোনার অঙ্গ এমনি হারে উরিরে দেব । আমার স্বা-কিছু আছে

সব তোমার পায়ে সঁপে দেবো—সর্ব্ব তোমার দেবো। তোমার স্বামী,
তোমার মেয়ে—তাদেরও খুব সুখে রাখবো—তুই তুমি আমার হও !

তারপর কণেক স্তব্ব থাকিয়া রজনী আবার বলিল,—তুমি ভেবে
ছাখো শ্রেয়সী, তোমার এ রূপ, এ যৌবন নিয়ে, তুমি সর্ব্বময়ী হয়ে
থাকবে আমার কাছে। তোমার কথায় আমি উঠবো বসবো। আজ
আমি যাচ্ছি...তোমার জাগাতন করবো না...আজ প্রথম দিন।
অসময়ে এসেছি...জানি, ভয়ে তোমার মন এখন ভরে আছে। কিন্তু ভয়
নেই...তোমার স্বাধীন ইচ্ছায় আমি হাত দেবো না। তবে সময়
দিলুম।—তুমিও ভেবে দেখো...যদি একান্ত না পাই তোমায়,
তা হলে—

রজনী একটা নিশ্বাস ফেলিল,—তারপর আবার বলিল,—যেখান
থেকে এনেছি, আবার সেইখানেই তোমায় রেখে আসবো।

লক্ষ্মী কাঠ হইয়া সব কথা শুনি। কথাগুলো যেন হাওয়ার ঘুরিয়া
কোনু হৃদয় কোণ হইতে ভাসিয়া তার কাণে আসিয়া লাগিতেছে ! ঐ
শেষের দিকের কথাটা—যেখান থেকে এনেছি, আবার সেইখানেই
তোমায় রেখে আসবো—এ কি হইবে ? ভগবান, ভগবান...এ কি
সে সত্যই শুনিয়াছে, না, এ স্বপ্নের আর এক ছলনা !

রজনী বলিল,—তোমার আর বিরক্ত করবো না। চললুম।
তুমি ভেবে দেখো সব। আমার এ ভালবাসা তুমি পায়ে ঠেলো
না। আমি তোমার ভালোবাসার ভিখারী—বলিয়া রজনী লক্ষ্মীর
পায়ের কাছে বসিয়া পড়িয়া তার মুখের দিকে আকুল চোখে চাহিল।
লক্ষ্মী তবু অসাড়, মুক, নিশ্পন্দ। রজনী বলিল,—কি পাপ
তুমি, শ্রেয়সী ! আজ্ঞা, দেখি, আমার বুক-কাটা চোখের কলে, ও

পাষণ গলে কি না একদিন। আজ পর্যন্ত কখনো আমি ভালবাসা
ভিকা চেয়ে নিরাশ হইনি...।

রজনী উঠিয়া কোচে বসিল। লক্ষী তার পানে চাহিয়া তেমনি
নিব্বয় দাঁড়াইয়া রহিল। বহুক্ষণ এমনি থাকিয়া রজনী উঠিল, বসিল,
—আমি চলনুম। মোক্ষা আমার কথাটা তুমি ভেবো প্রেয়সী।
এতখানি ভালোবাসা কি মিছে হবে!—আর খাওনি-দাওনি কেন?
ছি, ওতে শরীর থাকবে কেন।

কথাটা বলিয়া রজনী ঘুরিয়া ঘরের কাছে গেল; তারপর আর
একবার লক্ষীর পানে তৃষিত নেত্রে চাহিয়া ধীরে ধীরে বাহির হইল।
ঘরে ভালো পড়িল এবং লক্ষী যে বন্দী সেই বন্দীই রহিল।

রজনী চলিয়া গেলে লক্ষী আবার সেই জানালার ধারে গিয়া
দাঁড়াইল। এইমাত্র যে সব কুৎসিত কথা শুনিয়াছে, তার দুষিত বাশ্পে
নিশ্বাস বন্ধ হইয়া আসিতেছিল। নীচে তখন গাঢ় অন্ধকারে তরিতা
গিয়াছে, আর সেই ঘন ঘোর আঁধারে জোনাকির বিকিমিকি—তার
আঁধার ভবিষ্যতের পথে যেন একটু আলোর রশ্মি...উকি দিতেছে। সে
ভাবিল, সে মরিবে না। এখানে এই পরের ঘরে পরের আঁধারে এমন
ভাবে মরার কথা মনে হইলে স্বপ্নায় সর্বশরীর শিহরিয়া ওঠে। মরিতে
যদি হয় তো সেই তার শত স্তূপের স্মৃতি-ঘেরা জীর্ণ ঘরের মাঝে গিয়া
মরিবে! স্বামীর সামনে নাও যদি মরিতে পার, তবু সেই ঘরেই তার
মরণ-শয্যা বিছানো চাই। তাঁর পারের ধূলায় ভরা ঘর, তাঁর হানিতে
তাঁর প্রেমের আলোর আলো-করা ঘর—মরিবার মত এমন তাঁই এ
পৃথিবীতে আর কোথাও আছে।

কিন্তু সব ঘর যে বন্ধ। সে কেমন করিয়া এ বাধন কাটিয়া বাহির

হইবে ! এ সে কত দূরে কোন্ দেশে আসিয়া পড়িয়াছে—কোন্ পথ ধরিয়াই বা যাইবে ! সে ভাবিতে লাগিল । ভাবিয়া কোন দিশাই যখন পাওয়া গেল না, তখন এ বিপদের মধ্যেও তার হাসি আসিল । এই ছোট ঘরখানার ভিতর হইতে সে বাহির হইবার পথ পাইতেছে না,—ইহার মধ্যে সে বাহিরের পথের কথা ভাবিয়া আকুল ! হাররে, অদৃষ্টের এমন বিড়ম্বনায় কি কোন মানুষ পড়িয়াছে কোন দিন !

— ১১ —

সেদিন সারা রাত্রি ভাবিয়া রঘুনাথ স্থির করিল, লক্ষীকে খুঁজিয়া সে বাহির করিবেই । এই তার পণ ! এই পণ লইয়াই সে বাড়ীর বাহির হইবে । তার প্রাণের লক্ষী...তার উপর মস্ত নির্ভর রাখিয়া সে পক্ষ নিশ্চিত মন লইয়া ঘরের কোণে বসিয়াছিল—নিজেকে রক্ষার কোন উপায় যে কোনদিন তার সেবার মধ্যে মনে করিবারও সময় পায় নাই...সেই লক্ষীকে এমন বিপদে ফেলিয়া সে চূপ করিয়া থাকিবে,—যদিও কামিষের হাত একাইবে ? এ বিধম স্বার্থ-চিন্তাও যে কণেকের অস্ত তার মনে আগিয়াছিল, সে অস্ত নিজের উপর রাস হইল । এই তার ভলবাসা, এই তার স্বামি ! আদার করিবার বেলা যোল-আনা, দিয়ার বেলা কিছু না ! তা হইতেই পারে না !

কিন্তু মজী ? মজীকে লইয়া কি করা যায় ! ইহাদের বাড়ী ফেলিয়া গেলে দেখাভানার বা কতের কটি হইবে না—কিন্তু তার আহার আছে, বাসনা আছে । বিশেষ ঝা-ঝাপ দুইজনকে চোখের আড় করিয়া তার মন যখন হইয়া পড়িবে । তাছাড়া অস্থখ-বিস্থখ হইলে...এতখানি স্বস্তি কি ইহাদের মাতে ফেলিয়া দেওয়া ঠিক হইবে ? বসিলে ইহারা মজী

হইবেন নিশ্চয়—কিন্তু জাল লোক বলিয়াই কি তাঁদের দরজের উপর এতখানি ভার চাপাইয়া সে বেশ হালকা হইয়া বাহির হইবে ? যদি লক্ষী বলে, ওগো, তাকে কেমন করিয়া ফেলিয়া আসিয়াছ ! আমি যে তাকে তোমার কাছে রাখিয়াই নিশ্চিন্ত আছি...

রঘুনাথের মন বলিয়া উঠিল, না, না, মস্তীকে ছাড়িয়া যাওয়া হইবে না । এতখানি বেদনা সহিয়া যাইতেছে, আর একটা ছোট মেয়ের ভার,—এ আর সহ্য যাইবে না ? তা-ছাড়া নৈরাশ্রের মুহূর্তে দুর্বল মন যখন অবলম্বন না পাইয়া দিগ্বিরিকে ছুটিতে চাহিলে, যরণের কোষ খুঁজিলে, তখন মস্তী পাশে থাকিলে অনেকখানি শক্তি মিলিলে, সাহসও...! তাছাড়া আশাও একেবারে তাহা হইলে তার মন হইতে সরিয়া যাইবে না । মস্তীকে সঙ্গে লইয়াই নূতন পথে চলিতে হইবে !

কিন্তু কোথায় খোঁজ করা যায়—কোন দিকে, কোন পথে ! মানুষ এমন নিশ্চিন্ত হইয়াও উবিয়া যাইতে পারে যে একটা লোক সন্ধান দিতে পারে না ?

হঠাৎ মনে হইল, সেই যে ভিড়ের মধ্য হইতে কে বলিয়াছিল, তাকে মোটরে দেখিয়াছি ।...কার মোটর ? মোটরে সে গেল কি করিয়া ? তবে—তবে কি...কোন দুর্ভাগ্য তার রূপে "মুগ্ধ হইয়া তাকে হরণ করিয়া লইয়া গিয়াছে !

ভাবিতে ভাবিতে পুরাকালের সেই মর্গভেদী কাহিনী তার মনে পড়িল । বনের মধ্যে কাকল-পরা রাজার ছেলে পাতার কুঁড়ের আশ্রয় লইয়াছিলেন, কুঁড়ের আর সীমা ছিল না ! সেই বন-মধ্যে একমাত্র অবলম্বন সীতা দেবীকে হারাইয়া তিনি রাজার ছেলে ভি-কুঁড়ের মারিয়া হইয়াও খৈর্য হারান নাই ! সেই সীতাকে উদ্ধার করার সঙ্কল্প করিয়া

বনে বনে পাহাড়ে পাহাড়ে ঘুরিয়া, কত নদী পার হইয়া, কোন্ সাগরে সেতু বাধিয়া গিয়া তাঁকে উদ্ধার করেন। দিনের পর দিন, রাত্রির পর রাত্রি দীর্ঘ চিন্তার আল বুনিয়াই তিনি কান্ত ছিলেন না, ছুই হাতে কাজ করিয়াছিলেন—অমন কত বৎসরের পর বৎসর ধরিয়া! আর সে এই একটুতেই ধৈর্য হারাইয়া মরিতে চাহিতেছিল।

না—ভিতর হইতে কে যেন জোর করিয়া বলিল, তাকে পাব! তবে?

রঘুনাথ ভাবিল, নামটাতেও তো ভারী আশ্চর্য মিল! রঘুনাথ! সেকালের ভগবান রঘুনাথ তাঁর লক্ষ্মীকে হারাইয়া কাতর হইলেও শক্তি হারান নাই—সেও অত-বড় নামের মালিক হইয়া তার লক্ষ্মীকে হারাইয়া শক্তি হারাইবে? না।

* * * * *

পরদিন ভোরে উঠিয়া রঘুনাথ অধীরভাবে বাড়ীর সামনের পথে পায়চারি করিতেছিল। যতীশ আসিয়া ডাকিল,—মাঠায় মশায়—

রঘুনাথ যতীশকে বুকের উপর টানিয়া লইলেন, বলিলেন—
তোমার মা উঠেচেন?

যতীশ বলিল,—উঠেচেন।

রঘুনাথ বাড়ীর মধ্যে গেল। যতীশের মা রোয়াকে বসিয়া আনাক কুটিতেছিলেন। রঘুনাথকে দেখিয়া তিনি মাথার ঘোমটা টানিয়া দিলেন, বলিলেন,—মজী এখনো ওঠেনি।

রঘুনাথ বলিল,—আজ একটু সকাল সকাল তাকে খাইয়ে দেবেন।

যতীশের মা ছুই চোখে প্রশ্ন করিয়া রঘুনাথের পানে চাহিলেন।
রঘুনাথ বলিল,—আজ আমি বেরব ওকে নিয়ে। তার পর সে তার সন্তানের কথা খুলিয়া বলিল।

শুনিয়ে যতীশের মা বলিলেন,—কিরবে কবে ?

রঘুনাথ বলিল,—তাকে পেলেই ।

যতীশের মা বলিলেন,—মকী আমার কাছেই থাকনা ! পথে ভারী কষ্ট হবে ওর, বাবা ।

রঘুনাথ বলিল,—না, না, আমি ওকে আগে দেখবো, যাতে কোন কষ্ট না হয় ।

যতীশের মা বলিলেন,—আমরা যে ছুশ্চিন্তা নিয়ে থাকবো এখানে ।

রঘুনাথ বলিল,—আপনাকে মাঝে মাঝে খপর দেব ।

যতীশের মা বলিলেন,—কোথায় যাবে ?

রঘুনাথ এ কথার জবাব দিতে পারিল না । কি জবাব দিবে ? সে নিজে জানেও না যে কোথায় কোন্ দিক দিয়া সে সন্ধান শুরু করিবে । ক্রমেক শুরু থাকিয়া সে বলিল,—দেখি, যেতে যেতে যে পথ সামনে পড়ে, তাই ধরেই যাব ।

যতীশের মা বলিলেন,—বা শুনচি, গীতে আমার মনে হয় কলকাতার দিকে খোঁজ নেওয়া দরকার । তা, যে মন্ত সহর—সে কি সহজ কথা ! আমার ভয় হয়, প্রাণেই কি আছে সে ?

রঘুনাথের ছুই চোখ জলে ভরিয়া আসিল । এ ভয় তার প্রাণেও যে বাজিতেছে, নিশিদিন ! কিন্তু তবু মনে হইল, তার লক্ষ্মী—সে অগৎ-সংসারের কিছুই জানে না ! মরিবার কথা মানুষ ভাবিতে পারে, এমন কথাও যে তার মনে পড়িবে না ! তাছাড়া মরা—সে যে বড় শক্ত কাজ । লক্ষ্মী মরিতে জানে না, মরার কোন উপায়ও জানে না যে !

রঘুনাথ চুপ করিয়া দাঁড়াইয়া রহিল । যতীশের মা বলিলেন,—

বেশ, চূপ করে বসে থাকাতো তো যায় না। তাই কর। ধানার উপর যে কোনো বিশ্বাস নেই! না হলে ওরা মনে করলে কি সন্ধান নিয়ে বার করতে পারে না!

ধানা! ধানার কথা রঘুনাথের মনে পড়িল সেই তার-হীন সমতা-হীন ছুই চোখ, আর সেই ছুই হাত—কলের মত, খাতার পিঠে শুধু কলম চালাইয়া চলিয়াছে—কু-কথার পঞ্চমুখ কণ্ঠ-ভরা বিষ প্রাণীটি! প্রাণ গেলেও তাদের দ্বারে সে দাঁড়াইতে পারিবে না! শুধু তাদের কাছে কেন, কাহারো কাছে মুখ ফুটিয়া তার এ সর্বনাশের কথা কখনো সে খুলিয়া বলিতে পারিবে না। অন্তরের এই গূঢ়তম গাঢ় বেদনা পরের প্রায় আর পরিহাস-ভরা দৃষ্টির সামনে খুলিয়া ধরিয়া তার অপমান করিবে, এত বড় দরাজ ছাতি তার নাই!

রঘুনাথ বলিল,—নিজেই খুঁজবো।

এমন সময় যতীশ বলিয়া উঠিল,—ঐ যে মন্দির উঠেচে...

সঙ্গে সঙ্গে মন্দির একখানি ডূরে কাপড় গারে অড়াইয়া বাপের কাছে ছুটিয়া আসিল, কহিল—মাকে এনেচো বাবা?

এ কথায় স্থানটা এখনি বেদনার সুরে ভরিয়া উঠিল যে সকলেরই চোখে জল আসিয়া পড়িল। যতীশের মা তাড়াতাড়ি চোখ মুছিয়া উঠিয়া মন্দিরকে বুকে লইলেন, তার মুখে মুখ দিয়া বলিলেন,—এসো তো মা, মুখ খুঁইয়ে দি। তার পর বাবার সঙ্গে মার কাছে যাবে।

—মা আসেনি এখানে? বলিয়া মন্দির বাপের পানে চাহিল।

রঘুনাথ মুখ নত করিয়াছিল—সে কথার অর্থাৎ দিবার কোন চেষ্টাও করিল না। অন্যকে জোর করিয়া চাপিয়া ধরিল—এমন কথা

প্রতি-নিমেষেই এখন ভ্রুণিতে হইবে—উহাতে মনকে দ্বিভুক্ত হইয়া হইবে না !

আহারে বসিয়া মঙ্গী বিষম বারনা লইল, বাবা খাইলে তবে সে খাইবে, নহিলে নয়।

রঘুনাথকে তখন ভাতের কাছে বসিতে হইল এবং মঙ্গী তার মুখে এক মুঠা অন্ন গুঁজিয়া দিল। রঘুনাথ বলিল,—তুমি খাও মা।

মঙ্গী বলিল,—তুমি না খেলে আমি খাবোনা তো—কক্খনো খাবো না।

রঘুনাথকে তখন খাইতে হইল। ছইজনের আহার শেষ হইলে রঘুনাথ উঠিল; মুখ-হাত ধুইয়া যতীশের মার পারের কাছে প্রণাম করিল। তাঁর পারের ধূলা লইয়া মাথার দিয়া বলিল,—আশীর্বাদ করুন, যেন হাসি-মুখে আপনার পায়ে তাকে এনে পৌঁছে দিতে পারি।

যতীশ আসিয়া রঘুনাথকে প্রণাম করিলে রঘুনাথ কোন কথা বলিতে পারিল না, শুধু উদাস অক্রমর ছই চৌখের দৃষ্টি যেসিরা তার পানে চাহিয়া রহিল।

যতীশের মা বলিলেন,—আমাদের কলিকাতার ঠিকানাটা লিখে দাও যতী। চিঠি দিয়ো, বাবা—আর পেলেই তাকে নিয়ে আমার ওখানে গিয়ে উঠো। আমি ছ'চারদিন পরে চলে যাবি।

যতীশ মার কথার একটা কাগজে তাদের কলিকাতার ঠিকানা লিখিয়া আনিয়া রঘুনাথের হাতে দিল। রঘুনাথ কাগজটুকু আমার পকেটে রাখিয়া মঙ্গীকে কোলে লইয়া পথে বাহির হইল।

পথে আসিয়া মঙ্গী বলিল,—আমার নামিয়ে দাও, আমি হাঁটবো। হাঁটতে আমি পারি তো।

রঘুনাথ তাহাকে নামাইয়া দিল, দিয়া ভাবিল, এই তো হাঁটার স্বর—কতদিন হাঁটিতে হইবে, তার কি কোন ঠিকানা রাখিস মা !

গ্রামের বুক—ছইধারে তাল-নারিকেল, আম-কাঠালের বাগান, মাঝে ধূলা-ভরা পথ । আশে-পাশে চালা ঘর । কাহারো চালে নানা লতা-পাতা গজাইয়া চালের খড় ঢাকিয়া ফেলিয়াছে ! রঘুনাথ চারিদিকে চাহিতে চাহিতে ঘাটের পথে আসিল । তারপর ভাবিল, বাড়ীর পথে নয় । এখনি মকী সহস্র প্রস্ন তুলিয়া এমন আকুল করিয়া দিবে, জবাব তো তার দিতেই পারিবে না—মাঝে হইতে বেদনার ঘাঙলা খোঁচা খাইয়া বিষম জ্বালায় টনুটনু করিতে থাকিবে !

ঘাটে আসিয়া মাঝিকে সে ওপারে অনেকটা দূরে নামাইয়া দিতে বলিল । নৌকা চলিল । জলের ছোট ছোট ঢেউ ভাঙ্গিয়া নৌকার ছইধারে আছড়াইয়া পড়িতে লাগিল ! কি বেদনার স্বর ও—কি দরদে-ভরা কল-কলোল !

রঘুনাথ আকাশের পানে চাহিল । ঐ আকাশ,—ছই দিন পূর্বে যে আকাশ উপর হইতেই তার ছোট গণ্ডীঘেরা বিপুল স্বর্ষ চোখ মেলিয়া দেখিয়াছে—আর এও সেই বাতাস, যার পরশ তার অঙ্গে অমৃত ছিটাইয়াছে ! আজ...?

সে একটা নিশ্বাস ফেলিল । মকী বলিল,—আমাদের বাড়ী কৈ, বাবা ? এবং তার জবাবের প্রতি লক্ষ্য না রাখিয়া প্রশ্নের পর প্রশ্ন করিয়া চলিল,—মা কোথায় গেছে, বাবা ? কেন গেছে ? কার সঙ্গে গেল ? আমায় কেন নিয়ে গেল না ? যোগো, আমি যার সঙ্গে কথা কবো না তো ! আমায় ফেলে একলা চলে যাওয়া—তারী ছুই মেরে মা—আচ্ছা, আমিও মজা দেখাবো'খন ।

রঘুনাথ বলিল,—চেয়ে ভাখো মকী, কেমন ছোট ছোট চেউ, কেমন নোকো চলছে—

মকী সে কথার কাণ না দিয়াই প্রথের বড় বহাইয়া চলিল।

পারে আসিয়া রঘুনাথ মকীকে লইয়া একটা পথে চলিল। এ পথে লোকের ভিড় নাই। পথটা গিয়া মাঠের মধ্য দিয়া বড় রাস্তায় মিশিয়াছে। রঘুনাথ আরামের নিশ্বাস ফেলিয়া ভাবিল, আঃ, এ পথে আসিয়া লোকের প্রসঙ্গলাকে খুব ফাঁকি দেওয়া গিয়াছে। বহুক্ষণ হাঁটিয়া মাঠ পার হইয়া একটা জলার ধারে আসিয়া রঘুনাথ বসিল। মকী বলিল,—বসলে কেন বাবা ? চলো না...রাস্তির হয়ে যাবে যে নৈলে—

রঘুনাথ বলিল,—একটু জিরোও মা। এমন কতদিন হাঁটতে হবে তা তো জানো না!

মকী রঘুনাথের পানে চাহিল। তার অর্থ,...এ কথার মানে ?

রঘুনাথ চাদরের খুঁট খুলিয়া কড়কগুলো মুড়ি ও কিছু মিষ্টান্ন মকীর সামনে ধরিয়া বলিল,—খাও। একটু খেয়ে নাও, আবার হাঁটবো।

মকী বলিল,—তুমি খাও, তবে খাবো।

তর্ক করা রঘুনাথের সহ হইতেছিল না। কি জানি. আবার মকী কি প্রসঙ্গ করিয়া বসিবে! সেও মেয়ের সঙ্গে মিলিয়া মুড়ি মুখে দিল।

— ১২ —

সাত দিন কাটিয়া গেল। সন্ধ্যা বেলা মালী একটু আগে লক্ষীর ঘরে আলো জালিয়া দিয়া গিয়াছে।

লক্ষী এ সাত দিন সহস্রবার ভাবিয়াছে, মরিবে...মরণের ভয় প্রস্তুতও হইয়াছে, তবু মরিতে পারে নাই। মরিব মনে করা বস্তু

সহজ, যরা ভেমন নয়। বিশেষ বাঙালীর ঘরে, দুঃখী বাঙালীর ঘরে
 মরণ বড় চট করিয়া মেয়েদের স্পর্শ করিতে চায় না। অতি দুঃখে
 পড়িয়া আশার শেষ খেই হারাইয়াও বাঙালীর মেয়ে পড়িয়া পড়িয়া
 দুঃখ নয়—এ তো লক্ষী এখনো আশা ছাড়িতে পারে নাই! স্বামী,
 মেয়ে, স্বামীর ঘর...কোথা হইতে এ দুর্দিনেও তাকে এমন বাধিয়া
 রাখিয়াছে যে লক্ষী বার বার মরিতে গিয়াও শুধু তাদের মুখ চাহিয়া
 মাটিতে মুখ গুঁজাইয়া পড়িয়াও বাঁচিয়া রহিল।

আকাশে চাঁদ উঠিয়াছিল। সন্ধ্যার পরেই চাঁদের জ্যোৎস্না
 ঘরের মেঝের পড়িয়া লুকোচুরি খেলা শুরু করিয়া দিয়াছে। এ
 কয়দিন রজনী আসিয়া বাহির হইতেই চলিয়া গিয়াছে; ঘরের
 অন্তরাল হইতে লক্ষীর খোঁজ করিয়াছে; ঘরে আসে নাই। লক্ষীও
 কতকটা ভয়ের হাত হইতে নিজেকে তাই মুক্ত রাখিতে পারিয়াছে।

আজ রাত্রে চাঁদের এই রূপালি আলোর তার প্রাণের মধ্যে
 রূপালি তারে তুলিয়া আশা আসিয়া উঁকি দিল। লক্ষী ভাবিল, তবে
 বোধ হয় তার দুঃখ কাটিয়া গেল। এবার সে ছুটি পাইবে,—ছুটি!
 বাহিরের মুক্ত অবাধ বাতাসের পরশে এ দুর্দিনের স্মৃতি তুলিয়া আবার
 তার সেই চিরকালের চেনা সহজ পুরাতনের মধ্যে গিয়া প্রবেশ করিবে।
 তার খুলিয়া মালী ভিতরে আসিল; হাতে জল-খাবারের ঠোঙা।
 খাবারের ঠোঙা লক্ষীর পায়ে কাছে রাখিয়া অত্যন্ত বিনীত স্বরে সে
 বলিল,—খাও মা—

লক্ষী কাতর চোখে মালীর পানে চাহিল। সে দৃষ্টির অর্থ, আবার
 কেন আলাও গো? কিন্তু মুখ মালী সে দৃষ্টির অর্থ বুঝিল না। সে
 শুধু লক্ষীর পানে চাহিয়া দাঁড়াইয়া রহিল।

লক্ষ্মী তখন কথা কহিল, একটু কাঁজালো হুঁসেই বলিল,—কেন বার বার আমার ত্যক্ত কর তোমরা? এখনকার কোন ভিনিক আমি হৌব না! মরে গেলেও নয়!

মালী এ কথায় ব্যথা পাইল। সে বলিল,—এ আমার পরসার এনেচি মা—বাবুর পয়সায় নয়।

লক্ষ্মী অবাক হইয়া গেল। এই মুখ ছোট লোক মালী—এর প্রাণে এত মমতা, এমন দরদ!

মালী বলিল,—ক'দিন মুখে কিছু দাও নি যে মা—একটু খাও। ...আজ তোমায় আমি বার করে দেবোই। আর একটু রাত্ত হোক। তোমায় সঙ্গে নিয়ে গিয়ে একটি বাবুদের বাড়ী রেখে আসুব—সে আমি ঠিক করেচি...

লক্ষ্মী আরো বিস্মিত হইয়া ভাবিল, এ আর-একটা চাতুরীর জাল বুনিতেছে না তো! কিন্তু মালীর মুখে ভাব দেখিয়া এ সম্বন্ধে নিমেষে অন্তর্হিত হইল।

লক্ষ্মী বলিল,—তারপর তোমার...

কথাটা সে শেষ করিবার পূর্বেই মালী বলিল,—চাকরির কথা বলচো মা! তোমার আশীর্ষ্যাদে গভর থাকলে চাকরি চের মিলবে।

মালী একটা নিশ্বাস ফেলিল, তারপর মিনতি-ভরা স্বরে বলিল,—তুমি খাও এবার—না খেলে রাত্তা চলতে পারবে কেন!

এ ব্যাকুল নিবেদন উপেক্ষা করা চলে না—করিবার মত প্রাণও লক্ষ্মীর নয়। লক্ষ্মী মুখ ধুইয়া খাবার মুখে তুলিল।

মালী বলিল, আরো দুইজন যেকেকে সে এমনি পাহারা দিয়াছে,

এমনি তালি-দেওয়া ঘরে কড়া তরারকে রাখিয়াছে—কিন্তু তারা তো
মামুষ নয়! দুই দিন পরেই বাবুর সঙ্গে বেশ বনাইয়া হাসিখুসি
করিয়াছে। এবারেও সে ভাবিয়াছিল,...কিন্তু সে ভুল! তাছাড়া লক্ষীর
চোখের ঐ কাতর দৃষ্টিতে সে বুনো মালী, তারও প্রাণ টলিয়াছে!

লক্ষী কথা শুনিতে শুনিতে আহাৰ করিতেছিল—হঠাৎ নীচে
গাড়ীর শব্দ শুনা গেল। মালী বলিল,—বাবু এল যে! বলিয়াই একটু
ব্যাকুল দৃষ্টিতে লক্ষীর পানে চাহিল, বলিল,—কোনো ভয় নেই, মা—
বলিয়াই সে ঘর ছাড়িয়া বাহিরে গিয়া ঘারে তালি আঁটিয়া দিল।

লক্ষীর হাতের মিষ্টান্ন হাত হইতে পড়িয়া গেল। সে ভয়ে একেবারে
ধ হইয়া রহিল। কি আশ্চর্য—যে-মুহূর্তে সে ভয় ভুলিয়া মনটাকে
আশ্বাসে ভরপুর করিয়া তুলিয়াছে, ঠিক সেই সময়—

বাহিরে রজনীর মস্ত কণ্ঠের স্বর শুনা গেল। রজনী মালীকে
ডাকিতেছিল। ঐ দৈত্যের হুঙ্কার জাগিয়াছে—এত দিন পরে
আবার...

লক্ষী নিজেকে সম্বৃত করিয়া উঠত হইয়া বলিল—এখনি বৃষ্টি
পাহাড়ের মত বিপদ ঘাড়ে আসিয়া পড়িবে! সঙ্গে সঙ্গে ঘারের তালি
খুলিয়া রজনী ঘরে ঢুকিল, ডাকিল,—শ্রেয়সী...

লক্ষী ভয়ে একেবারে কাঁঠ হইয়া রহিল। তার বুকের মধ্যে রক্তটা
ভয়ের দোলায় ছলাৎ ছলাৎ করিয়া ছলিতেছিল।

রজনী বলিল,—সাত দিন সময় দিছি! আজ তৈরী—কি বল,
শ্রেয়সী?...কথা কচ্ছ না যে?

বলিয়াই রজনী আগাইয়া গিয়া লক্ষীর হাত ধরিল। লক্ষী হাত
ছাড়াইয়া কোণের দিকে সরিয়া গেল। রজনী তাহাকে আপটাইয়া

ধরিয়া সবলে লক্ষীর অধরে চূষন করিল, বলিল,—আঃ, বাধা-
ধর-সুধাপান...

লক্ষী প্রাণপণে নিজেকে মুক্ত করিবার চেষ্টা করিল। শরীরে কোথা
হইতে এমন শক্তি আসিয়া দেখা দিল! সে প্রাণপণে ডাকিতেছিল,
হে মা কালী, হে ঠাকুর—

রজনী বাঘের মত বিক্রমে লক্ষীকে জাপটাইয়া কোচের উপর
বসিয়া পড়িল।

লক্ষীর চোখের সামনে সমস্ত পৃথিবী একটা রক্ত-রাঙা গোলকের
মত ঘুরপাক খাইতেছিল। এ গ্রাস হইতে কি করিয়া সে মুক্তি
পাইবে! ঠাকুর, ঠাকুর...

হঠাৎ কে আসিয়া দুইজনের মাঝে পড়িয়া দুইজনকে সবলে দুই
পাশে হঠাইয়া দিল। রজনী মদ খাইয়া মাতাল হইয়া আসিয়াছিল—সে
ছিটকাইয়া কোচের নীচে গড়াইয়া পড়িল। লক্ষী ছিটকাইয়া দূরে
আসিয়া চোখ মেলিয়া চাহিতেই দেখে, মালী। মালী বলিল,—
পালাও, পালাও মা—এখনি পালাও তুমি...

লক্ষী কেমন যেন হতভয়ের মত দাঁড়াইয়া রহিল। মালী তার
হাতটা ধরিয়া সজোরে টানিল, বলিল,—পালিয়ে এসো, শীগগির...

লক্ষী তখন বুঝিল, এ কি কাণ্ড চলিয়াছে—আর এ কি মস্ত সুযোগ
তার সামনে! সে ছুটিয়া দ্বারের সম্মুখে আসিয়া পড়িল। রজনীও
ঠিক সেই মুহূর্তে উঠিয়া দাঁড়াইয়া দ্বার আগলাইল। মালী রজনীর
হাত ধরিয়া সজোরে আবার ধাক্কা দিল—রজনী গিয়া পড়িল কোচের
পায়ার কাছে।

—তবে রে বেটা বুঁটি-বাধা উড়ে—বলিয়া মালীকে আক্রমণ

করিবার অশ্রু যেমন সে উঠিতে বাইবে, ঠিক সেই ফাঁকে মালী লক্ষ্মীকে ঠেলিয়া ঘরের বাহির করিয়া দিল। লক্ষ্মীর সমস্ত চেতনা অমনি নিমেষে জাগিয়া উঠিল ; এবং সে আর কোন দিকে না চাহিয়া একেবারে সিঁড়ি টপ্কাইয়া নীচে নামিয়া আসিল।

রজনী উঠিয়া দেখে, লক্ষ্মী ঘরে নাই। মালীর উপর তার গচও ক্রোধ হইল। কিন্তু লক্ষ্মী যে সরিয়া পলায় ! মালীকে ছাড়িয়া সে তখন লক্ষ্মীর পিছনে ছুটিতে উদ্ভত হইল।—মালী বাধা দিয়া সামনে দাঁড়াইল। তখন সমস্ত ক্রোধ এ বাধায় নাড়া পাইয়া বিপুল বিক্রমে মালীর উপর ঝাঁপাইয়া পড়িল। কিল-চড়-লাথিতে মালীকে বিপর্যস্ত করিয়া রজনী শেষে তাকে টানিয়া ঘরের বাহির করিয়া সিঁড়ির উপর হইতে সজোরে এমন ধাক্কা দিল যে মালী গড়াইতে গড়াইতে গিয়া নীচে পড়িল। রজনীও মুহূর্ত্ত বিলম্ব না করিয়া টলিতে টলিতেই নীচে নামিয়া আসিল এবং এধারে ওধারে চাহিয়া একেবারে বাগানের ফটক অবধি চলিয়া গেল। ঐ পথ...জন-প্রাণীর সাড়া নাই, শব্দ নাই, এবং চাঁদের আলোয় মাতালের চোখেও ষতদূর দেখা যায়, কাহারো কোন চিহ্নও নাই ! রজনী ফিরিয়া মোটরে গিয়া উঠিল। ড্রাইভারটা তখন চোখ মুদিয়া পড়িয়াছিল ; রজনী তাকে টানিয়া তুলিয়া বলিল,—
চালাও—আস্তে যাও—

ড্রাইভার ব্যাপার না বুঝিয়াই মনিবের আদেশ পালন করিল।

সে গাড়ী ধীরে ধীরে পথে বাহির করিয়া ধীরে ধীরেই চালাইল—
আর রজনীও গাড়ীতে বসিয়া ছই চোখে ক্ষুধাতুর লোলুপ দৃষ্টি ভরিয়া পথের সামনে পিছনে ডাহিনে বামে চারিধারে তাহা নিক্ষেপ করিতে লাগিল। কোথায় গেল সে ?...কোথাও নাই !

বাহির হইয়া লক্ষী পথে আসে নাই। পাছে ধরা পড়ে, এই ভয়ে ফটকের ওদিকে যাইতে তার পা ওঠে নাই। সে ঐ পাতার ঢাকা আলো-মাথা ঝাপসা জ্বলের ফাঁকে ফাঁকে খেদিকে দুই চোখ ষায় সমান ছুটিয়া চলিয়াছিল। বাগানের বেড়া টপকাইয়া, দুই হাতে জ্বল ঠেলিয়া সে চলিয়াছিল। পায়ে কাটা ফুটিতেছে, গায়ে গাছের ডালে ধাকা লাগিতেছে—সে দিকে তার খেয়ালও নাই—চলিয়াছে, সোজা চলিয়াছে, অতি-সন্তর্পণে, গাছের শুকনো পাতার পায়ের শব্দ না ধ্বনিয়া ওঠে, সে শব্দ বাঁচাইয়া,—মাঝে মাঝে ঝোপের আড়ালে দাঁড়াইয়া। পিছন-পানেও সে চাহিয়া দেখিতেছিল, পিছনে কেহ ধাওয়া করিয়া আসিতেছে কি না!

এমনি করিয়া সারা রাত্রি সে চলিল। জ্বল ঠেলিয়া, খানা ডিঙ্গাইয়া, গলি পার হইয়া, বেড়া টপকাইয়া—বাগানের পর বাগান ছাড়াইয়া; কেবল বড় রাস্তায় গেল না। কি জানি, যদি কোন লোকের সঙ্গে দেখা হয়, যদি কেহ প্রশ্ন তোলে, তুমি কে? কোথায় চলিয়াছ? পা ভারী হইয়া মাটির উপর লুটাইয়া পড়িতে চান্ন, দেহের ভার আর সে বহিতে পারে না—তবু লক্ষী সমানে চলিয়াছে! চলার তার আর বিরাম নাই! মনের মধ্যে আশাও জাগিতেছিল, যদি ভোরের দিকে চোখে পড়ে, সেই তার চির-পরিচিত সোনার ঘরখানি...

চলিতে চলিতে মাথার উপর জ্যোৎস্না ফিকে হইয়া সরিয়া পড়িবার উদ্যোগ করিল, তার পর কোথায় তা উবিয়া গিয়া চারিধার আঁধারে ডরিয়া উঠিল। সেই আঁধারেই লক্ষী চলিয়াছে, লক্ষ্যহীন, দিকবিদিকের জ্ঞান হারাইয়া, দম-ধাওয়া পুতুলের মত!

শেষে গাছের পাতার আড় ভোরের পাখীর গুঞ্জন জাগিয়া উঠিল—

নানা পতঙ্গের বিচিত্র কল্লোলে ফুটল—তবু লক্ষ্মী চলিয়াছে। পা দুইটা এমন টাটাইয়া উঠিয়াছে যে সে আর চলে না! মনে হয়, এবার কোথাও পড়িয়া জন্মের মত এ চলায় বিরাম দিতে পারিলেই যেন সে বাঁচিয়া যায়।

গাছের ডাল-পাতা ফুঁড়িয়া ক্রমে ভোরের দিকে গোলাপী আলো ঝরিয়া পড়িল। মাতালের মত টলিতে টলিতে লক্ষ্মী আসিয়া একটা পোড়ো বাড়ীর সামনে দাঁড়াইল। মাথা ঘুরিতেছিল—সর্ব্বাক্ষ ঘামে ভিজিয়া গিয়াছে, সে যেন ঠিক স্নান করিয়া উঠিয়াছে! ঘুমে তার চোখ তুলিয়া আসিতেছিল! জোর করিয়া চাহিয়া সে দেখে, এ কি! রাত্রির অস্পষ্ট আলো-আধারের মধ্যেও যে বড় রাস্তাটাকে দূরে রাখিয়া চলিয়াছে, ভোরের আলোয় সেই বড় রাস্তার ধারেই নিজেকে আনিয়া ফেলিল! উপায়?

উপায় নাই! পাও আর চলে না। সেই পোড়ো বাড়ীর সামনে থমকিয়া দাঁড়াইয়া সে একটা নিশ্বাস ফেলিল, ভগবান!

হায়রে, ভগবানকে ডাকিয়া কোন ফল নাই! অত্যাচার-অবিচারের প্রতিকারে যদি তাঁর কোন হাত থাকিত, তাহা হইলে তাঁর পায়ের কাছে দুঃখীর বেদনার অশ্রু এমন ভাবে নিত্য পুঞ্জিত হইয়া ভোগবতী গন্ধার সৃষ্টি করিতে পারিত না! দুঃখীর দুঃখ যদি তিনি তার মিনতির প্রার্থনায় ঘুচাইতেন, তাহা হইলে এ পৃথিবীতে দুঃখ থাকিত কি! তাহা হইলে কে তাঁর পায়ের মাথা খুঁড়িয়া নিত্য এমন আকুল আবেদনে আকাশ-বাতাস ভারী করিয়া তুলিত! তাঁর নামই তাহা হইলে পৃথিবীর বুক হইতে বিলুপ্ত হইয়া যাইত! দুঃখী ডাকিয়া নিরাশ হয়, তার দুঃখও ঘোচে না, তবু লোকে কোন দিকে আর

কাহাকেও না পাইয়া তাঁহাকেই ডাকিতে থাকে...ভাগ্যের এ কি বিড়ম্বনা !

লক্ষ্মী নিকুপায় হইয়া সেইখানেই পড়িয়া রহিল। তার মাথা বিম্ব বিম্ব করিতেছিল। সেইখানে পড়িয়াই সে চোখ বুজিল।

— ১০ —

একটু বেলা ফুটিতেই সে পথে প্রথম আসিয়া দেখা দিল, হরকান্ত। সর্ব্বরকম নেশার সাধনা করিয়া সে একেবারে দিগ্গজ বনিয়াছে। এই পোড়ো বাড়ীটা তাদের দলের আড্ডা। সন্ধ্যার সময় হইতে রাত্রি প্রায় বারোটা পর্য্যন্ত এখানে মস্ত ভিড় জমে এবং সে ভিড়ের সভায় দেশের লাটসাহেবের সফরে বাহির হওয়ার খরচ হইতে স্ক্রু করিয়া যায় আজকালের বাজারের চড়া দর অবধি কোন আলোচনাই বাদ যায় না ! এমন কি সঙ্গে সঙ্গে মানব-দেহকে সকল প্রকার ভোগ্য পদার্থে আধ্যাতিক করিতে কোথায় কি সরঞ্জাম সজ্জিত বা প্রচ্ছন্ন আছে, তাহা আবিষ্কার করা এবং আবিষ্কারান্তে তাহা সংগ্রহ—এ সমস্তের কিছুই বকেয়া পড়িয়া থাকে না। এই দলের ছঙ্কারে পোড়ো বাড়ীটা পাড়ার রমণী-বৃন্দের কাছে একটা আতঙ্কের জায়গা বলিয়া এমন প্রসিদ্ধি লাভ করিয়াছে যে সন্ধ্যার পর একলা এখার মাড়াইতে তাহাদের কাহারো ভরসা হয় না।

হরকান্ত কোন পুকুরে মাছ ধরিয়া সে দিনটা স্নেহে অতিবাহিত করা যায় তাহারি সন্ধানে বাহির হইয়াছিল। হঠাৎ আড্ডা-ঘরের সামনে মূর্চ্ছিত নারী-মূর্ত্তি দেখিয়া সে কোতূহলী হইয়া কাছে আসিল এবং যখন দেখিল, মূর্ত্তিখানি শুধু নারীর নয়, তরুণী এবং অপূর্ণ সন্দরীর, তখন পরম উল্লাসে তার চিত্ত নাচিয়া উঠিল। সে সে-মূর্ত্তির কাছে আসিল এবং

কিছুক্ষণ মুগ্ধ দৃষ্টিতে তাহাকে লক্ষ্য করিয়া নিশ্বাস অস্বভব করিবার জন্ত তার নাকের কাছে হাত লইয়া গেল। এই যে, নিশ্বাস পড়িতেছে!

হরকান্ত তখন তরুণীকে একটু নাড়া দিল—সে নাড়ায় লক্ষ্মী চোখ মেলিয়া চাহিল। চাহিয়াই এ মূর্তি সম্মুখে দেখিয়া সে শিহরিয়া উঠিল।...আবার! এখনো বিরাম নাই।

হরকান্ত তখন তাহাকে তুলিয়া ধরিতে গেল। বিপদ বুঝিয়া লক্ষ্মী অতি কষ্টে উঠিয়া দাঁড়াইল এবং আত্মরক্ষার জন্ত ছুটিয়া পলাইতে গিয়া দেখিল, পা তার এমন ভারী আর টাটাইয়া রহিয়াছে, যে নড়ার শক্তি নাই। তবু সে ছুটিবার চেষ্টা করিল। শীকার ফস্কায় দেখিয়া হরকান্ত তাহাকে জাপটাইয়া ধরিল। লক্ষ্মী সে আক্রমণ হইতে নিজেকে মুক্ত করিবার অভিপ্রায়ে যুঝিতে লাগিল—কিন্তু হায়, হাত-পা নিতান্তই অবশ, শরীরে এতটুকু সামর্থ্য নাই—সমস্ত শরীরটাকে কে যেন দুমুড়াইয়া ভাঙ্গিয়া দিয়াছে। তার দুই চোখে জল আসিল। তার ক্ষুদ্র গৃহ-কোণ হইতে টানিয়া হিঁচড়াইয়া তাকে এ কোন্ পথে আজ দাঁড় করাইলে, ঠাকুর! চারিদিকে পুরুষের তীব্র লালসা মৌলুপ হাত বিস্তার করিয়া কেবলি নারীকে গ্রাস করিতে চায়! এ কি লজ্জা, এ কি দুর্ভাগ্য! পুরুষকে কি তুমি সৃষ্টি কর নাই, ভগবান!

ক্ষুদ্র শক্তি লইয়া সে লড়িতে লাগিল। তার হাত কঙ্কাইয়া লক্ষ্মী একটু ছুটিবার চেষ্টা করে, ছুটিতে গিয়া অমনি হাঁপাইয়া পড়ে—হরকান্ত গিয়া তাহাকে ধরিয়া ফেলে। লক্ষ্মী আশা হারাইয়া চারিদিকে অন্ধকার দেখিল। এমন সময়ে এক কাণ্ড ঘটিল।

ওধারে একটা গলি বাঁকিয়া একখানা ভাড়াটে গাড়ী বড় রাস্তায় দেখা দিল। গাড়ীখানা এই দিকেই আসিতেছিল। লক্ষ্মী একবার

চকিতের জন্ত গাড়ীটা লক্ষ্য করিল—তারপর চোখের সামনে সব অন্ধকার! হরকান্ত তখন তাহাকে একেবারে আয়ত্তের মধ্যে আনিয়া ফেলিয়াছে।

গাড়ী কাছে আসিল। কাছে আসিতেই গাড়ীর খোলা কিব্বিকির মধ্য দিয়া একমাত্র আরোহী এক তরুণী মুখ বাড়াইয়া পথে এই কাণ্ড দেখিয়া গাড়ী থামাইয়া নামিয়া পড়িল এবং ছুটিয়া সেখানে আসিয়া বলিল,—এ কি এ!

হরকান্ত তার পানে চাহিল। তরুণী হৃন্দরী, পরণে খদ্দের শাড়ী, গায়ে খদ্দের জামা, পায়ে নাগরা জুতা। তাকে দেখিয়া হরকান্ত থ হইয়া দাঁড়াইল, তারপর তার শীকারের দিকে আবার মনঃসংযোগ করিল। লক্ষ্মী তখন আর একেবারে ছুটিবার চেষ্টা করিল।

তরুণী ব্যাপার বুঝিয়া হরকান্তর হাত ধরিয়া ঝটকা দিল, তীব্র স্বরে কহিল,— ছাড়ো।

হরকান্ত চোখ পাকাইয়া একটা তীব্র হাস্য করিল। তরুণী তখন চকিতে গিয়া গাড়োয়ানের হাত হইতে চাবুক আনিয়া সজোরে তার পিঠে সপা-সপ্ বসাইয়া দিল।

আচম্কা ছিপটি খাইয়া হরকান্ত শুড়্কাইয়া তরুণীর পানে চাহিল। চাহিতেই মুখের উপর শপাৎ করিয়া চাবুক পড়িল—চাবুকের পর চাবুক। তার গাল কাটিয়া রক্ত বহিল এবং প্রহারে অর্জ্বরিত হরকান্ত বেআহত কুকুরের মত জ্বস্তে পলাইয়া নিজের প্রাণ রক্ষা করিল।

তরুণী তখন লক্ষ্মীকে ধরিয়া প্রশ্ন করিল,—এর মানে কি?

লক্ষ্মী হাঁপাইতে হাঁপাইতে বলিল,—অত্যাচার—

তার মুখে আর কথা ফুটিল না। সে লুপ্তিত হইয়া পড়িয়া

যাইতেছিল, তরুণী তাহাকে ধরিয়া ফেলিয়া এক রকম টানিয়াই তাহাকে আনিয়া গাড়ীর মধ্যে তুলিল। লক্ষীর হাত-পা ঝিমঝিম করিতেছিল—সর্বত্র কাঁপিতে শুরু করিল। টলিয়া সে মুচ্ছিত হইয়া গাড়ীর মধ্যে বসিয়া পড়িল।

তরুণী গাড়োয়ানকে সঙ্কেত করিল, চালাও !

গাড়োয়ান ঘোড়ার পিঠে চাবুক কশাইয়া তীব্র বেগে গাড়ী ছুটাইয়া দিল।

অনেকখানি পথ চলিয়া আসিবার পর আতঙ্ক কাটিলে লক্ষী আবার চোখ মেলিয়া চাহিল। তরুণী দুইহাতে ধরিয়া তার মুখখানি বুকের উপর তুলিয়া কহিল—ভয় নেই। তুমি আমার কাছে আছ।

লক্ষী উদাস দৃষ্টি মেলিয়া চুপ করিয়া রহিল—তার চোখের সামনে তখনো যেন একরাশ দৈত্যের কালো-কালো ভীষণ মূর্তি তাণ্ডবের তালে নৃত্য করিতেছিল !

তরুণী বলিল,—আর ভয় কি ! চাও, চোখ মেলে চাও—

এই কোমল দরদ-ভরা স্বরে লক্ষীর বেদনাহত মনের উপর শান্ত শীতল বাতাসের পরশ ভাসিয়া আসিল। তার আরাম বোধ হইল।

তরুণী বলিল,—বেশ, আমার বুকে মাথা রেখে ঘুমোও তুমি...

লক্ষী বিস্মিত দৃষ্টিতে তার পানে চাহিয়া শুধু প্রশ্ন করিল,—
তুমি মা ভগবতী ?

তরুণী মুহূ হাসিয়া কহিল,—না, আমি কিরণ, তোমার দিদি হই।

এও এই পৃথিবী ! এ পৃথিবীতে অত্যাচারের উদ্ভূত বাহু শত অস্ত্রে মানুষের বুক চিরিয়া তাকে রক্তাক্ত করিয়া তোলে ..আবার এই পৃথিবীতেই মমতার নিষ্কল নিষ্কল এমন ঝর-ঝর ধারে ঝরিয়া পড়িতেছে,

যার একটি ঝলক পরশে বুকের সে রক্ত মুছিয়া যায়, সে বেদনাও আরাম পায়। লক্ষী ভাবিল, এ যদি না হইত, তা হইলে এ দুনিয়ার মানুষ বাস করিতে পারিত কি, ঠাকুর !

কিরণ দেখিল, লক্ষীর চোখে আশ্বাসের আভাস ফুটিলেও তার মন এখনো আতঙ্কের কাঁটাগুলোকে ঝাড়িয়া ফেলিতে পারে নাই। তাকে ভুলাইবার জন্য সে তখন নিজের কথা পাড়িয়া বসিল। কিরণ বলিল,—আমি এখানে এক ঠাকুর-বাড়ীতে এসেছিলুম কাল রাত্রে, পূজা দিতে। ট্যাক্সি খারাপ হয়ে গেল। ভোর অবধি তাই থাকতে হলো ! ভোরেও ট্যাক্সি খারাপ দেখে এই গাড়ীটা ভাড়া করে কিরচি। আমি থাকি কলকাতায়,—ট্রেনে ভিড়ের মধ্যে যেতে ভালবাসি না। এই গাড়ী করে এগুনো যাবে তো—এ গাড়ী সবটা না পারে, পথে আর একটা গাড়ী নিয়েও বাড়ী যেতে পারব। আর খানিক গেলে পথে অল্প ট্যাক্সিও মিলতে পারে ! নাহলে ঘোড়ার গাড়ীতে টানা যেতে গেলে বাড়ী পৌঁছতে সময় লাগবে ঢের বেশী। আজই দুপুরের আগে আমার ফেরা চাই। সেখানে পরের চাকরি করি, তাই।...যাক, এখন তুমি কোথায় যাবে, বল দিকি ! তোমার বাড়ী কোথায় ?

এ কথায় লক্ষীর প্রাণটা ধক করিয়া উঠিল, বাড়ী ! সে কোন দিকে, কতদূরে...তা ছাড়া কার সঙ্গে যাইবে সেখানে ! তার চেয়ে...

লক্ষী বলিল,—স্বাক্ষরের মত আমার একটু আশ্রয় দেবেন, তারপর সন্ধান নিয়ে আমার বাড়ীতেই পৌঁছে দেবেন।...এই অবধি বলিয়া লক্ষী একটু থামিল, পরে একটা ঢোক গিলিয়া বলিল,—এ ক’দিনে আমার জীবনে কি যে হয়ে গেল...সব কথা আপনাকে বলবো দিদি। এমনও হয় ! বলবো, আগে একটু নিশ্বাস নি।

এই কয়টা কথা বলিতে গিয়া লক্ষ্মী কেমন অবশ হইয়া পড়িল। মনের মধ্যে এই কয়দিনের ঘটনাগুলি জ্বলজ্বল করিয়া ফুটিয়া উঠিল, তার সমস্ত সজীবতা তার সমস্ত ভীষণতাকে আরো প্রচণ্ড তেজে দীপ্ত করিয়া। লক্ষ্মী কিরণের বুকে মাথা রাখিয়া আবার চোখ বুজিল।

গাড়ী আরো খানিক চলিয়া আসিলে পথেই ট্যাক্সি মিলিয়া গেল। যে ট্যাক্সিতে কিরণ আসিয়াছিল—সেখানাই নিজেকে সারাইয়া তুলিয়া পিছনে ছুটিয়া আসিয়া হাজির হইল। লক্ষ্মীকে ধরিয়া ট্যাক্সিতে উঠাইয়া কিরণ পাশে বসিল—ড্রাইভার গাড়ীর ছড্ তুলিয়া দিল; তার পর গাড়োয়ানটাকে ভাড়া চুকানো হইলে ট্যাক্সি উর্দ্ধ্বাঙ্গে ছুট দিল।

ঘণ্টা-দেড়েকের মধ্যে ট্যাক্সি আসিয়া কলিকাতার এক পথে দোতলা একটা বাড়ীর সামনে দাঁড়াইল। দাসী ও ভৃত্য ছুটিয়া দ্বারে আসিয়া উপস্থিত হইল। লক্ষ্মী স্বরূপ হইয়া বসিয়াছিল। ছুটন্ত গাড়ীতে বসিয়া সে দেখিতেছিল, পথে চলন্ত গাছ-পালা আর সহরের মত জনশ্রোত—বিদ্যাতের মত তার চোখে পড়িয়া সরিয়া সরিয়া চলিয়াছে! এ দৃশ্য সে আর কখনো দেখে নাই। এই নূতন রকম আব-হাওয়ায় তার প্রাণ আতঙ্কের পাশ কাটাইয়া সজাগ হইয়া উঠিতেছিল। কিরণের বাড়ীতে গাড়ী থামিলে কিরণের সঙ্গে সেও নামিল এবং সকলে ভিতরে ঢুকিল।

বাড়ীতে পৌঁছিয়া কিরণ লক্ষ্মীর হাত ধরিয়া বলিল,—ওপরে এসো। কীকে আদেশ দিল,—শীগগির ছু'পেয়লা চা তৈরী করে আন্ দিকি, মদু।

. কিরণ লক্ষ্মীকে আনিয়া দোতলায় তার বসিবার ঘরে বসাইল। পরিচ্ছন্ন ঘর—অল্প আসবাবে পরিপাটি সাজানো! চেয়ার, কৌচ...

একধারে একখানি তক্তাপোষে কার্পেট-পাতা বিছানা। লক্ষ্মী আসিয়া তক্তাপোষে বসিল। কিরণ বলিল,—আমি আসচি। বলিয়াই চলিয়া গেল।

লক্ষ্মী তখন ঘরখানার চারিধারে চাহিয়া চাহিয়া দেখিল। অজানা ঘর—চারিদিকে তবু মুক্তির কি স্নিগ্ধ হাওয়া বহিতেছে! আলো, আলো, হাওয়া, হাওয়া... এই দুইটা জিনিষের কথা এ কয়দিন সে ভুলিয়াই গিয়াছিল! এই আলো আর মুক্ত হাওয়ার পরশ পাইয়া তার প্রাণের গোপন কোণে পুঞ্জিত বা-কিছু ভয় আতঙ্ক উদ্বেগ, সব ছিটকাইয়া কোথায় সরিয়া গেল! লক্ষ্মীর মনে হইল, কে এ মাহুঘটা— চোখে-মুখে স্নেহের উজ্জল দীপ্তি, গতিতে সহজ সারল্য—এ কি তার স্বপ্নের দেবী? ও কয়দিন আঁধার কারাগৃহে পড়িয়া কেবলি সে ব্যাকুল নিবেদন জানাইয়াছে, তাই আজ এই বেশে দেখা দিয়া তিনিই কি তার সকল দুঃখের অবসান করিলেন! তার এক-একবার এমনো মনে হইতেছিল, এটা সত্য, না, আবার এ স্বপ্ন দেখা চলিয়াছে! দুই চোখ রগড়াইয়া সাফ করিয়া সে চাহিল। না, সত্য—এ সব সত্য—ঐ আকাশ, ঐ আলো, এই শয্যা—এ স্বপ্ন নয়, স্বপ্ন নয়,—এ সত্য, সব সত্য!

এমনি ভাবে মনটা যখন দোল খাইতেছে, তখন কিরণ আসিয়া বলিল,—এসো দিকি, তোমার চুলটুলগুলো ঠিক করে দি—জট পাکیয়ে যেন দড়ি হয়েছে! আর মুখের এ কি শ্রী...

কিরণ লক্ষ্মীর চুল খুলিয়া চিরুণী লইয়া তার জট ছাড়াইতে বসিল। লক্ষ্মী বলিল,—থাক দিদি—

কিরণ বলিল,—কেন থাকবে!

লক্ষ্মী কিছু বলিতে পারিল না—তার দুই চোখের কোণে অলগড়াইয়া পড়িল। কার জন্তই বা...সে নিশ্বাস ফেলিল।

দাসী চা আনিল। কিরণ বলিল,—খাও, শরীরে একটু জুং পাবে'খন।

লক্ষ্মীর মুখে কিরণ চায়ের পেয়ালা ধরিয়া। এ বস্তু একেবারে নূতন! তবু কিরণের কথা ঠেলিতে তার প্রাণে বাজিল। নিজের হাতে পেয়ালাটা লইয়া সে বলিল,—আর কেন দিদি, এ সব? আমার এখন মলেই হয়।

কিরণ অত্যন্ত কাতর চোখে লক্ষ্মীর দিকে চাহিল। লক্ষ্মীর এই ফুটন্ত লাবণ্যের মাঝে অতি তীব্র বেদনার কাঁটা যে এখনো ফুটিয়া আছে, কিরণ তা বুঝিল। বুঝিয়া সমস্ত ব্যাপারখানা আগাগোড়া জানিবার জন্য তার বড় কৌতূহল হইল—কিন্তু কৌতূহল তৃপ্তির এ সময় নয়। তাই সে নিজেকে দমন করিয়া বলিল,—খাও বোন—

লক্ষ্মী আর দ্বিভক্তি না করিয়া চায়ের পেয়ালা মুখে তুলিল। কিরণ চা খাইল; খাইয়া আবার লক্ষ্মীর কেশের রাশি হাতে লইল।

এই কালো কেশের ঘন তরঙ্গ—গোলাপী মুখখানি বেড়িয়া কি সুস্মারই না সৃষ্টি করিয়াছে!

কেশের জট ছাড়াইয়া সুগন্ধি তৈল আনিয়া কিরণ লক্ষ্মীর কেশে ভালো করিয়া মাখাইয়া দিল—তার পর নিজেও তেল মাখিল। তেল মাখিয়া লক্ষ্মীকে লইয়া সে স্নান করিতে গেল। স্নানের পর লক্ষ্মীর সিঁথির আগায় ভালো করিয়া সিঁদুর পরাইয়া কিরণ বহুক্ষণ তার মুখখানি ধরিয়া ধরিয়া দেখিল, দেখিয়া বলিল,—এ যে ভগবতীর মুখ, বোন! তা বনের মাঝে ও বিপদের মাঝে পড়লে কি করে?

লক্ষ্মী বলিল,—সব কথা তোমায় বলচি দাঁদি ।

তার পর কিরণের বৃকে মুখ রাখিয়া কখনো থামিয়া কখনো চোখের জল ফেলিয়া কোন রকমে লক্ষ্মী আপনার কাহিনী আগাগোড়া খুলিয়া বলিল । নদীর ধারে সুখের ঘর, সুখের ঘর-কন্যা—স্বামীর প্রেম, মেঘের ভালোবাসা—এ লইয়া স্বর্গ রচিয়া বসিয়াছিল সে । তারপর কি করিয়া এক দৈত্য আসিয়া দেখা দিল, কি করিয়া তাকে সে ঘর হইতে ছিনাইয়া আনিল, আনিয়া বন্দী করিল—তার পর অত্যাচারের প্রচণ্ড চেষ্টা এবং তার বিরুদ্ধে লক্ষ্মীর অবিরাম সংগ্রাম—শেষে এক ছোটলোক মালীর সাহায্যে কি করিয়া রক্ষা পাইল, এবং রক্ষা পাইয়া পলায়ন করিল ; অত রাতে বনে জঙ্গলে শ্রান্ত ক্ষতবিক্ষত দুই পা টানিয়া সেই পোড়ো-বাড়ীর সামনে পড়িয়াছিল—সেখানেও ঐ উপদ্রব ! তারপর দেবী ভগবতীর মতই কিরণ আসিয়া রক্ষা করিল—দৈত্যটাকে হঠাইয়া দিয়া নিজের বৃকে নিরাপদ নীড়ে তাকে তুলিয়া লইয়াছে—সব কথাই সে খুলিয়া বলিল । কিরণ মনোযোগ দিয়া তার কথা শুনিল । শুনিয়া বিস্ময়ে শ্রদ্ধায় পুলকে তার মন ভরিয়া উঠিল । সে বলিল,—তুমি একটু জিরোও, ভাই । আমি এখন আসচি ।

দুঃস্বপ্নের মত এই রাজ্যের বিপদের মধ্য দিয়া আসিয়া কিরণের গৃহে নিরাপদ আশ্রয় পাইয়া লক্ষ্মীর মন তখন নানা চিন্তার গহনে ঘুরিতে লাগিল । যে-মন কোনরূপ আশা করিতে কুণ্ঠিত হইতেছিল, সহসা বিপদের আঁধার কাটাইয়া এই আলোর রাজ্যে আসিয়া আবার সে মন আশার বাণায় মনের তার জুড়িয়া দিল । তার সব-চেয়ে বিস্ময় লাগিয়াছিল এই রক্ষাকর্ত্রী আশ্রয়দাত্রীটিকে ! বয়স অল্প, রূপে বিদ্যুৎ ঝরিতেছে, বাঙালীর মেয়ে—অথচ গতিতে ভঙ্গীতে কি

স্বচ্ছতা, কি সরল শ্রী কুটির। রহিয়াছে ! কোথাও এতটুকু চাপলা নাই, আর লজ্জার একটা জড় আবরণে নিজেকে ঢাকিয়া সত্তের মত এ কোথাও চূপ করিয়া নিশ্চেষ্টে খাড়া থাকে না ! সেই যখন পথের মাঝে সে লোকটা বর্ষরের মত তাকে আক্রমণ করিল, তখন অল্প নারী হইলে কি করিত ! ভয়ে হয়তো কোথাও পলাইয়া যাইত—আর এ...? কি দীপ্ত তেজে দেবী সিংহবাহিনীর মতই অস্তুরটাকে কশাঘাতে জর্জর করিয়া হঠাইয়া তাকে কত বড় লজ্জা, কত বড় অপমান হইতে রক্ষা করিল । এও বাঙালীর মেয়ে ! সে-ও বাঙালীর মেয়ে । পুরুষের কুশ্রী ক্ষুধিত দৃষ্টি, অঘন্য কথার সামনে সে কঁকড়াইয়া সরিয়া নিজেকে যেখানে আরো বিপন্ন করিয়া তোলে, এ সেখানে সে সব দৃষ্টি আর কথাগুলোকে কি উপেক্ষার ভরেই না দুই পায়ে মাড়াইয়া চলে ! ঘরে-বাহিরে নিজের সুন্দর কুঠাটুকু বজায় রাখিয়া নিজের নারীত্বের গণ্ডী অতিক্রম না করিয়া কিরণ এ কত বড় বিপদে :তাকে কি সহজেই না রক্ষা করিয়াছে ! ক্ষতজতায় কিরণের পায়ে নিজের চিত্তকে সে একেরারে লুপ্তিত করিয়া দিল ।

কিন্তু এখন ? এর পরে তার পথ কোথায়, গতি কোন্ দিকে ফিরিবে !...ঘর ? ঘরে কি তিনি আছেন ? এতগুলো দিন কাটিয়া গেল ! লক্ষীকে ঘরে না পাইয়া মন্টা কাঁদিয়া হয়তো মরিয়াই গিয়াছে—আর তিনি ?...দুই-দুইটা শোকের ঘায়ে হয় পাগল হইয়াছেন, নয়...

শেষের কথাটা ভাবিতে তার বুক ছাঁৎ করিয়া উঠিল । না, না, এ হইতেই পারে না ! তা যদি হইত, এমন সর্বনাশ যদি ঘটিত, তাহা হইলে শেষকালে এমন আশ্চর্য উপায়ে নিজের নারীত্বকে সে রক্ষা করিয়া আজ এ আলোর মাঝে আসিয়া দাঁড়াইতে পারিত কি !

কিন্তু এত দিন কাটাইয়া আজ যদি সে ঘরে ফেরে, পাড়ার লোক আসিয়া জিজ্ঞাসা করিবে, কোথায় গিয়াছিলে, কার সঙ্গে... কোথায় ছিলে? তখন তাদের সে প্রশ্নের জবাবে.....

লক্ষ্মীর গা ছম্ছম্ করিতে লাগিল। এত বড় বিপদে এমন রক্ষা পাইবার কথা কে বিশ্বাস করিবে!...আবার পরক্ষণে মনে হইল, তারা না করুক, স্বামী বিশ্বাস করিবেন। কিন্তু এটুকু সহ্যল লইয়া স্বামীর বাহু-পাশে ফিরিয়া স্বামীকে কি সকলের চোখে ঠিক তেমনি ভাবেই তেমনি সম্মানেই সে রাখিতে পারিবে! আড়ালে তারা যদি এ লইয়া তাঁকে বিক্রম করে, টিটকারী দেয়! সে কোন্ ছার,—মহালক্ষ্মী সীতা দেবীকেও রাজ্যের প্রজারা নিন্দা করিয়াছিল, এবং তার ফলে সীতার মত সতীকেও ভগবান রামচন্দ্র গহন-বনে নির্বাসনে পাঠাইয়া ছিলেন!...

এ-সব কথা ভাবিতে গিয়া লক্ষ্মীর সমস্ত ভবিষ্যৎ আঁধারে আচ্ছন্ন হইয়া পড়িল। তার জন্ম স্বামী লাঞ্ছনা সহিবেন? না!...তার চেয়ে যেমন সে হঠাৎ ঘরের কোণ হইতে সহসা সে রাতে উবিয়া গিয়াছে—তেমনিই জগতের বুক হইতে উবিয়া যাক!

এমনি চিন্তা করিতে করিতে নিজেকে এই উবাইয়া দিবার কল্পনাটা তাকে এমন পাইয়া বসিল যে তার সামনে হইতে আর সব একেবারে মুছিয়া গেল! মরণ! মরণ! মরণ! চোখের সামনে মরণের কালো পাখা যেন সে মেলানো দেখিল!

কিরণ আসিয়া লক্ষ্মীকে ঠেলা দিয়া তুলিল, বলিল,—ওঠো তো বোন—ভাত দিয়েছে।

লক্ষ্মীর তখনো শ্রান্তি ঘোচে নাই। সে কিরণের পানে ক্যান্ ক্যান্ করিয়া চাহিয়া রহিল।

কিরণ বলিল,—এসো, খাবে এসো ।

লক্ষ্মী তার মুখের উপর 'না' বলিতে পারিল না—ঐ স্নেহে ঢলঢল মুখ, ঐ দরদে ভরা জ্বলজ্বলে ছুই চোখের স্নিগ্ধ দৃষ্টি ! একটি কথাও না বলিয়া সে কিরণের সঙ্গে তার অঙ্গুগমন করিল ।

উপরে ঘরের সামনেই পাথরে-বাঁধানো দালান । দালানে দুখানি আসন পাতা, আসনের সামনে অন্নের পাত্র ।

কিরণ বলিল,—হাত ধুয়ে খেতে বসো । খেয়ে দেয়ে জিরোও । তোমার এখন সাতদিন ঘুমুলে তবে শরীরে জুং আসবে ।

লক্ষ্মী ভাতের খালার সামনে চুপ করিয়া বসিয়া রহিল ! কত দিন পরে...! এ অন্নের মুখ এ কয়দিন সে চোখেও দেখে নাই ! সেই শেষের দিন রঘুনাথ খাইয়া স্কুলে চলিয়া গেল—মন্টা খাওয়া সারিয়া তুলসীতলার কাছে তার গেলার ঘরে বসিয়া খেলা করিতেছিল—দাওয়ায় বসিয়া রঘুনাথের পাতের অন্ন লক্ষ্মী খুঁটিয়া তুলিল ; পরে ভাত খাইয়া বাসনের গোছা লইয়া পুকুর-ঘাটে গেল—বাসন মাজিয়া ভিজা এলোচুলের রাশ পিঠে বুলাইয়া পুকুর-পাড় ধরিয়া আসিতেছিল, পাশে নারিকেল গাছের সারি—পুকুরে জলের কোলে কচুর ঝোপ,—সেই ভুলো কুকুরটা...ছবির মত সেদিনকার সে দৃশ্য তার চোখের সামনে ফুটিয়া উঠিল । ছুই চোখ জলে ভরিয়া গেল !...

কিরণ লক্ষ্মীকে চুপ করিয়া বসিয়া থাকিতে দেখিয়া তাহার পানে ফিরিয়া চাহিল, বলিল,—ও কি বোন, কানচো কেন ? আর তো কোনো ভয় নেই...

লক্ষ্মী চোখের জল চাপিয়া রাখিতে পারিল না । কিরণ আদর করিয়া নিজের আঁচলে তার চোখ মুছাইয়া দিল, বলিল,—ছি, কান্দে কি ! খাও—



"এখনি বৃকি পাছাডেন মত নিপন বারড আসিনা প'ডনে"

লক্ষ্মী কাঁদিতে কাঁদিতে বলিল,—আমার সামনে এই মল্লিকা ফুলের মত অল্পের রাশ, আর তারা...

কিরণ একটা নিশ্বাস ফেলিল; তার পর সাধনার স্বরে বলিল,—তিনি পুরুষ মানুষ, কখনই তিনি চূপ করে বসে নেই! মেয়ে? তোমার একারিই তো মেয়ে নয়, বোনু—তঁারও তো বটে!...তাছাড়া ধর, তুমি যদি মরেই যেতে...মেয়েকে তিনি দেখতেন না?

লক্ষ্মীর হাতের ভাত তবুও মুখে উঠিল না। কিরণ আবার বলিল,—এমন করলে তো চলবে না ভাই। বিপদে হা-হতাশ করলে বিপদ কাটে না, তা থেকে উদ্ধারের চেষ্টা চাই তো! না খেয়ে দুর্বল শরীরে উপায়ই বা ভাববে কি করে! চোখে খালি ঘুম আসবে, মাথাও একেবারে তুলতে পারবে না।

লক্ষ্মী কথা কহিল, বলিল,—আমার আর কি হবে আশার, দিনি? সব মিছে। কোথাকার মানুষ, কোথায় এসে পড়েছি!...এখন মলেই আমি নিশ্চিত হই! আর কেন—! এ যতই ভাবছি, ততই দেখছি, চারিদিকে জট পড়ছে! লক্ষ্মী একটা নিশ্বাস ফেলিল।

কিরণ তার পানে চাহিয়া থাকিয়া বলিল,—এতেই তুমি কাতর হয়ে মরতে চাইছ, বোনু!—তবু তোমার সব আছে...। আর আমি? নিজের পায়ে সব হঠিয়ে ঠেলে এখনো বেঁচে আছি! শুধু তাই নয়—বেশ আরামেই বাস করছি, দেখচো ত! এমন সাঝানো ঘর, কেতা-ছরস্ত সাজ-সজ্জা, বিলাস ভূষণ...কোনটাতেই ক্রটি নেই!...আমার মশায় যদি পড়তে...

কিরণ কথাটা শেষ করিতে পারিল না—কণ্ঠ বাধিয়া গেল। বহু

শাখা—১ নং কর্ণওয়ালিস স্ট্রিট, কলিকাতা

দিনকার হারনো কথার রাশ আসিয়া প্রাণটার মধ্যে নিমেষে জড়ো হইল! একটু থামিয়া সে মস্ত একটা নিশ্বাস ফেলিল।

লক্ষ্মী একেবারে বিশ্বয়ে নির্ঝাক হইয়া গেল। এই সহজ সরল মানুষটি—যাকে দেখিলে মনে হয়, দুঃখের মুখও কখনো দেখে নাই—তার প্রাণের মধ্যেও এত বেদনা লুকানো আছে! মহাহুত্বিতে তার চিত্ত গলিয়া গেল। সে কিরণের পানে চাহিয়া ডাকিল—দিদি...

কিরণ উদাসভাবে আকাশের পানে চাহিয়া ছিল। অতীতের হারানো কথাগুলো প্রাণের মধ্যে ঝড়ের রোল জাগাইয়া তুলিয়াছিল। সেই ঘর, সেই ঘরে সেই স্নেহ, সেই প্রীতি—তারপর এক দুঃশার বশে কি আলস্যের পিছনে ছুটিতে গিয়া সব চুরমার হইয়া গেল! নূতন জগতে এ এক নূতন জীবন...! এর করুণাও যে মনের কোণে কোন দিন উকি দেয় নাই!

লক্ষ্মী জবাব না পাইয়া ডাকিল,—দিদি—

কিরণের স্বপ্ন ডাকিয়া গেল। একটা নিশ্বাস ফেলিয়া সে বলিল,—
ডাকচো?

লক্ষ্মী বলিল,—তোমার দুঃখের কথা আমায় বল, দিদি। আমি ছোট বোন, তাছাড়া লোকের দুঃখের কথা বড় গুণতে ইচ্ছা করে। আমিও দুঃখী, তাই বুঝি এ সাধ হয়। কথাটা বলিয়া স্নিগ্ধ দৃষ্টিতে আবেদনের প্রার্থনা ভরিয়া সে কিরণের পানে চাহিল।

কিরণ বলিল,—বলবো বৈ কি, বোন। স্রোতের মুখে কুটোর মতই ভেসে বেড়াচ্ছিলুম—তুমি এসে স্নেহের সজ দিবে কাছে ঝাড়িয়েচ আজ! তোমায় বলবো বৈ কি! কিন্তু আগে ভাত কটি মুখে দাও। ...মরবে কেন? মানুষ হয়েচ, তার মেয়ে মানুষ, সইতে হবেই যে।

কাতর হয়ে মরার চেয়ে বিপদের সঙ্গে যোঝায় বেদনার মধ্যেও একটা মস্ত আশ্রয় আছে! সে আশ্রয় আমি ভোগ করেছি—করছিও। আর তুমি মরতে চাইছ!...আজ বাদে কাল, চল, তোমার দেশে খোঁজ করি—ঠিকানা জানো ত, গাঁয়ের নাম জানো ত—তবে? তুমি নিরাশ হও কোন্‌ ছুঁখে, বোন?

এ কথায় লক্ষ্মী ঘেন অকূলে কুল পাইল। তাই তো, সে এমন নিরাশ হইতেছিল কেন! গ্রামের নাম ধরিয়া সন্ধান লইলে সব তো আবার ফিরিয়া পাইবে। রাত্রি—সে তো কাটিয়া গিয়াছে! তা যদি কাটিল তো এ দিনের আলোয় কি কাল্পনিক ভয়ের আভাস আগাইয়া সে এমন মুষড়াইয়া পড়িতেছে!

লক্ষ্মী ধাইতে বসিল। আহারের পর কিরণ তাহাকে লইয়া ঘরে গেল; বিছানা ঝাড়িয়া দিয়া বলিল,—একটু ঘুমোও।

লক্ষ্মী বলিল,—না, তোমার কথা বল দিদি—

কিরণ বলিল,—বলবো'খন। আমি তো পালচ্ছি না কোথাও।

লক্ষ্মী বলিল,—না দিদি, বল—আমায় আরো তোমার বুকের কাছে টেনে নাও।

কিরণ কপেক স্তব্ধ থাকিয়া বলিল,—বেশ, তবে শোনো—

— ১৪ —

এই সহরের বুকেই একটা গলির মধ্যে কিরণের বাপের বাড়ী। এখনো আছে কি না, কে জানে! সেদিকে পা বাড়াইবার কথা মনে হইলে তার সর্ব-শরীর শিহরিয়া ওঠে! তাছাড়া সেখানকার সম্পর্ক... সে তা নিজের হাতে কাটিয়া দিয়া আসিয়াছে!

স্বামীর কথা মনেও পড়ে না ! বয়স তখন দশ বৎসর । বাপ গরিব, —মোজবরে বর পাইয়া তার হাতেই কিরণকে সঁপিয়া দিয়াছিলেন । স্বামীর বয়স তখন চল্লিশ পার হইয়াছে । সে জন্ত বাপের উপর রাগ করিবার কিছু নাই, রাগও সে করে নাই কোনদিন । বেচারী বাপ— কি করেন ! জিশের নীচের পাঞ্জেরা এত বেশী টাকা চাহিয়াছিল যে ভিটার সঙ্গে হাড় কয়খানা বেচিলেও বাপের পক্ষে তার ছোপাড় করা অসম্ভব ছিল ! কাজেই...কিন্তু সে কথা যাক !

বিবাহের পর দুই-তিনবার সে শুরবাড়ী গিয়াছিল । স্বামীর পাঁচ-ছয়টি ছেলে-মেয়ে—তিনটি তার চেয়েও ডাগর । কাজেই সেখানে খাপ খাইতে দুই-চারি বৎসর সময় লাগিবে,—এমনি আভাস মনে জাগাইয়া স্বামী তাহাকে বাপের ঘরেই ফেলিয়া রাখিলেন ! আর সে দুই-চারি বৎসর কাটিবার পূর্বেই ইহলোকে স্বামীর জীবনের মেবাদ ফুরাইল—এবং বিবাহের দুই বৎসর পূর্ণ হইবার পূর্বেই কিরণের সিঁথির সিঁদুর মুছিয়া তিনি মহাপ্রস্থান করিলেন ।

তার জন্ত যে কিরণের মনে কোন বেদনা জাগিয়াছিল, এ কথা বাললে মিথ্যা বলা হয় । বুঝি, সেই পাপেই আজ - সেই কথাই পরে বলিব ।

স্বামী চলিয়া গেলেও যৌবন তার দাবী ছাড়িয়া সরিয়া রহিল না তো ! মা-বাপের আদরের মাঝে বৈধব্যের আচার ঠেলিয়া যৌবনের লাক্ষ্য আসিয়া কিরণকে অপূর্ক হাঁদে সাজাইয়া তুলিল ; সেদিকে কিরণের চোখও পড়ে নাই । একদিন পড়াইল একজন—তাকে কেন্দ্র করিয়াই কিরণের এই নূতন জীবনের সূত্রপাত !

বাপের বাড়ীর ঠিক পায়েই ছিল একটা মাঝারি-গোছ বাড়ী ।

বাড়ীটা যেসময় হইয়া নব কলেবরে বিদ্যুতের আলোর মালা গলায়
 ছুলাইয়া পাড়ার মধ্যে সকলের দৃষ্টি আকর্ষণ করিল—এবং সেই বাড়ীতে
 বাস করিতে আসিল, কোথাকার এক জমিদারের তরুণ পুত্র, তার
 কয়জন ভৃত্য লইয়া। জমিদার-পুত্র কলিকাতায় আসিয়াছিল কলেজে
 লেখাপড়া করিবার জন্য !

কিন্তু লেখাপড়ার কেতাবে তার চোখের দৃষ্টি কতখানি কুঁকিত, কে
 তার খোঁজ রাখে ! জমিদারের তরুণ পুত্র দুই চোখের ক্ষুধিত দৃষ্টি
 লইয়া পাশের এই জীর্ণ গৃহে কিসের সন্ধান করিত, তার খপর কিরণ
 হাড়ে হাড়ে বুঝিল। তার বয়স তখন ষোল বৎসর। ষোড়শী রূপসীর
 অঙ্গ বেড়িয়া যে লাবণ্য করিতেছিল, তরুণ নায়ক গোপন অন্তরালে
 বসিয়া নয়ন দিয়া তাহা পান করিত !

সে দৃষ্টি তীরের মত যেদিন কিরণের গায়ে বিধিল, সেদিন সে
 শিহরিয়া সরিয়া গিয়াছিল। সে দৃষ্টির অর্থও সে ঠিক বোঝে নাই ;
 তবে তার মধ্যে কাঁটার মত কি একটা ছিল, তাঁরি আঘাতে কিরণ
 বেদনায় কেমন শিহরিয়া উঠিয়াছিল। তারপর চলিতে ফিরিতে সে
 সতর্ক দৃষ্টিতে অন্তরাল হইতে সন্ধান করিত, সে চোখের দৃষ্টি আরও শর-
 নিক্ষেপের জন্য ব্যাধের মত ওৎ পাতিয়া কোথাও আছে কি না।

এমনি সতর্ক সন্ধানের মাঝ দিয়া চোখে-চোখে মিলিয়া যে বিদ্যুৎ
 খেলিয়া যাইত, সেই বিদ্যুৎই ক্রমে তার পরশে-শিহরণে অন্তরের
 বিরাগটাকে যাজিয়া ঘষিয়া একদিন এমনি পুলক-ছটার রূপান্তরিত করিল
 যে কিরণ তার পরশে মরিল। অর্থাৎ যে দৃষ্টি-পরশকে সে ভয় করিত,
 যে-দৃষ্টিকে বিরক্তি আর আর উপেক্ষায় সে অর্জরিত করিয়া দিতে ছাড়ে
 নাই, সেই দৃষ্টিই একদিন এমন সরস মাধুর্য্য ফুটাইয়া তুলিল যে ওই

দৃষ্টিটুকুর অন্ত তার প্রাণ অধীর উন্মুখ হইয়া থাকিত! রাতে বিছানায় পড়িয়া সে ভাবিত, কখন আবার দিনের আলোর সঙ্গে সঙ্গে ও-বাড়ীর বাতায়নে সেই চোখের দৃষ্টিতে নানা রঙের ফুল ফুটিয়া তার শুক মরুর মত নির্জীব প্রাণে বসন্তের গন্ধ বহিয়া আনিবে। সে দৃষ্টিতে কি অমুরাগ, কি বেদনা, কি মিনতি যে ব্যরিয়া পড়িত।

শেষে একদিন চোখের ভাষা চিঠির গায়ে ভাসিয়া তার পারের কাছে আসিল পড়িল। আদর-ভরা, সোহাগ-ভরা ঠিক যেন গানের মালা! এমন সুরও চিঠির ভাষায় বাজিতে জানে! কিরণের প্রাণটা গন্ধে-বর্ণে ভরিয়া একেবারে মাতাল হইয়া উঠিল। রোজ চিঠি আসিতে লাগিল—হাতের একটা অক্ষর চাহিয়া, একটু স্মৃতি, একটু লেখার পরশ মাগিয়া কি সে আকুল মিনতি! সমস্ত পৃথিবীখানা কিরণের সামনে হইতে উবিয়া গিয়া ঐ এক মিনতির সুরে পাক খাইয়া ফিরিতেছিল। তার মনে হইত, এ পৃথিবীতে মা নাই, বাপ নাই, ঘর নাই, কেহ নাই, কিছু নাই,—আছে শুধু ঐ প্রাণ-মাতানো সোহাগের সুর! কিরণের মনে হইত, বিশ্বের বাসনা কামনা তার পারে নূপুরের মত আঁটিয়া শুধু ঐ একটি সুরই বাজাইয়া চলিয়াছে!

কিরণ চিঠি না লিখিয়া থাকিতে পারিল না! রাতে সকলে শয়ন করিলে গোপনে উঠিয়া সে কত সতর্ক হইয়া চিঠির জবাব লিখিত! তার পর রাতেও—ও-বাড়ীর জানালা দিয়া ঝুলানো ছতায় চিঠিখানি গিয়া গোপনে বাধিয়া দিত—আর ভোরে উঠিয়াই দেখিত উঠানের কোণে শিশির-ভেজা দুর্কা-বনে জবাব তার পড়িয়া আছে! সে তার ভোরের পাখী—আবার কি বহিয়া আনিল, শুনিবার জন্য কিরণ চিঠি বুকে করিয়া অন্তরালে চলিয়া যাইত! একবার, দুইবার, শতবার সহস্র-

বার চিঠি পড়িয়া বুকের আঁচলে সেটি লুকাইয়া রাখিত—ওরে আমার ভোরের পাখী, এই বুকে মুখ গুঁজিয়া পড়িয়া থাক—দিনের আলোর লোকের ভিড় কাজের মাঝে অবসর-মত থাকিয়া থাকিয়া তোর সুরে প্রাণ ভরপুর করিয়া তুলিব ! তার পর সেই রাত্রির নিস্ততি হওয়ার অপেক্ষায় কি অধৈর্য্যেই যে কাল কাটিত—কতকণে জবাব লিখিবে ! তা মনে হইলে আজো প্রাণটা বেদনায় ডাঙ্কিয়া লুটাইয়া পড়ে !

একদিন ভোরে ভোরের পাখী আসিয়া বলিল,—তুমি এসো, কাছে এসো, বুকে এসো, আমার নিখিল জুড়িয়া বসিবে, এসো—নহিলে এ প্রাণ আর রাখিতে পারি না !

এ সুরে সারাদিন মন এমন আচ্ছন্ন রহিল ! না গেলে...সর্বনাশ—সব সুখ জন্মের মত খোয়াইয়া বসিবে । তার কাছে স্বর-সংসার বাপ-মা স্নেহ-মায়া সব মিথ্যা বলিয়া মনে হইল, ধোঁয়ার কুণ্ডলীর মতই সমস্ত সংসার ছিটকাইয়া সরিয়া গেল । কিরণ জবাব দিল—লইয়া চল গো !

হুনিয়ায় তখন শুধু প্রেমের স্বপ্ন জাগিয়া উঠিয়াছে—আর-সব কোথায় হারাইয়া গিয়াছে ! জগতে শুধু এই দুটি প্রাণী, দুই জনের প্রেমে নির্ভর করিয়া কোন্ নিরুদ্দেশের উদ্দেশে যাত্রা করিতে চায় ! লোকালয় ছাড়িয়া সব ছাড়িয়া প্রেমের দায়ে দুইজনে বৈরাগ্য মাগিতে চলিয়াছে !

কিন্তু দুর্ব্যোগ নামিল সেদিন সন্ধ্যার পূর্বকণে ! যেমন জল, তেমনি ঝড় । বিছাতের রোষে-রাঙা আঁখির চকমকানি, সঙ্গে সঙ্গে বাজের তেমনি ভীষণ হুকার আর গর্জন ! ধরণী বৃষ্টি প্রলয়ের ঘোঁতে ডাসিয়া বাইবে ! সারাক্ষণ কিরণ কি আতঙ্কে কাটাঁইয়াছিল, সে কেবলি ঠাকুরকে ডাকিয়াছিল,—হে ঠাকুর, আজিকার মত তোমার প্রলয়

খাড়াইয়া রাখো গো ! একবার দুইজনে আমার পাশে দাঁড়াইয়া হাতে হাত রাখি—তারপর আনো তোমার বিরাট আঁধার, বজ্রের হুকার বিদ্যুতের চমক, মৃত্যুর করাল মুষ্টি—কোন কোভ থাকিবেনা প্রভু !

হায়রে, এ তো দুঃখীর দুঃখ-মোচন নয়, অত্যাচারের প্রতিকার নয়—তাই ঠাকুর সে প্রার্থনা তখন শুনিলেন ! মেঘ-জল দেখিতে দেখিতে খামিয়া শান্ত হইল—স্নান-সাবা পৃথিবীর বুকে জ্যোৎস্নার শুভ্র হাসি ঝরিয়া পড়িল—আকাশে-বাতাসে এমন একটি স্নিগ্ধ শান্তিও দীপ্তি ফুটিল যে দেখিয়া কিরণের শ্রোণ একেবারে বিভোর মুগ্ধ হইয়া গেল !

তারপর আরো রাজি হইলে চারিধার যখন ঘুমের কোলে নিবুয় শুক, কিরণ তখন ধীরে ধীরে আসিয়া গৃহের দ্বার খুলিয়া পথে দাঁড়াইল । জন-হীন পথ—শুধু মাঝে মাঝে আলোর খামগুলো কি একভাবে স্তম্ভিত দাঁড়াইয়া ! কিরণের পা কাঁপিল, গা ছম ছম করিয়া উঠিল—ভয়ে সে আকাশের পানে চাহিল—টাদের মুখে কি ও হাসি, যেন বিক্রমে ভবা । সমস্ত নিশ্চিন্ত-আকাশ তার এ নিলজ্জ অভিসার যাত্রা দেখিয়া একটা টিটকারীর হাসি হাসিতেছে যেন ! কিরণের মনে হইল, এ কি করিতেছে সে ? এই যে গৃহের দ্বার খাড়াইয়া বাহিরে আসিল, এ দ্বার যদি চিরদিনের মত বন্ধ হইয়া যায় ! সে একটা নিশ্বাস ফেলিয়া ভাবিল,—না, ফিরি...

ফিরিবার জন্ত পা উঠাইয়াছে, এমন সময় সে আসিয়া হাত ধরিল, ডাকিল,—এসো ।

অমনি তার সব চিন্তা সে সুরের তলার কোথায় যে মুছিয়া গেল ! সে স্পর্শে অড় বাহিরের বিশ্ব ঢাকিয়া গেল,—কিরণ চেতনা হারাইয়া

তার হাতে হাত রাখিয়া খানিকটা পথ গিয়া একখানা গাড়ীতে উঠিল। প্রাণের মধ্যে একটা কাঁপন চলিয়া ছিল, তারি দোলায় একটা কথা ভাসিতেছিল, ও ঘর যদি বন্ধ হয় ? যদি...? কিন্তু এই হাতের পরশ হইতে তার স্বর্গ যে নামিয়া আসিতেছে ! সে ভাবিল, ও ঘর বন্ধ হয়,... হোক ! তারপর গাড়ী যখন রাজির স্তম্ভতা ভেদ করিয়া পথ সচকিত করিয়া শব্দে ছুট দিল, তখন কিরণের হঠাৎ মনে হইল, যেন তার সে স্তম্ভ বাড়ীটা বুক ফাটাইয়া তীব্র স্বর তুলিয়া তাকে ডাকিতেছে,— ফিরে আয় ওরে, ফিরে আয় !

হায়রে, সে মোহাগ, সে আদর ঠেলিয়া ফেরা কি যায় ! কিরণ ফিরিতে পারিল না। গাড়ী গিয়া একটা বাগানে ঢুকিল। বাগানের মধ্যে বাড়ী। তারি পাথরে-বাঁধানো সিঁড়ির নীচে গাড়ী থামিতে সে আদর করিয়া কিরণকে নামাইল ; তাকে বুকে করিয়া উপরের ঘরে লইয়া গেল। তারপর অধরে অহুরাগের প্রথম পরশ—কিরণ বিহ্বল বিবশ হইয়া চোখ বুজিল !

কি স্বপ্নের মাঝ দিয়াই তারপর কাটিল যে তার দিন আর রাজিগুলা ! বাড়ীর কথা এক-একবার মনে হইত, কি কাহ্না, কি শোক সেখানটাকে ঘিরিয়া ফেলিয়াছে ! অমনি সে নিখাস চাপিয়া সেদিক হইতে মনকে সরাইয়া আনিত ! এই আলো, হাসি, গান আর স্বর, জীবনে আর কিছু নাই। মর্ন্ত্য নন্দনের সৃষ্টি হইয়াছে যে !

কিন্তু এ স্বপ্নও ভাঙিল। ছয়মাস না কাটিতে তরুণ প্রমোদ বৃদ্ধে দুর্লভ হইয়া উঠিল। অধীর প্রাণে ব্যাকুল প্রতীক্ষায় কিরণের কয়দিন কয় রাজি কোথা দিয়া বে কাটিয়া গেল ! ছোৎমা রাতে বাতায়নে বাঁড়াইয়া অধীর ভাবে সে প্রতীক্ষায় থাকিত, কখন আসিবে সে...

জ্যোৎস্না সারা রাত্রি আকাশের আসরে বিচিত্র ভালে নাচিয়া রাত্রি-শেষে যান চোখে শ্রান্ত দেহ এলাইয়া সরিয়া যাইত—তার তখন চমক ভাবিত, তাই তো, সারা রাত্রি এই বাতায়নে জাগিয়া কাটিল! সে তো আসিল না!...শেষে খপর আসিল, তরুণের নেশা কাটিয়াছে এখন নূতন ফুলে নূতন মধু-পানে বিভোর সে! .

নিমেষে কিরণ বুঝিল, সে কি বেশে এখানে আসিয়া তার সর্বস্ব দিয়া কি ভাবেই না নিজেকে রিক্ত নিঃস্ব করিয়া ফেলিয়াছে! নারীর নারীত্ব একটা ইতরের ছলনায় ভুলিয়া এমন হেলায় সে হারাইয়া বসিয়াছে! নেশায় মাতিয়া সে এ কি করিয়াছে! প্রাণের মধ্যে আলো জালিতে গিয়া তারি তীব্র শিখায় প্রাণটাকে পুড়াইয়া ছাই করিয়া ফেলিয়াছে! ফুল বলিয়া যাকে সে মাথায় ভুলিয়াছিল, সে তো ফুল নয়—সাপ, বিষধর সাপ! নিজের সর্বনাশ সে নিজে করিয়াছে, প্রাণ দিয়া, সর্বস্ব দিয়া! আজ সে জগতের বৃকে পড়িয়া আছে, দীন, রিক্ত, সর্বহারা! শুধু তাই নয়, মাথায় যে পশরা ধরিয়াছে আজ...

ফোভে অশুশোচনায় কিরণ পাগল হইয়া উঠিল। ভাবিল, এই দুই চোখ উপড়াইয়া ছিঁড়িয়া ফেলি! এই রূপ, এই যৌবন, এই দেহ—যারা অমন চক্রান্ত করিয়া তার নারীত্বটাকে দুই পায়ে মাড়াইয়া ধেঁংলাইয়া চুরমার করিয়া দিল, সেই রূপ, সেই যৌবন, সেই দেহটাকে ছুরির আঘাতে ক্ষত-বিক্ষত করিয়া ফেলিবে! নিজের উপর এমন রাগ ধরিল যে সে মরিবে বলিয়া ছাদে উঠিল। তখন সন্ধ্যার আকাশ অপূর্ব রক্তরাগে উজ্জল! কাঁপ দিবে, এমন সময় হঠাৎ মনে হইল, সে-ই তো গেল—কিন্তু যে তার এ সর্বনাশ করিল, সেই ঠক, প্রতারক, ভণ্ড, তার তো কিছু হইল না! সে পরম আরামে নিশ্চিন্ত হুখে

তার সেই চিরদিনকার জগতের বৃকে তেমনি অনায়াসে তেমনি নিঃসঙ্কোচে ঘুরিয়া বেড়াইবে !...তাকে যদি আজ সামনে পাওয়া যাইত ..ওঃ !

কিন্তু না,—মিছা এ রাগ ! সে তো হাত ধরিয়া এ পথে তাকে টানিয়া আনে নাই !* কিরণ নিজের ইচ্ছায় ঘর ছাড়িয়া পথে আসিয়া দাঁড়াইয়াছে । সে চিঠি লিখিয়া আসিতে বলিয়াছিল ? বলুক—কেন কিরণ তখন তার মুখের উপর স্থণার চাবুক মারিয়া বলে নাই, কে তুমি ভুলাইতে চাও আমার এমনি চলনাথ ! কথার কুহকে ভুলাইয়া বাহিরে ডাকো ! যখন সে হাত ধরিয়া বলিয়াছিল, এসো, কেন সে তখন তার মুখের উপর তীব্র হুকারে বলিয়া উঠিল না,—যে, না, আমি যাইব না ! ইচ্ছা করিয়া বিপথে আসিয়া পরকে আজ চোখ রাঙানো ? এ শুধু নিজেকে প্রতারণা করা ! তার মনে এ সন্দ জাগিয়াছিল । বাহিরে ডাকের জন্ত সে উন্মুখ অধীর ছিল, তাই তো আজ ঘর-ছাড়া, সব-ছাড়া, পথের মাহুষ সে ! যেদিন প্রথম সে চোখের দৃষ্টি তার গায়ে তীরের মত বিধিয়াছিল, সেইদিনই কেন সে তাকে দুইহাতে প্রাণপণে টানিয়া তুলিয়া দূর করিয়া দেয় নাই ? আজ সে ফেলিয়া গিয়াছে বলিয়া নিজেকে সব দোষে খালাস রাখিয়া, যত দোষ তার ঘাড়েই চাপাইতে চলিয়াছে—বটে !

কিরণ মরিবে না । সে স্থির করিল, মরা হইবে না । যে-মন অমন পরের চলনার ভুলাইয়া তার নারীত্বের অপমান করিয়াছে, সমস্ত জীবনটাকে বিবাক্ত করিয়া তুলিয়াছে, সেই মনটাকে মাজিয়া সাক্ষ করিয়া ব্রহ্মচারিণী করিয়া রাখিবে সে । কাজের মাঝে ভুলাইয়া

খাটাইয়া তাকে দিয়া এ আরাম, এ বিলাসের চূড়ান্ত প্রায়শ্চিত্ত
করাইবে সে।

গহনা-পত্র ও টাকাকড়ি তরুণ নায়ক তার পায়ে রাশীকৃত জমা
করিয়াছিল। শ্রাকরা ডাকাইয়া কিরণ সে-সব বিক্রয় করিল। টাকা
খরচ করিয়া বহু তীর্থে সে ঘুরিয়া বেড়াইল। কিন্তু প্রাণের মধ্যে স্মৃতির
জ্বালা আর থামিতে চায় না! ঠাকুর দেখিয়াও থামে না, সাধু-
সন্ন্যাসীর পায়ে ধূলি গায়ে মাখিয়াও সে জ্বালা জুড়াইতে চায় না!
বিরক্ত হইয়া সে আবার সহরে আসিল। মনকে কাজের মধ্যে
ডুবাইয়া রাখে, তবু সেই স্মৃতির জ্বালা! শেষে সে ঠিক করিল, সে
থিয়েটারে চুকিবে, অভিনেত্রী হইবে। ঐ পথেই শুধু নিজেকে
ভোলা যায়! আজ রানী সাজিয়া কাল দাসী সাজিয়া সেই রাণী আর
দাসীর মধ্যে নিজের অস্তিত্ব সে ডুবাইয়া দিবে! নানা চরিত্রের
ভূমিকার মাঝে আপনাকে যদি ভোলা যায়!

কিরণ থিয়েটারে চুকিল! অল্প দিনেই তার খ্যাতি চারিদিকে
রটিয়া গেল। বাপের দেওয়া নামটা সে চিরকালের জন্য ঠেলিয়া
সরাইয়া রাখিয়াছে—সে আদরের নামটার অপমান আর না হয়! সে
নামের কথা মনে হইলে কিরণ ভাবে, সে মরিয়াছে। কিরণ,...সে এক
সম্পূর্ণ নূতন লোক!

পয়সার এখন তার অভাব নাই! সে পয়সায় নিজেও সে ভদ্রভাবেই
বাস করিতে চায়। তার এ পয়সা শুধু নিজের পিছনেই ব্যয় করে না।
কেহ আসিয়া দুঃখ জানাইলে কিরণ তাহা ঘুচাইতে সাধ্য-যত প্রয়াস
পায়। তবে উৎপাতও যে না ঘটে, এমন নয়। থিয়েটারে চুকিবার
পর সেখানে ম্যানেজার হইতে ছোট একটরটা অবধি তার

ভালবাসার কাড়াল হইয়া পায়ের কাছে কতবার নতজাহু হইয়া পড়িয়াছে ! কঠিন দৃষ্টি আর তীব্র ভৎসনার তাদের সে সাফ বুঝাইয়া দিয়াছে, এ শক্ত কাঠ, এখানে রসের আশায় হাত পাতিলে কোন দিন সে আশা মিটিবার সম্ভাবনাও নাই, কেবলি দুঃখ পাওয়া সার হটবে। কত তরুণ আসিয়া ভিখারীর সুরে বলিয়াছে,—একটু ভালবাসা দাও, কিরণ— !

কিরণ বিক্রপের হাসি হাসিয়া তাদের মুখের উপর স্পষ্ট বলিয়া দিয়াছে, পুরুষ মানুষ ভালবাসার ধারণা ধারে না, আর পুরুষমানুষকে সে চিরদিন ঘৃণা করে। তাদের ভালবাসার কথা মনে হইলে তার সমস্ত গা ঘৃণায় ভরিয়া ওঠে ! একটা পথের কুকুরকেও সে ভালবাসিতে প্রস্তুত আছে, কিন্তু পুরুষ মানুষ ?...কুকুরের অধম, ভণ্ড, প্রতারক, বাধাবাজ... !...

কিরণ বলিল,—আজ এই অবধি থাক—আমার সর্ব্বাঙ্গ কাঁপচে। সে সব কথা মনে হলে আজো আমার বুকের মধ্যে রক্ত যেন নেচে ওঠে।

লক্ষ্মী বলিল,—থাক্ দিদি। তোমার কথা শুনে আমি শুধু অবাক হয়ে গেছি, এত বড় তোমার মাথার ওপর দিয়ে গেছে—আর তুমি এমন হাসি-মুখে আছ !

কিরণ বলিল,— কি করব বোন ! যা গেছে তা তো গেছেই, তার জন্ত হা-হতাশ করে ফল কি ! বরং তা থেকে যা শিক্ষা হয়েছে, সেইটুকু মাথায় রেখে যা বাকী আছে, সেইটুকুর মধ্যে যাতে বিবেক ছোঁয়াচ না লাগে, বাঁচিয়ে চলাই ভালো নয় কি !

লক্ষ্মী বলিল,—আমার কি মনে হচ্ছে, জানো দিদি ?

কিরণ বলিল,—কি ?

লক্ষ্মী বলিল,—তোমার মা-বাবা, ভাই-বোন,—তারা কেমন আছেন,—তাদের দেখা দাও...

কিরণ চূপ করিয়া রহিল, পরে একটা নিশ্বাস ফেলিয়া বলিল,—
 তাঁদের কাছে গিয়ে দাঁড়াইবার উপায় যে নেই, ভাই। তাঁদের দোরে সমাজ কড়া পাহারা নিয়ে দাঁড়িয়ে আছে! আশ্রয় সেধারের কানাচে দেখতে পেলে সে অমনি তার প্রচণ্ড লাঠি আমার গরিব বাপ-মার মাথায় বসিয়ে দেবে!...তারপর একটু হাসিয়া আবার বলিল,—তাছাড়া বাপ আমার এমন তেজী যে অনাহারে পরের দোরে ডিক্কাও যদি করতে হয় তা করবেন, তবু আমার কাছে সে কষ্ট কখনো জানাতে আসবেন না! তাই ভাবি, বোন, কি বরাত আমাদের, এ বাঙলা দেশে মেয়েমানুষের! একটা ভুল, ভুল বৈ কি—দৈবাৎ যদি করে ফেলি তো তার যত বড় প্রায়শ্চিত্তই করতে চাই না—সে ভুলের মার্জনাও নেই, আমাদের সমাজে!

কিরণের দুই চোখ উত্তেজনার জ্বলিতেছিল। লক্ষ্মী তার পানে চাহিয়া চূপ করিয়া রহিল। বহুক্ষণ উদাসভাবে চাহিয়া থাকিবার পর কিরণ কহিল,—ভাবচি, এই তো একটা মস্ত কাজ হাতে এসেছে। তোমায় যদি তোমার স্বামীর হাতে ভুলে দিতে পারি, তাতেও কি প্রায়শ্চিত্ত হবে না! সতী-সাক্ষী তুমি, তোমার স্বধের ঘরে যদি তোমায় বসিয়ে দিতে পারি তোমার স্বামীর পাশে, তোমার মেয়ের পাশে...

বলিতে বলিতে কিরণের চোখের সামনে ফুটিয়া উঠিল এক ফুলে-ভরা কুঞ্জ। সেই কুঞ্জে ছায়া-করা গাছের তলায় বেদীর উপর বসিয়া লক্ষ্মী একরাশ ফুল লইয়া মালা গাঁথিতেছে তার স্বপ্ন-দেবতার অন্ত...
 মুখে উৎকণ্ঠার ভাব—আশার রঙীন ছাপটুকু তবু লাগিয়া আছে!

তারপর রঘুনাথ আসিল মেয়ের হাত ধরিয়া ! ছুইজনের চোখে-চোখে মিলিল । কিরণ ছুইজনের হাতে হাতে মিলাইয়া দিল । লক্ষীর হাতে গাঁথা মালা স্বামীকে মেয়েকে কি নিবিড় ভোরে বাধিয়া ফেলিল ! অমনি ওদিকে আকাশ হইতে ঝর-ঝর পুষ্পবৃষ্টি হইল ! এ দৃশ্যের উজ্জলতায় তার মনের মধ্যটা অবধি আলোয় আলো হইয়া গেল— ছুই চোখে তার দীপ্তি প্রতিবিম্বিত হইল । লক্ষী তখনো তেমনি মুক্ নিরীক দৃষ্টিতে কিরণের পানে চাহিয়া ।

হঠাৎ কিরণ লক্ষীকে বৃকের কাছে টানিয়া তার মুখে চুষন করিল । আদরে সোহাগে তাহাকে ডুবাইয়া দিয়া বলিল,—সতী-লক্ষী বোনটি আমার, তোমার পায়ের ধূলায় আমার মন পরিষ্কার করে দাও...বলিয়া তীব্র উচ্ছ্বাসের ভরে সে একেবারে লক্ষীর পায়ের হাত দিয়া সে-হাত নিজের মাথায় ছোঁয়াইল ।

লক্ষী তার হাত সরাইয়া দিয়া বলিল,—ও কি কর দিদি ! আমি তোমার ছোট বোন যে—ওতে আমার অকল্যাণ হবে !

—না, না, না,—কিরণ অধীর উচ্ছ্বাসে বলিল,—না, বয়সের উপরেও যার আসন চিরদিন, নারীর মন, নারীর দেহ—তা যে কি উচুতে রেখেচো এত বিপদের মাঝেও, সে তুমি বুঝচ না তো ! এ যে বড় পবিত্র জিনিষ ভাই,—এই নারীর মন ! কারো ছোঁয়াচ লাগাতে নেই এতে—বাহিরে নয়, চিন্তায়ও নয় !...একে তুমি নির্মল রেখেছ...তোমার ঐ দীনতা ভেদ করে কি মহিমা জাগিয়ে রেখেছ—

কিরণ মুগ্ধ দৃষ্টিতে লক্ষীর পানে চাহিয়া রহিল । লক্ষী কুণ্ঠিত হইয়া রহিল ! তাকে লইয়া এ কি ছেলেমান্নী কিরণের ! সে বলিল,—তোমার কোন দোষ নেই, দিদি । তুমি যে কিছুই পাওনি । যার সঙ্গে বিয়ে

হলো, তাঁকে মনের মধ্যে বরণ করে নেবার সময় হলো কৈ !...তার পর যাকে মনের আসনে দেবতা করে বসালে, সে যদি ছলনা করে চলে যায়, তাতে তোমার দোষ কি !...তাকেই তো তুমি তোমার এক, তোমার সর্কস্ব বুঝেছিলে, তাই তো তাকে নারীর মনেব আসনে বসিয়েছিলে আদর করে ! তবে...?

হঠাৎ এত বড় কথাগুলো তার মুখ দিয়া বাহির হইতে লক্ষ্মী নিজেই অবাক হইয়া গেল। এ-সব কথা এমন ভাবেও যে তার মুখে ফুটিতে পারে, এ তার কোনদিনই মনে হয় নাই। অমনি তার মনে হইল, ঘর-ছাড়া এই বিপদের মাঝে তার মন এতখানি বড় হইয়া উঠিয়াছে যে সে অতি-ছোট গণ্ডী অতিক্রম করিয়া বাহিরের অনেক-খানিকে আমল দিবার অধিকার পাইয়াছে !

কিরণ কি বলিতে যাইতেছিল, বলা হইল না ; দাসী আসিয়া ঋপর দিল, ভুলো পলাশডাঙ্গায় যাইবার জন্ত তৈয়ার হইয়াছে—কোন চিঠি যদি দিবার থাকে তো দাও।

কিরণ তখন লক্ষ্মীকে লইয়া চিঠি লেখাইতে বসিল। পাঁচখানা ছিঁড়িয়া ছয়ের খানা এক রকম পছন্দ-সই হইল। কিরণের কথায় লক্ষ্মী লিখিল,—

শ্রীচরণেষু—

নানা বিপদ কাটাইয়া এখানে দিদির আশ্রয়ে পৌছিলাম। চিঠি পাইয়া তুমি এই লোকের সঙ্গে মটিকে লইয়া আসিবে। দেখা হইলে সব কথা বলিব। আমার জন্ত ভাবিও না। ইতি

তোমার চরণাশ্রিতা লক্ষ্মী।

তারপর চিঠির তলায় কিরণ তার বাড়ীর ঠিকানা লিখিয়া দিল।

ପ୍ରାୟଶ-



লেখা হইলে খায়ে রঘুনাথের নাম লিখিয়া ভুলো-ভৃত্যকে লক্ষী সাধ্যমত গ্রামের ঠিকানা বুঝাইয়া দিলে কিরণ তাকে বলিল,—তুই একখানা ট্যান্ডি নিজেই যা। পথে লোককে জিজ্ঞাসা করলে গায়ের খোঁজ পাবি। তোমার ছোটদিদিমণি পারে হেঁটে এত পথ আসতে পেরেছে যখন, তখন গায়ের খোঁজ পাওয়া শক্ত হবে না।

ভুলো দরদী ভৃত্য, বিশ্বাসী; এবং পশ্চিমী হইলেও বেকুব নয়। সে চিঠি লইয়া চলিয়া গেল। কিরণ বলিল,—এসো বোন, আমরা একটু লেখাপড়া করতে হবে এখন। খিয়েটার আছে—যেটা সাজতে হবে, সেটা একবার দেখে-শুনে নি।

কিরণ উঠিয়া পাশের ঘরে গেল। এইটা তার লেখাপড়া করিবার ঘর। এইখানেই সে তার ভূমিকার কাগদা-কাগুন বুঝিয়া শিক্ষা করে। ঘরে প্রকাণ্ড একখানা আয়না; তাছাড়া টেবিল, চেয়ার, একটা কোঁচ এবং শুভ্রাপোষও আছে। কিরণ আসিয়া ঘরের দ্বার ভেঙাইয়া নিজের কাজ করিতে লাগিল, আর লক্ষী তার পানে মুগ্ধ দৃষ্টিতে চাহিয়া রহিল।

সন্ধ্যার পূর্বে ভুলো ফিরিয়া আসিয়া সংবাদ দিল, সে বাড়ী আগুনে পুড়িয়া ছাই হইয়া গিয়াছে। আর পাড়ার লোক বলিল, রঘুনাথবাবু 'ছোট ঘেরেটিকে লইয়া গ্রাম ছাড়িয়া চলিয়া গিয়াছেন। কোথায় গিয়াছেন, সে সন্ধান কেহই দিতে পারিল না।

শুনিয়া লক্ষীর মাথা ঘুরিয়া গেল। উপায়...? তার চোখের সামনে যে-পৃথিবী একটু আগেই বেশ শান্ত মূর্তি ধরিয়া অপূর্ব রঙে রাঙাইয়া উঠিতেছিল, সেটা আবার সহসা তার রঙ বদলাইয়া ভীষণ কালো মূর্তি ধরিয়া অচণ্ড বেগে ঘুরিতে শুরু করিয়া দিল! হুই চোখে আধার ভরিয়া সে ডাকিল,—দিদি...

মাথা—১ নং কর্ণওয়ালিস স্ট্রীট, কলিকাতা

কিরণ বলিল,—ভয় নেই, বোন, ভেবো না। তাঁকে পাবেই।
খপরের কাগজে আমরা ছাপিয়ে দেব যে তুমি এখানে আছ। তোমার
সিঁথির সিঁ দুরের জোর কি কম! ওরি জোরে তাঁকে আমরা আনবই।
মোদা তুমি অমন মুষ্ড়ে থেকে না—বুক বাধো! সতী-লক্ষীর
এয়োতির জোর সামান্য নয়।

এ কথা শুনা তাড়িত-প্রবাহের মত লক্ষীর শিরায় শিরায় বহিরা
গেল। লক্ষী গুম্ব হইয়া রহিল। জোর করিয়া মনকে সে স্থির করিল,
মনকে বলিল, ভয় নাই, তাঁকে পাইব! কিন্তু খপরের কাগজ!
তাহাতে ছাপা হইবে এত-বড় লজ্জার কথা! না, না! সে বলিল,—
খপরের কাগজে আর কিছু লেখে না।...কিরণ বলিল,—তাই হবে।

— ১৩ —

রঘুনাথ মন্টীকে লইয়া পায়ে হাঁটিয়াই যে কত পথ অতিক্রম করিল,
তার ঠিকানা নাই। শেষে হাতের পয়সা ফুরাইয়া গেল। মন্টী ক্ষুধার
কাতর হইলে রঘুনাথ দুই চোখে আঁধার দেখিল। মন্টী আর চলিতে
পারিতেছিল না। পথের ধারে গাছতলায় সে শুইয়া পড়িল।
রঘুনাথ বসিয়া তার পানে চাহিল। সে ভাবিতেছিল, মন্টী যদি মরিয়া
যায়?...বেশ হয়! তারও শৃঙ্খল কাটে! এ অনিশ্চিতের মাঝে ঘুরিয়া
বেড়ানোরও অবসান হয়! সেও তাহা হইলে মন্টীর পিছনে তার
অনুসরণ করে!...

শীর্ণ কণ্ঠে মন্টী ডাকিল,—বাবা...

রঘুনাথ সম্মুখে কহিল,—কেন মা?

মন্টী কহিল,—বড় খিদে পেয়েছে বাবা।

রঘুনাথ কোন জবাব দিতে পারিল না। অশ্রুসিক্ত চোখে মন্দির কাতর মুখের পানে শুধু চাহিয়া রহিল।

সেদিন কি একটা যোগ ছিল। দলে দলে পল্লী-নারীরা ঘানের ক্লেশে পথে চলিয়াছিল। রঘুনাথ হঠাৎ কি মনে করিয়া রমণীদের সামনে ঝাড়াইল, ডাকিল—মা...

একজন বর্ষীয়সী রমণী তার পানে চাহিলেন। রঘুনাথ অতি-কষ্টে নিবেদন করিল যে দারুণ বিপদে তারা ঘর-ছাড়া; মেয়েটা ক্ষুধায় মরিয়া যাইতে বসিয়াছে, হাতে তার পয়সা নাই। যদি দয়া করিয়া...বর্ষীয়সী গাছতলার মন্দির পানে চাহিলেন। আঁচলে কয়টা পয়সা ছিল, রঘুনাথের হাতে দিয়া বলিলেন,—এই নাও বাবা...

একজন তরুণী ঘোমটার আড়ালে বর্ষীয়সীকে কি বলিল। শুনিয়া বর্ষীয়সী বলিলেন,—কিছু কিনে ওকে খাওয়াও। তারপর আমরা এই পথেই তো ফিরবো চান করে। আমাদের সঙ্গে এসো তখন—মেয়ের মুখে ভাতও একমুঠো তাহলে দেওয়া হবে। হাতে তো পয়সা আর নেই...এতে কি হবে বাবা ছ'জনের?

রঘুনাথের চোখে জল আসিল। হায়রে, সে আজ পথের ভিখারী! এ'ও তার অদৃষ্টে ছিল!...পরক্ষণেই সে ডাকিল, দেখা যাক, এর পর অদৃষ্টে আরো কি আছে! অদৃষ্টের স্রোতেই সে গা ভাসাইয়া দিবে। তার পর লক্ষীর দেখা যদি মেলে কোনদিন, সেদিন তার কোলে শ্রান্ত শির রাখিয়া বলিতে পারিবে, ওগো শ্রেয়সী, ঐশ্বর্যে তোমার সুড়িয়া দিতে পারি নাই. প্রাচুর্যের স্বথে তোমার কোনদিন হুখী করিতে পারি নাই, তবু তোমার প্রেমে ভিখারী সাধিয়াছি...লক্ষী, প্রাণের শ্রেয়সী আমার...

কিছু লক্ষ্যকে যে পাওয়া যাইবেই, তার কি আশা আছে... !

যশী ডাকিল,—বাবা—

রঘুনাথের চমক ডাকিল। সে বলিল,—তুমি একটু গুরে থাকো, মা। আমি খাবার কিনে আনি। বলিয়া সে উঠিল; এবং খানিকটা আগাইয়া গিয়া একটা খাবারের দোকান দেখিল। খাবার কিনিয়া যশীর কাছে রাখিয়া সে বলিল,—খাও মা—

যশী বলিল,—তুমি খাও, তবে আমি খাবো।

আবার সেই কথা! গুরে এ কতটুকু...! তবু তাকে খাইতে হইল। যশী না হইলে খাইবে না! খাওয়া শেষ করিয়া রঘুনাথ সেইখানেই বসিয়া রহিল। সেই মমতাময়ী যে কথা বলিয়া গিয়াছেন, তাঁর সে কথা ঠেলা ঠিক হইবে না। তাঁর মমতার তাহাতে অপমান হইবে।

স্নান সারিয়া তাঁরা আবার এই পথেই আসিলেন। রঘুনাথকে বলিলেন,—এসো বাবা—

রঘুনাথ যশীকে লইয়া তাঁদের অনুসরণ করিল।

একটা কোঠা বাড়ী। বাড়ীর কর্তা বৃদ্ধ—এককালে ভালো চাকরি করিতেন, এখন পেন্সন পাইয়া বাড়ীতে বসিয়া বিক্রাম-স্থ উপভোগ করিতেছেন। রঘুনাথের সঙ্গে তাঁর পরিচয় হইল। রঘুনাথও তাঁর মমতায় গলিয়া নিখের কথা সমস্ত খুলিয়া বলিল।

তিনি তিন বলিলেন,—কাগজে একটা বিজ্ঞাপন দিন।

রঘুনাথ বলিল,—বড় খরাপ দেখাবে। সমস্ত দেশের বৃকে এ কথা একেবারে—

তিনি কর্তা বলিলেন,—একটু অল্প রকমে বিজ্ঞাপন দেওয়া যাক তবে...

রঘুনাথ বলিল,—না, থাক ।

তার মনে হইল, যদি লক্ষ্মীকে সত্যই কেহ চুরি করিয়া লইয়া গিয়া থাকে, তাহা হইলে এত বড় অপমান, এত বড় লজ্জার উপর এ ব্যাপারটা তাকে একেবারে হুঁতুত করিয়া ফেলিবে ! তাহাড়া লক্ষ্মী কেমন করিয়া সে কাগজ দেখিবে ! দেখিলেও সে অবলা নারী...ঘরের বাহিরে যে-মন্ত জগৎ, তার কাছে তা একেবারে অচেনা ! কেমন করিয়া সে তার জবাব দিবে, কেমন করিয়াই বা আসিয়া তার কাছে উপস্থিত হইবে !...তার কোন সম্ভাবনা নাই ! মাঝে হইতে একটা হুঁতুত কুৎসার পাঁকে রঘুনাথ তাহাকে আকর্ষণ নিমজ্জিত করিয়া ফেলিবে !

কাছেই রঘুনাথ এ কথাই রাঙ্গী হইল না ।

আহারাদির পর সে আবার বাহির হইবার জন্য উঠিল । কর্তা বলিলেন,—একটু জিরিয়ে নিন—পথে বেরতে হবে, জানি, তবু...

না । রঘুনাথ তাবিল, বাহিরে থাকাই চাই এখন । যদি পথে দেখা মেলে ! এখানে এই প্রাচীরে-ঘেরা বন্ধ বাড়ীর মাঝে...সে কথা ভাবিতে গেলে নিখাস বন্ধ হইয়া আসে !

থাকা হইল না । রঘুনাথ মস্তীকে লইয়া আবার পথে বাহির হইল । বিধাতা তার সুখের ঘর ভাঙিয়া আজ যদি 'তাকে' পথের পথিকই করিয়াছেন, তবে সে সেই পথকেই সফল করিয়া ঘুরিয়া ফিরিবে ! লক্ষ্মীকে যদি কোনদিন পাওয়া যায়, তবেই আবার ঘরের কথা ভাবিবে, মহিলে এই পথই তার সার ।

— ১৬ —

এমনি পথে পথে ঘুরিতে ঘুরিতে একদিন সে নির্জন তরু-বীথি ছাড়িয়া একেবারে সুপ্রশস্ত রাজপথে আসিয়া দাঁড়াইল। এ এক নূতন রাজ্য! এখানে লোক শুধু ছুটিয়াছে, অধীর আগ্রহে কিসের পিছনে, কে জানে! এ পথে কেহ একদণ্ড দাঁড়ায় না,—চলিয়াছে, কেবলি চলিয়াছে! পথের পাশে ভূষিত চোখে কাতর মুখে কে দাঁড়াইয়া আছে, তার পানে ফিরিয়া দেখিতে কাহারো আগ্রহ জাগে না, ফিরিয়াচাহিবার সময়ও নাই! এ কি ব্যস্ত চঞ্চল ভাব—চারিদিকে! এই লোকের মেলায়, এই ইট-কাঠ-পাথরে যোড়া সহরের বুকে সে আসিয়াছে, তার লক্ষীর খোঁজে! এ বিষম হট্টগোলে কোথায় পড়িয়া আছে সে বেচারী তার সমস্ত উদ্বেগ, উৎকর্ষা, সরম আর কুণ্ঠা লইয়া, কোন্ নিরালম্ব কোণে...!

এখানে তার লক্ষীর খোঁজ পাওয়া... এ যে আকাশে ফুল ফুটাইবার ছরাশা!

গাড়ীর পর গাড়ী, 'লোকের পর লোক—কি ভিড়! এ ভিড় দেখিয়া মন্দির রঘুনাথের হাত চাপিয়া ধরিল; তার বড় ভয় হইতেছিল, যদি তার হাত ছিটকাইয়া সে দূরে সরিয়া পড়ে! রঘুনাথও ভয় পাইল, এ ভিড়ে তার মন্দিরকে ঠিক পাশটিতে আঁটিয়া ধরিয়া রাখিতে পারিবে তো!

তারপরে শুরু হইল পাগলের মত নিকরদেশ ঘোরা-ফেরা! কখনো একটা আশায় খেঁই ধরিয়া সে ছোট্টে গদার ভীরে... আবার কখনো বা ঘুরিয়া বেড়ায় এ পথে ও পথে—নানা পথে! এই লোক-জনের

ভিড়ে এত লোক চলিয়াছে যে তার আর সংখ্যা হয় না! ইহাদের মধ্যে কেহ কি বলিতে পারে না, তার লক্ষীকে কোথাও দেখিয়াছে কি না!

এই জন-তরঙ্গে আশার মাত্রা সহসা বাড়িয়া প্রাণটার এমনি আবেগ আর উৎসাহ আগাইয়া তোলে যে রঘুনাথের হাঁশ থাকে না, মণী তার সঙ্গে আছে... আর নিজের না হোক, মণী তো ক্রুখা-ক্রুখা তুলিয়া যায় নাই! কেবলি মনে হয়, এই ভিড়ে তাকে পাইবই... ঐ না, ঐ ঘোমটা-মুখে নারীর দল স্নানে নামিয়াছে, উহার মধ্যে ঐ লাল সাড়ী পরিয়া—ও লক্ষী...না?...সে আগাইয়া যায়...কিন্তু হায়রে, কল্পনা শুধু ছলনার তাহাকে ঘুরাইয়া মারে! সবই মিছা হয়!

ছই দিনের পর তৃতীয় দিনে মুন্সিল বাধিল এই যে এত ভিড় থাকিলে কি হয়, ভিক্ষা এখানে মেলে না! তার উপর রাতিটাও যে কোথাও পথে পড়িয়া কাটাইবে, তাতেও মুন্সিল। পুলিশ এখানে চোরের পিছনে যত না ছুটুক, নিরাশ্রয় গৃহ-হীন বেচারাকে পথে পড়িয়া থাকিতে দেখিলে বীরদর্পে লাঠি তুলিয়া তার পিছনে ধাওয়া করিয়া তাকে খেদাইয়া দেয়। ঘর তো নাইই, এখানে পথও পারের নীচে হইতে সরিয়া যায়!

এমনি ভাবে মাসখানেক কাটিতে চলিল। রঘুনাথ গঙ্গার ঘাটে এক ব্রাহ্মণের কাছে আশ্রয় লইল। সে বেচারী কিছুদিন পূর্বে একটিমাত্র মেয়েকে হারাইয়া তার বিগ্রহের মূর্তিটিকেই আকড়িয়া পড়িয়াছিল। মণিকে দেখিবামাত্র তার প্রাণে এমন মায়া হইল যে সে আর তাদের ছাড়িতে চায় না। রঘুনাথ তার সমস্তই গুলিয়া

হুঃখের কাহিনী তাহাকে খুলিয়া বলিয়াছিল। ব্রাহ্মণ সাধনা দিয়া
বলিল,—ঠাকুরকে ধরে পড়ে থাকো, তাঁর অদেয় কি আছে !

রঘুনাথের মন এ সাধনা গ্রহণ করিতে পারিল না। এই তো
এক মাস ধরিয়া ঠাকুরকে সে প্রাণপণে ডাকিয়া আসিয়াছে, ঠাকুর
তো কোন সাড়াই দিলেন না। রঘুনাথ মহসাহায্যবিল, এর চেয়ে যদি
দেশের সেই ভয়ঙ্কর মধ্য মুখ গুঁড়িয়া পড়িয়া থাকিত, তাহা হইলে
হয়তো বা এতদিনে কোন হৃদয় মিলিত। সে ব্রাহ্মণকে জবাব
দিল,—তা ঠেক হয়, ভাই ? এই তো তুমি ঠাকুরকে ধরে পড়ে আছ
অথচ তোমার শেষ সবলটুকুও তিনি ছিনিয়ে নিলেন !

ব্রাহ্মণ বলিল—সময় সময় মনে হয় এ কথা।...কিন্তু আবার
ভাবি, মেয়েটার ভাবনায় ভারী বিভ্রত থাকতুম। কোনো কূলে কেউ
নেই, শুধু ঐটুকুই ছিল। যদি ওটার বিয়ে দেবার আগে মরে
যাই, তাহলে মেয়েটার কি হবে। কার কাছে যাবে, কে দেখবে
...এমনি ভাবনায় পাগল হব, এমনও মনে হতো।...ব্রাহ্মণ কণেক
শুক্ক রহিল ; পরে একটা নিশ্বাস ফেলিয়া আশ্বাস বলিল,—তাই ঠাকুর
ভাবনার বোঝা সরিয়ে নিয়ে আমায় নিশ্চিন্ত করে দিলেন।

রঘুনাথ তার পানে চাহিয়া অবাক হইয়া ভাবিতে লাগিল, এই
সরল ব্রাহ্মণ অত-বড় শোকের মধ্যেও কি সাধনারই না সৃষ্টি করিয়াছে !
বুকটার মধ্যে শোকের পাথর বলিলেও চলে, কিন্তু বাহিরে তার
এতটুকু চিহ্ন নাই ! চকিতে অমনি এত বড় সহরবানা তার চোখের
সাধনে হইতে তার সমস্ত হৃদয়গোল বিলাস আর ঐশ্বর্য-সম্বল কোথায়
সরিয়া গেল, শুধু আশ্রিতা রহিল এই পথার তীরের এই ছোট্ট ভাঙ্গা
ঘরখানিতে ঐ ছোট্ট বিগ্রহটুকুকে লইয়া খেঁর্বের এক বিশাল মহিমা !

ব্রাহ্মণ বলিল,—যিহে ডাবা, তাই । যদি পাখার হয়, তাঁকে পাষেই ।
আর কি চেয়েই বা করবে, বল ! তার চেয়ে আমার এখানেই থাকো ।
কাজ-কর্ম করতে চাও, কর—কিন্তু তোমার ঘরের তার আমার ।
আমার রাহু-মা গেছে, আর এখন পেয়েছি আমার এই নতুন মা,
মঞ্জী-মা ।

রঘুনাথ বলিল,—একটা কথা মনে হচ্ছে । মঞ্জী তোমার কাছে
ভালই থাকবে । ছ’দিনের ভাঙে, ডাবচি, একবার বাড়ীর দিকে
যুরে আসি ..

পাছে নিরাশা কোনো দিক দিয়া আঘাত করে, এই ভয়ে রঘুনাথ
কারণটা খুলিয়া বলিল না—বলিবার সাহস হইল না ।

ব্রাহ্মণ রূপানাথ প্রসন্ন-ভরা দৃষ্টিতে তার পানে চাহিল । সে দৃষ্টির
সামনে রঘুনাথ কম্পিত স্বরে বলিয়া ফেলিল—যদি—

রূপানাথ একটু ভাবিয়া বলিল—বুঝেচি ।...কিন্তু কি জানো, একটু
শক্ত বৃকে যেরো—আর যদি নিরাশ হও তো কাবু হেরো না তাই ।
এই মঞ্জী-মার কথা মনে করে চটপট চলে এসো । বুঝচো তো, কত বড়
আশা নিয়ে ছুঁমি যাক ।...

রঘুনাথ বলিল—বুঝি বৈ কি ।

সেই দিনই অপরাহ্নে সহসা এক আশ্চর্য ব্যাপার ঘটিল । বৈকালের
দিকে গভীর বৃকে ছেলেরেদে সঁতারের বাজি ছিল । বিস্তর লোক
আশিয়া নদীর ধারে আসর জমাইয়া দিয়াছিল । রঘুনাথ মঞ্জীকে লইয়া
আশিয়াছিল, একটু বৈচিত্র্যে মঞ্জীর মনের স্বর জমাট ভাবটাকে যদি
কাটাইতে পারে, সেই প্রত্যাশায় ।

সাঁতারের বাজি প্রায় শেষ—সাঁতারাইয়া প্রতিযোগী ছেলেরা বাগবাজারের ঘাট ছাড়াইয়া গিয়াছে। রঘুনাথ মকীকে লইয়া জেটির উপর হইতে ফিরিয়া পথে পড়িতেই চেনা গলায় কে ডাকিল—মাটার মশায়...

রঘুনাথ চমকিয়া উঠিল। এ কি, এ যে যতীশ! মকী যতীশকে একেবারে আঁকড়াইয়া ধরিল। রঘুনাথের মুখখানা তাকে দেখিয়া মুহূর্তে সাদা হইয়া গেল! মনের মধ্যে আবার সেই কবেকার কথাগুলো জাগিয়া উঠিয়া তাকে একেবারে চাপিয়া ঘিরিয়া ধরিল! যতীশ সে মুখ দেখিয়া বুঝিল, কোন ফল হয় নাই—মাটার মশায়ের শুধু পাগল হইতেই বাকী! সে প্রশ্ন করিল,—কোথায় আছেন?

রঘুনাথ বলিল,—ঐ গঙ্গার ঘাটে পুজারী ব্রাহ্মণের ঘরে। দেখবে এসো।

চলিতে চলিতেই যতীশ বলিল—আপনাকে এত খুঁজেচি। মধ্যে একদিন পলাশজাগায় গেছলুম—ওধারে এমন কিছু খপরও পাইনি...

রঘুনাথ চূপ করিয়া রহিল। যতীশ বলিল,—আমাদের ওখানে চলুন—এখানে বড় কষ্ট হচ্ছে।

তখন সকলে কৃপানাথের ঘরের সামনে আসিয়াছে। রঘুনাথ বলিল,—না বাবা, তোমাদের কথা প্রাণ থাকতে ভুলবো না। তবে লোকালয়ে আর থাকবো না, মনে করেচি!

যতীশ বলিল,—মকী...?

রঘুনাথ বলিল,—তার অস্ত্র যেটুকু ভাষনা ছিল, তাও আজ কাটল তোমার দেখে। এই ঘর তো দেখে গেলে—যাবে যাবে এসো।

তোমাদের ওখানে বেড়িয়েও আসব'খন ।...তার পর যেদিন চলে যাব, তোমাদেরই হাতে সঁপে দিবে যাব ওকে—!

যতীশ শুরু গভীর দৃষ্টিতে রঘুনাথের পানে চাহিয়া রহিল; তার পর বহুক্ষণ শুরু থাকিবার পর বলিল,—মাকে বলবো, শুনে যা কালই আসবেন'খন ।

রঘুনাথ বলিল,—কাল থাক । কাল আমি থাকবো না । দু-দিন পরে তাঁকে এনো ।...আর কিছু দুঃখ করো না, বাবা । তোমাদের বাড়ীও যাব বৈ কি মন্টীকে নিয়ে—তবে থাকতে পারবো না সেখানে । মাকে বঝিয়ে বলো । তিনি দুঃখ না করে যেন আমায় ক্ষমা করেন একান্ত ! তুমি এখন মন্টীকে নিয়ে একটু গল্পগল্প কর ।

যতীশ তখন মন্টীকে লইয়া গঙ্গার ধারে জেটীতে গিয়া বসিল । সঁতারের আবার বাজি কি ! বাজি তো হাউই, তুবড়ির, এই-সব । এমনি নানা কথায় যতীশকে সে ঘণ্টা-খানেক বিভ্রত রাখিল । তার পর সন্ধ্যা হইলে যতীশ উঠিল ।

মন্টী বলিল,—আমাদের বামুন-জ্যাঠা কেমন ঠাকুরের আরতি করে,—দেখবে না ? এসো, দেখবে এসো ! বামুন-জ্যাঠার সঙ্গে ঠাকুর কথা কন, তা জানো যতীশ-দা ? কত লোকের অস্থখ হলে বামুন-জ্যাঠার কাছে আসে—বামুন-জ্যাঠা ঠাকুরদের বলে, ওষুধ দেন, জানো ?

এমনি সব কথায় যতীশ-দার তাক লাগাইয়া সে তাকে ঠাকুরের আরতি দেখাইতে আনিল । আরতির পর ঠাকুরের প্রসাদী দিয়া যতীশদার কাছে সে প্রতিজ্ঞা আদায় করিল যে যতীশদা আবার আসিবে, রোজ আসিবে তাদের দেখিতে এইখানে, আর মাসীমাকেও সঙ্গে আনিবে আরতি দেখাইতে !

পরদিন প্রত্যুষে উঠিয়া রঘুনাথ দেশের দিকে যাত্রা করিল।
কৃপানাথ তাকে পয়সা দিয়া সাহায্য করিল—রঘুনাথ তেঁথৈই বাহির
হইল।

ষ্টেশন হইতে অনেকটা পথ হাঁটিয়া যাইতে হয়। সে পথে লোকের
ভিড়। সে পথ ছাড়িয়া রঘুনাথ বন-জঙ্গল ঠেলিয়া চলিল। আশায়
যাতিয়া কখনো ঝড়ের বেগে চলে, আবার কখনো বধন আশার উপর
নৈরাশ্রের পর্দা টানিয়া দেয়, তখন রঘুনাথ পথের মাঝে ঝিমাইয়া
পড়ে, গতিও মন্থর হয়। মনে হয়, কেন সাধ কারয়া আবার নূতন
করিয়া নৈরাশ্র কিনিতে আসিল সে!

বরাবর আসিয়া...ঐ যে হাটতলার পিছনে ঘুরিয়া ঐ বাঁকা সরু পথ
চলিয়া গিয়াছে...বুকটা মুহূর্তের অন্তর্ভুক্ত করিয়া উঠিল। এই পথের
দেখা মিলিলে একদিন কি আনন্দে বুক তার উচ্ছ্বসিত হইয়া উঠিত!
কি পুলক-সম্ভাবনার সমস্ত প্রাণে শিহরণ জাগিত! আর আনন্দ...! এ
পথে পা দিতে সে এমন কাঁপিয়া ভাঙিয়া পড়ে কেন?

ঐ যর,—পোড়া বাঁশ, পোড়া কাঠ-খুঁটি একটা দারুণ শোক ও
নির্মম বিচ্ছেদের পতাকা ভুলিয়া যেন দাঁড়াইয়া আছে! আজো তার
বিষাদ তেমনি অটুট রহিয়াছে!

এই উঠাম, ঐ দাওয়া, ভুলসী-মকের একটু স্থিতি...হায়, পাখী
উড়িয়া গিয়াছে! অবহেলায় ঠেলিয়া রাখা তার শূন্য জীর্ণ খাঁচাখানাই
পড়িয়া আছে শুধু!

...কারো চিহ্নও নাই! আর কিসের আশা! লক্ষী এ
পৃথিবীতেই নাই, তা আসিবে কি! পাথরের মত ভারী পা দুইটা
টানিতে টানিতে রঘুনাথ বিড়কির পথে বাহির হইয়া জঙ্গলে ঢুকিল।

...খানিক বিশ্রাম করিতেছে, এমন সময় গ্রামের মুদি বিশ্বস্তরের সঙ্গে দেখা হইল। বিশ্বস্তর প্রণাম করিয়া বলিল,—দাদাঠাকুর বে!... তা মা-ঠাকুরের খোজ পেয়েছেন তো ?

রঘুনাথ এ কথা শুনিয়া অবাক হইয়া গেল। সে বিশ্বস্তরের পানে চাহিল; তার পর একটা নিখাস ফেলিয়া ঘাড় নাড়িয়া জানাইল, না।

বিশ্বস্তর এ কথায় ভারী বিস্ময় প্রকাশ করিল। সে বলিল,—বল কি দাদাঠাকুর! তবে যে কলকাতা থেকে মোটরে চড়ে একটি লোক এসেছিল, তোমার খোজে, মণ্টু-মার খোজে...মা-ঠাকুরকে পাওয়া গেছে, তিনিই সে লোককে পাঠিয়েছিলেন.. তাঁর কে বোন আছেন, সেই তাঁর বাড়ী থেকে...

এ-সব কি কথা! লক্ষ্মী আছে! তার বোনের কাছে! ...বোন...! রঘুনাথের পায়ে নীচে মাটি ছলিয়া উঠিল, চোখের সামনে দীপ্ত সূর্যের ধর আলোর উপর কালো পর্দা পড়িয়া গেল। টলিতে টলিতে সে মাটিতে বসিয়া পড়িল, ওরে বেকুব, ওরে মূর্খ, তুই বড় দর্প করিয়া পথে ঘুরিয়া তার সন্ধান লইতে ছুটিয়াছিলি!...ঘর ছাড়িয়া কেন গেলি রে, তুই কেন গেলি!

বিশ্বস্তর বলিল,—তা এখানে বসচো কেন! আমার ওখানে চল—মুখ হাত ধুয়ে জিকবে একটু!

রঘুনাথের চোখের সামনে জাগিয়া উঠিল, সেই ভিড়-ভরা সহরের পথ, বাড়ীর ঠাসা-ঠাসি—তার মাঝে কোথায় কোন্ কোণে তার লক্ষ্মী যে পড়িয়া আছে! তার খোজ করা—সে কি সহজ কথা!

বিশ্বস্তর বলিল, —এসো দাদাঠাকুর !

রঘুনাথ বলিল, ...না বিশ্বস্তর, তুমি যাও । আমি এখনি কলকাতায় চললুম, —বলিয়া সে ধড়মড়িয়া উঠিয়া একেবারে দ্রুত চলিয়া কতকগুলো গাছের অন্তরালে চকিতে অদৃশ হইয়া গেল ।

— ১৭ —

কিরণের আশ্রয়ে লক্ষ্মী একটু হাঁক ছাড়িয়া বাঁচিয়াছিল । পলাশ-ভাঙ্গা হইতে লোক ফিরিয়া আসিয়ার পর কিরণ তাকে সাধনা দিয়া বলিল, বাড়িতে যখন তিনি নাই, তখন নিশ্চয় এখানেই আসিয়াছেন তোমার খোঁজে ! এবং তাঁর এই সন্ধান সার্থক করিয়া তুলিবার জন্য কিরণ প্রায়ই লক্ষ্মীকে লইয়া কলিকাতার বড়-বড় ঘাটে ঘান করিতে যাইত । কখনো যাইত দক্ষিণেশ্বরে, কখনো কালীঘাটে, আবার কখনো বা নানা মন্দিরে ।

কিন্তু ঠাকুরের কাছে মনের আকুল প্রার্থনা জানাইয়া লক্ষ্মীর চোখ তার প্রার্থিতের দর্শন পাইল না । কিরণ বুঝাইত, আজ আশা মিটিল না, কাল মিটিতে পারে ।

ধিয়েটারে যেদিন ভালো ভালো অভিনয় হইত, লক্ষ্মীকে সে সঙ্গে লইয়া গিয়া মেয়েদের আসনে বসাইয়া দিত । তার পর অভিনয়-শেষে আবার তাকে সম্বন্ধে বুকের আড়ালে লইয়া বাড়ী ফিরিত । যনটা জাড়িয়া গেলেও একদিন আবার তাহাকে গড়িয়া তোলা বাইবে, এমনি আশা লইয়া লক্ষ্মী তার দিন কাটাইতে ছিল ।

সেদিন মহা-সমারোহে ধিয়েটারে নূতন নাটক সীতা-নির্ধাসনের

অভিনয় হইবে। সীতা সাজিবে কিরণ। কিরণের নামের জর-সজীতে থিয়েটারের মালিক সহরকে মুখরিত করিয়া তুলিয়াছিল। কিরণ থিয়েটারে যাইবার পূর্বে নিজের ঘরে সীতার কুমিকা আর একবার ছরস্ত করিয়া লইতেছিল। লক্ষ্মী চূপ করিয়া বসিয়া তার সে অভিনয় দেখিতেছিল। কিরণের পাঠ শেষ হইলে লক্ষ্মী বলিল,—এমন বলচো ভাই দিদি যে আমার ছুই চোখে বল ঠেলে ঠেলে আসচে।

কিরণ আসিয়া গভীরভাবে লক্ষ্মীর ললাটে চূষন করিল, তাকে বুকের মাঝে স্নেহে চাপিয়া ধরিয়া বলিল,—এসো, ছুঁনে তৈরী হয়ে নি। একলাটি থাকবে কেন। আর যা দেখলে, এতো কিরণকেই দেখলে—থিয়েটারে সিনের গাছু-পালার মধ্যে যাকে দেখবে, সে কিরণ থাকবে না গো, সে সীতা।

গা ধুইয়া কিরণ সাজ-সজ্জা করিল। লক্ষ্মী একখানি মোটা লাল পাড় সাড়ী পরিয়া একখানা মোটা চাদর গায়ে জড়াইয়া লইল। তারপর একটা ট্যান্ডি আনাইয়া কিরণ লক্ষ্মীকে লইয়া থিয়েটারে যাত্রা করিল।

থিয়েটারের সামনে কি ভিড়—লোকে লোকারণ্য! সারা সহর যেন ভাঙ্গিয়া পড়িয়াছে! গাড়ী, মোটর, লোক...! সেই ভিড় ঠেলিয়া কিরণের ট্যান্ডি আসিয়া ফটকের সামনে দাঁড়াইল। ঘোমটাঘ ঢাকা কাপড়ের পুঁটলির মতই জড়োসড়ো লক্ষ্মীর হাত ধরিয়া কিরণ নামিয়া থিয়েটারে ঢুকিল। অধীর দর্শকের দল 'কিরণকে অপূর্ব কৌতূহলে-ভরা দৃষ্টি লইয়া দেখিল, এই প্রতিভাময়ী অভিনেত্রী এখনি ঠেছে নামিয়া কি ইচ্ছাআলেরই না সৃষ্টি করিবে! কোথায় সরিয়া যাইবে সহরের এই কঠিন বুক, সজ্জার এই নির্মম পরশ! তার জায়গার কুটিয়া উঠিবে সেই কোন্ কালের অযোধ্যার রাজপুরী, পথ-ঘাট,

সেই বান্দীকির শাস্ত তপোবন—সে এক স্বপ্নের রাজ্য! ঐ কঠোর স্বপ্নে-ছপে কি কুহকই যে করিয়া পড়িবে...!

এই দর্শকের দলে একজন লোক ঠাড়াইয়া ছিল—তার চোখ কিরণের উপর হইতে সরিয়া তার সন্ধিনীটিকে তীক্ষ্ণভাবে পরখ করিতেছিল। লক্ষীর কাপড়ের আবরণ ভেদ করিয়া যে মর্মর বাহু-লতা, যে চম্পক-অঙ্গুলি, পদ্ম-স্তম্ভ প্রকাশ পাইতেছিল,—সে যেন বিদ্যুতের শিখা! এমন একটা আভা ঐ বর-অঙ্গ হইতে বিচ্ছুরিত হইতেছিল, যার পরশে তার ভূষিত চোখ একেবারে স্তম্ভিত আকুল হইয়া উঠিল—সে লাষণের পরশ পরিপূর্ণভাবে পাইবার অল্প মন তার অধীর উন্নত হইল। এ লোকটি রজনী।

জীবন তার নিতাস্তই একঘেয়ে হইয়া পড়িয়াছিল—পুরানো মুখ, পুরানো সঙ্গ একেবারে নির্জীব! থিয়েটারে সে আসিয়াছিল, এখানকার কুহক-স্পর্শে প্রাণটার একটু বৈচিত্র্যের বলক লাগাইতে! কিরণকে দেখিবার তার এক-একবার সাধও হইতেছিল—কিন্তু সে জানে, কিরণ এখন ছলভ! তাকে পাওয়া যায় না! অথচ একদিন...

একটু হাসিয়া রজনী ডাবিল, যাক সে কথা!...কিন্তু তার ঐ রূপসী সন্ধিনী—কে ও?

রজনী ভিতরে গেল; গার্ডকে ডাকিয়া চুপি চুপি জিজ্ঞাসা করিল, কিরণের সঙ্গে আসিল, ও কে?

গার্ড বলিল, সে গুনিয়াছে, কিরণের কি-রকম বোন হর ও! ভয় ঘরের মহিলা; কিরণের গুথানেই থাকে, যাবে যাবে তার সঙ্গে আসে, পর্দার বসিয়া থিয়েটার দেখে, আবার তার সঙ্গে বসন্ত সাক্ষাতে চাষিয়া যায়!

ওনিয়া রজনী ভাবিল, একবার সে কিরণের ঘারে গিয়া দাড়াইবে। তবে আজ আর হয় না,—কাল...সন্ধ্যার পরেই—কাল তো কিরণের কোন পার্ট নাই—সে খিয়েটারেও আসিবে না!

রবিবার। সন্ধ্যা হইয়াছে! লক্ষ্মী নিত্যকার মত জানলায় বসিয়া পথের পানে চাহিয়াছিল। পথে জন-তরঙ্গ চলিয়াছে—তাই সে একটি-একটি করিয়া গণিতেছিল; আর ঠাকুরকে যিনতি জানাইতেছিল, এই পথে তাঁকে আনো, ঠাকুর...আর যে সন্ধ্য হয় না। কিরণ তখন গিয়াছিল গা ধুইতে। ছইজন কালীঘাটে আরতি দেখিয়া আসিবে, কথা ছিল।

রাস্তায় গ্যাস্ জলিতেছে। রাত্রে ফিরিওয়ালারা বিচিত্র স্বর তুলিয়া তাদের ফেরির পশরা লইয়া পথে বাহির হইয়াছে—কেহ ইঁাকিতেছে, 'বেল ফুল,' কেহ বা কুলপী বরফের ইঁড়ি মাথায় চাপাইয়াছে! এ সবগুলার উপর দিয়া ভাসিয়া লক্ষ্মীর মন সেই তার পল্লীর ঘরখানির আশে-পাশে বিচরণ করিতেছিল। সেই জনহীন পথ, পুকুর-ঘাট, সেই আধারে-ঢাকা ভুলমীমঞ্চ...সে কি স্বর্গই না ছিল তার...!

হঠাৎ ঘরের মধ্যে একটা মস্ত স্বর আগিল,—কিরণ-বিধি...

চমকিয়া লক্ষ্মী কিরিয়া দেখে...এ কি...এ যে সে-ই! যে তাকে তার স্বর্গ হইতে টানিয়া আনিয়া আজ এই পথে বসাইয়াছে!... এ সেই...রজনী।

ছইজনে চোখোচোখি হইল। অমনি আগন্তুক একলাকে একেবারে তার সামনে আসিয়া হাজির হইল। বিভোর দৃষ্টি তার পানে তুলিয়া হাসিয়া সে বলিল,—তুমি! আমার খাঁচার পাখী, তুমি এসে কিরণের

পাখা—এক কর্তব্যবাহিনী, কলিকাতা

খাঁচায় ঢুকেচো! বলিয়াই সে লক্ষ্মীকে ধরিবার অঙ্গ ছই হাত
বাড়াইল।

লক্ষ্মী ছুটিয়া পলাইতেছিল, রজনী তাকে ধরিয়া ফেলিল; আবেগ-
অড়িত স্বরে বলিল,—তুমি যে একেবায়ে আমার মুখে রেখেছ
শ্রেয়সী! তোমার কম খুঁজেচি!...ভাগ্যে কাল থিয়েটারে
গেছলুম...

লক্ষ্মী আবার এই দৈত্যের কবলে পড়িয়া প্রমাদ গণিল; ভয়ে
সে চীৎকার করিয়া উঠিল। তার চীৎকারের সঙ্গে সঙ্গে ঘরে আসিয়া
তুকিল, কিরণ! কিরণের কেশের রাশি এলায়িত, ছই চোখে বিশ্বয়ের
সঙ্গে কি এক দীপ্তি! সে এক অপরূপ মূর্তি!

কিরণ আসিয়া এ দৃশ্য দেখিয়া বলিল,—এ কি! তুমি...?

রজনী হাসিয়া বলিল,—এ যে আমার ধন, কিরণ-বিবি, একে তুমি
পেলে কোথায়?

কিরণ বলিল,—তুমিই...?

কথাটা বলিবার সময় রজনীর হাতের বাধন একটু শিথিল
হইয়াছিল—তারি ফাঁকে লক্ষ্মী ছুটিয়া আসিয়া কিরণের পিছনে
দাঁড়াইল; আসিয়া ভীত কণ্ঠে কহিল,—এই সে, দিদি...!

কিরণ কহিল,—এ-ই...? তার পর রজনীর পানে চাহিয়া
বলিল,—তোমার এ রাক্ষুসে ক্রিমে কি সবাইকে গ্রাস করবে?
আমার সর্বনাশ করেও তোমার তৃপ্তি হয়নি? ভদ্র ঘরের সতী-স্ত্রী,
স্বামীর প্রেমে স্বর্গ তৈরী করে বসেছিল, তাকে সে স্বর্গ থেকে হিঁচড়ে
টেনে বার করে পথে দাঁড় করিয়েছ! আশ্চর্য, তোমার মাথায় রাজ
পড়ে না! ভগবান কি ঘুমিয়ে আছেন!

হাসিয়া রজনী বলিল,—তোমার সব সময় এ্যাকটিং!...তা ঘরে কেন, ষ্টেজে করো, ছশো তারিফ পাবে!

তুই চোখে আগুনের হলুকা ফুটাইয়া ভৎসনার স্বরে কিরণ বলিল,—আবার আমার ঘরেই চোরের মত ঢুকেচ!...আর ঢুকে আমারি মুখের উপর ঐ মুখ নিয়ে বিক্রম করচ, ব্যঙ্গ করচ। তুমি ভদ্র বলে পরিচয় দাও! আমার বাড়ীতে যে চাকর বাসন মাজে, তার জুতো ছোঁবারো যোগ্য নও তুমি!...তোমায় আর কি বলবো? চলে যাও,...এখনি বেরিয়ে যাও!

রজনী সহসা এ কথায় চমকিয়া উঠিল। তার মুখের উপর এমন কড়া শাসন চালাইতে সাহস করে, একটা কুলটা নারী, সামান্ত একজন খিঁচুটারের আভনেত্রী! বিশেষ, কিরণ—যে একদিন তার হাত ধরিয়াই গৃহত্যাগ করিয়াছিল!...সে সরিয়া দাঁড়াইল।

কিরণ বলিল,—এখনো দাঁড়িয়ে রইলে! চলে যাও, নাহলে আমার চাকরকে ডাকবো, সে তোমার হাত ধরে বাড়ীর বাইরে তোমায় রেখে আসবে...

রজনী বলিল,—কি! এত বড় কথা! বলিয়া সে কিরণের দিকে আগাইয়া আসিল।

কিরণ হাঁকিল,—ভোলা...

ভোলা ভৃত্য নিকটেই ছিল। ঘরের মধ্যে ঝাঁজালো কথা শুনিয়া সে আসিয়া দ্বারের পাশে দাঁড়াইয়াছিল। কিরণের আহ্বানে ঘরের মধ্যে আসিলে কিরণ বলিল,—এই ছোট লোকটার হাত ধরে বাড়ীর বার করে দে...

ভোলা আসিয়া রজনীর হাত ধরিল, বলিল,—কেন বাবু কামেলা কর...বাহার যাও...

ঝটকানি দিয়া ভোলার হাত ছাড়াইয়া প্রচণ্ড রোষে রজনী হাতের লাঠি তুলিল। সঙ্গে সঙ্গে একটা কাঁচের আলমারিতে লাঠি লাগিল এবং বন্বন্ব শব্দে তার ছুখানা কাঁচ ভাঙ্গিয়া গেল। অমনি একটা রক্তের তুষার রজনীর প্রাণ নাচিয়া উঠিল। সে দিক্-বিদিকের জ্ঞান হারাইয়া লাঠির ঘায়ে আলমারিটা ভাঙ্গিয়া চুরমার করিয়া দিল—তারপর হাতের কাছে পানের ডিপা পাইয়া সেটা ছুড়িল কিরণের পানে। কিরণের গারে ডিপাটা না লাগিয়া লাগিল গিন্না টেবিলে-রক্ষিত একটা পোর্শিলেনের বড় প্রতিমূর্তির গায়ে। মূর্তিটা বন্ব বন্ব শব্দে পড়িয়া ভাঙ্গিয়া চুরমার হইল।

কিরণ তীব্র স্বরে গর্জাইয়া উঠিল—এখানে এসেচ গুণ্ডামি করতে ! বদমায়েস, মাতাল, ইতর...বলিয়া লক্ষ্মীকে সে ঠেলিয়া ঘরের বাহির করিয়া দিয়া কোণ হইতে একটা চাবুক তুলিয়া লইল ; কহিল,—বেরোও, বেরোও, বলচি,—না হলে এখনি এই চাবুকের ঘায়ে তোমার চিট্ট করে দেব।

রজনী অটহাস্ত করিয়া উঠিল, কহিল,—রণ-সাজে সেজেছো ! কিন্তু এটা থিয়েটার নয়, বিবি...

কথা শেষ হইবার পূর্বেই কিরণের হাতের চাবুক শপাৎ করিয়া পড়িল রজনীর মুখে। তখন প্রহার-কিণ্ড ব্যাঙ্গের মত রজনী কিরণের উপর ঝাঁপাইয়া পড়িল। ভোলা চাকর তখনই রজনীকে টানিয়া ছাড়াইতে গেল—কিন্তু সে তখন প্রচণ্ড বিক্রমে কিরণের কর্ণ চাপিয়া ধরিয়াছে !

রীতিমত একটা ধস্তাধস্তি চলিল,—মাতাল হইলেও রজনীকে হঠানো সহজ হইল না। এমন সময়ে দুইজন কনষ্টেবল আসিয়া শশব্যস্তে ঘরে ঢুকিল। আলমারী ভাঙিতে দেখিয়া সহু দাসী ছুটিয়া পথে বাহির হইয়াছিল—মোড়ের কাছেই ছিল দুইজন পাহারাগোলা। একটা পানের দোকানের সামনে দাঁড়াইয়া পানওয়ালীর সঙ্গে তারা খোস্গল্প করিতেছিল। সহু গিয়া তাদের খবর দিতেই তারা ছুটিয়া আসিয়াছে। এ-বাড়ী হইতে বখশিস প্রায়ই মেলে, তাই তারা খাতিরও করে!

কনষ্টেবলরা আসিয়া রজনীর দুই হাত ধরিয়া তাকে ছাড়াইল। কিরণের মুখ তখন নীল হইয়া গিয়াছে। রজনী কুঁশিতেছিল। পুলিশ বজ্রমুষ্টিতে তাকে ধরিয়া তারি গায়ের চাদর টানিয়া রজনীর হাত দুইটা বাঁধিয়া ফেলিল। কিরণ ততক্ষণে আপনাকে সামলাইয়া লইয়া দাঁড়াইয়া উঠিয়াছে।

কিরণ বলিল,—এই গুণ্ডা আমার ঘরে ঢুকে আমার খুন করতে এসেছিল। আমার জিনিষ-পত্র ভেঙ্গে চুরমার করে দেছে। একে ধরে থানায় নিয়ে যাও।

পাহারাগোলাররা কিরণকে সেলাম করিয়া আসামী লইয়া প্রস্থান করিল।

— ১৮ —

যতীশ গিয়া সে-রাত্রে যখন মার কাছে বলিল, রঘুনাথের সন্ধান পাওয়া গিয়াছে, মা তখন এমন চকম হইয়া উঠিলেন যতিকে দেখিবার ভরষে সেই রাত্রেই গাড়ী আনাইয়া বাগবাডারে আসিয়া হাঙ্গির হইলেন।

যতীশের মা বহু সাধ্য-সাধনা করিলেন, আমার ওখানে চল বাবা—
কিন্তু রঘুনাথের এক কথা, আমায় মাপ করবেন মা। মাহুষের পুরীতে
আর আমার ফেরবার সাধ নেই! এখানে বেশ আছি।

যতীশ বলিল,—কাল এসে আমাদের ওখানে আপনাদের নিয়ে ঘাব
মাঠায় মশায়। আমরাও বেশী দূরে থাকি না—এই দর্জিপাড়ায়—
পাঁচ মিনিটের পথ।

তারপর যতীশ এখানে প্রায়ই আসিতে লাগিল। তার সঙ্গে মন্টি
বেড়াইয়া আসিত, গঙ্গার ধার দিয়া অমন কতদূর অবধি!

সেদিন যতীশদের বাড়ীর নিমন্ত্রণ সারিয়া রঘুনাথ যতীশ আর মন্টি
পরেশনাথের মন্দির দেখিতে গিয়াছিল। মন্দির দেখিয়া সেখানে
খানিক বসিয়া গল্প করিয়া তারা যখন বাড়ী যাইবার জন্য উঠিল, তখন
সন্ধ্যা হয়-হয়!

বরাবর সাকুলার রোড ধরিয়া আসিয়া তারা গ্রে স্ট্রীটে পড়িল;
গ্রে স্ট্রীট ধরিয়া তারা কর্ণওয়ালিশ স্ট্রীটে আসিল। সেইখানটায় পথ পার
হইয়া যেমন ওদিককার ফুটপাথে উঠিবে, হঠাৎ অমনি কোথা হইতে
একটা ট্যান্ডি আসিয়া পড়িল। এবং মন্টি ভাবাচাকা খাইয়া যেমন
ছুটিতে যাইবে, অমনি গাড়ীর ধাক্কা লাগিয়া ফুট-পাথের কোলে
ছিটকাইয়া গিয়া পড়িল। তার কপাল কাটিয়া ঠোট কাটিয়া ঝর-ঝর
ধারে রক্ত ঝরিল।

অমনি মজা পাইয়া যত ভিড় আসিয়া জমিল সেই জায়গায়।
সকলেই উকি মারিয়া দেখিতে চায়, বেশ গল্প করিবার মত ব্যাপার
কিছু ঘটিল কি না! ড্রাইভারটা পলাইতেছিল—পাঁচ-সাত জন লোক
ঘুবি পাকাইয়া তাহাকে কথিয়া দাঁড়াইল—কেহ দিল তার গানে

প্রচণ্ড চড়, কেহ দিল এক ঘুবি। মারের চোটে ভ্রাইতারের একটা দাঁত
ভাঙিয়া ছিটকাইয়া কোথায় যে গিয়া পড়িল, তারও মুখে রক্ত ছুটিল।

তখন পুলিশ আসিয়া ধমক দিয়া ভিড় সরাইল—রঘুনাথ আর
যতীশ পথের কলের জলে চানর ভিজাইয়া মন্টার মুখে-চোখে দিল।
পুলিশ আসিয়াই তাদের লইয়া থানায় বাইতে উচ্চত হইল। যতীশ বলিল
—তার আগে হাসপাতালে চল। মেয়েটিকে আগে বাঁচানো দরকার।

সেই ট্যান্ডিতে করিয়াই মন্টাকে হাসপাতালে লইয়া যাওয়া হইল।
সেখানে তার রক্ত ধুইয়া ডাক্তার পটি বাধিলেন; এবং একাঙ রিপোর্ট
লিখিয়া পুলিশের হাতে দিলেন; পুলিশ সেই রিপোর্ট আর
জখমী রোগীকে লইয়া বড়তলা থানায় হাজির করিয়া দিল।

থানার সামনে আবার ভিড় আসিয়া ঠেল দিয়া দাঁড়াইল। সকলের
চোখেই কৌতূহল, সকলের মুখেই চীৎকার। পথের চলন্ত ট্রাম হইতে
যাত্রীর দল থানার পানে চাহিয়া ভাবিল, ব্যাপার কি! এরা সব থানা
লুঠ করিতে আসিয়াছে না কি!

মন্টার বেশ লেখা হইতেছে, এমন সময় শ্রেয়সী আসামী রজনীকে
লইয়া অপর পুলিশের লোক ভিড় ঠেলিয়া থানায় ঢুকিল।

থানার ঘরে ঢুকিয়া সামনেই মন্টাকে দেখিয়া রজনী শিহরিয়া
উঠিল।

এ কি এ...এ যে তার শ্রেয়সীর মুখখানিই ছোট্ট করিয়া কোন্ নিপুণ
শিল্পী ছকিয়া রাখিয়াছে। আর...তখন চোখ পড়িল রঘুনাথের দিকে।
এ কি মূর্তি! এ যে বেদনা তার দারুণ আর্ষ রূপ ধরিয়া রজনীর
সামনে দাঁড়াইয়া। মুখে একরশ দাড়ি গজাইয়াছে, মাথায় চুলগুলো
এলোমেলো, দীর্ঘ...তার মনের উপর শপাৎ করিয়া কোথা হইতে তার

চাকুরি ঘা পড়িল,—কে ঘেন কাণের কাছে চীৎকার করিয়া বলিল,
পাষাণ, তোর অন্তই আজ এদের এ দশা! সঙ্গে সঙ্গে তার মনে পড়িল,
সেই বনের কোলে পুকুরের ধারে জীর্ণ ঘর, সেই ঘরের তক্তকে
উঠানে এই মেয়েটি নিছের মনে খেলা করিত...

তার পর রজনী চাহিয়া দেখে, এটা খানা! চোর, খুনে, ঠক, বাটপাড়,
জালিয়াৎদের যেখানে আটক রাখে—নর-সমাজের আবর্জনা কাঁটাইয়া
পুলিশ যেখানে অড়ো করে! ঐ হাজত-ঘর! পথে চলিতে পথ হইতে সে
অমন কতদিন দেখিয়াছে, ঐ ঘরের মধ্যে চিড়িয়াখনার বন্ধ জানোয়ারের
মতই কোমরে দড়ি-বাধা আসামী...লোহার গরাদের মধ্য দিয়া
বাহিরের পানে তাকাইয়া আছে। বাহির হইতে তাকে হিঁচড়াইয়া
টানিয়া ঐ খাঁচার মধ্যে পুরিয়া রাখা হইয়াছে, তার দানবী হিংসা
হইতে অপর মানুষগুলোকে রক্ষা করিবার অন্ত! এই ঘরেই ঐ সব
খুনে জালিয়াতের সঙ্গেই তাহাকে এখন পুরিয়া রাখা হইবে...! আর
সহরের লোক দূর হইতে দেখিয়া ভাবিবে, এ-ও একটা * খুনে,
জালিয়াৎ, ঠক, চোর.....

রজনী ভাবিল, সেও কি তাদের চেয়ে কম কোনোখানে! সে-ও যে
কত নারীর মন ছেঁচিয়া খুন করিয়াছে, প্রেমের কুহকে মআইয়া কত
নারীর সর্বনাশ করিয়াছে,—নারীর নারীত্ব—তাও কি সে চুরি
করে নাই!

ভাবিতে ভাবিতে মাথা বিয়ু বিয়ু করিয়া উঠিল—পায়ের তলা
হইতে মাটি বুকি সন্ধিয়া যাইবে এমনি বেগে ছলিয়া উঠিল। রজনী
পড়িয়া বাইতেছিল, তার কনঠেবল এক ঠেলা দিয়া গর্জিয়া উঠিল—
এই মাতোয়াল, খাড়া রহো...

ইন্সপেক্টর বাবু মঞ্জীর কেশ লিখিয়া তাদের লইয়া তদারকে বাহির হইলেন ; বলিয়া গেলেন, এ আসামীকে হাতে পুঁজিয়া রাখো, আসিয়া সব কথা শুনিব । অল্প বাবুরা তদারকে বাহির হইয়াছেন, তাঁরও মোটর-কেশের জরুরি তদারক পড়িয়াছে ।

রজনীকে তখন হাজত-ঘরে পোরা হইল । বাহিরের ডিড় হইতে দুই-একটা তীব্র মস্তব্য রজনীর কাণে আসিয়া পৌঁছিল । তারা বলিতেছিল,—জানিন্ না ? ও ভারী বাবু-লোক, মোটরে চড়ে বেড়ায় যে ! থিয়েটারের বক্সেও প্রায়ই নানা মূর্তি সঙ্গে নিয়ে গিয়ে বসে । নাও বাবা, এখন পুলিশের কলের গুঁতো খাও ! একজনের স্বদেশ-প্রেম এমন তীব্র জাগিয়া উঠিল যে আক্ষেপ ও বিক্রূপের সুরে সে বলিল,—এই সব লোক হলো আমাদের দেশের বড় লোক ! এতে আর জাতের উন্নতি হয় কখনো ! ঝাডাল ব্যাটা...

স্বপ্নায় লজ্জার রজনী হাজত-ঘরের খেবের বলিয়া পড়িয়া দুই হাতে মুখ ঢাকিল ।

মোটর-কেশের তদারক সারিয়া ইন্সপেক্টর বাবু থানায় ফিরিয়া হাঁকিলেন,—আসামী সে আও ।

তখন হাজত-ঘর হইতে রজনীকে বাহিরে আনা হইল । তার কনট্রোল আসিয়া বলিল, এই আসামী থ্যাটারের ক্রিয়ণ-বিবির ঘরে চুকিয়া বিবি-লোককে মারিতেছিল, তার ঘরের জিনিষ-পত্রও ডাঙ্গিয়া ডচ্‌নচ্‌ করিয়া দিয়াছে । বিবির দাসী আসিয়া খপর দিয়া তাদের পথ হইতে ডাকিয়া লইয়া যায়—তারা গিয়াও স্বচক্ষে দেখিয়াছে, এ সব জিনিষ-পত্র ডাঙ্গিয়াছে ।

ইন্সপেক্টর বাবু বলিলেন,—এখন মজা দেখবেন, চলুন ! ছি, ছি,

আপনারা ভদ্র লোক ! কাল কোটে চোর-ছ্যাচড়ের সঙ্গে ডকে গিয়ে দাঁড়ালে ভারী পৌরুষ বেরবে'খন । বীরত্ব দেখাবার আর জায়গা পাননি !

রজনী একেবারে কাঁদিয়া ইন্সপেক্টরের পায়ে পড়িল, মিনতির স্বরে বলিল,—আমি কাণ মলুচি, এ অপমানের হাঁত থেকে বাঁচান । এ অপমানের পর আমি আর বাঁচবো না !

ইন্সপেক্টর হাসিয়া বলিলেন,—আমাদের হাতে পড়লে অনেক বদমায়েসই একেবারে সত্যপীর হয়ে ধর্মের বক্তৃতা শুরু করে দেয় !

রজনী বলিল,—না মশায়, আমি তাদের দলে এখনো পৌঁছাই নি । অনেক বদমায়েসী করেছি, অনেক পাপ করেছি—তবে পার পেয়ে গেছি,....এই সামান্য ব্যাপারে আমার জ্ঞান হয়েছে...যথার্থ বলচি, আজ এ থানার ঘরে ঢুকে আমি বুঝতে পেরেছি, আমি কোথায় নেমে দাঁড়িয়েছি ! দয়া করুন, আমার একটা chance দিন্ মানুষ হবার—a life's chance.

ইন্সপেক্টর বাবু বলিলেন,—তা আপনি কিয়ৎ বিবিকে বলতে পারেন...তিনি যদি মামলা তুলে নেন তো আমাদের আপত্তি নেই । এটা compoundable case—শুধু trespass বলে লিখি নিচ্ছি !... আপনি জামিন দিতে পারেন ?

জামিন ! রজনী অকূল পাথারে পড়িল । এই লজ্জার কথা সে কাহার কাছে গিয়া বলিবে এখন ! বন্ধু-সমাজে মুখ দেখাইবে কি করিয়া ! হাওতের আসামী ! সে হতাশভাবে বলিল,—আমার জামিন হবার অস্তে উপস্থিত তো কাকেও দেখ্চি নে ।

ইন্সপেক্টর বলিলেন—আচ্ছা, এখন কিরণ বিবির ওখানে তো যাওয়া যাক, তারপরে সে কথা হবে'খন।

বলিয়াই ইন্সপেক্টর বাবু একজন পাহারওয়ালাকে ডাকিলেন, তাঁর সঙ্গে যাইবার জন্ত। সে আসিয়া রজনীর কোমরে একটা মোটা দড়ি জড়াইল। ইন্সপেক্টর বাবু বলিলেন,—এই দড়ি-বাঁধা বেশে পথে যেতে পারবেন তো?

রজনী প্রায় কাঁদিয়া ফেলিল, বলিল,—তার পর কাল সূর্যের মুখ দেখবার জন্ত আমার আর থাকতে হবে না। এ অপমানের পর...

ইন্সপেক্টর বাবুটি ভদ্র; তিনি পাহারওয়ালাকে বলিলেন,—একঠো গাড়ী বোলাও।

সে গাড়ী ডাকিলে রজনীকে লইয়া ইন্সপেক্টর বাবু গাড়ীতে উঠিয়া বসিলেন; কনেটবল গিয়া কোচবন্দে চড়িল। তখন গাড়ী চলিল, কিরণের বাড়ীর দিকে।

কিরণ বাড়ী ছিল না। অত-বড় ব্যাপারখানা ঘটিয়া যাইবার পর কিরণের কাছে সমস্ত বাড়ীর হাওয়া এমন বিষাইয়া উঠিয়াছিল যে সে লক্ষীকে লইয়া দক্ষিণেশ্বরের দিকে বেড়াইতে বাহির হইয়াছিল। সে ভাবিতেছিল, এই রজনী—হায় রে, ইহাকে বিশ্বাস করিয়া, ইহার উপর নির্ভর করিয়া সে কি আশার পথে বাহির হইয়াছিল! স্বপ্নায় তার মন একেবারে কালো হইয়া উঠিল।

আকাশে চাঁদ উঠিয়াছে। রূপালি আলোর বর্ণায় স্নান করিয়া সারা সहर যেন হাসিতেছিল। এই আলোর ধারায় কিরণের মন তার সমস্ত দুঃখ মুছিয়া বর্ষরে হইয়া উঠিল। গাড়ী গিয়া যখন

দক্ষিণেশ্বরে পৌছিল, তখন একটু রাত্রি হইয়াছে। শান্ত মন্দির, চারিধার শান্ত—এমনি এক মায়াবর জাল বিছানো রহিয়াছে যে একটু আগেই যে বিশ্রী কাণ্ডখানা ঘটিয়া গিয়াছিল, তার শেষ চিহ্ন অবধি তার মন হইতে ছিটকাইয়া কোথায় ঝরিয়া পড়িল।

হুইজনে গিয়া ঘাটের কোলে বসিল। 'নদীতে তখন তাঁটা পড়িয়াছে। মুহু উল্লাসে ছোট ছোট ঢেউগুলো তটের কোলে ছুটিয়া আছাড় খাইয়া পড়িতেছিল—ঠিক যেন এক দুঃখে-জমাট পাষণ বকের কাছে সুখ-স্বপ্নের স্মৃতির মত! দূরে কে গান গাহিতেছিল—

দিবস-রজনী আমি বেন কার
আশার আশার থাকি,
তাই চমকিত মন চকিত অবণ
ভূষিত ব্যাকুল আঁধি।

গানের কথাগুলি লক্ষ্মীর বৃকে এমন করুণ রেশ আপাইয়া তুলিল যে তার দুই চোখে জল ছাপাইয়া আসিল। ওগো, এ যে তার অন্তরের বড় গোপন কথা! কে তুমি, একথা কেমন করিয়া জানিলে গো? আমার মন সত্যই যে অতি ভূষিত ব্যাকুল হইয়া রহিয়াছে—দুই অবণ তার কণ্ঠের স্বরটুকু পাইবার জন্য উন্মুখ অধীর সর্বজন! কে গো, বলিয়া নাও,—কোথায় সে!

গায়ক গাহিতেছিল,—

জাগরণে তারে দেখিতে না পাই
থাকি বগলের আশে—
দুয়ের আঁড়ালে বহি ধরা বের
বাধিব বগল-পাশে—

কর্মলিনী-সাহিত্য-মন্দির

লক্ষ্মীও তো তাই আকুল থাকে, কখন রাত্রি হইবে, চারিদিককার সব কোলাহল মূচ্ছিত হইবে ! তার ঘনও অঘনি তন্ত্রালোকে গিয়াও প্রবেশ করিবে,—তখন সে আসিবে, তার প্রিয়তম, দুই বাহর বাধনে লক্ষ্মীকে বাধিবার জন্ত...

গান তখন ছলিয়া ছলিয়া ছুটিয়া চলিয়াছে,—

এত ভালবাসি, এত যারে চাই
মনে হয় না ত সে তে কাছে নাই,
যেন এ বাসনা ব্যাকুল আবেগে
ভাহারে আনিবে ডাকি !

কৈ, কৈ, কৈ গো, তার ব্যাকুল প্রাণের বাসনা কামনা লক্ষ্মীর প্রিয়তমকে ডাকিয়া আনিতে পারিল না তো !—তবে...তবে ?

বুকের কাছটার এমনি এক নৈরাশ জমাট বাধিয়া ভারী পাথরের মত ঠেলিয়া আসিল যে তার চাপে লক্ষ্মীর নিখাস বন্ধ হইবার উপক্রম হইল ; চোখের সামনে তাঁদের আলো সহসা নিবিয়া আসিল । সে কিরণের বুকে মাথা রাখিয়া অত্যন্ত হতাশভাবে চলিয়া পড়িল । কিরণ ওপারে আলো-আধারের অশ্লষ্ট ছবির মত গ্রাম-রেখার পানে চাহিয়াছিল । গাছের ফাঁকে-ফাঁকে ঐ যে আলোর কণা দেখা যাইতেছে, লোক-কোলাহলের একটা অক্ষুট শুভ্রনও ঐ যে জলের বুক বহিয়া ভাসিয়া আসিতেছে...কিরণ ভাবিতেছিল, ঐ আলোর কণা, ও কোন্ স্থানের ঘরের হাসির হীরার কুচি ! ভাই-বোন, মা-বাপের স্নেহ-প্রীতিতে ঘেরা স্থানের ঘর—ও ঘরে না আছে নৈরাশ, না আছে অহুতাপের বেদনা ! সে যদি ঐ ঘরে আজ একটু ঠাই লইতে পারিত !

এমনি ভাবনার মধ্যে হঠাৎ লক্ষ্মী তার বৃকে শ্রান্ত শির এলাইয়া দিতে কিরণের চমক ভাঙিল। সে ডাকিল,—লক্ষ্মী...

লক্ষ্মী কাতর চোখে তার পানে চাহিয়া ডাকিল,—দিদি...তার পর চকু মুদিল।

গানটা কিরণের কানেও গিয়াছিল। তার প্রাণের বৃন্তটিকে নাড়া দিয়া গানের সুর তাকে একেবারে শিথিল করিয়া তুলিয়াছিল। সে ভাবিতেছিল, হায়রে, তার যে আর আশা করিবার কিছু নাই...সে এই এত-বড় পৃথিবীর বৃকে নিতান্ত একা, অসহায়। একটু আশা করিবার শক্তি—তাও ছুই পায়ে মাড়াইয়া চুরমার করিয়া দিয়া আসিয়াছে! তার মত দুর্ভাগিনী আর কেহ আছে কি!...কোন কথা না বলিয়া লক্ষ্মীর পানেই সে চাহিয়া রহিল।

গায়ক তখন অশ্রু গান ধরিয়াছে,—

অলি বার বার কিরে বার—

অলি বার বার কিরে আসে

তবে তো ফুল বিকাশে!

কিরণের মন গানের সুরে এই ধূলা-মাটির অগৎ ছাড়িয়া কোথায় যে উধাও যাত্রা শুরু করিল...ফুল, ফুল, ফুলে ছাওয়া, আলোর আলো-করা সে এক কুহকর রাজ্য! হাসির রাশি ফুলের পাপড়ির মতই এ রাজ্যের পথে পথে ছড়ানো!—সেই ফুল আর হাসির রাশির মাঝে কিরণের মন এমনি বিভোর হইয়া পড়িল যে এই মন্দির, এই ঘাট, ঐ নদীর জলে ঢেউয়ের কাণাকানি, পাশে লক্ষ্মী,—সব একেবারে কোথায় বিলুপ্ত হইয়া গেল!...

হঠাৎ একটা সুরের হাওয়ার চমক ডাঙ্গিল !

গায়ক গাহিতেছিল—

আশা ছেড়ে তবু আশা রেখে দাপ

হায়-হায়-আশা ।

এ কথায় সে একেবারে লক্ষ্মীকে ঠেলা দিয়া কহিল,—ঐ শোনো লক্ষ্মী...
আশা ছেড়ে না বোন, কোনদিন ছেড়ে না । নদীর ঢেউগুলোও,
শোনো,ঐ কথাই বলছে...আশা ছেড়ে তবু আশা রাখো,আশা রাখো...

কিরণের বুক হইতে মাথা তুলিয়া লক্ষ্মী ঢেউগুলার পানে উদাস
নেজে চাহিল...তারো মনে হইল, ঢেউগুলো যেন আছাড়ি-পিছাড়ি
খাইয়া ঐ কথাই বলিতেছে—সুরের ঐ কথাটাই যেন চারিদিকে
ডাসিয়া ফিরিতেছে ! আশা ছেড়ে তবু আশা রেখে দাও...কিন্তু এ কি
আশা...এ যে দুরাশা, মস্ত বড় দুরাশাকে সে আজ সফল করিয়া
আবার জগতের বুক উঠিয়া দাঁড়াইতে চায় !

তারপর দুই জনেই স্তব্ধ বসিয়া রহিল । মাথার উপর নক্ষত্রের
লভায় একরাশ নক্ষত্র শুধু স্তম্ভিত বুকে এই দুই নারীর অন্তরের পানে
চাহিয়া বসিয়া আছে ! হায় নারী, হায় অভাগিনী,—এত দুঃখ সহিয়াও
তোরা বাঁচিয়া থাকিস, কি করিয়া ! ছল-ছল চোখে দুইজনের পানে
চাহিয়া নক্ষত্রের, দল বুঝি এই কথাটাই কানাকানি করিতেছিল !

কিরণ হঠাৎ বলিয়া উঠিল,—চলো ভাই, ঠাকুর প্রণাম করে
আসি । এখনি দোর বন্ধ হয়ে যাবে ।

লক্ষ্মীকে লইয়া কিরণ আসিয়া মন্দিরে দাঁড়াইল । ঠাকুরকে
দুইজনে প্রণাম করিল । লক্ষ্মী প্রাণের আবেগে উজাড় করিয়া তাকিল,
—আর যে পারি না মা, বুক ভেঙে যাচ্ছে ! দাও মা, তাঁদের এনে

দাও। যদি কায়-মনে স্বামীর পায়ে আমার ভক্তি থাকে, তাহলে তাঁদের আর দূরে রেখো না। এনে দাও মা! আমি বুক চিরে রক্ত দেব...এই পাহাড়-প্রমাণ চুখে ভরা বুক চিরে...যত চাও ..

কিরণ লক্ষ্মীকে ঠেলা দিয়া ডাকিল,—লক্ষ্মী ..

লক্ষ্মী সে আহ্বানে চমকিয়া মুখ তুলিল, বলিল,—ডাকচো দিদি ?

কিরণ দীপ্ত চোখে বলিল,—হ্যাঁ। আমি আকুল হয়ে মাকে ডাকছিলুম যে, মা, এই সতী-লক্ষ্মীর চোখের জল মুছে দাও মা... তাতে মার মুখে যেন হাসি ফুটে উঠল—ঠিক বিছাতের রেখা! তবে তাতে বাঁজ নেই—এই জ্যোৎস্নার মতই ঠাণ্ডা!...এমন তো কখনো আমি দেখিনি ভাই!

লক্ষ্মী আবেগে কিরণের পায়ের ধূলা লইয়া মাথায় দিল, বলিল,—তোমার কথাই সত্য হোক দিদি...

— ১৯ —

বাড়ীতে ফিরিতে দাসী সংবাদ দিল, রজনীকে হইয়া খানার ইন্সপেক্টর বাবু তদারকে আনিয়াছিলেন। যাহা ঘটয়াছিল, তারা তাঁর কাছে সব খুলিয়া বলিয়াছে। তবে কিরণের কথাও পুলিশ শুনিতে চায়। কাল সকালে পুলিশের বাবু আবার আসিবেন। দাসী আরো বলিল, রজনীবাবু আর সে রজনীবাবু নাই। পুলিশের হাতে পড়িয়া তার বিষ-দাঁত ভাঙিয়াছে। তাহাদের কাছে মিনতি জানাইয়াছে, কিরণ যেন তাকে ক্ষমা করে। সে আরো বলিয়াছে, যে ছোটদিদিমণির স্বামীর সে সন্ধান পাইয়াছে! ছোট-দিদিমণির মেয়েটি না কি মোটরের খাকা লাগিয়া অধম হইয়াছে...এই বলিকাতাতেই—

এ-সব কি কথা! কিরণ ও লক্ষ্মী দুইজনে চমকিয়া উঠিল; এবং তখনি একথানা গাড়ী ডাকাইয়া দুইজনে তৃত্যকে লইয়া থানায় ছুটিল।

রজনী তখনো থানায় বসিয়া আছে। জুলো গিয়া ঝপর দিল, কিরণ বিবি আসিয়াছেন। ইন্সপেক্টর বাবু বলিলেন,—বেশ, আমি যাচ্ছি।

তিনি উঠিবার পূর্বেই কিরণ আসিয়া থানার ঘরে প্রবেশ করিল।

রজনী তাকে দেখিয়াই বলিল,—আমায় যাপ কর কিরণ। আজকের ঘটনা আমায় নূতন মাহুয করেছে!...এখন আমার জামিন হয়ে কেউ না দাঁড়ালে আমায় ঐ চোর-জালিয়াদের সঙ্গে হাজত-ঘরে বাস করতে হবে। আগে তার উপায় কর। তুমি মনে করলেই এ মামলা উঠিয়ে নিতে পারো...যদি ক্ষমা করতে পারো আমার তো সব দিক দিয়েই আমি স্বেযোগ পাই মাহুয হবার...তারপর রঘুনাথ বাবুর সন্ধানও আমি পেয়েছি...যদি অহুমতি কর তো যে অন্তর করেছি তার প্রতিকার করবারও স্বেযোগ হয়।

কিরণ ইন্সপেক্টর বাবুর পানে চাহিয়া বলিল,—মামলা আমি উঠিয়ে নিতে চাই। একজন বড় ঘরের ছেলের এ বে-ইচ্ছাতি...

সে একটা নিখাস ফেলিল। এ সেই রজনী...যার সান্নিধ্য তার সব চেয়ে কাম্য ছিল, একদিন যার অনর্শন তার অসহ্য ঠেকিত...।...যা গিয়াছে, তা একেবারেই গিয়াছে, ফিরিবার নয়, ফিরিবার নয়, ফিরাইতে সে চায়ও না।

ইন্সপেক্টর বাবু বলিলেন,—বলুন আপনি মামলা উঠিয়ে নিতে পারেন। কিন্তু তার আগে আপনার জবানবন্দী চাই—অর্থাৎ যা-যা ঘটেছিল—। এর পর আজ রাত্রের মত উনি জামিনে থানাস থাকবেন।

পাখা—৩ নং কর্ণওয়ালিস স্ট্রিট, কলিকাতা

কাল ডেপুটি কমিশনারের কাছে গুঁকে একবার হাজির হতে হবে। আপনি তাঁর কাছে বললে বা উকিল দিয়ে বললে যামলা মিটবে, উনিও খালাস পারেন।

কিরণ বলিল,—একজন উকিল তো চাই তাহলে। কিন্তু আমি জে কাকেও চিনি না।

ইন্সপেক্টর বলিলেন,—বেশ, আমি সে ব্যবস্থা করছি। বলিয়া তিনি ডাকিলেন,—দরোয়াজা...

একজন পাহারওয়াল আসিয়া দাঁড়াইল। ইন্সপেক্টর বাবু তাকে একজন উকিল আনাইবার কথা বলিয়া দিলেন। সে চলিয়া গেলে ইন্সপেক্টর বাবু কিরণকে জিজ্ঞাসা করিলেন,—কি হয়েছিল, ইনি কি করেছিলেন, সব বলুন দিকি আমার।

কিরণ সব কথাই খুলিয়া বলিল, বলিয়া নিবেদন করিল যে-নারীর উপর উনি অত্যাচার করিতে উদ্ভত হইয়াছিলেন, তিনি একজন ভদ্র মহিলা—তাঁর নামটা জানিতে না চাহিলেই সে কৃতার্থ হইবে। তাছাড়া তাঁকে যেন খানার দাঁড়াইতে না হয় বা তাঁকে এ সম্বন্ধে কোন কথা জিজ্ঞাসা করা না হয়—এই তাঁর প্রার্থনা।

ইন্সপেক্টর বাবু রজনীর সিকে চাহিয়া বলিলেন,—আপনি এ-সব স্বীকার করেন ?

রজনী বলিল,—সব সত্য।

ইন্সপেক্টর বলিলেন,—আপনার সম্বন্ধে এ-সব কথা শুনে সত্যই রক্ত কষ্ট হচ্ছে। আপনারা বড় লোক—অবসরও আপনার প্রচুর। এই পয়সা আর অবসর কত অন্যো কাছে খাটাতে পারেন। তা না করে এখনি ইজর মোকের মত মোংরা কাছে ছোটেন—ছি!

রজনী বলিল,—যথার্থই আমার অহুতাপ হচ্ছে, ইন্সপেক্টর বাবু।
I beg a life's chance of you.

উকিল আসিয়া জামিন প্রার্থিতর বন্দোবস্ত করিয়া দিলে কিরণ
একটা চিঠি লিখিয়া দিল, যামলা সে চালাইতে চায় না।

ইন্সপেক্টর বাবু বলিলেন,—এই চিঠি কাল আমি দাখিল করব।
আর রজনীবাবু, আপনি সরকারী পরিবখানায় কিছু দিয়ে দেবেন—তা
হলেই যামলা ভুলে নিতে কোন কষ্ট হবে না।

এদিককার ব্যাপার চুকিলে রজনী বলিল,—সেই যে যেহেটি আজ
যোটর চাপা পড়েছিল, তার বাপের নাম রঘুনাথ বাবু। তাঁদের
ঠিকানা যদি দেন...আমাদের আপনার লোক তিনি...

ইন্সপেক্টর সকৌতুহলে রজনীর পানে চাহিলেন, তারপর কাগজ-
পত্র দেখিয়া তাদের ঠিকানা বলিয়া দিলেন,—বাগবাজার কালী-মন্দির ;
কৃপানাথ ঠাকুরের বাড়ী।

ঠিকানা জানিয়া লইয়া রজনী বাহিরে আসিল ; আসিয়া কিরণকে
বলিল,—তোমরা বাড়ী যাও—আমি তাঁদের নিয়ে এখনি তোমার
ওখানে আসছি !

কিরণ লক্ষীকে লইয়া বাড়ী ফিরিল। বাড়ী আসিয়া সে লক্ষীকে
বলিল,—মা-কালীর সে হাসি মিথ্যা নয়—আমাদের ছুই বোনের
প্রার্থনা তিনি শুনেছেন। রঘুনাথ বাবুকে এখনি দেখতে পাবে...

এ কি সত্য, এ কি স্বপ্ন...না, এ পরিহাস ! তার এত বড়
ছুরাশা তবে...লক্ষীর সর্বাত্মক কাপিয়া উঠিল। সে পড়িয়া বাইতেছিল,
কিরণ তাকে ধরিয়া কেলিয়া বলিল,—এসো, এবার রাণীর শায়ে
তোমার সাজিয়ে দি...

লক্ষীর সমস্ত চেতনা অস্তহিত হইয়াছিল। সে বড় পদার্থের যতই নিজেকে কিরণের হাতে ছাড়িয়া দিল। কিরণ তার মুখ-হাত ধোয়াইয়া তাকে সাজাইতে বসিল—মাথার চুল আঁচড়াইয়া দিয়া সিঁথিতে বেশ করিয়া সিঁদুর পরাইয়া, আলতায় পা দুখানি রাঙাইয়া, ভালো একখানি শাড়ী পরাইয়া লক্ষীকে একটা কোচে বসাইয়া দিয়া কিরণ মুগ্ধ বিহ্বল দৃষ্টিতে তার পানে চাহিয়া রহিল। লক্ষীর মনে হইতেছিল, সে যেন স্বপ্ন দেখিতেছে। হোক স্বপ্ন—তবু এ বড় সুখের...তাই সে অমনি স্পন্দহীন শুক বসিয়া রহিল—ঠিক যেন এক মাটির পুতুল।

— ২০ —

লক্ষীর স্পন্দিত বুকের উপর দিয়া সশব্দে কখন একখানা গাড়ী আসিয়া ঘরে দাঁড়াইল, এবং কখন যে রজনীর সঙ্গে তার প্রাণের চির-বাহিতেরা আসিয়া ঘরে ঢুকিল—এগুলো সব যেন স্বপ্ন! হঠাৎ তার চেতনা হইল কপালে পটি-বাঁধা মটী যখন মা বলিয়া তার কাছে ছুটিয়া আসিল।

রঘুনাথ তীক্ষ্ণ স্বরে হাঁকিল,—মটী!

মটী থমকিয়া দাঁড়াইয়া পড়িল। রঘুনাথ তার হাতটা চাপিয়া ধরিয়া ছুই পা পিছনে সরিয়া গেল! লক্ষী চাহিয়া দেখে, রঘুনাথের চোখে তীব্র অগ্নিস্কলিক! সে দৃষ্টির আগুন তার প্রাণটাকে নিমেষে পুড়াইয়া দিল।

লক্ষী উঠিয়া দাঁড়াইল, কিন্তু পা এমন কাঁপিতে লাগিল যে আর

দাঁড়ানো যায় না। রঘুনাথ তার পানে তেমনি বিরক্তি-তরা দৃষ্টিতে চাহিয়া বলিল,—তুমি তো বেশ আছ!...এই ঐকথ্য দেখাতে আমাদের ভাকিয়ে এনেছ! আমরা পথের ভিখারী, আর তুমি রাজ-রানী! তু, বেশ, তুমি, হুখে থাকো! আমরা চললুম! রঘুনাথ দক্ষকে লইয়া চলিয়া হাইতে উচ্চত হইল।

সমস্ত পৃথিবী এমন ভয়ানক বেগে লক্ষীর পায়ে তলার ছলিয়া উঠিল যে লক্ষী মাথা ঘুরিয়া পড়িয়া যাইতেছিল। কিরণ তাকে ধরিয়া কোচের উপর শোয়াইয়া দিল! তারপর সে রঘুনাথকে বলিল,—আপনি ভুল বুঝবেন না। আমি যেই হই—তবু শপথ করে বলতে পারি ভগবানের নাম নিয়ে যে লক্ষী সত্যই সত্যী-লক্ষী। ওর ছুঃখ-ছুঃদশার কথা শুনে পাষণ্ড কেটে যায়! আপনার ভুলই ও প্রাণটুকু এখনো রেখেচে—আর আপনি এই সব কথা বলছেন! আপনি না স্বামী? ওর সঙ্গে ঘর করেছেন! ওর মনের কথা সবই তো আপনার জানা...সেই লক্ষীকে আপনি বুঝতে ভুল করেন...

রঘুনাথ এ কথার অন্ত প্রস্তুত ছিল না। সে অবাক হইয়া কিরণের পানে চাহিল। কিরণ রজনীকে দেখাইয়া বলিল,—এই তো ওর মস্ত সাকী। উনিই বসুন...লক্ষী কি...

রজনীর মুখখানা বিবর্ণ হইয়া গেল। সে মনকে প্রাণ-পণ বলে খাড়া করিয়া বলিল,—ইনি সত্যী-লক্ষী—আমার মা। আমি অন্ধ যোহে ঠেকে ঘর থেকে টেনে এনেছিলুম,—ভেবেছিলুম, নারীকে পাওয়া কোন কালেই শক্ত নয়! কিন্তু আমি শপথ করে বলছি, উনি বিস্মাণ, সত্যী...

তারপর রজনী ধীরে ধীরে সকল কথা খুলিয়া বলিল। কেমন

করিয়া লক্ষীকে প্রথম দেখিয়া তাকে পাইবার জন্য সে পাগল হইয়া ওঠে, তারপর কি ফন্দী করিয়া সে তাকে ধরিয়া আনে, কি করিয়াই বা বন্দী করিয়া রাখে, তার পায়ে রাজার ঐশ্বর্য ঢালিয়া তাকে পাইবার হুঁশা লইয়া মিনতি-ভরা ভিক্ষা চায়, জোর করে—কিন্তু লক্ষী ছই পায়ে সে ঐশ্বর্য মাড়াইয়া ডাঙ্গিয়া, সে বল তুচ্ছ করিয়া পলাইয়া যায় ! তারপর আবার একদিন, আজই সন্ধ্যার পূর্বে তাকে পুনরায় পাইবার জন্য কি কুরঙ্গ আগ্রহে সে ছুটিয়া আসে—এবং তারি ফলে তার মনের উপর হইতে পাপের ভারী পাথরখানা হড়হড় করিয়া সরিয়া গিয়া মনকে যুক্তি দিয়া রজনীকেও আবার মাহুব হইবার যত সুযোগ দিয়াছে ! ধানায় রঘুনাথকে দেখিয়া সে একেবারে মাটির সঙ্গে মিশিয়া গিয়াছিল ! এ সতী-লক্ষীকে কু-কথা বলিলে পৃথিবী এখনই কাটিয়া চৌচির হইয়া যাইবে !

কিরণের চোখ দুইটা ধক্ ধক্ করিয়া জলিতেছিল ! রজনীর কথা শেষ হইতে সে-ও খুলিয়া বলিল, দৈবাৎ সে লক্ষীকে কেমন করিয়া পথে দেখে এক পিলাচের কবলে ! ভাগ্যে সে আসিয়া পড়িয়াছিল, তাই লক্ষী রক্ষা পায় ! নহিলে...

তারপর এখানে আসিয়া লক্ষী সব আশা হারাইয়া য়িতে চাহিল ! তারি কথার দেশের বাড়ীতে লোক যার লক্ষীর চিঠি লইয়া এবং সে আসিয়া খপর দেয় সেখানকার বাড়ী পুড়িয়া ছাই হইয়া গিয়াছে ! তারপর লক্ষী তাঁকে পাইবার জন্য পাগলের যত আজ কালোঘাটে, কাল রক্তিশেখরে, নিত্য এই গঙ্গায় তীরে ঘাটে ঘাটে ছুরিয়া বেড়াইয়াছে—। সে ঘোরার এখনো বিরাম নাই !

সমস্ত কথাগুলি রঘুনাথের চিত্তকে একেবারে বিকল করিয়া দিল ।

তার লক্ষী তার জন্ত এত সহিয়াছে, আর তাকেই সে কিম্বের জন্তও এখন অবিশ্বাসের চোখে দেখিয়াছে ! রঘুনাথের মনে হইল, এ চিন্তাই বা তাকে পাইয়া বসিল কি করিয়া !

কিরণ রঘুনাথের উত্তরের প্রতীক্ষা না করিয়াই মন্দিরে একেবারে টানিয়া বুকের মধ্যে চাপিয়া ধরিল, তারপর চুম্বা চুম্বা তার ছোট মুখখানি ভরিয়া দিয়া বলিল, — এসো মা এসো, মার কাছে এসো—

লক্ষীর সর্ব শরীর প্রচণ্ড আবেগে তখনো কাঁপিতেছিল ! এ কি, সত্যই তার সামনে আজ তার চিরবাহিত ! এত-বড় আশাও তার এমন করিয়া পূর্ণ হইল ! এখনো এ কি স্বপ্ন দেখা চলিয়াছে, না...?

মন্দি গিয়া মার গায়ের উপর কাঁপাইয়া পড়িয়া ডাকিল,—মা—

লক্ষীর দুই চোখে জল ছাপাইয়া আসিল । জলে-ডরা অশ্রুট দৃষ্টিতে মন্দির রানে চাহিয়া সে তাকে বুকের মধ্যে চাপিয়া ধরিল—মমেনে মনে ডাকিল, মন্দি, মন্দি, মা, মা—

তারপর সকলে চূপ—কাহারো মুখে কথা নাই ! বুকের মধ্যে সকলেরই কিসের তরঙ্গ ছুটিয়াছিল ।

রজনী সে স্তব্ধতা ভঙ্গ করিল । সে একেবারে আগাইয়া আসিয়া লক্ষীর গায়ের কাছে প্রণাম করিল, করিয়া রক্ত বরে করিল,—মা, আমার কমা করুন । আমার সমস্ত অপমান ভুলে যান—

লক্ষী যেন কেমন হইয়া গেল । সে যে কি করিবে, কিছুই বুঝিয়া উঠিতে পারিল না । রজনী একটা নিশ্বাস ফেলিয়া বলিল,—নারী যে কত বড়, তার মন যে হেলা-কলের বস্ত নর, সে যে স্নেহ নর, তা আমি আগে বুঝিনি । তারপর কিরণের পানে চাহিয়া বলিল,—কিরণ, তুমিও আমার কমা কর । বা কেবাবার নর, তা কিরিবে না—কিন্তু

ভোমরা ছুতনে আশীর্বাদ কর, জীবনের বাকী দিনগুলো যেন মাহুকের মত কাটাতে পারি !

রঘুনাথ তখনো বুক ছাড়াইয়া। রজনী তার পানে চাহিয়া বলিল,—আপনার কাছে কমা চাইবার স্পর্শ আমার নেই, সে সাহসও নেই ! তবে যদি কোনদিন পারেন, আমার কমা করবেন...মন যা চায় তাই তাকে দিয়ে তৃপ্তি পাওয়া—মাহুকের পক্ষে এ ভাব ঠিক নয়। সে তৃপ্তি কত কণিক, আমি তা হাড়ে-হাড়ে বুঝি ! সে তৃপ্তি এত কণিক বলেই একটার পর আর-একটার দিকে ক্রমেই অসহ্য ঝোক নিয়ে অন্ধ হয়েই আমি ছুটেছিলুম !...আপনি কত মহৎ, এখনো আমার গুলি করে মারচেন না, এতেই আমি বুঝি...তবে এবার আমার শোধরাবার সুযোগ দিন...বলিতে বলিতে সে রঘুনাথের দুই পা ছাড়াইয়া ধরিল ; বলিল,—বলুন, কোনদিন আমার কমা করতে পারবেন...? একটু আশা দিন, নাহলে আমার পক্ষে বেঁচে থাকাও সম্ভব হবে না !

রঘুনাথ একটা নিশ্বাস ফেলিল ; আর এই একটা নিশ্বাসের সঙ্গে এতদিনকার পুঞ্জিত বেদনা, আর হাহাকার যেন তার বুক ছাড়াইয়া বাহির হইয়া বুকটাকে হাল্কা করিয়া দিল। রঘুনাথ বলিল,—আপনাকে কমা করা শক্ত নয় তো ! বা কেড়ে ছিলেন, তা আবার ঐ হাতেই আমার ফিরিয়ে দিলেন...তেমনি অমলিন, তেমনি শুভ্র !

কিরণ মস্তীর মাথার হাত দিয়া বলিল,—এ যে ভয়ঙ্কর হয়ে উঠেছে মা...

রঘুনাথ বলিল,—ওকে যে ফিরে পেয়েছি এই ঢের ! আর তাপ্যে ওর এই বিপদ হয়েছিল, নাহলে এ যে আরস্তের বাইরেই থেকে যেতো !

কিরণ বলিল,—রজনীবাবুর মুখে শুনলুম ! আজকের বিপদগুলো

এমন সম্পদ বুকে করেও এসেছিল... আশ্চর্য!... তা আমি মেয়েটাকে নিয়ে যাই... একটু কিছু মুখে দিক! আহা, মুখখানি শুকিয়ে উঠেছে একেবারে... এসো তো মা... বলিয়া কিরণ মন্ত্রীকে লইয়া চলিয়া গেল।

রজনী বলিল,—আজ আপনারা কথাবার্তা কন, কাল আপনার সঙ্গে দেখা করবো এসে। আমার মা পেয়েছি... জীবনে যাকে কোনদিন জানিওনি, তাই এত কষ্ট। তাই এমন একটা আশার যত চারিদিকে ছুটে বেড়াচ্ছিলুম, মাহুষ হইনি!... আজ আশা হয়েছে, মার পরের তলায় পড়ে এবার বুঝি মাহুষ হবো!

রঘুনাথ ও মন্ত্রীকে আর একবার প্রণাম করিয়া রজনী বিদায় লইল। সে চলিয়া গেলে রঘুনাথ ও মন্ত্রী দুইজনে কতক্ষণ চুপ করিয়া দাঁড়াইয়া রহিল—মন্ত্রী ঘাটীর দিকে মুখ নত করিয়া, আর রঘুনাথ দুই চোখে ক্ষুধিত তৃষিত দৃষ্টি লইয়া মন্ত্রীর পানে চাহিয়া।

বহুক্ষণ এমনি থাকিবার পর রঘুনাথ একটা নিশ্বাস ফেলিল, তারপর ধীরে ধীরে আসিয়া মন্ত্রীর হাত দুখানি নিজের হাতে তুলিয়া ধরিল, ডাকিল,—মন্ত্রী...

মন্ত্রীর সর্বশরীর আবার কাপিয়া উঠিল! তার বুকের মধ্যে বিছাণ্ডের তরঙ্গ ছুটিল।

রঘুনাথ বলিল,—এত কষ্ট সয়েছ তুমি মন্ত্রী... আমি বামী, আমি তোমার রক্ষা করবে পারিনি, তোমার সম্মান রক্ষার জন্য কোন আয়োজনও করি নি...

মন্ত্রী রঘুনাথের পায়ে উপর পড়িয়া বলিল,—আমার কমা কর। তোমাদের দেখছি, আর আমার কোন সাধ নেই। আমি এবার মরতে চাই—দয়া করে আমার সে অনুমতি দাও...

রঘুনাথ বলিল,—এ কথার মানে কি, লক্ষ্মী ?

লক্ষ্মী আবেগের সহিত বলিল,—না, না, আমি এ কথা অনেকদিন থেকে ভেবে রেখেছি...তোমার ঘরে আমার আর ঠাই নেই! সব শাস্তি নষ্ট করবে তুমি আমার সঙ্গে...? না, তা হবে না! পাড়ার লোক পাঁচ কথা বলবে, তা সহ করে...না...না...

রঘুনাথ বলিল,—সে সব কথা আমি গ্রাহ্যও করিনে। তারা কি আমার মত তোমার জানে ?

লক্ষ্মী বলিল,—তবু সে সমাজ—

রঘুনাথ বলিল,—এটা সত্য যুগ নয়, ত্রেতাও নয় যে সমাজের জন্ত আমি মাহুষ হয়ে আমার নির্দোষ নিজলক স্ত্রীকে ত্যাগ করবো! মাহুষের মন যে না আছে, সমাজের সে কেউ নয়, কেউ হতেও পারে না কোনদিন...আগে মাহুষ, তারপর সমাজ!

লক্ষ্মী বলিল,—কিন্তু আমার উপর এত বিশ্বাস...

রঘুনাথ তাকে একেবারে বুকের মধ্যে টানিয়া লইয়া বলিল,—তোমায় অবিশ্বাস করলে আমার নিজের উপরও যে সব বিশ্বাস হারাবো, লক্ষ্মী! তোমার মন—? এতদিনেও কি তার কোনোখানটা আমার জানতে বাকী আছে? তুমি কি শুধুই আমার ঘরের ঘরনী? তুমি যে আমার এঁথের প্রেমসঙ্গী...

তারপর রঘুনাথ বলিল,—সেদিন নদীর ধারে এসে বখন দেখলুম, ওপারের আকাশ রাঙা হয়ে উঠেছে, বুকের মধ্যটা এমন ছলে উঠলো...তবু এ কথা বলতেও তাবিনি যে এত বড় বিপদ আমারি কাশলে ঘটেছে।...বলিতে বলিতে তার ঘর গাঢ় হইয়া উঠিল; চোখের সামনে অমনি হুটিয়া উঠিল, বায়োফোনের পটে চলত ছবি

যতই সেই আগুন-রাতা আকাশ, লোক-জনের চীৎকার...তারপর...
শুভ ঘর ! পাড়ার লোক আসিয়া কতজনে কত কথাই বলিয়া গেল !
অসহ্য সে সব কথার হাত এড়াইতে মস্তীকে লইয়া রঘুনাথ বেশ ত্যাগ
করিল ।...পথে পথে ভিক্ষা করিয়া বেড়াইয়াছে,...শেষে এক পুন্ডরী
ব্রাহ্মণ, মেঘের শোকে কাতর হইয়া পড়িয়া ছিল, সে-ই বুক পাতিয়া
ছইজনকে ঠাই দিয়াছে ! আর যতীশ, যতীশের মা...ঠাদের কথা
সোনার অক্ষরে বুক লেখা থাকিবে, চিরদিন !

রঘুনাথ আজই ভাবিয়াছিল, এই মোটরের খাড়া খাওয়ার ফলে
যদি মস্তীর বেশী অসুখ হয়,...তাহা হইলে এ কুঁড়ে-ঘরে কে দেখিবে !
তাছাড়া যতীশ বলিয়া গিয়াছে, কাল সকালেই সে আসিয়া ঠাদের
লইয়া যাইবে, কোন কথা শুনিবে না । মস্তী যে চোট পাইয়াছে,—
এখানে কে তাকে দেখিবে !

রঘুনাথ সব কথাই খুলিয়া বলিল । লক্ষ্মী বিভোর মন লইয়া
শুনিতেছিল । এ যেন কার রচা ছুঃখের কাহিনী সে শুনিতেছে...এ
লোকগুলি যে তারই প্রাণের জন, এ কথাও সে ভুলিয়া যাইতেছিল ।

গাঢ় সমবেদনার লক্ষ্মীর ছুই চোখ দিয়া কেবলি জল করিতেছিল ।

রঘুনাথ একটা নিখাস ফেলিল, নিখাস ফেলিয়া বলিল,—মস্তীর
কথা আজই যতীশের মা বলছিলেন যে, ওকে আমার হাতে দাও,
ওটিকে আমি নেবই, আমার যতীশের জন্ত !...

লক্ষ্মীর বুক দারুণ উত্তেজনার ছলিতে লাগিল । সে বিমূঢ়ের মত
ছুই চোখে জলের ধারা ছুলাইয়া বসিয়া রহিল ।

রঘুনাথ লক্ষ্মীকে প্রাণ ভরিয়া দেখিতেছিল ।—এই তার প্রাণের
শ্রেয়সী, কতদূরে গিয়াছিল, কি ছলজ্বা প্রাণীরের আড়ালে...! আজ

আবার তার চোখের সামনে, তার বাহর বাঁধনে সে কিরিয়া আসিয়াছে !...

রঘুনাথ লক্ষীর মুখখানি টানিয়া মুখের কাছে আনি—যেমন চূষন করিতে যাইবে, অমনি ঘরের পাশে কিরণের স্বর শুনা গেল। কিরণ আসিয়া বলিল,—কিছু একটি কথা...মেয়ের সঙ্গে ঠিক হয়ে গেছে, বুঝলেন রঘুনাথ বাবু, এ ঘর-দোর আমার এই মেয়েটির অভাবেই এতদিন অপূর্ণ ছিল, আজ সে এসে একে পূর্ণ করেছে। ঘর আমার আলো হয়ে উঠেছে...তার উপর আপনাদের হাসির আলো...ঘর আজ আমার আলোয় আলো! এ আলোর মুখ যে কখনো দেখিনি আমি...

বলিতে বলিতে কিরণের স্বর আর্জ হইয়া আসিল; সে স্বরে মিনতি ভরিয়া সে আবার বলিল,—এ আলো নিবিরে দিবে আমার এ-ঘর আর আঁধার করে চলে যাবেন না...

রঘুনাথ ও লক্ষী দুইজনেই বিস্মিত চোখে কিরিয়া দেখিল, সামনেই মণী—তার মুখ পুলকের দীপ্তিতে উজ্জল, আর কিরণ...তার দুই চোখের কোলে জল একেবারে ঘনাইয়া আসিয়াছে !

রঘুনাথ তার পায়ের কাছে প্রণাম করিয়া বলিল,—আপনার কথা আমাদের কাছে দেবীর আদেশ! তার যদি অপমান করি, তাহলে সমস্ত পৃথিবী আমাদের পায়ের তলা থেকে সরে যাবে!

শেষ

কমলিনীর দৌলতে সুখের আর সীমা নাই

কমলিনী-সাহিত্য-মন্দির

উপন্যাস ১ সংস্করণ সিরিজ

১১৪ নং আহিরীটোলা ষ্ট্রীট, কলিকাতা।

যে কোন পুস্তকালয়ে বাইয়া,

‘কমলিনী- সিরিজ’ দেখিলেই আনন্দে করতালি দিতে ইচ্ছা হইবে ;—

“আহা কেমন সুন্দর ! কত সস্তা ! বলিহারী বাহাদুরী !”

লক্ষ কণ্ঠে নিত্য ধ্বনিত হইতেছে,

“এত সস্তায় ইহারা দেয় কেমন করিয়া !”

আপনাদের অনুমান সত্য, মহাশয় ।

উপস্থিত আমাদের এপথ কণ্টকাকীর্ণ—গতি তরঙ্গ-সঙ্কল—

কিন্তু লক্ষ্যস্থান আমাদের—সুন্দর প্রেম-নিকেতন ।

এবার পঞ্চম বর্ষের হর্ষ-প্রাধনে—কমলিনী-সাহিত্য-মন্দির সংলগ্ন সাহিত্যোষ্ঠানে সুপক্ক হরিতকী ফল ফলিবে, ইহাই হইতেছে দৈববাণী । এখন প্রত্যেক প্রমাণ গ্রহণের অন্ত পর পর প্রকাশিতব্য উপন্যাস-মালার দিকে দৃষ্টিপাত করিয়া, দশে মিলিয়া বিচার করুন—“কমলিনী”র কথা ও কার্যের সামগ্র্য কতখানি ।—

পঞ্চমবর্ষের প্রথম উপন্যাস (দ্বিতীয় সংস্করণ)

৪৯। পণ্ডিত শ্রীনারায়ণচন্দ্র ভট্টাচার্য্য প্রণীত—স্বামীন্দ্র ঘন...১২

পঞ্চম বর্ষের দ্বিতীয় উপন্যাস

৫০। শ্রীগুরুদাস চট্টোপাধ্যায় প্রণীত—মানিনী ...১২

পঞ্চম বর্ষের তৃতীয় উপন্যাস

৫১। শ্রীনারায়ণ ভট্টাচার্য্য—(২য় সংস্করণ) বিস্ময়বাণী ...১২

পঞ্চম বর্ষের চতুর্থ উপন্যাস

৫২। শ্রীকীর্ত্তনাথ গাল বি-এ প্রণীত—বন্ধুর বো...১২

ছাড়াছাড়া সমস্তই বাণ—
মোহিত হইয়া যান মোহিত হইয়া যান।

কমলিনী-সাহিত্য-মন্দির,

১১৪ নং আহিরীটোলা ষ্ট্রীট, কলিকাতা।

ভারতে বাংলা উপন্যাস এত সস্তায় এত সুন্দর

আর কোথাও নাই।

* কমলিনী-সাহিত্য-মন্দিরের পূর্ব প্রকাশিত ১২ টাকা সংস্করণ

উপন্যাস-সিন্ধিত

পড়েন নাই, এমন উপন্যাস-পাঠক-পাঠিকা

বাংলায় কোথাও নাই।

প্রতি মাসেই একখানি করিয়া নূতন উপন্যাস প্রকাশিত হয়। প্রত্যেক
উপন্যাসের মূল্য ১২ এক টাকা। ডাকে ১।০ পাঁচসিকা।

১।	বন্ধু-বিনিময়—স্বরাজমোহন ভট্টাচার্য (৭ম সং ১২ মা: ১০)	
২।	বাসন্তী—শ্রীকালীপ্রসন্ন দাশ গুপ্ত এম-এ (২য় সং) ১২	"
৩।	ভোরাবালি—শ্রীহেমেন্দ্রপ্রসাদ ঘোষ, বি-এ ১২	"
৪।	মহিমা দেবী—শ্রীমতী শৈলবালা ঘোষদ্বারা (২য় সং) ১২	"
৫।	দলদী—শ্রীসৌরীন্দ্রমোহন মুখোপাধ্যায়, বি-এল (২য় সং) ১২	"
৬।	শেষরক্ষা—শ্রীনারায়ণচন্দ্র ভট্টাচার্য (২য় সং) ১২	"
৭।	স্বপ্নালি—শ্রীকেন্দ্রমোহন ঘোষ ... ১২	"
৮।	বিচিত্রা—শ্রীমতী স্বর্ণকুমারী দেবী ... ১২	"
৯।	রাঙা বন্ধু—শ্রী প্রফুল্লচন্দ্র বসু ... ১২	"
১০।	গোপালি—শ্রীনবকৃষ্ণ ঘোষ, বি-এ ... ১২	"
১১।	সুদেবী সুন্দ—শ্রীনারায়ণচন্দ্র ভট্টাচার্য ... ১২	"
১২।	জন্মপ্রসঙ্গ—শ্রীশরৎচন্দ্র পাল (২য় সং) ১২	"
১৩।	উচ্ছ্বাস—শ্রীমতী নিকুণমা দেবী ... ১২	"
১৪।	প্রতিষ্ঠা—শ্রীমতী সরসীবালা বসু ... ১২	"
১৫।	স্বপ্নাহতা—শ্রীমতী শৈলবালা ঘোষদ্বারা ... ১২	"
১৬।	কালো মেয়ে—শ্রীনারায়ণচন্দ্র ভট্টাচার্য ... ১২	"
১৭।	চন্দ্রকান্ত উৎসব—শ্রীমতী সরসীবালা বসু ১২	"

১৮।	অশিকের গায়—শ্রীর্গাদাস নাহিকী	... ১২	মাঃ ১০
১৯।	স্বাভপুতের মেয়ে—শ্রীপ্রথমনাথ চট্টোপাধ্যায়	১২	"
২০।	সঙ্গীত কোটা—শ্রীনারায়ণচন্দ্র ভট্টাচার্য (২য় সং)	১২	"
২১।	স্বপ্নবানী—শ্রীমতী বর্ণকুমারী দেবী	... ১২	"
২২।	পদ্মাজিতা—বর্গীয়া ইন্দিরা দেবী (২য় সং)	১২	"
২৩।	কলা-বো—শ্রীনারায়ণচন্দ্র ভট্টাচার্য (২য় সং)	১২	"
২৪।	স্বাভৌর শিবাজী—শ্রীপ্রথমনাথ চট্টোপাধ্যায়	১২	"
২৫।	অশির বর—শ্রীনারায়ণচন্দ্র ভট্টাচার্য (৪র্থ সং)	১২	"
২৬।	মোটর ডাকাতি—শ্রীকেশবমোহন ঘোষ	... ১২	"
২৭।	সতী সাবিত্রী—শ্রীনারায়ণচন্দ্র ভট্টাচার্য	... ১২	"
২৮।	সোনার খনি—শ্রীমতী অন্নরূপা দেবী	... ১২	"
২৯।	সোনার কাঠি—শ্রীসৌরীন্দ্রমোহন মুখোপাধ্যায় (২য় সং)	১২	"
৩০।	সই—শ্রীমতী শৈলবালা ঘোষজায়া	... ১২	"
৩১।	সোনার খনি—(২য় খণ্ড) শ্রীমতী অন্নরূপা দেবী	১২	"
৩২।	জগদ্ধাত্রী—শ্রীরাসবিহারী মুখোপাধ্যায়	... ১২	"
৩৩।	প্রিয়া—শ্রীহেমেন্দ্রপ্রসাদ ঘোষ (বহুমতী সং)(৩য় সং)	১২	"
৩৪।	অনুরাগ—পণ্ডিত শ্রীযুক্ত নারায়ণচন্দ্র ভট্টাচার্য(২য় সং)	১২	"
৩৫।	পদ্মীবধু—শ্রীদীনেন্দ্রকুমার রায় (রহস্য-মহরী সং)	১২	"
৪০।	বাঙ্গালীর মেয়ে—শ্রীপ্রথমনাথ চট্টোপাধ্যায়	১২	"
৪১।	সোনার পদক—শ্রীনারায়ণচন্দ্র ভট্টাচার্য(২য় সং)	১২	"
৪২।	রূপের মোহ—শ্রীহরিসাধন মুখোপাধ্যায় (২য় সং)	১২	"
৪৩।	যুগল মিলন—শ্রীনারায়ণচন্দ্র ভট্টাচার্য	... ১২	"
৪৪।	সতীর মূল্য—শ্রীমনোমোহন রায় (রিজিরা প্রণেতা)	১২	"
৪৫।	দেবতার দান—শ্রীপ্রথমনাথ চট্টোপাধ্যায়	১২	"
৪৬।	শ্রীমতী—শ্রীহেমেন্দ্রপ্রসাদ ঘোষ (২য় সং)	... ১২	"
৪৭।	প্রেমিকা—শ্রীনারায়ণচন্দ্র ভট্টাচার্য (২য় সং)	... ১২	"
৪৮।	প্রেমসী—শ্রীসৌরীন্দ্রমোহন মুখোপাধ্যায় (৩য় সং)	১২	"

৪৯, ৫০, ৫১ ও ৫২ সংখ্যার বিজ্ঞাপন পূর্ক পৃষ্ঠায় দেখুন।

সকলের সর্বস্বই এবেট প্রয়োজন। পত্র লিখিয়া বিবরণ জ্ঞাতন।

লেখকের অন্যান্য গ্রন্থ

উপন্যাস

অঁধি	...	২।০	বাবলা	...	১।০
কাজরী	২য় সংস্করণ	১।০	মাতৃধ্বংস	..	১।০
দরদী	২য় সংস্করণ	১।	ত্রীবুদ্ধি	...	১।৫০
সোনার কাঠি	২য় সংস্করণ	১।	পথের পথিক	...	।০
নবাব	...	২।০	নেপথ্যে	...	।০
বন্দী	২য় সংস্করণ	১।	পিয়ারী	...	১।০
ছোট পাতা	...	১।০	নিরুদ্দেশের যাত্রী...		১।০
মুক্ত পাখী	...	২।	লাল ফুল	...	১।০

ছোট গল্প

শেকালি	২য় সংস্করণ	৫।	নিব্বর	২য় সংস্করণ	১।
পরদেশী	২য় সংস্করণ	১।	যশদীপ	...	১।
পুলক	...	১।	বৈকালি	...	।০
পিয়ারী	...	১।০	মৃগাল	...	১।০
ভরণী	...	১।০			

ছেলেমেয়েদের বই

সাঁঝের বাতি	...	।০	ফুলের পাখা	...	।০
তারার মালা	...	।০	চাঁদের আলো	...	।০

নাট্যগ্রন্থ

যৎকিঞ্চিৎ	...		টারে অভিনীত	...	।০
দশচক্র	...		টারে অভিনীত	...	।০
গ্রহের কের	...		কোহিমুরে অভিনীত	...	।০
দরিয়া	...		মিনার্তার অভিনীত	...	।০
কমেলা	...		মিনার্তার অভিনীত	...	।০
শেষ বেশ	...		টারে অভিনীত	...	।০
হাতের পাঁচ	...		মিনার্তার অভিনীত	...	।০
পঞ্চম্বর	...		টারে অভিনীত	...	।০

সকল গ্রন্থই কলিকাতার প্রধান প্রধান পুস্তকালয়ে, এবং

৮২।৪ নং কর্ণওয়ালিস স্ট্রীটে গ্রন্থকারের নিকট পাওয়া যায়।

২২ দিনে বিয়েবাড়ীর ১ম সংস্করণ ৩০০০ কর্পরের মত

উপিয়া গিয়াছিল !

—উলু—উলু—উলু—বিয়ে বাড়ী !

বিয়েবাড়ী! বিয়েবাড়ী! বিয়েবাড়ী!

—:~:—

কবীর ঔপন্যাসিক-শিরশ্চুড়ামণি

—উপভাসাচার্য পণ্ডিত—

শ্রীনারায়ণচন্দ্র ভট্টাচার্য বিদ্যাভূষণ প্রণীত

পত্র-পুস্তক-পত্রিকা পরিশোধিত—আলোকমালা-সম্বিত

বিয়ে-বাড়ী

১ম, ২য়, ৩য়, ৪র্থ সংস্করণ শেষ হইয়া ৫ম সংস্করণ প্রকাশিত হইল।

বিয়েবাড়ী বিগত পঞ্চম বর্ষের ৩য় সংখ্যায়

কমলিনী-সাহিত্য-মন্দিরের ১ এক টাকা সংস্করণ

উপভাস-সিরিজ-দূরবীক্ষণের দ্বারা

দৃষ্টিপথে আসিয়াছে !!

—:~:—

বাস্ত-কৌলাহল-সুধরিত—“বিয়ে-বাড়ী”

যাদুক-হলুধনি, শব্দ-নির্নাদিত—“বিয়েবাড়ী”

শত নন্দ-খচিত—স্বপ্নাতপ-মণ্ডিত—“বিয়ে-বাড়ী”

উৎসব-রঙ্গনীর ছুরিজোজ-সম্বিত—“বিয়ে-বাড়ী”

এ ‘বিয়ে-বাড়ীর’ নিয়ন্ত্রণে সর্বসাধারণের উপস্থিতি একান্ত বাঞ্ছনীয়।

বন্ধুর বোঁ !

বন্ধুর বোঁ ! !

সাহিত্য-সংসারে যত রকম 'বোঁ' আছে, তাহার মধ্যে

বন্ধুর বোঁ-টি কি সুন্দর !

ইহার চাল-চলন গড়ন-পিটন হাব-ভাব কার্য-কলাপ
সবেরই যেন কেমন একটা নূতন বাহার ।

দেখুন দেখি, মুখখানি কি চমৎকার !

নববিবাহিতদিগের মধ্যে যিনি যত রূপসী বধুই গৃহে
আনিয়া থাকুন না কেন, তুলনায়, এ বিয়ের বাজারে

বন্ধুর বোঁটিই সবার উপর টেকা !

এমন রূপে লক্ষ্মী, গুণে সরস্বতী বোঁ ;—ওঃ, বন্ধুর কি বোঁর বরাত ভাই !

এবার 'বন্ধুর বোঁর সমালোচনা'—বান্ধব-মহলে একটা
অনাবিল আনন্দ প্রবাহ ছুটিবে !

'কমলিনীর' বিজয় বৈজয়ন্তী

এ বৎসরের উপহারের শ্রেষ্ঠ উপভাস

উপভাস-সম্রাটের প্রধান সদস্য—প্রথম শ্রেণীর ঔপভাসিক,

শ্রীযুক্ত ফণীন্দ্রনাথ পাল বি-এ প্রণীত

বন্ধুর বোঁ

নব চিত্রে মণ্ডিত হইয়া তৃতীয় সংস্করণ প্রকাশিত হইয়াছে

আপনাদের 'বোঁ' দেখিবার নিয়ন্ত্রণ রহিল,

লৌকিকতা গ্রহণে সঙ্কম জানিবেন !

‘কমলিনী সিরিজের’

পঞ্চম বর্ষের পাঠ্যক্রম ।

‘কৃত বক্ষঃস্থল, কিন্তু পৃষ্ঠে নাহি অস্ত্রলেখা !’

দীর্ঘ চারি বৎসরকাল নকল-নবীণ, ছিঙ্গা-বাগীশদের সহিত যুদ্ধ করিয়া বক্ষঃস্থল ক্ষত বিক্ষত হইয়াছে, কিন্তু পৃষ্ঠে অস্ত্রাঘাত চিহ্ন নাই ;— উপন্যাস-সাহিত্য-সময়ে ‘কমলিনী’ আজিও পৃষ্ঠে প্রদর্শন করে নাই !

১ এক টাকা সংস্করণ বলিতে একমাত্র ‘কমলিনী-ই’
উপস্থিত বর্তমান ।

অনেক হইল, গেল—আরও অনেক হইবে, তবে টিকিবে কতদিন ;—
টীকেস্ত্রাজিৎ তিন্ন সে কথা বলিবার সাধ্য কাহারও নাই । এবার
রুগশ্রান্ত ‘কমলিনীর’ বিজয়োৎসবের জন্ম

—কমলিনী-সাহিত্য-মন্দিরে—

সারাবৎসর—অনাবিল আনন্দ-প্রবাহ !

এ বৎসরের ১২ খানি উপন্যাস বেন, ১২ খানি হীরার টুকরা !

—পঞ্চম বর্ষের প্রথম উপন্যাস—

উপন্যাসাচার্য্য পণ্ডিত

শ্রীযুক্ত নারায়ণচন্দ্র ভট্টাচার্য্য বিদ্যাভূষণ প্রণীত

স্বামীর ঘর

‘অতি বড় ঘরনী, না পারঃঘর ।’

‘অতি বড় স্তন্দরী, না পারঃঘর, .’

প্রবাদ এইরূপ হইলেও অতি বড় দরের ঘরনী ‘পার্কী’ কিন্তু জীবনের
অবেলায় স্বামীর ঘরেই সংসার পাতিল ! ‘আর সন্দী !

সন্দী অতি বড় স্তন্দরী হইয়া শিবের মত বর, অথবা রাঘবের

মত স্বামী পাইল, সে বিচার আপনারা করুন ।

৫ খানি বহুবর্ণরঞ্জিত চিত্র ও ১ খানি দ্বি-বর্ণরঞ্জিত চিত্র

তার উপর প্রচ্ছদপটের অর্ধটপূর্ব-জীবন্ত-শ্রী দেখিলে, চক্ষে আর পলক
পড়িবে না । আ-মরি-মরি ! উপন্যাসের কি রূপ রে !

মূল্য ১ এক টাকা ডাকে ১।০ পাঁচ সিকা ।

• কমলিনী-সাহিত্য-মন্দির, ১১৪নং আহিরীটোলা ষ্ট্রীট, কলিকাতা ।

নতন ঐতিহাসিক নাট্যোপন্যাস 'রাজরাণী' ১ এক টাকায় ।

ধীর কটাক্ষ-ইক্ষণে দিল্লী-সিংহাসন, প্রলয়ের ভূ-কম্পনে চলিয়া উঠে,—যে
বঙ্গ-রমণীর বাহুবলে দুর্ধ্ব প্রতাপ অমিততেজা মানসিংহ
অপমানিত—পর্য্যদস্ত—পলায়ন-তারপর ;—ইনি সেই

লুপ্তিত পতাকাধারিণী ষড়ঋষ্যময়ী শ্রীপুরের রাজ রাজেশ্বরী—“রাজরাণী”
সাহিত্য-সম্রাট বঙ্কিমচন্দ্রের ভ্রাতৃশোভা—‘রাজপুত্রের মেয়ে’ প্রণেতা—

শ্রীযুক্ত প্রমথনাথ চট্টোপাধ্যায় বিরচিত

অভিনব ঐতিহাসিক নাট্যোপন্যাস,

রাজরাণী

নব-প্রণালীতে প্রস্তুত অসংখ্য রঙিনচিত্র যথিত হইয়া প্রকাশিত হইয়াছে ।

স্বর্গ-মর্ত্য দৈত্যপুর, জিভুবন ভরপুর—মন্দ মন্দ গন্ধ বহে ধীরে,

লুপ্তিত পতাকা হাতে কে যায় কে যায় ঐ, যশের মুকুট শোভে শিরে ?

এই বিজয় যশেন্দুহারভূষিতা রাজার ধরণী রাজরাণীটী কে ?

এমন মহিষমারী বঙ্গ-মহিলার বিক-বিমোহন অলৌকিক কার্যকুশলতার কাহিনী

এতদিন অন্ধকার-গহ্বরে লুকায়িত ছিল কেন ?—এ কথা আপনাকে

একবার ভাবিতেই হইবে ।

তার উপর চিত্র :—‘রাজরাণী’র রঙিন চিত্রের অঙ্ক

অধিতীর আলোক্য-বিদ্যা-পারদর্শী শ্রীযুক্ত নলিনকৃষ্ণ দাস

যে এক নতন পন্থা অবলম্বন করিয়াছেন, তাহা দেখিয়া প্রত্যেককে বলিতে

হইবে, এ হইল নব—সজীব—চলন্ত বায়ুঝোলের দৃশ্য প্রত্যক্ষ করিতেছি ।

স্বামী স্বাক্ষর আনন্দ !

আনন্দ করুন ! আনন্দ করুন ! আজি ফুলশয্যা !

আজি মিলনের দিন—বড় আমোদের দিন !

“আজি যথু মিলন বামিনী,

সখা পাশে সখী হাসে,—স্বখী পরাগী”

মিলন—মিলন—‘যুগল মিলন !’

স্বখের মিলন—সাধের মিলন—প্রেমের মিলন—প্রাণের মিলন—

‘যুগল মিলন’

এ মিলনে এতটুকু গরমিল নাই—

অবাধ—অনাবিল—অবিচ্ছেদী—মিলনানন্দ-প্রবাহ !

—যেন—

‘বিরহে নিখিল হারা—মিলনে নিখিলময় !’

কিন্তু এত উগিতার প্রয়োজন কি ?

প্রয়োজন আছে বৈ কি !

এবার শুভ-বিবাহের প্রীতি উপহার—‘যুগল মিলন’

বন্ধক’নের হাতে

ফুলশয্যার মধুময় যৌতুক

যুগল মিলন

৪ খানি নবচিত্র সংযোজিত দ্বিতীয় সংস্করণ !

লেখক—উপন্যাসাচার্য পণ্ডিত শ্রীনারায়ণচন্দ্র ভট্টাচার্য ।

চিত্রশিল্পী—শ্রীহেমেন্দ্রনাথ মধুমদার, শ্রীনন্দিনকুমার দাস ।

প্রকাশ-স্থান—কমলিনী-সাহিত্য-মন্দির ।

দাম—কেবল সুনামের আশায় রেশমী বাঁধাই ১২ টাকা

কমলিনী-সাহিত্য-মন্দির, ১১৪ নং আহিরীচৌলা ষ্ট্রীট, কলিকাতা ।

শাখা—৯৯ নং কর্ণওয়ালিস্ ষ্ট্রীট ।

মে-দোল মে-দোল দোলা, ছি ছি লাজে যরি,
না মারো কুছুম কালা, না মারো পিচ্কারী !

—•—

‘বছর বৌ’র পর সংখ্যা—গাঁটছড়া ?’

উপস্থাসাচার্য্য পণ্ডিত

শ্রীনারায়ণচন্দ্র ভট্টাচার্য্য শ্রুণীত

উপহারের উপাদেয় রূপবড়া

গাঁটছড়া

নবচিত্র সংযোজিত দ্বিতীয় সংস্করণ

ছেলেখেলার বিবাহ—ছেলেখেলার শিথিল গাঁটছড়ার বন্ধন ! তার পর একদিন যৌবন আসিল, কোথায় ভাসাইয়া লইয়া গেল সেই খেলা-ধুলার ঘর, ঘরকন্না সংসার ! রাখিয়া গেল কেবল তাহার ক্ষীণ এতটুকু একটু স্মৃতি ! জগদীশ্বর ! এই স্মৃতিস্মৃটুকু অবলম্বন করিয়া কখনও কি সেই সত্যলোকে পৌঁছিতে পারিব না ! কখনও ? কোন দিন ? তারপর আবার দিন আসিল, কিন্তু ভুল আর ভাসিল না, যুক্তি আর হইল না ; খেলার বাঁধন গাঁটছড়ার বাঁধন শিরায় উপশিরায় কসিয়া কসিয়া বসিয়া গেল ! কুহকিনী আশা ! আর কেন তোর সাধ অপূর্ণ রাখিব—আয়, আশা—আয় ! অমনি ছলনাময়ী আশা তালে তালে গীত গাহিল :—

‘নয় ত ছেলে খেলা, এ যে প্রেমের মেলা !’

অপূর্ব উপস্থাস—অশ্রুতপূর্ব ইহার ঘটনাবলী—অদৃষ্টপূর্ব ইহার বাহ্যিক, আভ্যন্তরিক শোভা সম্পদ ! দ্বিতীয় সংস্করণের জন্ম সমস্ত পুস্তকালয়ে তাগিদ আরম্ভ করুন ।

মূল্য ১/- একটাকা হাতে । ডাকে ১।০ পাঁচসিকা ।

কাপাইয়া রণস্থল—কাপাইয়া গঙ্গাজল,

নবাবের গোলা গর্জে শুড়ুম্! শুড়ুম্!!

আসুন নবাবসাহেব—আদাব, আদাব!

ইনি কে জানেন? নবাব মীরজাকর খাঁ সাহেব;

আল ঐ যে

জানাতলা ক-বর্তিকাধারিণী রমণীটী, বলুন দেখি উনি কে?

উনিই নবাব **মীরজাকর-মহিন্দা** "মণিবেগম।"

আমাদের সাহিত্য-যজ্ঞের হোতা—বর্তমান যুগের বেদব্যাস—চতুর্কোদের

অনুবাদক—পৃথিবীর ইতিহাস প্রণেতা—সাহিত্য-সাগর

অনীতিপর প্রবীণ ঔপন্যাসিক—শ্রদ্ধেয়

শ্রীযুক্ত দুর্গাদাস লাহিড়ী মহাশয়ের

শেষদান নবাব **মীরজাকর-মহিন্দা**

মণিবেগম

গভীর চিন্তা-বাথা-বিজড়িত—অভিশপ্ত—অশুভ রোগ যন্ত্রণাকাতর মুমুর্ষু নবাবের পার্বোপবিষ্টা, কে তুমি করুণার অলকনন্দা; মণিবেগম নর? মৃত্যুভাতুর নবাবের মুখে আর একপাত্র সিরাজী দাঁড়—দাঁড়? দাঁড়? আহা, কি বিষাদ-কাতর করুণ অনুতাপ! আচ্ছা, এ অনুতাপ না প্রলাপ? অকস্মাৎ নবাব চীৎকার করিয়া কাঁদিয়া উঠিলেন, সিরাজ! সিরাজ! বেহেশ্তের দেবতা! অমন করে আর ডর দেখিও না নবাবজাদা! আমি নকর, তুমি নবাব—গোলামের ভরজাতা, রক্ষকর্তা, রাজরাজেশ্বরের দেবতা। পার যদি সিরাজ, তোমার করুণার সপ্তসমুদ্রবারি দিচ্ছ, আমার কলক-কালিমা ধোত ক'রে দিয়ে ঐ যে, হিংসা, পাপশুভ হৃদয়ের সুখময় বেহেশ্তের এক কোণে—তোমার চরণতলে স্থান করে দিতে;—না না, বিশ্বাসঘাতকতা! আমি নই, আমি নই, মীরণ—আমার ঔরসজাত পুত্র মুরশমান কুলকলধ মীরণ! উঃ—অসহ!—এবার মীরজাকরের খরভঙ্গ হইল, সেই সময় লর্ড ক্লাইব সাক্ষাৎ করিতে আসিলেন। তাহার পর কি হইল, তাহার বিস্তারিত ইত্যাহার এবার পাঠকবর্গ 'মণিবেগমের' মুখে শুকুন।

২০০ ছই শতাধিক পৃষ্ঠার সম্পূর্ণ, প্রেক্ষাকারে কটোচিতরূপে রেশমী বাধাই প্রকাণ্ড উপন্যাস ১ টাকা। ডাকে ১।০

মাত্র ৪৫ দিনে প্রথম ও দ্বিতীয় সংস্করণের
৪০০০ চারি হাজার “প্রিয়া” কপূরের মত উপিয়া গিয়াছে।
আমাদের ৪র্থ বর্ষের প্রথম উপভাস, উপভাস-সিরিজের
৩৭ সংখ্যা—“প্রিয়ানু” ৩য় সংস্করণ প্রকাশিত হইয়াছে।

—:~:—

ভবিষ্যত বাংলার বনিকাছাদি ৩ রত্নিন লুপ্ত—
একখানি মিষ্ট মধুর সবস উপভাস—“প্রিয়া”

—:~:—

বহুমতীর সম্পাদক-চাণক্য—
ঔপভাসিক সত্যপীর—সাহিত্য-কুবের
শ্রীযুক্ত হেমেন্দ্রপ্রসাদ বোষ প্রণীত

প্রিয়া

পুনরায় নূতন চিত্র সংযোজিত হইয়া
তৃতীয় সংস্করণ প্রকাশিত হইল

হা প্রিয়া! হো প্রিয়া! প্রিয়ার সেই মুখখানি! কিব ব্রহ্মাও তন্ন তন্ন
কবিয়া খুঁজিয়াছি, কিন্তু সে মুখের আর জোড়া মিলে নাই। বহুর
দুর্গম অরণ্যপথে একা আমি! প্রিয়তমে? প্রিয়ে? প্রিয়া? কোথায়
প্রিয়া? কাকনা স্মৃতিবেদনা! সব মিথ্যা! ভগবান্! নাঃ,—আশা
মরীচিকা। নগ্ন বুল্য ১২ মাঃ। ১০ আনা।

কমলিনী-সাহিত্য-মন্দির, ১১৪ নং আহিরীটোলা ষ্ট্রীট, কলিকাতা।

শাখা—৯, কর্ণওয়ালিস ষ্ট্রীট।

